

ხალხური ლექსები და ზღაპრები

მეკრედილი
გიორგი ნათაძის მიერ

ს. ხუციშვილის რედაქციით

საბჭოთა მწერალი
19 თბილისი 50

შემკრებისაგან

ხალხის ზეპირსიტყვიერება ისეთივე სარკვე ხალხის სულიერი სახისა, როგორც მწერლობითი სიტყვიერება. როგორც მწერლობით, ისე ხალხურ ზეპირსიტყვიერებაში იხატება ხალხის ყოფა-ცხოვრება, მსოფლმხედველობა, მისი მისწრაფება, ხალხის თანდათანობითი სულიერი ზრდა და ეკონომიური მდგომარეობა. ხალხურ სიტყვიერებას, როგორც მასალას, ისეთივე მნიშვნელობა აქვს ხალხის ისტორიისათვის, როგორც მწერლობითი სიტყვიერებას.

ხალხური სიტყვიერება მდიდარი და დაუშრეტელი სალაროა ერის ენისთვის, მისი ბუნების, აგებულების განვითარებისათვის, სალიტერატურო და სასაუბრო ენის გასამდიდრებლად.

ხალხური ზეპირსიტყვიერება მდიდარია მაღალი მხატვრული ფორმებით, მუსიკალური გამოთქმით, სახეებით, რაც ძლიერად მოქმედებს ადამიანის სულიერ აღფრთოვანებაზედ, გონების განვითარება-სიცხოველეზე.

მრავალი ცნობილი მწერალი თავის ავტობიოგრაფიაში აღნიშნავს ბებების ზღაპრების“ დიდ გავლენას მის შემოქმედების სიცხოველეზე.

როგორც ჩვენს, ისე უცხოეთის მწერლობაში მრავალი უკვდავი ნაწარმოებია ხალხურ ზეპირსიტყვიერებაზე აგებული.

ხალხურ სიტყვიერებას დიდი აღმზრდელობითი მნიშვნელობა აქვს მონარდ თაობისთვის. ხალხური სიტყვიერების გაცნობით ახალგაზრდობა უახლოვდება ხალხს, მის წარსულს, ყოფა-ცხოვრებას, ხალხის სულიერ თანდათანობითი განვითარებას, ხალხის მისწრაფებას და მის დღევანდელ გონებითი დონეს, ეცნობა ხალხურ ცოცხალ ენას, მდიდარ მხატვრულ ფორმებს, ხალხურ პოეზიას.

ამ მიზნით ჩვენმა დიდმა პედაგოგმა იაკობ გოგებაშვილმა თავის პირველდაწყებით სახელმძღვანელო „დედა-ენა“-ში ხალხური სიტყვიერების მრავალი ნიმუში შეიტანა: „მოდო ენახოთ ეენახი“, „ტოროლა“, „ნიბლია“, „ირემი“, „კურდღლის სიხმარი“, „მგლის სიხმარი“, „ხარი“, „საწყალი დედაბრის მამითადი“, „ლიახვი“, „ჩიტი და მელია“, „ჭრიტინა და კიანკველა“, „მელია და მწყერჩიტა“, „გვრიტი“, „ავთანდილი“, „ერეკლე და პამაული“ და მრავალი სხვა.

ქართველი მოწინავე საზოგადოება ყოველთვის დიდ მნიშვნელობას აძლევდა ხალხური სიტყვიერების შეკრებისა და ბეჭდვის საქმეს. ყველა ქართული პერიოდული გამოცემა დიდს ადგილს უთმობდა და უთმობს ხალხური სიტყვიერების მასალის ბეჭდვას.

საგულისხმოა, რომ ჩვენი წინაპრებიც დიდ მნიშვნელობას აძლევდნენ ხალხურ სიტყვიერებას. საქართველოს მუზეუმში დაცულია ხელნაწერი-ქრესტომათია, შედგენილი XVIII საუკუნის ბოლოს არხ. ტარასისაგან

(ალექსი-მესხიშვილი). ქრესტომათიას ჰქვიან „ჩემი ჟურნალი“ (№ 1448 ႁ), შიგ არის მრავალი ცნობა საქართველოს და მსოფლიო ისტორიიდან, სამ-
ქვერმეტყველო რიტორული ნიმუშები (სიტყვები), სხვადასხვა ცნობები და
ხალხური ლექსები, თქმულებები, გადმოცემანი, ანდაზები და გამოცანები,
აგრეთვე ენის გასატეხი ან ჩქარა გამოსათქმელი ხალხური ნიმუშები. წიგ-
ნი დანიშნულია იმ დროინდელ ქართულ სკოლებში მოხარდ თაობის სა-
ხელმძღვანელოდ, აგრეთვე საყურადღებოა უცნობი ავტორის, მღვდელი
დიმიტრი ოქროაძის მიერ გადაწერილი ხელნაწერი (№ 346 H), მდიდარი
შინაარსით, წერილების გონიერად დალაგებით. ეს წიგნი შედგენილია
XVIII საუკუნის ბოლოში. იქაც მრავალი ხალხური ზღაპრებია, ლექსები,
გამოცანები, იგავ-არაკები.

ჩვენა აკაკიმ პირველმა მიაქცია ყურადღება ხალხური სიტყვიერების
მასალების სისტემატურად და ორგანიზებულად შეკრებას და ამისათვის
დააარსა სპეციალური ჟურნალი „კრებული“. „კრებულის“ პირველ ნომერ-
ში მოათავსა მიმართვა ქართველ საზოგადოებისადმი, მიექცია ყურადღება
და დახმარება აღმოეჩინათ მისთვის ხალხური შემოქმედების შეკრება-და-
მუშავებაში. თავის წერილში—„ზეპირსიტყვიერების გამო“ უყვდავი მგო-
სანი წერდა: „ქართველებს რომ დღეს სხვადასხვა საჭიროება გვაქვს და
აუარებელი საქმეც გვაწევს ტვირთად, ეს ვინ არ იცის, მაგრამ არც ერთი
კი მათგანი ისეთი სასწრაფო არ არის, როგორც ზეპირი გადმოცემების
შეკრება-შეგროვება... ხალხური პოეზია უტყუარი სარკვა, გადასული ცხოვ-
რებისა და ისტორიის მტკიცე საძირკველიო“ და სხვა.

ქვევით ცალკე მოყვან ბიბლიოგრაფიას ხალხური სიტყვიერების მა-
სალისა, რომელიც დაბეჭდილია ჩვენს პერიოდულ გამოცემებში.*

დარწმუნებული ვაო, ეს დიდი და საინტერესო მასალა ხალხური შე-
მოქმედების ზეპირსიტყვიერებისა, უსათუოდ, თავის დროზე ერთ დიდ კრე-
ბულად გამოიცემა, რაც ქართულ ლიტერატურაში დიდი განძი იქნება.

ამ საგანძურში მეც მინდა შევიტანო ჩემი წვლილი. ახალგაზრდობიდან-
ვე, ჩემი მოწაფეობიდან, ეკრებდი ხალხური სიტყვიერების მასალას. მასალა
შეკრებილია, განსაკუთრებით, დუშეთის მაზრაში, მთის ხალხში: ქაისხევეში,
ფშავეში, გუდამაყარში, არაგვის მთიულეთში, ქსნის ხეობაში და ხევეში.
ხსენებულ ადგილებში ბევრი მასალა შემოიკრიბეს და გამომიგზავნეს ჩემმა
გულითადმა მეგობრებმა, ფშავეში—ქრელო მოლოდინაშვილმა და მარო
ლომინიას-ასულმა წიკლაური-ქენქაძისამ, გუდამაყარში ნიკო სიჯინაშვი-
ლმა, ქაისხევეში ოლლა იოსების-ასულმა ინაშვილმა, მთიულეთში ნ. ბურ-
დულმა.

გ. ნ.

* ეს ბიბლიოგრაფია გ. ნათაძეს ამოუღია „ქართული ბიბლიოგრაფიი-
დან“ (პეტროგრადი, 1916, იოსებ ყიფშიძის რედაქციით გამოცემული). ამ
წიგნში აღარ გავიმეორეთ. რედ.

წინასიტყვაობა

წინამდებარე წიგნში თავმოყრილი მასალისათვის შემკრებს, საზოგადო მოღვაწესა და მრავალნამსახურ მასწავლებელს—გიორგი ნათაძეს „ხალხური სიტყვიერების კრებული“ უწოდებია. დიდ ხანს ხალხში სიარულისა და სხვადასხვა თანამდებობის შესრულებისას, გიორგი ნათაძეს, გზადაგზა ხალხური შემოქმედების მრავალი ნიმუში ჩაუწერია. ბევრი სხვაც დაუინტერესებია ამ მეტად კარგი საქმიან და კორესპონდენტთა ქსელიც ჰქონია მასალეზის შეკრებისა და აღნუსხვის მიზნით. ხალხური სიტყვიერების ნიმუშები ხუთ მომსხო საერთო და ორ პატარა რეველში შეუტანია, მათში დიდი და უმთავრესი ადგილი იმ კუთხის ხალხურ შემოქმედებას უჭირავს, სადაც შემკრებს ცხოვრება და სამსახური უზღებოდა. ეს არის ქართული მთიანეთი—ხევი, ფშავი, ხევსურეთი, ქსნისა და არაგვის ხეობანი. მასალეზშიც შიგადაშიგ არის ნიმუშები გურული, იმერული, კახური და ქართლური (ვაკის) ხალხური შემოქმედებისა, მაგრამ მცირე რაოდენობით. ამრიგად, გ. ნათაძეს რამდენიმე ასეული ფოლკლორული ფაქტისთვის მოუყრია თავი, მათში ბევრია ეპიკური ხასიათის თხზულებები და ლირიკული შემოქმედების ნიმუშები.

გ. ნათაძე მხოლოდ ხალხური შემოქმედების შეკრებით არ ყოფილა დაინტერესებული; როგორც ცნობილია, მას არა ერთი კარგი წერილი დაუწერია ლიტერატურის წარმომადგენლებისა და სხვათა შესახებ. („ალექსანდრე მიხეილის ძე ყაზბეგი“, საბიოგრაფიო მასალა, „მოამბე“, 1904 წ. № 10; „კოსტა ხეთაგუროვის უცნობი ლექსი“—„ლიტერატურის მატთანე“, № 1—2; „ალექსანდრე ყიფშიძის „დღიურებისათვის“ აღ. ფრონელის დღიურის პუბლიკაციით, იქვე, № 3—4; მონოგრაფიები დავით ბატონიშვილზე, იოანე ბატონიშვილზე, ქართველ კალიგრაფებზე; გამოკვლევა ქართული კულტურის კვალის შესახებ ჩრდილო კავკასიაში, ძველ ქართულ სახელმძღვანელოებზე. მოგონებები ს. მ. კიროვზე, ეგნ. ნინოშვილზე, ლადო კეცხოველზე...) ეთნოგრაფიული და ისტორიული ხასიათისა და სხვა. იგი ქართველთა შორის წერა-კითხვის გამავრცელებელი საზოგადოების აქტიური წევრი იყო და ძალ-ღონე არ დაუხარჯია იმ ბედუკულმართ დროში ქართველი ახალგაზრდობის გონებრივი აღზრდისა და განვითარებისათვის.

გ. ნათაძეს მხოლოდ რჩეული ნიმუშები კი არ შეუკრებია ხალხის ნათქვამისა და მხოლოდ საუკეთესოთა აღნუსხვა არ უსურვებია. მას, როგორცა ჩანს, კარგად ესმოდა ქართული ლიტერატურის დიდი მესვეურების—ილია ჭავჭავაძისა და აკაკი წერეთლის შეხედულებანი ქართულ ხალხურ შემოქმედებაზე: ყველაფერი უნდა აიკინძოს მომავალი თაობებისათვის გადასაცემად, როგორც გარდასულ დროთა ნიმუში, როგორც საფუძველი ახალი ცხოვრებისათვის, რომ ხალხის მიერ შექნილი დიდი სიმდიდრე, რო-

ტორი სახისაც არ უნდა იყოს იგი, უნდა დაგროვდეს და მეცნიერული შესწავლის საგნად იქცესო. გ. ნათაძეს კარგად შეუვნია ილია ქაჭკაეაძის მოწოდება: „მდაბიო ხალხის გონებით თუ სხვა“ საუნჯე მარტო იმის „ლექსებში ანუ პოეზიაში როდი გამოიხატება, არა,—საუნჯე უხვად დათესილი და დარჩენილია ისეთს ნაწარმოებებში, რომელნიც სრულებით არ ეკუთვნიან პოეზიის სფერას. ამგვარია, მაგალითებრ, ხალხის ჩვეულებანი, რომელნიც შეეხებიან ეკონომიურს და იურიდიულს ცხოვრებას“ (ტომი V, „ხალხის ჩვეულებათა შესწავლის შესახებ“). სწორედ ამიტომ, გ. ნათაძეც, რომელსაც საშუალება ჰქონდა თვალყური ედევნებინა ხალხური შემოქმედებისა და ხალხის ეკონომიურ-იურიდიული ცხოვრებისათვის, სხვა ნიმუშებსაც აგროვებს. გარდა იმისა, რომ ეანრობრივად მრავალფეროვანი და ხასიათით მრავალგვარი მხატვრული ნიმუშისათვის მოუყრია თავი, მის რვეულებში შეტანილია სხვადასხვა წეს-ჩვეულებათა აღწერანი, ეთნოგრაფიული მასალები და სხე.

გ. ნათაძეს მასალა შეკრების ადგილის მიხედვითა აქვს დაგროვილი, იქვე პატარა ისტორიულ-გეოგრაფიულ მიმობილვასაც აკეთებს ამა თუ იმ კუთხისა, იმ ხალხის ცხოვრებისა, რომლის საილუსტრაციოდ უნდა გამოდგეს ხალხური შემოქმედების ნიმუშები. მრავალი მასალა თვით მოუსმენია, ნაწილიც კორესპონდენტთაგან მოწოდებული შეუტანია კრებულში, რომელთა შესახებ შენიშვნებში არის მოხსენებული. სამწუხაროდ, ნიმუშებისათვის შემკრებს ყველგან არ მიუწერია მთქმელისა, ადგილისა, დროისა და სხვათა შესახებ, რასაც თანამედროვე ფოლკლორისტიები აღნიშნავენ. ეს მდგომარეობა ძიებურება იმ საფეხურს ქართული ხალხური სიტყვიერების შესწავლისა, როცა ჯერ კიდევ არ იყო ჩვენში ჩამოყალიბებული პრინციპული და მეთოდური საფუძვლები ფოლკლორისტიკისა. უმთავრესად და ძირითადში გ. ნათაძე იძლევა ნედლ, უშუალო მასალას, როგორც საფუძველს სხვადასხვა მეცნიერული დაკვირვებისთვის.

გ. ნათაძის მიერ შეკრებილ მასალებში, როგორც ეანრობრივად, ისე შინაარსისა და ხასიათის მიხედვით, მრავალფეროვანი ნიმუში არის შესული. ერთი და იგივე ხასიათის მასალა (თავისი აზრით და არა აგებულებით), მიხანშეწონილად ვცანით გაგვეერთებინა და ისე დაგველაგებინა, როგორც ეს არის აქამდე გამოცემულ ხალხური სიტყვიერების ნიმუშებში (აკაკი შანიძე, ფ. გოგიჩაიშვილი). ამის მიხედვით მასალა რამდენიმე დარგად დაიყო. ხალხური სიტყვიერების ნიმუშებში გვხვდება თემები ვაჟაკობა-გმირობისა, ისტორიისა, წარსული ეპოქის სოციალური მდგომარეობისა, პირველი მსოფლიო ომისა და სალდათობისა. ტრფიალ-სიყვარულისა, ოჯახური ურთიერთობისა და სხვა... ყველა თემა მრავალი ნიმუშითაა წარმოდგენილი. ცალკე ჯგუფშია წვრილი ოთხეულები და კერძოულ საკითხების შესახები თხზულებები, რომელნიც ზემოჩამოთვლილ თემათა რუბრიკაში არ შევიდა.

როგორც გ. ნათაძე აცხადებს, მასალის შეკრება მას დაუწყია მოწაფეობიდან. ამიტომ კრებულში არ არის წარმოდგენილი ჩვენი თანამედროვეობა. იმ დროს, როცა ქართველმა ხალხმა ახალი ცხოვრება დაიწყო ბოლშევიკური პარტიისა და თავისი საყვარელი შვილის—ლავრენტი ბერიას ხელმძღვანელობით, ამ მასალის შემკრები, გიორგი ნათაძე, უკვე მოხუცებული იყო და აღარ ჰქონდა საშუალება ხალხში გასვლისა და ჩვეული ხალხისით

მასლის შეკრებისა; ძველი ნაცნობები და კორესპონდენტებიც, რომელთაც წინასიტყვაობაში მოიხსენიებს, აღარ ჰყავდა. ამის მიუხედავად, მართალია მეტად მცირე, მაინც შეუტანია ანარეკლი ახალი ყოფისა.

გ. ნათაძე ზოგიერთ ნიმუშებს შენიშვნას უკეთებს და ამბობს „ზოგ ვარიანტი ასე სწორიაო“, მაგრამ ეს ვარიანტი მას მოცემული აღარა აქვს, ამიტომ აღარც შეაირისპირება და არჩევანი მოხერხდა. შეშვების მიერ აღბეჭდილი ყველა მითითება შენიშვნებშია გამოყენებული.

გიორგი გრიგოლის-ძე ნათაძე დაიბადა 1870 წელს სოფ. მერეთში (ყოფ. გორის მაზრა).* „ჩამომავლობით ქსნის ხევის მთიული ვარ, დაბადებით ქართველიო“—გადმოგვცემს მემუარებში. მისი მამა დიაკვანი ყოფილა. დედამისს სცოდნია ჭრა-კერვა, წერა-კითხვა, ეხერხებოდა საეკლესიო წიგნების თავისუფლად კითხვა და შვილის პირველი მასწავლებელიც ის ყოფილა. გ. ნათაძემ ბავშვობა გაატარა მუხრანში; სოფელში დაბადებული და გაზრდილი, მცირე ასაკიდან ისმენდა თავის მეზობელთა და საერთოდ ქართველ გლეხთა მხატვრული შემოქმედების ნიმუშებს. შვიდი წლისა სოფლის სკოლაში შეუყვანიათ, შემდეგ თბილისის სასულიერო სასწავლებელში და სემინარიაში. სემინარიაში სწავლისას, სხვათა მსგავსად, გიორგის კავშირი გაუბამს სასწავლებლის გარეშე არსებულ წრებთან, მონაწილეობა მიუღია ეგნატე ნინოშვილის მიერ ჩამოყალიბებული ჯგუფის მუშაობაში.

სემინარიის დამთავრების შემდეგ იგი მსახურობდა სოფ. აღში, მასწავლებლად, ხოლო 1894 წლიდან სტეფანწმინდაში, აქ მან რამდენიმე წელიწადს დაჰყო. სწორედ მაშინ შეაგროვა ფაქტიური მასალები ალექსანდრე ყაზბეგის ბიოგრაფიისა, აქვე ჩაწერა მან მეტად მდიდარი და საინტერესო მასალა მთხვეური ხალხური შემოქმედებისა. 1899 წლიდან იგი ცხოვრობდა კავკავში (ახლა ძაუჯიკაუ) და მსახურობდა 1888 წელს მიხეილ ხალის-ძე ყიფიანის თაოსნობით გახსნილ ქართულ სასწავლებელში. გ. ნათაძე ქართული სკოლისა და საერთოდ კავკაველი ქართული მოსახლეობის ერთგულ სამსახურში ჩაება და მონაწილეობა მიიღო იმ დიდ კულტურულ საქმიანობაში, რამაც ხსენებული სკოლა, თავისებურ კერად აქცია, რომლიდანაც წარმოიშვნენ ქალთა პროფესიული სკოლა, ადგილობრივი ქართული სცენა, მოზრდილთა საკვირაო სკოლა, ქართული ბიბლიოთეკა. გ. ნათაძე წერა-კითხვის საზოგადოების კავკავის განყოფილების მდივანი იყო, ამ ორგანიზაციის ირგვლივ თავს იყრიდნენ მაშინ იქ მცხოვრები მოწინავე ინტელიგენტები: იასონ ლორთქიფანიძე, ლუარსაბ ბოცვაძე, მოსე კალანდარიშვილი, პართენ გოთუა და სხვანი. გ. ნათაძისა და ქართველთა საზოგადოების სტუმარი ხშირად ყოფილა ოსეთის სახალხო მგოსანი კოსტა.*

მიუხედავად იმისა, რომ გ. ნათაძეს იმ დროს ეკლესიის მსახურის ტან-

* და არა მუხრანში, როგორც ეს აღნიშნული იყო ნეკროლოგში, იხ. „ლიტერატურა და ხელოვნება“, 1946, № 30.

** კავკავის ქართული სკოლისა და მის მოღვაწეთა შესახებ მოთხრობილია არკ. ხუნდაძის წიგნაკში „ლუარსაბ ბოცვაძე“, ჭომლის დაწერისთვის ავტორს გიორგი ნათაძის მოგონებებიც აქვს გამოყენებული.

საქმელი ეცვა, მაინც მონაწილეობა მიუღია ქართული სცენის საქმიანობაში, დახმარება აღმოუჩინია როგორც ადგილობრივ სცენის მოყვარეთათვის, ისე თბილისიდან ჩასული პროფესიული მსახიობებისათვის, საგასტროლოს რომ ეწვეოდნენ კავკაველ ქართველებს. მსახიობი ნიკო გვარამია „თეატრალურ მოგონებებში“ წერს: „კავკავში ჩასვლისთანავე ჩემმა მეგობარმა მითხრა; სირცხვილი იქნება, რომ აქა ვართ და მღვდელ ნათაძეს სახლში არ ვეწვიოთო. მართლაც წავედით ნათაძესთან. იქ დაგვხვდნენ იქაური ქართული სკოლის მასწავლებლები და რამდენიმე ინტელიგენტი... ნათაძე კავკავში ცნობილი იყო, როგორც მოწინავე ინტელიგენტი საზოგადოებრივი საქმეების დიდი დამხმარე და ორგანიზატორი. ამ ნათაძის მეცადინეობით იყო კავკავში დაარსებული ქართული სასწავლებელი, სადაც მოთავსებული იყო თეატრის შენობაც. ნათაძეს დიდი გავლენა ჰქონდა კავკავის ქართველობაში. ეს ის მღვდელმსახური იყო, რომელიც წირვის დროს მრევლს მოუწოდებდა, ამაღამ ჩვენ თეატრში ქართული წარმოდგენა იმართება და უსათუოდ დაესწართო! ეს ისეთი მღვდელი იყო, რომელიც თეატრს ყოველთვის მაღლა აყენებდა, ვიდრე ეკლესიას! ნათაძეს ესმოდა, როგორც ჭეშმარიტ ქართველს, რომ კავკავში გადახვეწილი ქართველებისათვის თეატრს და სცენიდან ნათქვამ სიტყვას დიდი კულტურული და აღმზრდელობითი მნიშვნელობა ჰქონდა. ამ დიდ საქმეში ნათაძეს ყოველთვის მხარში ედგნენ ქართული სკოლის მასწავლებლები: ნიკო კურდღელაშვილი (ნარ-კანი) და ელო ანდრონიკაშვილი (შეჰდეგში ქართული თეატრის მსახიობი)* კავკავის ქართული სკოლა და სცენა ჩრდილო კავკასიის სხვადასხვა პუნქტებში (არმავირი, მინერალური წყლები, ნალჩიკი, მოხდოკი, ალაგირი, გროზნა) მცხოვრებ ქართველთა კულტურული ცენტრი იყო. ქ. შ. წ.—კ. გ. ს. კავკავის განყოფილება ამარაგებდა იქაურ ქართველებს ყველაფრით.

სამოქალაქო ომის პერიოდში, ჩრდილოეთ კავკასიაში, თეთრგვარდიელთა ბანდების ბატონობის დროს ბევრი ქართველი ბოლშევიკი აფარებდა მის ბინაში თავს. საბჭოთა ხელისუფლების დამყარების შემდეგ ჩრდილოკავკასიაში, გ. ნათაძე კიდევ დიდხანს განაგებდა ქართულ სკოლას. 1930 წელს გადმოსახლდა თბილისში, მუშაობდა საქართველოს სახელმწიფო მუზეუმში, ხელნაწერების განყოფილებაში, უკანასკნელი ექვსი წლის განმავლობაში კი ლიტერატურულ მუზეუმში მეცნიერ თანამშრომლად. დამსახურებისათვის გ. ნათაძეს პერსონალური პენსია ჰქონდა დანიშნული. გ. ნათაძე გარდაიცვალა 1946 წელს, დასაფლავებულია ვაკის სასაფლაოს ქართველ მოღვაწეთა პანთეონში.

ბ. ხუციშვილი

* გვ. 200—201.

საგმირო-საჰაშკასონი

1. ა მ ი რ ა ნ ი

ამირან მღევი შაიბნენ,
მთებსა გაჰქონდა გრიალი.
დასცა და ბეჭი მოსტეხა,
ადგილი დახვდა ქეიანი.
— „აცა, ამირან, ნუ მომკლავ,
ნუ გინდა ჩემი ზიანი,
წყალს გაღმა ქალსა გასწავლი,
ამომავალი მზე არი.
წადი და წამოიყვანე,
სახელათ ყამარი არი.“

2. მ ი ა მ ბ ე, ს ი ხ ი ს ნ ა შ ა ლ ო

მიამბე, ციხის ნაშალო,
შენ რა დრო გამოგივლია.
აგებული ხარ ვისგანა,
ან ვისგან ჩამოშლილია?
შენი კალთა და გვერდები,
რომ სისხლით გადასვრილია,
ხევსურეთს ვინ ინახევდეს,
შენთან ვის ედგა ქირია?
ერთ სიტყვაი თქვა ციხემა
მეტადაც გასაკვირია:
„ნაგებ ვარ შალვაისაგან,
მედგა რკინისა ძირია,

სისხლისღვრა, შვილდის კეხანი,
მე ბევრი გამომივლია.
მტერ მყავდა მე უთვალავი:
მახმად, ვილაცა გმირია.
მებრძოდა, ვერას მაკლებდა
ზურაბ, ერისთვის შვილია.
გამტეხა შიგნით ლალატმა,
ეხლაც ამისთვის ვსტირია.
ხევსურეთს მაგრა იცავდეს,
შვილდს აჩქამებდეს გმირნია,
დღე-ღამე მყარაულობდეს,
გმირთა იბრძოდეს გალონი,
წინაპართ სისხლის დენისა
წითლად დიოდან წყარონი.
მრავალ დრო გამოიარეს,
დაწნეს თავის წილ კალონი.
მტერ მყავდა დაუთვალავი,
როგორც ვარსკვლავი ცისანი.
ხევსურ ყოფილან ცოტანი,
გვარად არ იყვნენ ცუდანი.
მაშინ არ იყო თოფები,
ქყოდნენ შვილდნი რქისანი,
იცავდეს თავის ქვეყანას,
მკვლავნი იბრძოდეს გმირთანი,
სისხლი მინდორზედ დიოდა,
რუნ ივსებოდნენ წყლისანი,
იბერტყებოდეს კალთანი,
ჯაქვისა ჯავშანისანი.
მშვილდს არ უძლებდა ისარი,
ვადან ცედებოდნენ ხმლისანი.
თითო ოროლა ნაკრეცი
ფურცხვისა მაკრატლისანი,
ჩამოდოდეს ნამტერევენი
ციხისა ჩარდახისანი.
ჩაჩქან ხედებოდეს თავზედა,
გულ მაგრა იდგეს ქვისანი.

·ომის კარს წარბ შეუხვრელის
ვაჟისა კაბუჯისანი,
·ხმა მალლა სკექდეს დროშანი,
თაე-თავის ხეთის შეილისანი.
იმ შურის ციხის ქვაზედა
ვითაჯერ წითლის ქვიშანი,
გაივსის აკლამისანი,
მკედარს არ გასწვდიან მიწანი,
·ხან მეაც გავიმარჯვიდი,
ველიტე ლაშქარნი მტრისანი.
ალარსად მოდის ძგერანი
ჯიხო კიოხით რქისანი,
ვეფხვო, შენ ნუმც დაბერდები,
იქნეს გლარჯანი ბწყლისანი.
დაბერდა გუდანის ჯვარი,
·ხმან შეეცვალნეს ვითარი,
კოპალამ კარატიონმა,
ქოთან რა უყო ქვისანი.
·ხელთ ლახტი აღარ აქვისა,
ან კოკობ ნავთის წყლისანი.
·რად მაირიედ იღბალი
იმ რუსის ხელმწიფისანი.
·მარიგის კარზედ შეხვედით,
თვალნ იხალევით ხეთისანი.
მასთხოვეთ მარიგეს ღმერთსა,
სისხლ ახვეწინით გმირთანი.
აგებ დაგეძრათ ბაგენი,
ხელნ რო აგესხათ ყმისანი.
ჯარებ მიუდის რუსებსა
·თქვენის ნარჩევის ყმისანი.
მიდიან ზღვას იქითია,
·სრულნი ოც-ოცის წლისანი.
თქვენ მოძმე ბაგრატიონი
ერეკლე ნამეჟარია.
სამზეოს აღარ გამოვა,
საყმოს მოავლოს თვალია.

შასწუხდეს რუსის ხელშია.
მაგის ერთგულნი ყმანია.
ალარ იბარებს ხევსურთა,
აივსას მეფის კარია.
ალარ დავ ქალინდაური,
ბეგენგორს მეომარია,
არც ხინჩლა ბაბურაელა,
მაგის მოკლეა ხმალია.
მარტიამ მისჯრაულმა
დაყარა საომარია,
თორღვა, რომელი ყოფილა-
ეგ ლაშქართ წინამძღვარია,
ბევრჯელ ჩაუძღვა ხევსურთა,
ვით ჯარებს აფიცარია,
ა ეხლანდელსა ვაჟებსა
ისინი სჯობან მკვდარია,
დაიცვეს თავის ძალითა
ეს ხევსურთ მთა და ბარია,
ვითაჯერ კარი გატეხეს,
ვითაჯერ ბელაქანია.
ვითაჯერ მითხოს ჩავიდნენ,
არ სწვდების წვიმის ცვარია,
ხევსურეთს გადმოლალიან
მითხოველთ ქარაევანია.
ჩვენ, ნამყოფთ რუსის ხელადა,
რად გვინდა ხმალი, ფარია,
არც დიდი გვინდა თოფები,
ომის დროს მოსახმარია.
თავის ვაჟობა ვაჟაკმა
ვერსად დაცადოს, ბრალია!
ღმერთო, აგვიხსენ ხელები,
რომ ვცადოთ ჩვენი ძალია.
ბატარა ხევსურიშვილი
არს ამის მალექსარია,
მიყვარს წინაპართ ანდერძი,
მემრ იმათ ნაომარია.

3. მემხპარის ლექსი

თუ მკითხავ, ამბავს გიამბობ,
ამბავსა სიმართლისასა,
გულს დასწოვს ვაჟკაცისასა.
აყრილს ამბობენ ლაშქარსა
ურჯულოს ქისტებისასა;
გროზნისკენ დაბრუნებულან,
ქვას მამტვრევენ კლდისასა.
ქისტი ქისტს ეუბნებოდა
ცხერისასა მეცხვარისასა.
მეცნე მიუვა მწყემსებსა,
მზეს ეფიცება ხეთისასა.
ცხვარი აჰყარეთ, მწყემსებო,
წყალს გავსცდეთ ქვენა მთისასა.
გოგამ სთქვა ხარხელაურმა:
ვაი, დედის ჩემის მტრისასა,
მე თუ აქედან გავიქე
ნუმცლა დავლახავ მიწასა.
დაგვეცნენ უდრო უდროთა,
ცხვარ მიდის ფარეხისასა,
გავხედეთ—მააბნელებდა,
ფურცელსა ჰგავდა ტყისასა.
ეგრე ტყვრებოდა თოფები,
ტოტებს ჩამოჰყრის ხისასა.
აცათ, ძაღლებო, ქისტებო,
ხანს რათ არ მაცდით ცდისასა.
არც კი გემოზე მე გაქმევთ
ხორცსა ამ ჩემი ცხერისასა.
წინ გადაუდგა გოგია,
პირს დაიბრუნებს მგლისასა.
შვიდნი დახოცა ერთბაშად,
ელვასა ჰგავდა ცისასა.
მერე დაგვიკრეს გოგისა,
ვაჟკაცი დასცეს მიწასა.

აქა ჰყავს ბუბუნაური,
 მზეს ჰფიცვენ ერთურთისასა.
 გიორგიმ ზატორს მოსწია:
 ქისტო, შენ დაგდებ ლიშანსა.
 ქისტი ქისტს გამოსძახოდა,
 სახელს ეტყოდა მუსასა:
 — ადგი, წავიდეთ, მუსაო,
 ვერას გავიგებთ გზისასა.
 მუსაი ველარ წამოვა,
 დაბლა მტვერსა ჰლოკს, ქვიშასა..
 ეს რომ გაიგო პირიმზემ,
 ტალღას შემოჰბერტყს ზღვისასა..
 „სამ სამი დაუხოცნია,
 მიმდევსა იუღისასა.“
 გაალო სამოთხის კარი,
 ჯვარსა სწერს სამებისასა.
 ზაფხული მომიხაროდა,
 წასვლა მინდოდა დისასა.
 მომიგონებდეთ, სწორებო,
 რომ მიხოლთ ერთურთისასა.
 საქანზე თავი დასდევით,
 ჯვარი დასწერეთ ხიზანსა.

4. ი თ ი უ რ ი ძ ე

ჭონთიოს ითიურიძე
 შინ ვერ ათენებს ღამესა,
 იწროთ დაღბანდავს ხუნჩასა,
 გზა შორის გამხანებელსა.
 მოკლე-მოკლეთა შაჰბოქავს
 ქალასა ქვა-ხიდისასა.
 საშუალამოდ ესტუმრებ
 ქალასა ანდოტისასა.
 ქალ ყელზე ჩამაეხვევა,
 დაჰკოცნის ორსავე თვალებსა:

— ქალის იმედო, გარაო,
მარტო რად დახვალ ამ დროსა?
შენ რომ მტერმ ზიან რამ მოგცეს,
ქალ, არ ვიცოცხლებ თავსაო,
წავალი, წყალსა გავეყები,
წყალსა მაგ არდოტისასა.

— გარა მოუყედეს დარციალს,
თუ მტრისა ჭამოს ჯაერია,
ღამე ბნელი სჯობს სავლელად,
თუ ვაჟკაც გულიანია.

5. შაჟინს მოვიდა ხოხობა

შატილს შოვიდა ხოხობა,
სახლებ შეიყარ მხარზედა,
შეიდი დაზარდა წიწილებ
ახადელთ მუქარაზედა.

შეიდსავე უყიდა ხირიმებ,
შეიდსავე დაჰკიდა მხარზედა.
შეიდსავე უყიდა ფრანგულებ,
შეიდსავე შეარტყა წელზედა.

ხოხობამ შეიღებ გაისტუმრ,
შეიდივე დაარიგ კკვაზედა:
— „შეიღებო, მიხვალთ საომრად,
ფრთხილად იყავით გზაზედა.
ახადს გოდერძის ციხეო,
გაბია რკინის კარია,
მოგდიან შატილთ ბიჭები,
შეიდნივე გულ მაგარია.

ციხიდან გამოიყვანეს
გოდერძის თამარ ქალია.
სტიროდა გოდერძის თამარ,
კრემლი სდიოდა ცხარეა,

წამოიყვანეს შატრისა,
მაატირებდნენ გზაზედა:
წინ ვაჭი შეჴოყვარათ,
თხის ტყავი ეცვა ტანზედა,
დადგა და კითხვა დაუწყო:
— სიტყვა მითხარით წამზედა,
ეს ქალი საიდან მოგყავო,
ცრემლი რო მოსდის თვალზედა?
— ეს ქალი მოგვეყავს ახადით,
შატრის უნდ დავსვათ ჯარზედა.
მან უთხრა:—ველარ წაიყვანთ,
მოყმე სხვა დაგვხდა გზაზედა....

შვიდთ იმათ, მარტო იმანა
ხმალეზი დაძრეს წამზედა,
მგლებურად წამოაურბინა,
თავეზ დააშორ ტანზედა,
შვიდსავე დასქრა თავეზი,
მკედრეზი დააწყო გზაზედა.
აქყარა იარალეზი,
ლერწამს აისხა ტანზედა.

თავის იარალ ქალს მისცა,
უთხრა:—დავ, გასწი გზაზედა.
ერთმანეთს გამოეთხოვენენ,
ცრემლი სდიოდათ თვალზედა.
— მამას უთხარი, გოდერძის,
მოყმე შემოგვხვდა გზაზედა,
შვიდსავე დასქრა თავეზი,
დაყარა შარა გზაზედა.

თავის იარალ მე მომცა,
ქალმა ავისხი ტანზედა,
იმათი სახსენებელი
მოსპო ამ ქვეყანაზედა.

6. მაღლიათ მოვლენ ღრუბელნი

მაღლიათ მოვლენ ღრუბელნი
გორებზე დაეკიდება.
ჯავრს ნუ მიუშვებ გულზეცა.
გულს ჟანგი მოეკიდება.
ჯავრის მიმყოლსა ვაჟკაცსა,
რა კარგი წაეკიდება?
ჯანი და ღონე წაუვა,
გმირობა გაეყიდება,
ასადგომ ნელად აიწევს,
არგანზე დაეკიდება.

7. გმირები

იკითხავ ქანთის ტერელო:
პირიქით ვინა კაი ყმა?
ქანთიოს არის დარცალი
კარები ფოლადისაო.
პელოში—ზურაბთ გიორგი,
გულ-რკინა ფოლადისაო,
დაქივრთას—მოზაიძეი,
გალავან აღმასისაო.
გირევს—ხოსიკურთ ივანე
დიჩინი დულბანდიანი.
ფარსმაში—ავის ალუდა,
კოშკია სიმავრიანი.
ქეშოს—აბალოს დავითი
ხმალია პირი-ფთიანი.
დანოს—სულაკის თათარი,
პურ-წყალი თუშეთისაო.
კვავლოს—თოლიძე გიორგი,
შიშია შორის მტრისაო,
დართლოში—თადიაური
სუ თავი დართლოელთაო.
ჩილოს—ქაზნიძე მეშველი
ხელმწიფის დროშაიანი.

8. უპავცებისა და ქისჯების ბძძოდა

ნურც გათენდება ტიალი
ორშაბათ საწყინარია,
სამშაბათ გადმაუმტვრევაგ
ჩენი სამშობლოს კარია.
კაცნი მავიდენ ბაჩალში:
„ქისტებ გარეკეს ცხვარია.“
ჯღუგას და აჩოლაურსა,
ნუმცა ჰყოლია ცხვარია,
მაგათი ცხვარისათვინა
დაბრუნდა ცოდვა-ბრალია.
დაერჩევიან ბაჩლითა
ოთხნავ მეომარ ძმანია,
წინ მირბის ნაკვეთაური
ქორ-შავარდენი ჩქარია.
უკან გამოჰყვა ბერიძე,
შვიდი წლის ნაჩობნარია.
მესამე მკედლურ გამოჰყვა,
გულდინჯი, ომში ცხარია.
ჯაბაური წინ გარბოდა:
— არ ვქამოთ მტრისა ჯავრია..
საქისტო გორზე აღიან,
აქ უფრო მოკლე სავლია.
შემოხდენ მთაწმინდაზედა,
მთებს შემოავლეს თვალია.
ერთმანეთს ეუბნებიან:
— არ მაუტანავ კვალია?
— აგერ, აგერა, ბიკებო,
ფადლაურაზე ცხვარია.
სანგლებს დაუწეს კეთება
საცა ცუდ გასავალია.
— ნუ უღალატებთ ერთ-ერთსა,
ძმურად უქიროთ მხარია.
ჩავხოცოთ ქისტის შვილები,
მკვდარზე შევყაროთ მკვდარია..

დავბრუნდეთ სახელიანი,
დავაყრევინოთ ცხვარია.
სადილობისას გადმოჩნდა
ჯღუგაის ვაცის რქანია,
მოუჭეჩებენ ვაცებსა,
ზარებს გააქვის ჩქამია.
— სად მიხოლ, ვაცო ტიალო,
რად აგერივნეს გზანია?
ესროლა ნაკვეთაურმა,
ქისტ გამოგორდა მკედარია.
— დედა გიტირე, რჯულ ძაღლო,
ეხლაც გარეკე ცხვარია!
ქისტებმაც სროლა დაუწყეს,
რომ ნახეს თავის მკედარია.
'შუაში შამოგვეყარნეს,
როგორც ფარებში ცხვარია.
რას ვიზავთ სამი-ოთხ კაცნი,
უთვალავი ჩანს ჯარია,
მთაწმინდას ცხარე ომია,
ტყვია წვიმს, როგორც წყალია.
— გვიშველე, თამარ მეფეო,
დაგვექირდა შენი ძალია.
არც თუ შენ გზურავს გვირგვინი,
არც ლაშარელი ხმალია.
— ნუ მიწყენთ, დალოცვილებო,
ჩემ სიტყვა-პირის წყაღია.
ჩახოცეს ბატკნებივითა,
გაქანდა სისხლის ღვარია.
ხელნ დასკრეს ნაკეთაურსა,
არ შეარჩინეს ვალია.
ხელნ რაღას სკრიდი, რჯულ ძაღლო,
რაღას გიზავდათ მკედარია?!
ეცადნეს ფშავლის შვილები
სანამ დაცალდათ ხანია.

9. უშაპცინს და ვეშხვინს ბაძოლა

ვატკაცმა, პირშიშველამა,
მოვინადირე, დავლახე
ბილიკნი, კიოხისანი,
თოფ დავეკარ ჯიხვსა ბეხელსა,
ქალას „ჯახ“ იქმნეს რკისანი.
შემოულამდა მოყმესა,
კარ ვერ გაიხვნა გზისანი.
წინ ვეფხვი შამოეყარა,
თვალეზი ჰქონდა მრისხანი.
შაიბნენ ვეფხვი და მოყმე,
შაიძრა დედა-მიწანი.
მთელი დღე ისე იბრძოლეს,
დღე დაუბნელდათ მზიანი.
გაზით გახივა კალთანი
ჯაქვისა ჯავშანისანი.
ფარსა იფარებს, ვერ ფარავს,
ნადირ ჩქარია კლდისანი.
მოყმემაც ხელთა იყარნა
ვადანი თავის ხმლისანი.
იმ დროს გაუქრა ფრანგულმა,
ხან იყო წაქცევისანი.
ვეფხვი კლდეს გადაეკიდა,
გადააწითლა ქვიშანი.
მოყმე კლდის თავსა შემოწვა,
საწყალ, სულ ამომდინარი.
კლდესა შაღებამს სისხლითა
პირთავზე ჩამომდინარი.

დაიარება დედაი

საწყალი თვალ-ცრემლიანი:

„ჩემ შვილს გზას ვეფხვი შაყრია
გაჯავრებული, ტიალი.

არც კი ვეფხვ შახვდა ჯაბანი,
არც ჩემ შვილ იყო ჰკვიანი.

ეხლა კი აღარ გიტირებ,
არა ხარ სატირალია,
სწორშია, ლაშქრობაშია
არ იყო საწუნარია.
ხან იტყვის: „ნეტა უდედოთ
გაზრდა ვინა თქვა შეილისა?
ვინ იცის, ვეფხვის დედაი
იქნება ჩემებრ ტირისა.
ჩავეპარები წყეულსა
სამძიმარ ვუთხრა შეილისა.
ისიც მიაპობს ამბოვსა,
მეც უთხრა თავის შეილისა,
იმასაც ბრალი ექნება
უწყალოთ დაკოდილისა“.

10. ვაქკასი

მტერსა რომ მტრობას უწევდეს
— ვაქკასის შესაფერია.
ვისაც მტრის მტრობა აშინებს,
ქვეყნად ის არაფერია.
არც მოუხდება აბჯარი,
არც ომში წასასვლელია,
არც ვაქკაცებში ხსენდების,
არარად ჩასათვლელია.
უნდა გაზარდოს დედამა
ვაჟი მტრის გამჯაერებელი,
აუგის მთქმელი არ იყოს,
არც ფეხის დამწუნარებელი,
არც აშინებდეს სიკედელი,
სიცოცხლის გამმწარებელი.

11. დევები და იახსარი

შაიყრებიან დევები,
სადაც დიდ მეიდანია,
ჯაარიგებენ იმასა,
ერთ-ურთ უჭიროთ მხარია,
ღვთის შვილთ მოუკლათ კოპალე,
თავში დაუცნეთ ქვანია.
გაიგეს ესა ღვთის შვილთა,
ჩაგზავნეს იახსარიო,
ცხრა დევს, რომ დედა ჰყოლიყო
ცხრათა გამზრდელი არიო,
ცხრანივ იმაში ჩახოცნა,
თავს დააქცია ბანიო,
მეთე თავქა გაიქცა,
თან ჩაჰყვა იახსარიო,
იმასაც კარგა სცოდნიყვნენ
საბაზალეთო გზანიო,
უძირო ტბაში ჩავარდა,
თან ჩაჰყვა იახსარიო.
იზიდნა, ვერ ამოვიდა,
ჩისხლით გაებნეს გზანიო,
იმის ყმათ ბევრი ეძებეს,
ოთხრქა, ოთხყურა ცხვარიო,
მოიყვანეს და ჩაუკლეს,
ამოვა იახსარიო.

12. ხვედია გუდამაყარი

მოდის, ლექსი ვთქვათ, ბიქებო,
ლექსი კაისა ყმისაო,
ხვედიას გუდამაყრელსა
ერთი არა სჯობს ცდითაო.
ოსმალში თათარს აქებენ
თარაქამაის შვილსაო,

აქებენ მაგის ლურჯასა,
მუხლი აქვს ნიაფკრისაო.
ეტყოდა ამხანაგებსა
დაეყუეთ ალაზნის პირსაო,
მეცხვარეები მოდიან,
ბარჯი ავილოთ ცხვრისაო.
ხვედიას შემოეყარნენ
გუდამაყრელის შვილსაო:
— ეგ ცხორი მოგვე, ხვედიაგ,
თორე მსხვერპლ გაგხდი ხმლისაო.
ხვედია შემოუბრუნებს
მგელივით ლეგა პირსაო,
დაადგა თოფის ლიშანი
მარჯვენა ძუძუს პირსაო,
ლეგაის თოფი გაეარდა,
თათარი დასცა ძირსაო.
„თორმე ჭი მახკალ, თათარო,
ახლა ხომ მოგხვდა კკვისაო!“
მალლა ღმერთს ეყურებოდა
ტირილი მაგის დისაო,
ჩვენ ყარამანი ვინ მახკლა,
ხელი ვინ კადრა გმირსაო!

13. მიხას სიკვდილი

ამოთქვი, ამოიოხრე,
რა ენას ადგამ კბილსაო!
ფიქრები თავის გულისა,
თავის ძვირფასი ძმისაო.
იმ დროსა ვნახე სიზმარი,
ნაპირ გაიხსნა ცისაო.
შემოსულიყო მტრის ჯარი,
როგორც რომ ფარა ცხვრისაო.
მიხაი გეყავის ჯიელი
ფასია გომეწრისაო.

მაღალი, კაი ტანადი,
ხნით ოცდახუთი წლისაო,
საცა გაუელის, გაუქრის,
იმედი აქვის ხმლისაო,
და უდრის ბატალიონსა,
თუ მტრულათ დაუხედისაო.
მაგრამა ღმერთმა დასწყევლოს.
ტკბილ სიტყვა თავისისაო.
„სალდათში უნდა წახვიდე,
სხვაც მიდის შენის ხნისაო“.
„წავალ“, მიხამაც იფიქრა,
„ნება მექნება გზისაო!
დავბრუნდე შუა გზიდანა,
ჯავრი ვიყარო მტრისაო“.
თოფ აიყარა, დაიწყო
წმინდა ნაბიჯი გზისაო.
გაშინჯა მიდამოები
ტიალი თვალივისაო.
ეგრემც ღლე გასთაყებია
მამაძალ შანიძესაო:
იმან უბრძანა: „შაკონეთ,
მაგას მუხლი აქვს მგლისაო.
ეგ ისე დაგვექარგება,
როგორც ვარსკვლავი ცისაო“.
მიხას, მაშინვე, უფროსმა
ხელები გაუკვრისაო,
როცა გასცილდნენ თვალივსა —
ხანია სიკვდილისაო,
გიორგი, აქიმის შვილმა,
უწინ თოფ გადიხნისაო.
წინ-წინ მან დაჰკრა პირშია,
კისერში გავარდისაო,
გადაიწივის მიხამა,
ისავაც გამაგრდისაო.
მერე ესროლეს ზალპითა,
ქუხილი იყო ცისაო.

მანამ არ დაჰკრეს მეთე,
მოკვლა ვერ უყვეს ცხრითაო,
ჩაფარი გაიძახოდა:
„ღირს იყო სიცოცხლისაო.
გული სდებია რკინისა,
ფილტვები ფოლადისაო.“
რკინის გულ მაშინ გენახათ,
ნება ჰქონოდა ცდისაო,
ხელში სჭეროდა ტურეცკი,
ნამართი თათრებისაო,
ხანჯარი ქრისტიანული,
პირი აქვს აღმასისაო:
ვაი, რა ძნელია სიკვდილი
ხელ შეკონილი ყმისაო!

14. გოგონიშვილის გვირგვინი

საწყალსა კილურტელებსა
თავს დაეცა ლეკის ჯარი,
ზოგსა მძინარეს მოასწრეს,
ზოგმა დაუქეტა კარი.
ძროხა და ღორი გაწყვიტეს,
რიყესავეთ ყარეს ცხვარი,
თან წაასხეს ქალი, რძალი.
მუხრანში რომ ჩაიყვანეს,
დაუცალეს ზარბაზნები,
მუხრან ქვევით გორგიშვილმა
სასიკვდილოთ დასდო თავი,
ლეკს დამბაჩა გამოსტაცა,
სისხლით შაუღებდა მხარი.

15. ე რ ე კ ლ ე

ერეკლე, ჩვენი ბატონი,
ერთი პატარა კახია,
ჯაჭვის პერანგი ჩააცვეს,
გაპკრა ხელი და გახია.
რაც უყო ლეკ-ოსმალებსა
ალაღია და ახია.

16. ა ღ ე ქ ს ა ნ დ რ ი

მეფის შვილმა ალექსანდრემ
შაიყარა დიდი ჯარი,
დედამიწას უმძიმდება,
ფოთოლს ანძრევს ფეხის ქარი.
მე რომ აქ ომი გადამხდა
მეფე ერეკლეს დროსაო,
ერთ თათარს წამოვეწიე
სახელად ერქვა მუსაო.
მომიბრუნდა და ფიცს მაძლევს:
— „ნუ მომკლავ, შენი კირიმე,
შენ გენაცვალოს მუსაო,
ქართულად მოვინათლები
და მოვიპარსავ წვერსაო,
ღორის ხორცსაც გიახლები,
თავზე დავისხავ წვენსაო,
არაბულ ცხენსა მოგართმევ
ჩუჯსა და ქარშიკებსაო,

ოქროს უნაგირს დაგიდგამ,
სტეადით შეკაზმულსაო,
შეჯეგ და თან წამიყვანე,
შენ გენაცვალოს მუსაო“.
შევეჯექ და წამოვიყვანე,
ქალაქში აცხოვბს პურსაო.

17. ო მ ა ლ ხ ა ნ ი

წამოვიდა ომალხანი,
ზღვასავით მაიქნევს პირსა,
დამაცაით, ომალხანო,
მე დაგაწენიენებ ცხრილსა.
შაგიყრი რუსის ჯარებსა,
შვიდ წალიკად ჩამოდისა.
დავაფიცებ ზარბაზნებსა,
შენკე ვაქნიენებ პირსა.
დიდება და მადლი ღმერთსა,
ომი მოხდა წინა ემისა.
ომიც ეგეთი უნდა,
თოფი ქებს და ტყვია წვიმსა.
ჩივის, ტირის ომალხანი,
ცრემლით დაიბანდა პირსა,
— რა ვქენ, რაზე ვულალატე
ალექსანდრეს, ნეფის შვილსა.

18. კ ა ს ი მ ო ლ ა ლ ა ბ ა ტ ო ნ მ ა

კაცი მოლალა ბატონმა,
ერეკლე იწვევს ყმასაო,
პირი ქნან ფშაველ-ხევსურთა,
აქ თუშნი ძიდგან მზასაო.
ადგეს, წავიდნეს ხევსურნი,
აფორას ლესვენ ხმალსაო.
გავიდეს ნაყავეჩისა,
მალალს, თუშეთის მთასაო.

თვალთ გადმოსახედს იქერენ,
 ლექ რომელს მოვა გზასაო.
 ხუჭუშაბათ თენებაზედა
 ჟრჯულ გადმოხდა მთასაო,
 ფარსმანს დამაგრდით, ციხენო,
 ქავს დაგინაყენ კარსაო,
 ფშავლთ შვილნი იმედ უღებენ,
 თოფის დაგიხვევთ კვამლსაო,
 თოფ არ მოსწონდა ობასა,
 ხელი აიკრა ხმალსაო,
 განათდა ბაწარაული,
 ცა, წმინდა, უცემს თვალსაო.
 გვერდს ედგა სახლისკაცები,
 მშაველა სქერდა მხარსაო.
 შიგ სტანავ ღუღელთ შვილები,
 ერთ უძახებდა სხვასაო:
 „თითოც ჩენიაც შავსწიროთ
 მაგათ მოკლულსა მკედარსაო“ -
 ნანოს ძეთა ღერენა
 ამამღერებს ხმალსაო,
 რომენიც მეფწონების
 იმას შესწირავს ძმასაო.
 ღუღელი თვალაქაისძე
 კარგა უქერდა მხარსაო.
 ბლოელი მოლოდინაი
 წამაბედებს თავსაო,
 ცხენ თითოს გამოფრინდების,
 მხედარ ორ-ორ სკრის თავსაო-

19. ხმელი ჭრის

ხმალი ჭრის ბაგრატიენისა,
 მეფისა ერეკლისაო,
 შვილმა აჯობა მამასა
 მანამ იცვლიდა კბილსაო,

საკახო გამაამტერია,
ზეაგმა რო წვერი ტყისაო,
შაშინდნენ კარელთ შვილებქ
— ჩვენკ რაით იქამს პირსაო
შავა რუსთ ხელმწიფესთანა,
ეტლი თან შახყვა ხეთისაო.

20. შანშე ეჩისთავი

შანშე ერისთავს აქებენ,
რუსობას უდგას წინაო,
ქსანზე აპირობს წასვლასა,
ლომისას დადგა ბინაო.
ეგ მთიულთ გამოქცეული,
ნაბდით ჩათარეს შინაო.

21. სოლომანის ღაქსი

სოლომან ბუტულაშვილი კარგად უვლის თავის ცხენსა:
დილითა და საღამოთი ჯერზედ აკმევს ლიტრა ქერსა.
თბილი წყლით ძუასა ჰბანდა, გაეას გადუსვამდა ხელსა.
მამა მღვდელი ეუბნება: — „რაზე აღუპვინებ ქერსა?!“
— „მინდა საკმელი ვაქამო, მტერსა გული მოუკვდესა,
აგები გამომადგება ჩემი გაქირვების დღესა!“
ადგა სოლომან, წავიდა, დადგა სტამბოლის გზაზედა,
დღე და ღამე გაამწარა, მივიდა ხონთქრის კარზედა.
ხონთქარი შინ არ დაუხვდა, ვეზირი დახვდა კარზედა.
ვეზირმა შაიპატიყა, დაისვა ხალიჩაზედა,
წმინდის ხმიანდი მიართვა, საღვინე საღვინეზედა:
— „სოლომან, ძრიელ გიქებენ ჯირითის გაგდებაზედა,
ერთი არაბი ჩვენცა გეყავს განთქმული თურქისტანზედა,
თუ შენ იმას ეჯირითო თუშებს დაგადგმენ თავზედა.“
— „აბა, თუ არ მეშვებთან ცხენი დამიბან კარზედა.“
— „ცხენსა ისეთსა დაგიბამთ, არ იყოს ქვეყანაზედა,

შვიდ მეჯინიბეს ეჭიროს ისევ დგებოდეს კალხზედა.
 ოქროს უნაგირს დაგიდგამ აღმასი აჯდეს თავზედა.“
 ორშაბათ დილა გათენდა, გავიდნენ მოედანზედა.
 სოლომან შეჯდა ცხენზედა, გაფრინდა მოედანზედა,
 გაატარ-გამოატარა, ხალხი გაჰკვირდა ძალზედა.
 მორბის, მოხუის არაბი, გაშავებული ძალზედა,
 მოიქნეეს თავსა, შავ ხმელსა გაშავებული მკლავზედა.
 — „აბა გამექეც, სოლომან, სამი ჯირითის კვრაზედა,“
 გაექცა ჩვენი სოლამან, არაბი მიჰყვა კვალზედა,
 სამი ესროლა არაბმა, ვერც ერთი—ახლო ტანზედა.
 — „აბა გამექეც, არაბო, გაგშინჯო ბიჭობაზედა,
 მე ერთის ზეტსა არ გესვრი, მასაც ღეთის სამართალზედა“,
 გაჰკრა, გაექცა არაბი, სოლომან მიჰყვა კვალზედა,
 ერთი შესტყორცნა სოლომან, დაასვა ბეკის თავზედა.
 არაბი ძირს გადმოვარდა, ცხენი გარბოდა განზედა.
 „ალაჰ, ალაჰ, გურჯი ყოჩაღ!“ ქისებს იბერტყენ თავზედა.
 ხონთქარს კაცი მიუვიდა:—„შენი არაბი მოგიკლეს, გაზრდილი
 თურქისტანზედა.“
 — „ჩემი არაბის მომკვლელი, ფიცხლავ მომგვარეთ კარზედა“.
 აგრე ჰკონია სოლომანს თავსა მომქრიან ტანზედა,
 დაასაჩუქრეს სოლომან, ხალათს აცმევენ ტანზედა,
 შესვეს არაბულ ცხენზედა და გაისტუმრეს კარზედა.

22. მე პატარა დავიბადე

მე პატარა დავიბადე
ამ ბატონიანთ ხელშია,
ხან ხელზე მიმსახურებენ,
ხან გამაგლებენ ტყეშია,
ქერის პურს გადმომიგლებენ:
მოსამსახურის წესია.
დავეხეტები მინდორში,
დავდივარ, ძიან ვკენესია.
ამისთანა სიციცხლეზე
სიკვდილი უკეთესია.

23. მოხელე იმისთვის გვინდა

მოხელე იმისთვის გვინდა
სამართალი გაარჩიოს,
არ დაწვას და არ დადაგოს,
ცოდოში არ გაახვიოს,
რომელი კაციც ტყუოდეს
მის კისერზე დააქდიოს,
იქვე შეუკრას ფეხები,
ნაობახტში გააქციოს,
გარს შამოარტყას რუსები,
ბულბულივით გააჩვიოს.
ტრაფი ბევრი დააწეროს,
იმის სახლი დააქციოს.

ყველას უნდა შიში მოგვცეს,
რომ სხვა აღარ დააჩვიოს.
კიდევ გაადახდევინოს,
რომელსაც კი შაამჩნიოს.

24. სოფლის მქნადნი

სააქაოს ცოდვის მქნელი
ჯერ მქედელი, მერე მღვდელი,
ფეიქარიც დაიბარეს
დიდი შულოს ამლებელი.
უკან მისდევს მეწისქვილე,
პირში სჩრია სარეკელი.

— „მე რომ პური მოგიტანე,
პური რისთვის მოიპარე?“

— „ბევრი ხომ არ მომიკლია,
ცოტა-ცოტა მოვიპარე“.

ფეიქარი მიიყვანეს,
ყელზე ჩამოჰკიდეს წნელი.

— „მე რომ ნართი მოგაბარე,
შულო რისთვის მოაკელი?“

— „ბევრი ხომ არ მომიპარავს
ერთი შულო მოვაკელი,
შულო შულოს მიეუმატე,
გამოვიდა სამოსელი“.

მქედელი რომ მიიყვანეს
თავში წაუშინეს კვერი.

— „მე რომ რკინა მოგიტანე,
რკინას რისთვის მოაკელი?“

— „ბევრი ხომ არ მიმიკლია —

ცოტა-ცოტა წავაჭერი,
რკინა რკინას მივამატე,
გამოვიდა საკვეთელი“,
მღვდელი როცა დაიბარეს,
კუპრით გაუსვარეს წვერი,

— „მე რომ საწირავი მოგეც,
წირვა რისთვის დააკელი?“
— „ბევრი ხომ არ დამიკლია—
ორი სიტყვა დავაკელი.“
სამოთხე მათ არ აღირსეს
ჯოჯობეთში უკრეს ხელი,
მიიყვანეს, იქ ჩაყარეს
სადაც არის კუპრი ცხელი.
ვინც გაივლის ყველა ამბობს:
„ვაი თქვენი სულის ბრალი!“

25. ველ-კეთილ ამოვნიაკე

ველ-კეთილ ამოვიარე,
გზა შამხვდა შექანებული,
წინ ქალა შამამყარა
თავ ბაქკო მოფარებული.

— ვაჟავ, სად მიხოლ ნეტარა,
შენ აგრე აჩქარებული?!
— შენ ვაჟას რაღას მეძახი,
კაცი ვარ დაბერებული!

თიანეთს უნდა ჩავიდე
პრისტავის დაძახებული.
— შენ ხომ არა ხარ ხევსური
ქურდობა დაბრალებული?

— მე არ გახლავარ, პრისტავო,
ცილი მაქვს დაწამებული,
ქურდებ სხვებია, ბატონო,
სოფელსა მათარებული.

ბაბუას ბერდენკაი აქვ,
ხელმწიფის ჩაბარებული.
თუ ფშავში წახოლ, პრისტავო,
შენზე ას გაჯავრებული,

ჯერ ხომ თოფს დაგკრავს ხევსური,
ხმალიც აქვ გაფხავებული.
თუ იქ წამოხვალ, პრისტავო,
დღე გაქუ გათავებული.

6. ბლაკიაური ბაბოს ღუქნი

ბაბო ვარ ბლაკიაური,
სამძიმო საქმე გავწიე:
მამას თოფი ვეკარ თავშია,
რა მწარე ვახშამ ვაქმიე!
კვირიკეს ფლასებ დავპარე,
ბეროს არაყში ვაძლიე,
სულ დაულუპე ცხოვრება,
ქანდარა ჩამოუქციე.
— ჩემთან გადმოვედ, კვირიკე,
ერთი არაყი დალიე,
შენი ფლასების ნავაქრი,
კვირიკავ, შენვე გასმიე.
მგზავრობაც დაგალოცინე,
ჩემდ კაი სიტყვა გათქმიე.
დედა გიტირე, კვირიკე,
თიანეთს ჩამაგათრიე,
გავლიე წარა უგონოთ
სასამართლოებს შაგჩიე,
შენი ძროხების ნაწველი
სასამართლოში აძლიე,
ვერ გამამტყუნა სულდამ:
„მოწმებ სადა გყავს?“ — ვათქმიე.

27. მოხუცის ღარნი

სახლებ ვიყიდე კავკავსა
შუშაბანდით გამართული,
ეხლა ხაზეინი გავხდი,
ცოტას დამისვენდა გული.

კავკავის მცხოვრებელი ვარ,
აღარა ვარ დაკარგული.
ქალაქი რამ მამივიდა,
იყო რაღაც დაჯღაბნილი:
ორმოცდაათი თუმანი
გადაიხადე ეგ ფული.
კაცი ოთხმოცი წლისა ვარ,
სიბერისგან დაჩაგრული,
არც კბილები მებადია,
წინაც მიძევს მქადის პური-

28. გუბეაქის სინა

ქალაქ შენ თუ ხარ გუბეცკი,
ამტირებელი თვალისა,
უდროვოთ დამქვრივებელი,
ბევრს თვალეუთუნა ქალისა.

გამოგეთხაროს კედლები,
კლიტე გაგიტყდეს კარისა.
ყველას გზა ექნას სახლისკენ
ტუსაღსა შესაბრალებსა.

შვილმა, ათწლობით ნაჯდომმა
სახე იხილოს მამისა.
დედასაც შეშრეს ცრემლები,
შესართავისა ღვარისა.

ცოლმა გაშალოს ლოგინი,
ლილი გაიხსნას მკერდისა,
ბალიშის მაგიერადა
მკლავი დაუდვას თავისა.

არც შენ გასტყდები, ციხეო,
არც კლიტე დაგიქანგდება,
არც ტუსაღს სატრფო გულისა
აროდეს გაულადდება.

29. რუსგია ჩობოლაური

ამბობენ გუდამაყარში
ცოდვით არ გაივლებათ,
ზეცას სტირიან ვარსკვლავნი,
ქვეშ დედამიწა სკდებო.
როსტია ჩობოლაურო,
ნათელი დაგადგებო.
შენფერი გუდამაყარში
ვერავინ წამოღებო.
ესროლეს შენი ბერდანა,
შენ შარად გადაგხდებო:
რუსების ნაკეთებია,
როგორ მწარედა ტყვრებო.
დაგიბარებენ დუშეთში,
სადაც სამართალ სწყდებო:
ათ წელს გეტყვიან ციმბირსა,
შენი დღე ეხლა ჰქრებო.

30. ჯაჩუხი მიმავალი

ვაჰმე, რა ლამაზ ლამეა,
ნეტავ არ გაათენაო.
გათენდა, დილის ვარსკვლავი
გორის პირს დაესვენაო.

ნეტავი სწორებთან ყოფნით
მე გული მომეჯერაო.
ჯარში მგზავნიან, მოვიდა,
ჩემი ბედი და წერაო.

დედა მიმზადებს საგზალსა,
პურსაც დაუწყო ზელაო.
ცრემლებისაგან საწყალმა,
გულ-მკერდი ჩაისველაო.

მამამაც ტირილ დაიწყო,
— ველარ მომიხვალ მთელაო.
მშობლების ცრემლებს რომ ვხედავ,
მეც გულმ დამიწყო ძგერაო.

განა მარტოკა მე მივალ,
ხალხ მიდის რაზოდენაო.
მალე მამწყინდა ოხერი
ტრიალ მინდვრების ცქერაო,

თოფ-ზარბაზნების გრიალი,
უზომოდ სისხლის დენაო.

სად და როს მომკლავ, ოხერო
ტყვიავე, რომ მოგაქვს სტვენაო,

გასაოხრებო ყუმბარავე,
სად რა რა გადამთელაო.
ფშაელის მომტირალს ვამგზავსე,
ჩემს თავზე ყორნის ფრენაო,
ამომარიდეს გულ-ღვიძლი
მზეზე დაუწყეს ფენაო.

31. საღრათის ღაქსი

გაფრინდი, ჩემო წერილო, როგორც მარსკელავი ცისაო,
უამბე დაბარებული საწყალის საღრათისაო.
გაგვიხდა სანანურადა გაჩენა ჩვენის ღღისაო:
გაგვიკრეს გრანიცაზედა, გატეხა გვინდა მტრისაო.
ან იმას ჩვენი რა მართებს, ან ჩვენ რა გვმართებს სხვისაო?
ცოდვა რად უნდა დავიდვით ერთურთის დედ-მამისაო!
ხომ ვიცით, კაცის სიკვდილი შეცოდებაა ღღთისაო.
მოვიდა ტელეგრაზია რუსეთის ხელმწიფისაო.
შაიბნენ ხელმწიფეები, ნაპირ შეიძრა ზღვისაო,
მოკრიფეს ზაპასნოები, უთუოთ საქმე ქირსაო!
ცხვირიდან წამოგვადინეს ნაწოვნი დედებისაო.
არ გვაძლევს მოსვენებასა ზრიალი ზარბაზნისაო,
ჩამოდის ყუმბარეები, როგორც რო სეტყვა ცისაო.
გაგვიკრეს ოსპიტალშია, ვისაც ქრილობა გექირსაო!
ტყვია რას უზავს ვაეკაცსა, ნიკო ბარდანაშვილსაო:
თავს გვადგას ლაშრის გიორგი, ჩვენკენ იბრუნებს პირსაო.
იქნება დაერჩე ცოცხალი, იმედი მაქვის მისაო.
გეწამლობენ სესტრიცეები, თვალიდან ცრემლი სღისაო:
„სადა ხართ დაბადებულნი, სად გექნათ სიკვდილისაო?!“
ღღდას მიუვა ანბავე შვილისა სიკვდილისაო;
— „ნზემც დააბნელა ჩემთვისა, არ გათენება ღღისაო“,
იძახდა სახელდობრიავე, ცრემლით იბანდა პირსაო,
„ვაი თუ მაჰკვდი წყურვილით, ან პურის შიმშილითაო,
ვაი თუ ბევრჯერ ინატრე მამწვდელი ცივის წყლისაო“.

32. საღათის ნათქვამი

ერთ დილას ავსდევ წაწოლი,
კედლებს მოვაველე თვალია,
გასავალ ვერცადა ვნახე,
თავი ძირს ჩამოვხარია.

წაველ, ფანჯრიდან გაეხედენ,
სასიამოვნო დარია.

მოწმენდილიყო ღრუბელი,
ჩაბრძანებულა მთვარეა.

კაზარმას ესალმებოდა
მზე ახლად ამამხდარია—
მარტო ვხედავდი, პირქუში
მოდუდუნებდა მტკვარია.

გულიდან ამომდიოდა
ფიქრები რამე მწარია.

მე ვთქვი: სამუდმოდ გავსწირე
სამშობლოს მთა და ბარია.

ამ სიტყვას გადმოგაყოლებ,
ღრუბელო, ფშავის არესა,

ხო ვიცი შეეფინები
ჩვენის გომეწრის მხარესა.

33. ხევისკარი ომში

გიორგობისა მთვარეა,
დილა გათენდა გრილია.

ტყემ ჩამოყარა ფოთოლი,
მიწამ გაიბა რთვილია.

მთაშიგით ცხვარი აჰყარეს,
შირაქში მიდის—თბილია.

მღერიან მეცხვარეები,
ჰგონავ დღეობის პირია.

ხმა გატყდა ხეესურეთშია
არავგით ჩამოვლილია—

შამრაველდნენ არსენალშია
 თუშ-ფშაველ, ხევსურთ შვილიო.
 მადით მოველი პრიკაზსა
 წინად რომ ობოლ კვირია,
 მოვიდა ტელეგრამაი
 ხელმწიფის დაბეჭდილია.
 მამეშველენით, ხევსურნო,
 ახლა თქვენ დასთმეთ ძილიო.
 მამქადის, მემუქარების
 აესტრი, ოსმალის შვილიო,
 მხარს უქერს გერმანიაი,
 ვილგემი, ძალის შვილიო.
 რას გვემართლების, რჯულძალდი,
 ღმერთმ გააყარო მხარიო,
 შენც ბევრი ცოდო აილე,
 მამას მიგიდენეს ვირიო.
 ცოლ-შვილსამც გაგიჩინდება
 სისხა და მუცლის ჭირიო,
 ერთ კვირაზედა დამარხა
 შენი ცოლ-ქალი, შვილიო!
 შაგვყარეს მაშინაშია
 საფერხე გასაკვირიო.
 გავედით სუვალკაზედა
 სადაც გრანიცის პირია,
 აქ ტყე, გორს რალა უნდა
 მინდორი ტრიაშულია.
 შავი ღრუბელი მრისხავდა,
 მზე წითლათ დაფენილიო.
 გათენდა, ვნახე თვალითა
 აღმოსავლეთი, ჩრდილიო.
 კარგ იყავ, ჩემო სოფელო,
 როველ-გაზაფხულის პირიო,
 ზოგთა სათქმელი გამწარდა,
 ზოგთა კი ისევ ტკბილიო.
 სად რა ხართ, ჩემებრ სწორებო,
 სადამ რა გძინავთ ძილიო?

ჩვენ ვსხედვართ აკოპებშია,
მიწა გვაქვს ამოთხრილიო,
მოველით გათენებასა,
ცამა გაალოს კარიო.
უცქირა დურბიდებითა,
მტერს ცეპი შამორტყმულიო,
როტნი კამანდირ გვეტყოდა:
— ვინ ხართ გულგატეხილიო?
— ქალ არვინ გეტანავ, — ვუთხარით, —
ყველას ერთი გვაქვს პირიო.
გვიკამანდრა და გაგვიძღვა,
ვაჰ, აძგერდება გულია.
ტყუპად დავდექით სალდათნი,
საომრად მომზადულნია.
შტიკნი დაელვდნენ მინდორზედ,
თოფს უდგა ძგარა-ძგურია,
ზარბაზნის ელვა-ქუხილმა,
ტყვიამ დაბადა სუნია.
დაგვირთეს პულემეტები,
ტყვიები მოდის დუნია.
ერთ მეც მომარტყეს ძალღებმა
ტყვია, რუსულად — პულია.
მეგონა, დაშინებულსა,
შუა გამიყვეს გულია.
მაშინ ვთქვი, დაბადების დღე
ჩემი ყოფილა კრულია.
სადაური ვარ, სად ვკვდები,
სადა ვარ დაკარგულია,
არც ვინ გეტანავის ქართველი,
წყალიმც ძალიან მწყურია.
მაიღეს ლინეინკებო,
ცხენები დაკაზმულია.
შაჯჯე და ვერ დავისვენე,
წამომერია გულია.
მოვედიო ბალნიცაშია
ფარანი გამართულია,

ჩაი დულს სამოვარზედა,
ლოგინი დამზადულია.
ზედ დასახურიც მზათ არის,
თავითი დადებულია,
ჯერ ხინა დამალევინეს,
მემრ ჩაი დაშაქრულია.
თვალებს მამეცა ნათელი,
განხიარულდა გულია.
დავწექ და დამძინებია,
ამომექცია სულია,
მეორე დილა გათენდა,
გამფიცხებიყო წყრულია,
ნოვიდეს სესტრიცეები,
ჩემი დახევეა ჰგულია.
გამიხვიეს და ვერა ვძლებ,
სისხლი მდის მეტად დუნია.
მელექსეს თუ რას იკითხავთ,
მოსკოვში გამოთქმულია.
ხელში მიჭირავს კალამი
ქაღალდზედ გარდასრულია,
ხეესურეთისკენ გაგზავნე
ფოშტაზედ გამოკრულია.

34. ათას ცხრაას თოთხმეჯ წელში

ათას ცხრაას თოთხმეტ წელში
დაგვიბნელდა მზეო,
საშინელი ომი ატყდა
მთელ ქვეყანაზეო.
ომში ბევრი წაიყვანეს
დედის ერთა ძეო.
სიცოცხლე ბევრმა დატოვა
უცხო მიწაზეო.
იძათი ქამარ-ხანჯლები
დღესაც უქმად ძევსო,
ოჯახქორო ნიკოლოზო,

შე ქობ დასაქცევო,
ამ ხალხს რატომ არ იბრალებ,
ან სისხლს რად აქცევო.
ერთი დრო შენც დაგადგება,
რომ ჩაგივა მზეო,
შრომელ ხალხის რისხვას მაშინ
სად გსურს გაექცეო!?

35. რუსებისა და თურქების ომი

მზემ დაიხურა პირბაღე,
მთვარემ გადიკრა შავია.
ცაზე ატირდა ვარსკვლავი,
დაბლა ჩამოდის ნამია.
ომი აქვს რუსის ხელმწიფეს,
თურქმა შეყარა ჯარია.
მოსწერეს ავსტრიელებსა:
თქვენც ჩვენ მოგვეციო მხარია,
ვეომნეთ რუსის ხელმწიფეს,
დღე დაუყუენოთ შავია.
ეს რომ გაიგო მეფემა,
წელზე შეიბა ხმალია,
ადგა, მოკრიფა სალდათი,
ვერ უწევს წვიმის წყალია.
გარეკა გრანიცაზედა,
ყველგან შეუყრა გზანია.
ზარბაზნებს გააქეთ გრიალი,
ინგრევა მთა და ბარია.
თოფი სკექს, ბოლი ამოდის,
ტყვიას გააქვის ჩქამია.
ბევრი დაეცა მებრძოლი
ცხელი ტყვიითა მთვრალია,
იძახის: მომეშველენით,
დამალევინეთ წყალია.
ვინა ჰყავს შამბრალებელი,
გულზე მოუსვას ძმარია.

36. აბესალოზ და ეთერი

ზეცას რომ ქრისტეს ყანა დგა-
ბრინჯაო გიდგა ნათელზე,
ზედ ბრუნავს ქარის წისქვილი,
მეპატრონე ჰყავს ეთერი.

— ეთერო, მხარსა შეგიყრამ
მწვანე ქათიზის სახელე,
ადექი, ქალო, გამომყევ,
დავლილვარ შენის ძებნითა.

— დამშორდი, ელურსამელო,
არა ვარ შენი შემფერი.

შენ დიდი ხარ, დიდებული,
ყველა ქვეყნიდან ქებული;
მე, ობოლი, გლეხის შვილი-
ობლობიდან დაჩაგრული,
ვაი თუ ბოლოს მილალატო,
გამწირო წყალწაღებული!

— ეთერო, შენს მოლალატეს
ხიდი წყალში ჩაუტყდება,
იალბუზისა მინდორსა
დაუდამდეს, იქ დარჩება,
მოწყურებულს წყაროს წყალი-
დაწაფებას გაუშრესა,
მტერზე მოქნეული ხმალი
ვადაზედ გადაუტყდესა.
თუ მაგასაც არ მიჯერებ—
მალლა ლმერთი გაუწყრესა!

ჩვენავ გაემართოთ ქორწილი,
 ხალხ დაეიბაროთ მრავალი.
 მაგათ გამართეს ქორწილი,
 მოვიდნენ ბიჭის მაყრები,
 პირდაპირ ჩამოჯდ შერეი,
 გულს ჩაუფარდა ეთერი,
 მან მისცა სული ეშმაკებს,
 მე გამომირთვით ეთერი.
 შეულოციან წყეულებ,
 რა კი არ შეუძლიანო,
 ეთერს ჩაასხა კბენარი
 ათასნაირი ფერიო.
 რამდენსაც იცელის სამოსსა,
 იმდენი უფრო მრავლდება.
 ადგება ელურსამელი,
 თავთ მოიხადა გვირგვინი.
 — ვის გინდათ ქალი ეთერი,
 მზე-დილა ამომავალი!
 — შერესა მიეც, ბატონო,
 შინაყმა ვარ და მსახური.
 შერეი დაქორწილდება
 ამ უცხო ქვეყანაშია.
 ერთი თვის განმავლობაში
 შინ მოვიდოდა შერეი.
 — შერეე, შერეე, შენსა მზესა,
 შენი ცოლი რა ფერია?
 — რასა მკითხავ, ცათა სწორო,
 ცოლის ქება აუგია!
 ხომ გინახავ ბროლის ციხე,
 წვეერი ცამდის მაღალია.
 შიგა ზის ქალი ეთერი
 ბროწეულის ყვავილია!
 გვერდთ უსხედან სამი მული,
 როგორც ცისა ანგელოზნი,
 თავთან უზის დედამთილი,
 აბრეშუმის საცერია!

კართან უწევს მამამიილი,
 გველშაპის მყლაპავია!
 იქე უდგენან ცხრანი მაზლნი,
 დაღესილნი აღმასნია,
 მათ შუაში ეთერი ზის
 ყელი მოუღერებია.

ყელ-ყური მძიმით სავსე აქვს,
 შიგ გიშერიც ურევია!
 ლოყა-ვარდა, კბილი-ბროლი,
 ბაგე ხახვის ფურცელია,
 წარბი წვრილი, შუბლი ბრტყელი,
 საფეთქელიც მაღალია.

რალა ბევრი ქება გითხრა:
 ისევდელი ეთერია!
 ავად გახდა ელურსამელ
 ეთერის სიყვარულითა,
 დედ-მამა საკმელს უმზადებს
 ათასნაირი ფერია.

შავსა შეხედავს ღვინოსა:
 დაგლევ და გულსა დამიწვავ
 ეთერის სიყვარულითა!
 თეთრსა შახედა ქალასა,
 რა ლამაზი ხარ, ქალაო,
 შეგქამ და გულსამ დამიწვამ
 ეთერის ტირილივითა.

— ძმაო, მითხარი რა გტკივა,
 რითგან ხარ ავადმყოფიო?
 წავალ და იმას აქ მოგვერი,
 წყალსა ჩავყვები მდინარსა.

— წადი, დაო, და უთხარი,
 ეთერის ნახე კარიო.
 აღგა წავიდა მარიხო,
 ეთერის მოსაყვანადა,
 სახლს გარე შამოუარა,
 დაურაკუნა კარები.

— დაგძინებია, ეთერო,

მთვარეს გიგვანდა სახეო.
— დამშორდი, შუქურ-მარტო,
რას ფილაზოფობ ენითა.
გან შენ არ იცი რა მიყო,
თქმა რაღად გინდა ჩემითა?
უფლის ნაქურთხი გვირგვინი,
თვითონ უბოძა სხვასაო!
— რა დაგემართა, ეთერო,
გზა გაეცვით სიარულითა,
სამი თვე გზაზე დამელივ,
მარტი, აპრილი, მაისი.
გზაზედ დაგიგებ ხალიჩას--
ფეხ არ გალახო ქვიშაზე,
თავზე დაგადგამ ოქრომკედს,
შუქ არ მოგადგეს მზისაო!

ადგა, წავიდა ეთერი
მოყვარის სანახავადა,
კიბეზედ ფეხი შემოდგა,
დაიძრა სახლის ყავარი.
— შიგნით შემოდი, ეთერო,
მოკლე გაქ შემოსავალი.
— მე შიგნით არას შემოვალ,
ძმებთ დამაბარა მრავალი.
— ძმაო, მოვიდა ეთერი,
თულა თვალზე გაქ ნათელი.
— ეთერსა ჩემი ნახვითა
ცხენი უბოძეთ საღარი,
კვიციც თან გააყოლიეთ,
გავა ბრტყელი და მაღალი.
— ეთერსა ცხენი რად უნდა,
უბოძეთ ქამარ-ხანჯალი,
ავათ რა მოყმე დაეკარგე,
ახლად წვერ შემოდინარი!
მოყვარისეულ დანაო,
ჯიბეს მიძევხარ განაო.

ამოვიღებ და დავიცემ,
მარჯვენა ძუძუსთანაო!
ჩვენ სამზესოს მდგომარენი,
სულეთ რომ ცხონდებიანო.
ჩვენ ერთად დახოცილები,
ერთადა დაგვმარხვიანო.
გზის პირას იმარხებიან,
გზის თავად დაგვმარხვიანო.
ჩვენ შუაშ წყარო დიოდის,
შიგ ვერცხლის თასი დვიანო.
ამოვ-ჩამავალ ქარაევან,
შენდობას ჩვენზე თქვიანო,
ეს ორნი მდებარენი
სულეთსამც ცხონდებიანო.
ე მაგათ ორთავ საფლავზე
ზედ ვარდნი ამოდიანო,
გადახვეულან ბურჯღლები
ვითა საყვარლის წესია,
ა მაგ შერესა საფლავზე
ზედ ნარი ამოსულაო.
დილით მოვიდოდ ვირები,
სალამომდისინ ხვრიანო,
მობრუნდებიან, წყალს სმიან,
ბურთებრივ დახდებიანო.

37. ძლიერი სიყვარული

რა ვქნა, ვინც უნდა მიყვარდეს,
ვერ გაგცელი სხვა და სხვაზედა!
გულზე შენ სახელ მაწერავ,
როგორც საფლავის ქვაზედა;
წინ მიდგა შენი თვალები
რო ვიყო მაღალ მთაზედა,
და თუნდა ვიყო კალაზე,
ხელ-პირს ვიბანდე წყალზედა,

შაბერებს შენი სურვილი,
მაქალარაევებს თმაზედა,
რაც გინდა ბევრი მინდოდეს,
ვერ გაგცვლი სხვა და სხვაზედა,
შიშზე, შიმშილზე, სირცხვილზე —
ხელს ვიღებ სუყველაზედა.

38. ჩამოიხოშნეს პასკველანი

ჩამოიხოშნეს ვარსკვლავნი,
ჩაცვივდეს მირღვეს წყალშია,
შენზედაც წინ-წინ მე შომკლა,
ჩემსად სატირლად გავლია.
ეგ შენი ცრემლი კორკოტა,
გულზედაც ჩამომადინა.
აწამცა შენი ტკბილი ხმა,
გულზე ქვად დამედებინა.

39. მიყვარხარ

მიყვარხარ, ჩემო ლამაზო,
შეკრულო ვარდის კონაო,
რომ გავიფიქროთ, ჩვენს შუა
რამდენი მთა და გორაო!
გულით ვინატრი შენს ნახვას,
ტყეში ფოთოლზე ვგორავო,
ნეტავი ნამტირალევსა
შენიმც ხმა გამაგონაო,
შენთან დამიგო ლოგინი,
შენს მკლავზე გამაგორაო.

40. შენ, ჩემო დიდო იმედო

შენ, ჩემო დიდო იმედო,
კოშკო ნაგებო კირითა,
კახეთს მოკრილო ისარო,

ქალაქს ნალებო ინითა.
წითელო მოვის პერანგო,
შვიდგან შეკრულო დილითა.
ცავ, წმინდავ ვარსკვლავიანო,
მზევ, დაფენილო დილითა,
უკვდავებისა წყაროო,
ნადენო ოქროს მილითა,
შენთანამც ყოფნით გამაძლო,
შენთანამც წოლა-ძილითა.

41. ყოჩალი გომო

გოგომ ფიჩხი ჩააყარა,
თონე ააპრიალაო,
მორჩა საქმეს და დამღერა.
ხმები ააწკრიალაო,
რომ შევხედე, შემომხედა,
რეტმა დამატრიალაო.

42. ანბანზე

ანა, ბანა, განა, დონა,
ერთმა ქალმა დამაღონა,
ენა, ვინა, ზენა, თანა,
გულში დარდი ჩამატანა-
ინა, კანა, ლასა, მანა
შემიყვარდა მარტო ანა.
ნარა, ეანა, რაე, პარა,
ანა უცებ გამეპარა.
სანა, უნა, ფარა, ტარა
ქუჩა-ქუჩა დამატარა.
ქანა, ფარა, შინა, ლანა,
ანამ ძლიერ დამაღონა.
შინა, ჩინა, ძილა, ცინა,
ხალხი ჩემზე გააცინა.

წალა, ქარა, რაე, ხარა,
ანამ უცებ გამახარა.
ჯანა, ხანა, ჰაე, ჰიე,
მოდო ყელზე მომეხვიე.

43. ქალო, მითხარ

ქალო, მითხარ, გენაცვალე,
ალვის ხეი ტანისაო,
სადაც მიხვალ, უსურვაზო,
შუქი მიგაქვს მთვარისაო.
შენი პირისახის შუქი,
შენი გამოხედვა კუპრი,
შენი თეთრი ბროლის ყელი,
გელოდი, რათ არ მოხველი?!

44 სიცილი ეღვას მიგიგავს

სიცილი ეღვას მიგიგავს,
როდესაც გაგეცინება,
სილამაზითა მზეს გეეხარ,
მიწას რომ მოეფინება.
სად მოიცალა ი ღმერთმა
შენი თვალ-წარბის წერათა,
ან რით შეგამკო ეგეთი,
ან სად დასწერა ხელათა!

45. თ ვაღჟაქელი

თვალქრელო, ყვითელ თმიანო,
გულზე რომ ჩამოგეფინა,
მე რომ გეძებდი გორის-გორ,
შენ ციხის ლიბოს გეძინა,
გაგეხსნა ოქროს საკინძი,
გული ბროლისა გეჩინა.
დილას რომ კარად გამოველ,

მზე მალლა წამოსულიყო,
 ციხისა კარი გამოვხე,
 ლამაზად გაძმოსულიყო.
 ხელები გელეხ ინითა,
 ყელ-ყური ოქროს შიშითა.
 ბედრიანაი გაძღება,
 ლამაზო, შენთან ძილითა,
 ღამე ხარ მარაგიანი,
 მზე მოფენილი დილისა,
 წყარო ხარ უკედავებისა,
 ნადენი ოქროს მილითა.
 შენ რომ გაგეკრენ საყულო,
 შეგეკრა სამის დილითა,
 სამივ ვხსენ, ერთიც ვერ გავხსენ,
 სამივ დაგალეწ კბილითა.
 მეორეს დილას შამოგხედ,
 არა გეტყობოდ—მიკვირდა!
 მთას ჯიხენი გადმომდგარიყვენენ,
 ჯერნები ჩვენდა ხედვათა,
 მოდიან, აღარ დგებიან,
 თავის ადგილას ხევითა.
 ყელ-ყური ოქროს ჯაქვები,
 იმით დავაბათ მაგრათა.
 რქა რქაზე გადაუხვიავ,
 მდომიარეთა ჰგევანანა.

46. გ ე ვ ხ ე ლ ე

გავხედე და ტარებს ხსნიდა
 თვალქუთუნა თეთრი ქალი,
 — „აქ წამოდი“, დამიძახა,
 „შინ არ არის ჩემი ქმარი,
 ქალაშია სათიბათა,
 ხელთ უჭირავს ცელის ტარი.

მოვხარუე და გავუგზავნე
უმარილო შავი მხალი.
არა სკამს და კირი ქამოს,
წინ ჩაუდის შავი წყალი.“

47. უკვდავებისა წყარო ხარ

უკვდავებისა წყარო ხარ,
მოსდიხარ ოქროს მილითა,
შენთანამც ყოფნით გამაძლო,
შენთანა წოლა-ძილითა.
შენისამც ნამგლის ყანა მქნა,
რო ფხაზე შეგეპყრებოდი.
ვერცხლისამც თასათ მაქცია,
რო ღვინით აგვესებოდი,
დაფერილი მქმნა ოქროთა
შამსმევედი—შაგერგებოდი.
ანა მქნა ვერცხლის სათითე,
რო ხელზე ჩაგედებოდი.
ანა მქნა ვარდი-ყოილი
ცხვირპირზე დაგეყრებოდი.
ან ვიყო მოვის პერანგი,
რო გულზე დაგაძნებოდი.
ანა მქნა შენი წაწალი,
გულს ჯავრათ ჩაგეპყრებოდი.
ანამც ძმა ვიყო, მოწილე,
ცოცხალს არ გაგეყრებოდი.

48. უმადრი ნანღობა

სალომე უნდა ვალექსო,
უნდა ვიუბნო კაფიო,
ფულიან სარტყელ არტყავის
მივა მაღაროსკარშიო.
მდიდრულათ არის მორთული,

კაცს მაუვალის თვალშიო,
ტუნტურაანთას დარჩება,
დაულამდება გზაშიო.
რალა იმაში დალამდა,
იმ ერთ წუთია ხანშიო.
გამოეგებნენ ქალ-რძალნი,
კოცნა დაუდგათ ყბაშიო.
შინ წამო, ჩემო სალომე,
ძანა ცივა კარშიო.
შეიპატიეს სტუმარი,
გადასვეს ზემო თავშიო.
სალომეს ქამარ არ ახსოვს,
ფიქრობს რომენთან დავწვეო.
დარბც სქუქკამდა მხარშიო:
მიუდგე, ჩემო ივანე,
სალომეს ქამრის ფასშიო.
მაგას კი ნულარ ატირებ,
ეგ ქამარ, მგონავ, სხვათიო.
ქალს ქამარ აღიარად უნდა,
თუ ქცვა აქვისა თავშიო.
აღარ თუ გახსოვს სალომე,
ერთ ქამარ მოგცემ ხარშიო,
კერაში დასძინებოდა,
მეწყინას შენას ფიქრშიო,
რად არ მოვალის ნეტარა
მალ-მალ გამოვა ქარშიო.
ლაზარეს წააკითხოდე,
ჩაილევ კალათაშიო.

49. ჩ ო ნ ქ ა რ ა

ჩონქარაი ვარ ღვერათი,
დავდივარ როგორც კერატი,
წაწალს დავპირდი წულეებსა,
მითამ თავადა ვკერავდი!

50. ძალიან კარგი ყოფილა

ძალიან კარგი ყოფილა
ქარიანშია კაკალი,
ქალთათვამ ამომიტანა,
დუშმანსაც ნუ ჰყავს წაწალი.
ერთი კოდიკი აქავ აქვეს,
კაკაბურშია დამრჩალი.
უნდა წავილო დუშეთში
როცა გავალის გზა-კვალი.
თავისათ საკაბე მინდა,
მარიამისად—თავშალი.
უზიდნავ ალი-კულასა
მუდამ დღე თითო კაკალი,
ხინჯალას ქალი ჯავრობდა:
ვერა ყოფილა გამხმარი.

51. ნეზავი შენა, მთვარეო

ნეტავი შენა, მთვარეო,
რა ბერს რასამა ჰხედავო,
გავხედე შირაქშიითა,
სათიბთ ყელეები ჩნდებო.
ფშავშიოთ არი ქორწილი,
ტოშიოთ სადა ტყვრებო!
თამაშობს წითელ კაბაი,
რა კი არ შაუხდებო,
მარჩება თამაშობასა,
წაწალს წინ გაუძღვებო.
მივალის სახლის კარხედა,
კარ მოჯრილ დაუხდებო,
მოიხევეს ფანჩოს ძველასა,
საბძლისკე აუძღვებო,
მივალის საბძლის კარხედა
მამალიც აჩქამდებო.
ჩვენამც ცოდვა გაქვ, მამალო,
წიწაკამც აგაჩნდებო!

52. ა ი მთასა

ა ი მთასა თოვლიანსა
ქული გადავაფრიალე,
ისე ჩავედი სოფელში,
ძალდი არ ავახშიანე,
ისე შევალე კარები—
კარი არ გავაპკრიალე,
ისე ჩავეწეპი ქალთანა,
ტასტი არ გავახშიანე,
ისე გავუხსენ საგულე,
ლილი არ გავაწკრიალე,
ისე ვაკოცე ტუჩებში,
ხმა არც კი გავაღებინე.
ავედექი და წამოველი,
წამოსვლა მეზარებოდა,
მივბრუნდი, ისევე ჩავეწეპი,
აღგომა აღარ მინდოდა.

53. შემოგხედავ ღერწამს ჰგეხარ

შემოგხედავ—ღერწამს ჰგეხარ,
ტანი წვრილად აგეყარა,
ცხრა ნაწნაფი, გიშრისთმანი,
მხარ-ბეჭებზე გადგეყარა,
აღექ და ჩემკენ წამოდი,
შენი ქირი შამეყარა.

54. აპაღულე მარგალიტი

ავადულე მარგალიტი,
გადმოვიდა გუბე, წყალი,
კალთაშიაც მოგიკვდები,
შენი ხელით მასხა წყალი.
იმას მაინც ვინმე გეტყვის;
„შენთვის მოკვდა ეგ საწყალი“!

55. პირად მზე და პირად მთვარე

წადი, წიგნო, პირად მზესთან,
პირად მთვარემ წაგიკითხოს,
ჩემი გკითხოს, მოახსენე:
ნახვა მინდა, გამიკითხოს.
ამ სოფელში მისით მკედარსა,
რომ გულხელი დამიკრიფოს,
თუ რომ გულით არ მიყვარდეს,
საიჭიოს ღმერთმა მკითხოს.

56. შენ რომ წიგნი მოგეწერნა

შენ რომ წიგნი მოგეწერნა,
ჩემი რათ არ წაიკითხე?
ობოლი ვარ და გლახა ვარ,
ღვთის გულისთვის გამიკითხე,
ეგრე როგორ მომიძულე,
ერთხელ აღარ მომიკითხე?

57. ცაღვნით ცანი და ქვეყანა

ცაღვნით ცანი და ქვეყანა,
ცაღვნით დაგინახე შენა,
ტანში ხარ გამოკანკლული,
პირში გაქვს ბულბულის ენა,
შენისთანა ანგელოზი
სიზმარშიაც მამეჩვენა.

58. ანა ხარ ბროლი

ანა ხარ ბროლი, ან ლალი,
ყირმიზი ჩამონათალი,
ობოლი მარგალიტი ხარ,
ფერსა ვერ გიცვლის ზამთარი.
თუ გძულვარ, თავსა მოვიკლავ,
შემომითვალე მართალი.

59. შემოგხედავ, მზეს გამგზავსებ

შემოგხედავ, მზეს გამგზავსებ,
ინდოეთიდან მოსულსა,
ბროლ-მარგალიტსა უფასოს,
მთვარეს ბადრსა ამოსულსა,
სიცოცხლეს შენ მიჩვენებარ,
ნუ შეიცვლი ჩემზე გულსა!

60. კიტრი ღაბთესა ოქროსი

კიტრი ღაბთესე ოქროსი,
ლობიო—მარგალიტისა,
ქალი მოვიდა ლამაზი,
ხელი გადმოყო ბროლისა,
კიტრი მოკრიფა ოქროსი,
ლობიო მარგალიტისა.

6 . ნ ე ზ ვ რ ა ე

ნეტავი ვიყო მე ვარდი,
შენ წინა გავიშლებოდე.
პატარა ჩიტათ მაქცია
უბეში ჩაგიჯდებოდე,
შაქრის ყინულად მაქცია
ენაზე დაგადნებოდე,
მასუკან მოგვედე, რა წამსაც
შენს კეთილს გავიგონებდე.

62. მალღა მთის მონადირე ხარ

მალღა მთის მონადირე ხარ,
ბოლო გიხდება ხმლისაო,
ყველასი საყვარელი ხარ,
ბატონისა და ყმისაო.
საყვარლად დაგიტირებდი,
არ მეშინოდეს ქმრისაო.

63. ქალო, ამ ქალაქ ღამესა

ქალო, ამ ქალაქ ღამესა
შენთვისა ვდგევარ ბანზელა.
როდის იქნება გათენდეს,
გამოხვიდოდე კარზედა,
გადაგეხვიო, გაკოცო
მარჯვენა ლოყის თავზედა.

64. აქ მოდი და აქა მნახე

აქ მოდი და აქა მნახე,
თან წამალი მომიტანე,
თუ რომ მოვკვდე, დამიტირე,
ცხარე ცრემლი დამაყარე,
შენი თმისა ნაწნავეები
დამწვარ გულზე დამაყარე,
სამარის კარამდის მომყე,
მუქით მიწა მამაყარე.

65. ო ბ ო ღ ი

დღედა არა მყავს ობოლსა,
რომ მოვკვდე დამიტროსა,
არცა მყავს სატრფო გულისა,
მოვიდეს, მომიჩრდილოსა.
ვაი თუ მოვკვდე მინდორსა,
შამბია ჩემი სუდარა,
ყვავი მოვა და ყორანი,
განა კაქკაქი მუღამა.

66. მოგოვ, შენი სიყვარული

გოგოვ, შენი სიყვარული
გუნებაში ჩამიგდია,
ქორი ბევრი გავიგონე,

მაგრამ ყური არ მიგდია.
თუ რომ გულით არ მიყვარდე,
ჩემი რჯული დამიგდია.

67. თუ მკითხავ, ამბოვს გიამბობ

თუ მკითხავ, ამბოვს გიამბობ
ჩემსა და ხინჩლას ძისასა,
შავიყარენით ერთადა
სამძღვარსა მუხრანისასა.
პური მთხოვა და ვაქამე;
ურჩევედი თავთუხისასა,
ხორცი მთხოვა და ვაქამე,
ურჩევედი ბატკანისასა.
ღვინო მთხოვა და ვასმიე,
ურჩევედი ბადაგისასა,
ცოლი მთხოვა და ვერ მივეცა
მიმყავდა ცოლის ძმისასა.
არ დაიშალა, აკოცა
ნაწინავსა გიშრის თმისასა.
შაშინდა ქალი, შასტირა:
— „ვა, უიმედო ქმრისასა!“
ხანჯარზე ხელი ავიკარ
ნაჩუქარს ცოლის ძმისასა..
ისევ იმანვე დამასწრო,
ელვას რომ ჰგავდა ცისასა!..
ერთი მეც გადავუქნიე,
ვალს არც მე წავე მისასა,
ცხენი და კაცი გავეკვეთე.
წვერი უწვდინე მიწასა.

68. ს ე ყ ვ ე რ ე ლ

საყვარელო, შენი ქება
უცხო თემში მიაგებესო,
გადმოფრენა დავაპირე,
მაგრამ ჯაჭვით მიმაბესო..

რამდენიც წამოვიწიე
ქალთა ლურსმნით დამიკრესო,
არ მალირსეს შენი ნახვა,
ყველგან მახე დამიგესო,

69. შებხედე ჩამოხვიდოდი

შეგხედე, ჩამოხვიდოდი
ბორელათ ბოსელთანაო,
შამოგხედ, არ შამომხედე,
შეყრილი წარბებთანაო.
გაგიცინ, არ გამიცინე,
კოდომც დაგეყვება თანაო.
ჰყოფილხარ დედის ერთაი,
ცოცხალმაც ნუ მიხვ შინაო.

70. მოგწყინდა, თამარ ქალაო

მოგწყინდა, თამარ ქალაო,
იკვლივ გორანა ტიალი.
გადახველ კეველიანშია,
შენ კაბას გააქვეს შრიალი.
წაწლის ნაჩუქარ ფულებსა
ჯიბეში გააქვეს ჩხრიალი.
შენებ დაქსოვილ წინდებსა
რამთენგანა აქვეს ჯვრიალი.

71. ჭებოსას ჩამოვიარე

ჭებოსას ჩამოვიარე,
სიმღერის იღვა გნიასი,
წამამეგებნეს ქალები:
— სად მიბრძანდები, კნიაზო?
ორთ ქალთა თავი მოვთხოვე,
არუსულად მითხრეს: „ნიატო“.
— შე ჩემი ცოდვა ავსილო,

ჩემდ ძვირო, სხვისად იაფო,
ე ჩემი გამაუღეგი
ყვავთა, ყვარანთამც მიაქო!

72. მამუკას ქალი

სხვაგან კი არ გაიზრდება
ოქრო მამუკას ქალია!
გადმოდგა სათამაშოდა,
დაქროდა როგორც ქარია-
კვიროდენ მუხრანელები:
ვისამ რა გლეხის ქალია?
ნეტავი ეგ კი ჩვენი ქნა,
დაგვდვა ვაქრისა ვალია..

73. გღეხის ჩივილი

გღეხს როდის გაუთენდება,
ან როდის გასთენებია?!
როდის ყოფილა მოღხენით
გული არ დაჰლონებია?
თავისუფლება ძილშიც კი,
ბეჩავს, არ მოსჩვენებია.
თავის საკუთარ კერაზე
შვილი არ დაჰბერებია,
არც ვაჟი კაცად ჰქცევია,
არც ქალი გასთხოვებია.
პურით არავინ გამძღარა,
ღვინით არ ზიარებულა.
ვინც იმის სისხლი არა სვა,
აბა, ვინ აშენებულა?!

74. მოკვდა კამეჩი

მოკვდა კამეჩი ბეხია,
შეუშვერია ფეხია.
— წადი უთხარი ჩემს პატრონს,
დანა გაირქოს წელშია.
მე მაშინ მოგაგონდები,
დიდი აღმართის ველშია,
შეგებას წვრილი მოზერები,
იგრიხებოდნენ წელშია.
„ატა-ატას“ იძახოდე,
სული მოვიდა ყელშია!

75. გორის სანახავად წავედ

გორის სანახავად წაველ,
ხიდისთავს გაველ ფონშია,
ხიდისთაური ყურძენი
დავწურე კალათაშია.
იმითი დამთვრალი კაცი
სამი დღე ვეგდე ლაფშია,
მოვიდა დედინაცვალი,
ჩამიბარტყუნი თავშია:
„რისთვის თვრებოდი, სტყვერებოდი,
რათ ვარდებოდი ლაფშია?“
ამწია, გამომათრია,
დამაგდო დერეფანშია.

76. ბედმოვიდა რუსის ჯარი

გადმოვიდა რუსის ჯარი,
თან გადმოჰყვა რაზმის ჯარი,
სულ რუსი და სულ ჩერქეზი,
გაწყობილი რაზმის ჯარი.
კახეთის ბოლოს მოვიდნენ
დიდი ფუტუროს თავშია;
კახელნო, თქვენი ქალები
ლამაზ დართევით ტანშია,
რომელსაც სიძე გინდოდესთ,
ამოარჩიეთ ჯარშია.

77. ბაბას დეძსი

გამოვალექსოთ ქებითა გაგა სიჯანაშვილიო,
ხაზენის ეხვეწებოდა, მოსაგებლებში ვივლიო.
არ დაუშალა შიომა—მანდ კაცი უნდა ფრთხილიო.
გაბრუნდა გალაღებული, გაგამ შაკმაზა ვირიო,

ცხვარი ხუტრისკენ გაშალა, ბალახი-დაქოჩრილიო.
ცხვარმა დაუგო ტყუპები, ისიც თან გაყოლილია,
წამოწვა დალდის პირზედა, წამოიძინა ძილია.
ერთი მგელ წამოეპარა, ი პატრონ გაწყვეტილია.
მოსტაცა ტყუპის ცალაი, წელში ჩაავლო კბილია.
გამოელვინა გაგასა, გარბის ტყავდაკოლთვილია,
— რა მიყავ, შე უპატრონო, სულ გამიმწარე ძილია!
ლაღუა ამხანაგი ჰყავს, გასცქერს კბილდაკრეკილია.

78 რაგომ არა სქამ

— რატომ არა სქამ „კეთილაგ“,
ძროხავ, რა ამბოვი არი?!
— არ შეეკამ მუხის ნეკერსა,
თუნდა დავირჩო მშიარი!
ხუთ ჯერზე ერთხელ ვერ გვაკმევ,
რა შენი სიცოცხლე არი!?
— თივა ხომ ბარე მეც მინდა,
მაგრამ სად არის ტიალი!
საყორნის ყელში გადაველ,
აქ ვიცი ტირიფიანი.
ყური დამიგდე, დავითო,
ბახაის ნათქვამი არი,
ზაფხულში მოგაგონდება,
წამოსთიბ ხალისიანი.

79. ს ე ზ ყ ვ ა

უსამართლო ხარ, სეტყვაო,
ბრმასავეით დაიარები,
გადმოხველ საქერეშია,
დაბლა დააგე ყანები.
ბევრი მთიული ატირე,
ბევრი მსვეტელი ქალები.

80. ბ ე ჩ ა ვ ი

ახალწელ დილა გათენდა,
მარტოკა ვზივარ ცეცხლთანა,
დედაკაცი მყავს ავათა,
ვტირი, გულს შამომეყარა.
ვიფიქრე, კეცებს მოვხურავ,
სულ ქადებს აცხობს ქვეყანა.
ის ერთი კეცი მომქონდა,
შუაზე გადამეშალა.

ველარც ამ ქადას მოვახვევ—
არ მიდის ერთმანეთთანა.

ძალუას გადაეუძახე:

— არას მიშველი ნეტარა?

რა ვქნა, თავი დავიღუპე,

კარები გამომეჯარა,

ცოცხლებში სათვლელი არ ვარ,
უნდა ჩამთვალათ მკვდრებთანა.

81. სანყარ გღუხ-ქასის შვილი

საწყალ გლებ-კაცის შვილი ვარ,
ობლობით დაჩაგრულიო,
ტანისამოსი ძველ მაცვა,
ქალმები დაგლეჯილიო.
ღმერთ, იმთვენ შამაძლებინე,
თოფს მტრისკენ ვუყო პირიო-

82. მოშორდა შავი ღრუბელი

მოშორდა შავი ღრუბელი
კავკასიონის შთის წვერსა.
გაზაფხულდება, თანდათან
ფერი ეცვლება ხმელეთსა.
სიხარულისგან ხმა გააქვს

მთის ნაკადულსა, ხეებსა,
მათთან ერთადა ფრინველთაც:
ენები აამღერესა.
ყვავილნი ათასნაირნი
ჰფარვენ მიდამოს ველებსა.
გათენდა ყველასათვინა,
ჩვენდ-კი რა გაათენებსა!
დაეჯდები დაღონებული,
გულზედ დავიკრეფ ხელებსა,
შემომესევა დარდები,
ჩქამი მააქვის ცრემლებსა...
დავწეები დაღონებული,
სიზმრებსა ვსინჯავ ძნელებსა,
წამილებს საგონებელი,
გამაცივ-გამაცხელებსა.
ვიტყვი, ჩვენ ფერა ბეჩავი
როდისღა დაისვენებსა?
ან როდის გადაიშორებს
დარდებსა გულის მწველებსა!
მომწყინდა ასეთი ყოფნა,
ვემღური წერა-მწერელსა.

83. ოხერო ნეთისოფილო

ოხერო წუთისოფელო,
ზარავანდივით მწარეო,
სად გადაჰქარგავ ვაეკაცსა,
საით სადამდე ავლეო!
ვაიმე, რა ძნელი ყოფილხარ,
ოხერ სხადასხვის მხარეო,
სხვა მხარეს ქართველ შვილებსა
გვტანჯავენ დღე და ღამეო.
ბევრ ლომის მსგავსი მოგვიკლეს,
ღმერთო, შენ ჩაიბარეო.
დაგვაკლდა ქართველთ შვილები,
ჩვენ დავრჩით მგლოვიარეო.

ბევრი ვართ დაღონებული,
თვალებს გაბარნებთ მთვარეო,
ან იქით ამბავ წაიღე,
ან აქით მოგვიტანეო,
რას შერება ჩვენი ცოლ-შვილი,
რას ფიქრობს დღე და ღამეო?
ღმერთო, აკმარე მათაცა,
რაც კრემლი ღვარეს მწარეო.
და ჩვენ ვინლაცლა დამრჩალვართ,
ღმერთო, შენ მოგვეხმარეო!
დაგვიხსენ სიკვდილისაგან,
შინ ცოცხლად წაგვიყვანეო,
გვაჩვენე ჩვენი სამშობლო
და იქ დღე გაგვითავეო,
თქვენც ახალ ამბავ გვაცნობეთ
პეტრემ ეს დაგიბარეო.

84. თ ვ ე ე ბ ზ ე

იანვარი რომ დადგება
უნდა გქონდეს ბევრი ბრტყელი,
ბზე და თივა შევაქამე
ჩალას აფუქაერე ხელი.

თებერვალი მოწუწუნებს,
როგორც დამშეული მგელი,
ისიც ისე გავატარე:
ვერა ქნა-რა ვერაფერი.

როცა რომ მარტი დადგება,
გადმოაგდო საგდებელი,
როგორც ჩვენმა პატარძლებმა
დღეში ხუთჯერ ისვა ფერი:
ხან თოვლის ბური ტრიალებს,
ხან მზე გამოჩნდება ცხელი.

აპრილმა შამოუთვალა:
— მარტო, ნუ ხარ ჭკუა თხელი,

შენ შენი გაგკვირებია,
ახლა ნახე ზოგი ჩემი,
უნდა გავიღე მინდვრადა,
არ გაუშვა ქურა ცხენი.

ახლა მაისი დადგება,
ბიქო, შავაბათ გუთნები,
პური ეხნათ და ქერი ბევრი.
კაცი მზეს რომ დაუწვება
მაშინ გაუთბება წელი.

ახლა თიბათვე დადგება,
მინდორს დაედება ფერი.
ვაჟკაცებსა დამიძახეთ,
ცელებს წამოავლონ ხელი,
წავიდნენ, თივა დათიბონ,
მწვანე არის, ლალისფერი.

ახლა მკათათვე დადგება,
ყანამ მოიღერა ყელი,
შემიტყობინეთ ბიქებსა,
ნამგლებს წამოავლონ ხელი,
ურემს უღელი დააკრან,
შიგ შააბან კამეჩები,
ძნა კალოზე მოიტანონ,
ყანა იყოს, თუნდა ქერი.

მარიამობის თვე დადგა,
ამას მოსდევს სიცხე ძნელი,
მუშასაც დაეძინება,
ყველას ეშლება იერი.
ცრება მაშინ გაჩნდება,
ცხელება მოჰყვება ძნელი.

ენკენისთვე რომ დადგება,
ამას მოსდევს ხილი ბევრი,
ქალები ბალში მიდიან,
ხელთ უქირაეთ კალათები,
ბევრი ხილი შაფინახოთ,
მოვიგონოთ ჩენი მკვდრები.

ღვინობისთვე რომ დადგება,

ვენახში გაჩნდება რთველი,
დამიძახეთ ვაჟკაცებსა,
მომზადონ საწინახელი,
ქვევრებს მოუღეროთ ყელი.
იწურება ყურძნის წვენი,
სავსე და სავსე დავლიოთ,
ბევრი არის, ბევრის ბევრი.

გიორგობისთვე დადგება,
ამას მოსდევს ქორწილები.

ქრისტიშობისთვე დადგება,
თოვლი მოგვივიდა ბევრი,
ტყე სულ თოვლით დაიბარდნა,
დღე მოკლე და ღამე გრძელი,
საქმე აღარა კეთდება,
ქორწილებსლა მიჰყვეს ხელი.

85. შშავედების კამათი

I

— მოდი შირაქში წავიდეთ:
იქ გვიბარებენ შვილები.

II

— აბა შირაქაში რა გვინდა,
აქაც ბევრ მოდის სვილები!

I

— მოდის და რასით მოიტან,
უნდა დაკაზმო ვირები.

II

— მათ ენაცვალოს პატრონი
დააქვის თეთრი ცხვირები.
ანღმართში დარატრატდება,
ქვემოთ მე დაეხიროები.

I

— იქ ყველას ურმით მოიტა5!
რა გაქვის გასაკირები!

II

— ურემს მაუკვდა ამშენი
დამწვეტებელი ჩხირები.
გადაბრუნდება ლაფშია,
დადექ და კრიქე კბილები,
იმას ვერ ამოათრევენ,
თუნდა დახვიო გმირები.

I

— თითონვე გამოიტანენ
შავი კამეჩის შვილები.

II

— კამეჩს მოუკვდეს პატრონი,
იმათ თუ ველუპვინები:
არ ეყოთ სადილ-ვახშმათა
ფშავ-ხევსურეთის თივები.

86. ხინჯალაის სოლი

საწყალი ხინჯალაის ცოლს
ლამაზ მაუკვდა ცხენიო,
ჩამაეთარა ხევშია,
ყელზე ჩაება წნელიო,
ტიროდა ხინჯალას ცოლი:
— საქონლის ზარალ ძნელიო,
სხეები კი ეუბნებოდნენ:
— ნიჩავო, არაფერიო.

87. ბოლიოუკი მუშვანს ღეჰსი

ჩიოღა მუშტად კრეღაი,
— დამიკობტავდნენ შვილები:
თითოს იორღა ცხენები,
ოთხი თვის დაქედღილები,
ლასტიკის ახალუხები
ზეღაც მასკოვის ღილები.
აბრაშუმ ნაყარ ჩოხები,
დაღიან გადრეცილები,
პატარა ნაბღის ქუღები
გვერდზე აქვთ დახურულები.
მალაროსა ვექვეე წისქვილში,
ზურგით ამამაქვეს ფქვილები,
გამოსაცვლეღიც არა მაქვეს,
ამღის ჩამამღის ტილები.
რძლებიც ყურს აღარ მიგდებენ
ეგ მამამაღლის შვილები.

88. შუაპღის ქაღის ზიღიღი

ფშავღისა ქაღი ტიროღა
ქართღისა შუა მთასაო:
— ჩემიმცა დღენიმც აღგანენ
ვინც ქაღი ენდოს ქმარსაო,
ცრუსა და ამპარტავანსა,
წვეერ უხვევეღსა ყმასაო,
მიყოღა, გაღამიყოღა,
გამწირა შუა გზასაო.

89. ვაპ, დეღაშენს, ჩემო თაო

ვაპ, დეღაშენს, ჩემო თაო,
მოგივიღა რა დრუება,
ლახატაზე გაღავიღა
არტნის საზოგადოება.

ჯალათნ დამითავსწვერავდნენ,
დაესწვი მაგათ აფუება!
ერთ ქალ უკანა ფშავს გარბნს,
არა მკითხა გათხუება,
მე ლიშანიც დავიპირე,
ჯალათთ იმას ვატყუება,
ქალის მამამ ვერ გაიგო,
ქალი ბალლსაც აწუებდა!

90. ჩძალ-დედამთილი

ზემო ქართლიდან წამოველ
ჩამოეყე ქარის ქროლასა,
ღმერთმა ნულარსად შემასწროს
რძალ-დედამთილის ბრძოლასა.
რძალმა აჯობა დედამთილს,
თავი უხალა კერასა,
უმცროსი მაზლი ჰკითხაედა:
— რძალო, რა სტკივა დედასა?
— არაფერი, ჩემო მაზლო,
ციება დააწყებინა,
თავი დაუწყებს ბრეკასა.
ცარიელა პურს არა სკამს,
მე სად უშოვნი წველასა.
იმითი გაჯავრებულმა,
შემოვაწყვიტე კერასა.
ესეთი ქალი გახლავართ,
გეყურებოდე წყველასა!

91. დერის ამაგი

ვინა სთქვა: წილი არ უძევს,
რომ დედა დაზრდის შეილებსა,
ცხრა თვესა მუცლით ატარებს,
მეთათეს მოუხშირებსა.
კრულ იყოს მისი სახელი
ვინც დედა შაიგინოსა.

92. პირვი ჩძალი

დედამთილი ენაცვალოს
რძალს, დილითა რომ ადგება,
ძროხებს დასწველავს აღრიან,
სანამ ნახირი დადგება,
ჯამ-ჭურჭელსაც დაალაგებს,
თაროს ნათელი ადგება.

93. ძმა რომ ძმას არ გაეყრება:

ძმა რომ ძმას არ გაეყრება:
ძმა ძმისა საყვარელია,
სახლში რძალი შაიყვანეს
ყბედი და ავის მთქმელია.
მალ-მალ ქმარს ეტუტუნება:
„ეგ ძმა ხომ შენი მტერია“.

94. იქით მთასა და აქეთ მთას

იქით მთასა და აქეთ მთას
ხელსა მოვადლებ — ქარს ვუზავ,
სამოცსა ლიტრა რკინასა
კბილ ქვეშ ჩავიდებ, კნაწს ვუზავ,
თავსა გასულსა დიაცსა
დაეხსენ, — ველარას უზავ!

95. ავი პაგარძალი

ავი პატარძლის ყოლასა
სახადი სჯობს სახლშიაო:
ჯამ-ჭურჭელი გადყარა
წუნწუნსა და ლაფშიაო,
საჯერო წამოქცეულა,
ციცხვი იცემს თავშიაო.
კოვზებს ფერხისა უბიათ
გარეთ დერეფანშიაო.

96. აბუზარი კასი

წავა-წამოვა ღრუბელი,
ცის კიდეს მოეკიდება,
კაცი—რომ ამპარტავანი
სილალეს მოეკიდება,
დედასა სცემს და მამასა,
ცოლს ავად მოეკიდება,
მთვრალი არის თუ ფხიზელი,
ფიცხლავ კაცს წაეკიდება,

97. სანყაღო, შენმა სიდერმა

საწყალო, შენმა სიდერმა,
ქალი შენ მოგცა ყვითელი.
არც არა ქალსა აქებენ,
არც არა მოჰყვა მზითები,
ერთი საბანი გამოჰყვა,
იმასაც აკლდა მითელი.

98. ჩოგორი კაზარქალი უნდა

ზოგიერთი პატარძალი
წამოწვება ძელივითა,
ენასაც არ დააყენებს
მაწყინარი გველივითა,
იმას იფნის სახრე უნდა,
იხრებოდეს წნელივითა.
სახლში პატარძალი უნდა
ირხეოდეს ვერხვივითა,
დედამთილსა ემსახუროს,
მამამთილსა—ღმერთივითა.
იმას ისე შეინახვენ,
ვით უმანკო მტრედღივითა.

99. ქალო, ჩისტვის გიხარია

ქალო, ჩისტვის გიხარია
კარგი ყმისა ცოლობაი,
კარგი ყმისა ცოლობასა
კარგი უნდა ქალობაი!
შინა სახლსა რიგი უნდა,
კარე-კურსა შევენებაი,
სტუმარსა კარგა დახვედრა,
კარგი გულის ჩვენებაი.

100. ერთი ენია ვითხოვა

ერთი ენია ვითხოვე,
ბრიყვი რამ გაუზრდელია,
სამი სარტყელი უყიდე,
მეოთხე ქაფერია.
ერთმანეთს გადავაკვლანძე,
კიდევე ვერ შემოწვდენია,
ენიას მოყვანაშია
ცხრა ცხენს მომაწყდა წელია-
ახლა ურემი წავილე,
ფერსო გახეხა სქელია.
ცხრა ძმის ცოლი გამილახა,
მეათე—დედაჩემია.
მამაჩემი დაიჭირა
შალმა აგლიჯა წვერია.
ახლა მე მემუქრებოდა:
შენ დარჩი დასაზელა.
აკოშკიდანა გადმოვბტი,
ვერ გადმოვტიე წელია.
ცოტა ახლო რო მოვიდა,
ფეხში დამტაცა ხელია,
ერთი ისეთი წამაწნა,
წელზე ამვარდა მტვერია,

ამისგან შეშინებულსა
დღესაც არ მაძევს ფერია.
ენიასა მაქანკალსა
გაუხმეს ენის წვერია.

101. სოღი თუ ნანადი

ცოლი სჯობის თუ წაწალი,
ჯაბანო, შენა გკითხაო.
— ცოლი სჯობია წაწალსა,
წაწალ ფეხებზე მკიდაო,
წაწალს სკირდება ფერობა,
კოლს კი არასა გკითხაო.

102. როგორც სიკვდილი

წამოვე შირაქითა
ლურჯაი მყავდა ჩქარია,
ნადობის სახლთავს გადმოვჩნდი,
კარებზე დამრჩა თვალია.
ნადედობ გამომეგება:
— როგორ გავიდა ცხვარია?
— ცხვარი კი კარგად გავიდა,
ჩემ ნადობ როგორ არია?
— შენ ნადობ შავეთს გავგზავნეთ
მეორე კვირაც არია!
— ეგემც არ გეთქვა, ბებერო,
ის გეთქვა „სხვაგან არია“,
გულზე დამეცას ხანჯალი,
ტყვიამ დამიფქვას ძვალია,
ანამც დამლევედეს არაგვი,
ადიდებული წყალია.
მართლა ვთქვა, ჩემი სიცოცხლდ,
ამ ქვეყნად ცოდვა-ბრალია.

103. სიკვდილის პირას

ვაი, შე წუთისოფელო,
შავად მორთულო ღილითა,
რად მეჩვენება ლურჯადა —
სახლი ნალესი კირითა?

უთუოდ ვკვდები ჯიელი,
მიწავ, გექცევი ძირითა,
დასუქდენ მიწის კიანი
ჩემის ხორციო და ტვინითა.

104. ასა, მოიცა, მიწაო

ასა, მოიცა, მიწაო,
ჯერ მე არ ჩაგებარები,
არ მემეტება შენთვინა
ეს ჩემი ნორჩი ძვალები,
ხორციოთ გაესილი გულ-მკერდი
და უმიზეზავ თვალები.
რალა თქმა უნდა, ჩემს სიკვდილს
დაინანებენ ქალები,
უკაცისხელოდ, ციხეო,
დაგეკეტება კარები.

105. ფასანაურის შვილი

მშვიდობით, ფასანაურო,
ლუხუბის არე-მარეო,
ლუხუბის მთების მეფეო,
ფასანაურის მხარეო.
შორს გადავარდნილ ტუსაღსა,
მოდით, მომხედეთ მალეო!
ისევე თქვენი შვილი ვარ,
ისევე თქვენ ჩამიბარეთო,
ისევე გამიღეთ კარები,
როგორც რომ დამიჯარეთო.

106. ჰბათანას ჩამონგრაჰვა

ტბათანას მოსქდა ცალ გვერდი,
ზოვად დაქანდა ქვიშაო,
თან წამოიღო ცხვარ-მწყემსნი,
იმ თავის საქონლითაო.

თან წამოიღო ვირები,
მზიდავი ბარგებისაო,
თან წამოიღო ძაღლები,
გამბრუნებელნი მგლისაო.
ერთი არ დარჩა საწყლებსა,
თორმეტი ფარა ცხერისაო.
ტბათანას ჩაყრილ ცხვარ მწყემსნი
ბახტრიონს გაჰორიყაო,
არ დაიღევა კოდვითა
წყალი შენ ალაზნისაო.
დედებს უხარის, შვილები
მოგვივლენ შირაქითაო.
რა იცან იმათ დედებმა,
დაუტუსალებს მიწაო.

107. ყოჩნების ზნე

რა ცუდი ზნე გკირთ, ყოჩნებო,
თეთრს არ ჩაიცვამთ ტანზედა,
ტირილის სამაგიეროთ
ყეფა რათ იციოთ მკვდარზედა!
ვაჟიაცს გულს ამააგლეჯათ,
ჩამაარიგებთ ჯარზედა,
დასხდებით, კამას დაუწყებთ,
კრემლ არ მოგივათ თვალზედა!

108. შინში მაჩვენეს თვალითა

შინში მაჩვენეს თვალითა,
წყლულებს უხვევდნენ ბეჩაესა.
რო მნახა, წამოიწია,
ამბავი მკითხა მე დასა.
შენც აქ მოხვეა, ბაბალე,
მენა ვჯავრობდი ჩემს თავსა,
— გაჩნდა ტიალა შავჭირი,

ელალებოდა ბევრ სხვასა,
ბევრებთ ბალები წაართვა,
აწიოკებდა ბეჩავთა.

109. წუთისოფელი

წუთისოფელი რა არის?
აგორებული ქვა არი,
რა წამს კი დავიბადებით,
იქვე საფლავი მზა არი.
დაგვეხუკება თვალები,
ზედ დაგვაკრავენ ფიცარსა;
წაგვიღებენ, ჩაგვაგდებენ,
ზედ მოგვაყრიან მიწასა.

110. წუთისოფელია დღე ჩემი

წუთისოფელმა დღე ჩემი
სიმწარე დამალევინა,
არც მამკლა, არც მამარჩინა,
არც სული დამალევინა.
დედამ გამზარდა საწყალმა,
ძუძუ მაწოვა სასალა.
უბედური დავიბადე,
ჩემი აკვანიც დამწვარა.

111. დავებსნათ ჭორის კრებასა

დავეხსნათ ჭორის კრებასა,
ძრახვასა მეზობლისასა,
ჩენც ისე დავიხოცებით,
როგორცა ვხედავთ სხვისასა.
ცივ საფლავში ჩაგვაგდებენ,
ზედ დაგვაყრიან მიწასა.

112. რად გინდა

რად გინდა თეთრი ქალღიმი,
შავი კალამით წერაცა,
ყველანი დავიხოცებით,
ვაი, ჩვენს ბედისწერასა.

113. აღმშენის ქონება

ათასი თუმნის პატრონი,
ორი ათასის ქონება,
მივიდეთ ვნახოთ ცხედარი,
ნეტა რა მიექონება?!
სამი ადლი ტილო მიაქვს,
ის არის მისი ქონება!

114. სიკვდილის ზნე

ნეტავ რა ზნე სკირს სიკვდილსა,
ვერ მიხვდა ჩემი გონება!
შიგ ამოარჩევს ვაჟაკსა,
რომელიც მოეწონება.

115. სოფელს რა მხარეც უნახე.

სოფელს რა მხარეც უნახე,
სუყველა მხარე კრელია,
ძმაცა ვსტან და ძმობილიცა,
დუშმანო მიწის მთხრელია.
სადაც მოკეთე მეგონა,
სულ ყველა ჩემი მტერია.
ეს ამისთანა სიცოცხლე
ვაპ, რაღა სანატრელია?!

116. შავლის ჯოჯი

მამა-შვილ გაეიყარენით
ვერხოტის მოედანზედა,
ერთ ჯორ მარგუნა მამამა,
მაგის მეტ აღარ შაგხედება.
დაგლოცოს, ჯორო, გამჩენმა,
უნდა დაგიწყო შაქება.
ჯაქვი მურაზით მართულო
ქორაკ გიხდება თავზედა.
ვერცხლისა ნაშროს მაგიერათ-
თეთრი გარსაკრი ტანზედა,
ერთ მუქა თივას მიუტან—
იმავე წუთში გაძლება.
ჯორო, ლამაზად გიხდება
წნელები უზანგაზედა,
იცის ვირული იორლა,
როცა შადგება გზაზედა.
მე რომ იმ ჯორზე შაეჯდები,
თავზე ქუდაღარ მადგება.
მცხეთით ვაჯიბრე მაშინას,
ვარბოლეთ მოედანზედა,
ჩემ ჯორმ აჯობა მაშინას,
ქალაქში გაჩნდა წამზედა;
კვირობდნენ ქალაქელები,
ბიჭო, საიდან მოხველი,
სადაურ კმაზულობაა?
ძალზე უნდოდათ გაგება.

ერთ მენახშირე მევაჟრა,
არ ვიცი როგორ გაბედა.
რას ანბობ მენახშირეო,
შენ თვალეზ ხომ არ აგება?
ხომ ხედავ ფარჩა მიკიდავ,
ფშავის ხევს მინდა წალეზა!
ჩემი ჯორი თვალ ზძივია,
ფულზე არ დაიფასება.
თოფი აქვს კუდის ძირასა,
არცათ არ დაეკარგება.
არ უნდა რჩევა პატრონას,
ყველა ჯურისა ადგება,
კუდით აუწევს პრიცელსა,
პულიმეტივით დატყვრება,
გაუხმობს ფშავის კლდეებსა,
ერთმანეთს შამოეზლება.

117. თაგვაგის ხაღმნიუა

თაგვებმ დასვიან ხელმწიფე,
სახელად კეისარია.
წავიდნენ ცოლი მოჰგვარეს,
მზეთუნახავი ქალია,
შვიდი ღლე-ღამ ქნეს ქორწილი,
იწვიეს მთა და ბარია.
თორმეტი დაკლეს ფურბერწი,
სხვა უთვალავი ცხვარია.
იმდენი ღვინო დახარჯეს,
რამდენიც ალაჯანია.
გზაზე გამოჩნდნენ ნაწვევნი,
გადმოაბნელეს მთანია.
ციცის დაქერას ფიქრობენ,
მძიმე შეჰყარეს ჯარია.
ციცას მიუხდნენ კარზედა
კვირა-შაფათის ძალია.
ციცა ციხეში შეეარდა

წელთით დაკეტა კარია.
— „ციცავ, ციხეში რად შეხველ,
თუ გულ არ გიძევ მხდალია!“
ორშაფათ დილა გათენდა,
ციცამ გალესა ხმალია,
ყელს ლარი გადაიკიდა,
ბროლის ნაქედი ფარია.
გამოერია თაგვებში,
დადგა ცოდო და ბრალია.
გაწყვიტა დიაც-ყმაწვილი
ცამდინ ააგო მკედარია.
თაგვებს მოუკლა ხელმწიფე,
გააგდებინა თავია.

118. ქსნის ხევის სოფლები.

მე მუხრანელი არა ვარ,
კომბალი მედოს მხარზედა,
ერთი პური გამომეკრას,
მოგადგე სახლის კარზედა.
მე დამპალელი არა ვარ,
ლიპი გამეშვას განზედა.
ქსოვრელი კაციც არა ვარ,
კოკა მეკიდოს მხარზედა,
ოკმელი კაცი მგელსა ჰგავს,
თეხელი კაცი ტურასა,
ლამისყანელი ბიჭები
არაკრაკებენ კულასა.
ლამისყანელი არა ვარ,
ვიცქირებოდე მკლავზედა,
ბიჭებსა ხელი გავავლო,
გადავატარო მხარზედა.
მე ხომ ოძელი არა ვარ
ქვიშა მეყაროს ბანზედა,
ახმეჯელიც ხომ არა ვარ,
გუდა მეკიდოს წელზედა.

ბოლოელი კაცი არა ვარ,
ვიჯდე მედუქნის კარზედა.
ახალგორელი არა ვარ,
კერკი მეფინოს ბანზედა,
საცა ვინმე დავინახო,
ვიძალეზოდე ძალზედა.
იკოთელიც ხომ არა ვარ,
ქუდი ვაწვალო თავზედა,
ყანჩელიც ხომ არა ვარ,
ნესვი მეხაროს კარზედა.
მე ხომ წირქვლელი არა ვარ,
ტირიფი მედგას კარზედა.
ალეველიც ხომ არა ვარ,
ნიჩაბი მედოს მხარზედა.
საძეგურელი არა ვარ,
თევზებს ვიქერდე ქსანზედა.
მე ცხავეატელი არა ვარ,
ქურქელს ვამტვრევდე გზაზედა.

119. ანდრია ზუმბალაშვილი

ციხისძირიდან გიახელ
ზუმბალაშვილი ანდრია,
ქალაქის მოქალაქესა
კაი ქორწილი სცოდნია.
სამი თუმანი მივეცი,
შევაკაზმინე სტვირია,
საქეიფოთ წამიყვანეს,
იმას იქიდან ველღა,
იმაში დამძინებოდა,
დავკარგე ჩემი სტვირია.
შვილები ჩამომეგებნენ
მამავ, რა უყავ სტვირია?
წავიდნენ, დედას ახარეს:

„მამამ დაჰკარგა სტვირია“.
 .ის შინიდან მიჯავრდება,
 მე ღერეთანში ვსტირია.
 — „თვალი დაგიდგა, „ქნეინავ“,
 გაგიცვლა ქობის ძირია,
 მე სტვირს მალე გავაჰეთებ,
 სად გაწყდა ორი ჩხირია!“
 სამი დღე რომ გამოვიდა
 ვიპოვნე ჩემი სტვირია,
 დავუქარ, დავალულუნე,
 ჩემი ჭამანჩა სტვირია.
 ქალი ბევრი ვათამაშე
 ქეთევანი და თინია.
 ვინც ნამუსიანი იყო,
 ჯიბეს ჩაიყო ხელია,
 რომელიც უნამუსოა
 გვერდზე წაიღო ცხვირია.

120. ქაატღში შესანიშნავი სარ კა იძის

ბაზაზობა ქალაქური,
 ქარი დიღმური,
 ღვდელი ქვემოავქალელი,
 ქალი ზემოავქალელი,
 შოლტი ნაქულბაქიური,
 ტურა ძეგვიური,
 მელა სასხორული,
 ორკეცი ჩურჩხელა ქვემონიჩბური,
 დიდი ძალღები ზემონიჩბური,
 ქრელი მ.მღები გომიჯვრული,
 ლობიო დავრული,
 არშიყობა თელათგორული,
 ერდო მალალი წინარეხული,
 შინდი თვალადური,

ბუში ჩოკანთუბნური,
კირი კავთისხევური,
ქილობი იდღური,
ფინია გომური,
რთვილი კასპური,
იხვი ბორტული,
ფშატი ჩოჩური,
კუდა-აზნაური მეტეხური,
ყივანახველა სასრული,
ქონა ყარაღაჯული,
ქრელი ძალი გრაკლული,
სადლობელი დოესური,
მკითხავი ქვახრელური,
ციებ-ცხელება უფლისციხური,
ქალი და რძალი ხიდისთაური,
წყლის ხერხი ატენური,
ლიტრა გორული,
ჩანგური ხოვლური,
სიმინდის ჯინი ზემოხანდაკური,
დავიდარაბა ახალქალაქური,
სახრავი ატამი თემისხეური,
დიდრონი საბძლები ახალციხური,
ქიანი კვრინჩხი ნოსტური,
ქერი ქოტისური,
ავდარი მოხისური,
პური თონეთური,
ჩხუბი დვანური,
პანტა ლოლოვნური,
კართოფილი რუისული,
ვირი წალკური,
ნახშირი წყნეთური,
მეველე შინდური,
მაღალი კაცი ლისური.

121. მიზიარე, მოზიარე

მივიარე, მოვიარე,
ქალი ვნახე მწოლიარე,
თავით ედგა თეთრი თუთა,
ფეხით—უფრო მსხმოიარე.
თავი ვსთხოვე, იუარა:
ძმაზე ვარო მგლოვიარე,
ღმერთმა იმ გულით უშველოს,
რაც გულით გამოვიარე.

22. ნათლიღებამ დაბაპატივა

ნათლიღებამ დაბაპატივა,
ღვინო მასვა ტკბილიო,
იქიღამა წამოვედი,
მომერივა ძილიო.
ერთი ბუჩქი მომეწონა,
იქ წაეყავი ცხვირიო.
ერთ მეღორეს ჩამოველო,
მოეპარა სტვირიო.
ჩემი სტვირის მომპარავსა
დაუსივდეს ცხვირიო,
იმის ცოლი დამენახოს
დღეისწორზე ქვრივიო.
ჩემი ძმისთვის მომეყვანოს,
გამეწიოს ლხინიო.
მზითევშიაც მოჰყოლოდეს
ჩემი კრელი სტვირიო.

123. ბ ე ბ ე რ ი

ბებერი რომ დაბერდება,
მიუჯდება კერასაო,
რომ არავეინა ჰკითხავდეს,
არატრატებს ენასაო.
კრუხ-წიწილა მივაბარე
დამიკმია ძერასაო.

124. ღაპუბაღი მიღი-მოღიან

ღრუბლები მიღი-მოღიან,
თავთაქვე ჩადგებიანო,
ქალებსა აქვით ცილობა,
ჩემ თავზე წილსა ჰყრიანო.
ვისაც კი წილში ვერგები
ქვაბში ხინკალსა ჰყრიანო.

125. ქემხიანთ ქორწილი

ქემხიანთ ქორწილი ჰქნეს,
დაკლეს კუდა თხაო,
ენგიან ქვაბში ჩაყარეს,
წვენი არა ჰქნაო,
პატარძალი ათამაშეს,
გახტა-გამოხტაო.

126. მავნელი ბიჭი

ბახტრიონელი არა ვარ
წამოვჯდე გორაკაზედა,
მე ხირბალელი არა ვარ,
ცხვრები ვიპარო წყალზედა.
მე ახმეტელი არა ვარ,
სულ ვიჯდე დუქნის კარზედა,
ქისტაურელი არა ვარ,
ჩხუბი გაეხადო გზაზედა.
მატნელი ბიჭი გახლავარ,
დავიყურები მკლავზედა.

127. ე ღ ი ა

ნახე რა კნა ელიამა,
 რა საკმე მოიკმედაო:
 თვითონ წინ წაბრძანდებო.
 ხოვლელები სულ აიკლო,
 წირქოლს დაიდო ბინაო,
 წირქოლელები ჩივიან:
 რა ძაან წაგვახდინაო,
 ორიოდე კვირის სარჩო
 ვერ შევიტანეთ შინაო.
 ელიამ წამოიძახა:
 — უნდა წავიდე წინაო.
 მივიდა კვირა-ცხოველთან
 დაჯდა და მოილხინაო.
 გადმოხედა ხურვალეთსა,
 ნახე რა ამბავიაო,
 აღარც არის წირვა-ლოცვა,
 აღარც კვირა-უქმეაო.
 ვისაც კი ერთი ხარი ჰყავს,
 კვირა უქმით უბიაო.
 მაშინვე კაცი გაგზავნა
 დაიბარა ზენა ქარი:
 მანდედან რო წამოხვიდე
 წამოიღე ქარიშხალი,
 სულ მუშტის ტოლა ისროლე
 სამი—ოთხის წირვის ხანი.
 ბანები სულ გადალესე,

აღარ ჩანდეს ერდო-კარი,
ჯამ-ჭურჭელი ააცურე
როგორც გამართული ნავი,
ქალები ააღრიალე,
როგორც ბატკნიანი ცხვარი-
ხურვალელა აადიდე,
როგორც ერისთავის ქსანი.
ტირიფონაში წაიღო
მამაცაანთ დიდი ზვარი.
ამ ელიამ ამომყარა
როსტომელას კიტრის ჯავრი,
ვინცა, თხოვდა უფიცავდა:
ერთი მასრა არსად არის.

128. სოლომონ ბრძენი და კუნძუღარი.

სოლომონ და დედოფალი
ორნივე წყლის პირს ჩამოსხდესა.
მეთევზემ ბადე ესროლა,
სამი თევზი გამოჰყვესა.
დასქრეს, დაკუწეს წვრილადა,
ტაფით ცეცხლზე შემოდგესა.
როცა ხარშვა მოეკიდა,
აიღეს და გადმოდგესა.
ხეთის ნათლული სოლომონი
სიტყვას მოჰყვა განსაცდელსა:
— ჯერ ხმელეთის ხელმწიფე ვარ,
მერე მეძახიან ბრძენსა,
სანთლის გუთანს ავაშენებ,
შიგ შავაბამ უღელ დევსა,
კინქველას გოდორს ავკიდებ,
კამეჩებს დავუყრი ბზესა,
ზღვაში ვხნავ და ზღვაში ვთესავ,
მშრალზე ვინადირებ თევზსა,
ყინულზე კალოს გავლეწავ,
მორევში ვინახავ ქერსა.

წუხელისა ერთი კაცი
 საწოლს ჩემსას ეახლესა,
 ხელთ ექირა ოქროს ვაშლი,
 ტურფა იწვა სარეცელსა,
 საბნის კალთას ეწეოდა,
 ეხვეოდა ბროლის ყელსა.
 თუ ეს სიტყვა მართალოა,
 ჩემი თევზი გაცოცხლდესა.
 ღვთისაგანაც ბრძანებაა:
 გაცოცხლდა და გაცურდესა.
 — რიგით მოვეყვით სამართალსა,
 ყველას თავის ხვედრი ხვდესა —
 ახლა დედოფალსა ხვდესა.
 შიშითა და სირცხვილითა
 დედოფალი შაწუხდესა,
 გულზე ასხმენ ვარდის წყალსა
 აფიცებენ მამის მზესა:
 — არას გიზავ, პირად მზეო,
 თუ მტერს მომიკიდებ ხელსა.
 — ვაი რა ძლიერ მოვსტყუედი,
 ვუღალატე მკლავსა შენსა,
 თორმეტი წელიწადია
 ვყვარობ კუნძულ ხელმწიფესა,
 თუ ეს სიტყვა მართალია,
 ჩემი თევზიც გაცოცხლდესა.
 ღვთისაგანაც ბრძანებაა:
 გაცოცხლდა და გაცურდესა.
 — რიგით მოვეყვით სამართალსა,
 ახლა ვეზირსაცა ხვდესა.
 წამოდგა, წამოუჩოქა
 ბედნიერ სოლომონ ბრძენსა.
 — გამზარდე და გამაკაცე,
 წამამასწარ ამ შავ ღღესა,
 ღღეში ხუთჯერ ამას ვიტყვი:
 მე მოვეკლავ სოლომონ ბრძენსა,
 მისი ტურფა მე დამრჩესა.

თუ ეს სიტყვა მართალია,
 ჩემი თევზიც გაცოცხლდესა.
 ღვთისაგანაც ბრძანებაა:
 გაცოცხლდა და გაცურდესა.
 სამი თევზი წყალს ჩავიდა,
 ტაფა ცარიელი რჩესა.
 დაჰპატიჟებს კუნძულელსა,
 იქ კაცები აახლესა,
 სიხარულით კუნძულელი
 აღარ უცდის ვეზირებსა,
 მოარბენდა თავის ცხენსა,
 ოქროს ბურთსა მოისროდა,
 ღამეს მონათლვებს ბნელსა.
 ისეთი ტახტი დაუდგეს,
 არ ენახა თავის ღღესა.
 ღვთის ნათლული სოლომონი
 სიტყვას მოჰყვა განსაცდელსა:
 — ერთი პატარა კოკა მაქვს
 მიბარია მემამულეებსა.
 ვინც იმას საყმით ამივსებს,
 ჩემი ტურფა იმას რჩესა.
 სიხარულით კუნძულელი
 აღარ აცლის ვეზირებსა:
 — სუყველაყა აქ წამოდით,
 შინ არავინ არ დარჩესა.
 ნურც სახლში ბებერს დააგდებთ.
 ნურც აკვანში ყმაწვილებსა.
 შვიდი ღლე-ღამე ადინეს,
 კოკას ყელში დააკლდესა.
 — შენც შიგ ჩაჯექ, კუნძულელო,
 საყვარელიც თან ჩაგყვესა!
 ჩაიტყუეს კუნძულელი,
 თავს ზარფუში დაჰხურესა,
 ოთხავ კუთხეს გადაკეტეს,
 აიღეს და წყალს მისცესა.
 ათას ხუთასს წელიწადსა,

ავი მავნე არ იყვება.
მეთევზე და მებადური
მისდღეში დაწყველილია,
გამჩენელი გაუწყრება:
წყალში ბადე გაფინება,
კოკას ყელზე გამოსდგება,
ნაპირზე გამოიტანეს,
„აქ ხომ დიდი სარჩო ძეგსა“.
კოკას რომ პირს ვერ ახადეს,
კოკა ძირში გატეხება.
გამოცვივდნენ ეშმაკები
ზოგი—კლდესა, ზოგი—ტყესა,
ზოგიც წყალში ჩაცვივდესა.
ერთი ცალთვალა ეშმაკი
შიგ წისქვილში შავარდესა.
მელოგინეს ეშინოდეს,
თავის დღეში ის დახვდესა.
ვინც ხეზე თავს ჩამოიხრჩობს,
მისი სული ჩვენ დაგვრჩესა.
ვინც წყალში გადავარდება,
მისი სულიც ჩვენ დაგვრჩესა.
ვინც წისქვილში ილალატებს,
მისი სულიც ჩვენ დაგვრჩესა.

129. მე რომ დედაჩემს გაუჩნდი

მე რომ დედაჩემს გაუჩნდი,
იქ მამაჩემს ვინ ახარა,
ჩემი გაჩენის გულისთვის,
ჩემი აკვანი დამწვარა.
გაქირებამ და შიმშილმა
მთლად ქვეყნები დამატარა.
აზნაური და თავადი
სუყველანი შემასწავლა,
ვენაცვალე ჩემს ქამანჩას,
ჩემი უბე გაახარა.
ის სატილო ციება

მკათათვეში შემეყარა,
არც მომკლა, არც დამარჩინა,
არც ხეირი დამაყარა,
მამამ ურემი შემიბა
ბარბაროში წამიყვანა,
სამ დღე-ღამეს იქ მამყოფა,
ისევე უკან მამიყვანა,
მღვდელმა ტარასტა მოგზავნა
მესტვირე ხომ არ მომკვდარა?
მე კი ღმერთმა დამიფარა,
უწინ თითონ გარდიცვალა,
საცეცხლური და ოლარი
ორივენი გადაყარა.
იმისმა ფოფოდიამა
ტაბლები ველარ შექამა.

3 D. გირგირას ღახვერია

ჩვენი ტერტერა მობრძანდეს
ცხენსა ქერი დავუყაროთ,
ფეხსაცმელები გავხადოთ,
ალაგობრივ შაუნახოთ.
ჯერ კარგათ ღვინით დავათროთ,
მერე გარეთ გავატაროთ.
ჩვენი ტერტერა რო მოკვდეს,
ცხარე ცრემლი დავაყაროთ;
შაბათ დილით ადრე მოკვდეს
კვირა დილით მივაბაროთ,
სულ ჩვენმა მრევლმა ვიგლოვოთ,
სხვა არავინ მივაკაროთ.

131. მღვდელი და დიაკვანი

ოდელია დელია, ჩვენში ერთი მღვდელია,
ბებერს თხას უგავს წვერია,
დეიხეტება ტაბლებზე,

სადაც მსუქანი წვენია!
ისე შაჰამა ტაბლები,
სულ მოითხუჰნა წვერია!
ღიაკვანი წვეწოდა,
ცემით მოსწყვიტა წელია!
ტარასტა კარში გამორბის
ვაი, შიში რა ძნელია!
ბებრები შიგნით ელიან,
სანთლები ასანთებია.
საცეცხლური ძირსა გდია,
საკმელიც ასაკმელია.

132. მ ე ს ზ ვ ი რ უ ლ ი

ქამანჩა მომართული მაქვს,
ხელში მიჭირავს სტვირია,
თქვენი სახელი გვიბრძანეთ,
ამის გაგება გვჭირია.
აჰა, ელია, მელია,
ბულბული მგალობელია.
ჩვენი გიორგი, ეტყობა,
უხვი და მწყალობელია,
თვალად ლომი და პირად მზე,
ტკბილი სიტყვების მთქმელია.
შენ დაგენაცვლოს მესტვირე,
ჯიბეს გაიკარ ხელია.
საზანდარი და ქებაო,
თავი ნუ მოგიკვდებოა,
ერთი აბაზი მაჩუქე,
ქისას არ მოაკლდებოა.

133. ღაღოშვა ქოჩნიღის ღაღოს

დიდება და გამარჯვება მოხსენდეს
ნადიდებ, ნახსენებ ხთის შვილებსა.
იმათ დავლათამც დაელოცება.
წალმართ-წალმართის პატრონსა,

წაღმართი წაღმა წაუყვანოს.
ერთად შეყრილნი ახალყოილნი
ერთმანეთს შეუბერნეს,
ერთ სართაულზე დაუბერნეს,
ქნეს ეტლიან ბებლიანი,
ბედიან დოვლათიანი.
სამჯერ ქალიანი,
ცხრაჯერ ვაჟიანი,
ვაჟით ვაჟიანი.
ვაჟის მაყრებო,
ვაჟის მაყრობა ნუ მოგიშალოსთ.
ქალის მაყრებო,
ხვალ ძმის მაყრებშიაც იქნებიოთო.
მდადევ, დედოფალ გაგიზაროს.
ეჯიბო, შენ მეფეს გაუმარჯოს.

134. ს ა დ ლ ე ბ რ ძ ე ლ ო

ღმერთმა ისე გადღეგრძელოს,
როგორც შიოს მარანიო.
ხახვის ნერგი დაგიძველოს,
სარჩო მოგცეს მრავალიო.
ბელელში პური,
სკივრში ფული,
ლოგინში ქალები,
ლამაზნი, განა შავები,
დერეფანში ჩიტები,
სახლში ბიჭები.

135. დ ე ლ ო მ ვ ე

ღმერთმა აცოცხლოს
კაცის მარჯვენა,
ხარის ნახნავი,
დედამიწის მოსაველი,
ცა და ღრუბელი,
მზე და წვიმა,

კაცის პირიანობა,
დედაკაცის ნიშნისი,
გემით მგზავრები,
უპატრონო ავადმყოფი,
მართალი პატიმარი,
სწორე მოსამართლე,
გაქირვებული მელოგინე,
ობოლი ბაღლები,
კარგი მთავრობა.

136. ღ ა ღ ო მ ვ ა

ღმერთმა აცოცხლოს კერაო,
მაყურებელი ყველაო,
აქეთ-იქითა კედლები,
შუაზე მაცხოვრებელი.
გამართული გუთანი,
გუთნის დედით, მეხრეებით,
შადგმული ჟრემი,
საწისქვილო საუქვავით,
მართალი მეწისქვილე,
ცხერის ფარა,
ძროხის ნახირი,
ცხენის ჯოგი
მწყემსებითა,
ორმოში პური,
მამა-პაპის ზედაშე,
ფრთა ზოქცეული,
კალოს ბარაქა.

137. უჟადმა ღმერთმა

უფალმა ღმერთმა ინებოს
შენი წითელი გვირგვინი,
უკან მაყრები მოგდევდნენ
თოფიანი და ხმლიანნი,
მეც უკან მოვჩანჩალებდე
ჩემი სტვირ-ქამანჩიანი.

138. სუჰრაჰ ბაშინილი

სუფრავ გაშლილო, ვარდი ხარ.
კეკვას ჩაფარდი გონებასა,
ერთი ნამუსი სჯობიან
ათას თუმან ქონებასა.
ერთხელ სჯობია სიკვდილი,
მუდამ ეამს დაღონებასა.

139. მასპინძელი

მასპინძელ კარგად მასპინძლობს,
გულითა მზიარულითა,
მწვანე ქოშები გაცვითა
სუფრაზე სიარულითა,
წითელი ქვევრი მოხადა,
დაგვიხვდა სიყვარულითა.

140. რ ე ლ ო ს ვ ა

გაცოცხლოს და გადღეგრძელოს,
როგორც აბრამი და სარა.
გამრავლოს როგორც ზღვას თევზი,
ცას ვარსკვლავი არ თუ კმარა!
დიღმის მინდორი მოგეცეს,
სახნავ სათესაეათ კმარა,
შვიდი გუთანი შაგებას,
იყვე არც ამის ამარა:
ასოცი საძნე ურმითა
ზედ კარზედ აგელოს ღალა,
შვიდი ფარა ცხვარი მოგეცეს,
ესეც სათვალაეათ კმარა.

141. ბასოცხლოს და გადღეგრძელოს

გაცოცხლოს და გადღეგრძელოს,
მოგეცეს ადამის დღენია,
უწინ მე მომაკვლევინოს
შენზედ მოსული მტერია.

142. ოჯახის დაღმსა

ამ ოჯახის სახლის კუთხე,
ქრისტე ღმერთო, შენ აკურთხე.
ღმერთო, ნუ მოჰშლი ამ სახლში
ლხინსა, ქორწილსა, სადილსა,
ქალების დათხოვებასა,
დაქორწილებას ვაეისა.

143. სანახავედ ღამაზია

სანახავედ ღამაზია
მინდორს ერთი მრგვალი ლოდი,
ზედ ასხია მარგალიტი,
სულ არ მოვა ერთი კოდი,
დალიე და ნუ მოიწყენ,
ალავერდი ჩემთან მოდი.

144. ზომიერი სმა

გულისა საგრილობლადა
ღვინის სმას არვინ დაგვიშლის,
ცოტა რამ მოქარბებული
ქკუას თავიდან შაგვიშლის,
მოყვარეს მტრად გარდაგვიქცევს,
დავიდარაბას აგვიშლის.

145. სუკვილისა კოშკი მედგა

სურვილისა კოშკი მედგა,
ზედ მირონის გუბე იდგა,
დაგლოცოს პირმა ღვთისამა,
საყდარმა გელათისამა,
ას ორმოცმა ანგელოზმა,
თორმეტმა ბარძიმისამა.
სიონის ხატმა და ჯვარმა,
გადმამცქერალმა მტკერისამა.

146. მახარობელი

მე ვარ მახარობელი,
სახლის გამხარებელი,
ამიხვიეთ მხარი,
მტერს დაუდგა თვალი.

147. ძმის რაღმსვა

ძმაო, ღმერთმა გადღეგრძელოს,
საბძელი მოგცეს ბზიანი,
ოთხი-ხუთი ცხენი მოგცეს,
წითელი-ნარინ [ჯიანი],
სადაც რომ წახვიდე ომში,
შენს ხმალს გაჰქონდეს პრიალი,
მოგეკლას ათი ათასი,
არ დაგმართოდეს ზიანი.

148. ახალთაობას

ახალთაობას მივმართოთ,
დავივიწყოთ ძველი რჯული.
ხელი მივყოთ ხვნა და თესვას,
იქნებ გავიბევროთ პური.
ყველამ გაზეთი ვიკითხოთ,
ყველა ვიყოთ გასწავლული,
მაშინ მტერი ვერას გვიზამს
შინაური, გარეული.

149. ბებერი მოწაღრიკა

ვაჰ, დედას თქვენსა, ჯიხვებო,
დავბერდი, მიკლეს თვალთაო,
ფეხდაფეხ ველარ მოგყვებით,
მუხლები დამეხლართაო.
კიდევ სად გაყურებინებთ
ჩემი ყირიმის ხმასაო.
კიუხში შეგაბერტყინებთ
ციცკრის ხანს გეჩის ნამსაო.

150. თოვდი თოვს

თოვლი თოვს, ჯიხვი ფეხს უცემს,
გული გკლავს, მონადირეო:
— ჯიხვო, ვერ მოგკალ, ტიალო,
სისხლი ვერ გაგადინეო.
ვერ გადაგაგდე კლდეზედა,
რქაზე ვერ დაგაბჯინეო.
ვერ დავიკვებე სწორებში,
გულო, ვერ გაგაცინეო.

151. ამ სოფელსა სამი ვთხოვე

ამ სოფელსა სამი ვსთხოვე:
ენა ტკბილი, ხელოვანი,
ზედ საჯდომი კარგი ცხენი,
წინ მინდორი ველოვანი,
გვერდ საჯდომი თეთრი ქალი,
თასით ღვინო ფეროვანი.

152. ღვინო კი მათრობელა სჯობს

ღვინო კი მათრობელა სჯობს,
ძალი—თეოზედ მყეფარი.
ვატკაცი წყნარი სჯობია,
რა გაკირდება—მკეხარი,
არც ვარგა ქალთა მიმყოლი,
ჩალად არა ღირს მკეხარი.

153. ვაჟი ვიყავ

ვაჟი ვიყავ და ვვატობდი,
ქორულად შევქენ ნავარდი,
მეფის ერეკლეს ჯარშია
თავს ვეცი, ბოლოს გავვარდი.
დახედე სიბერეკაცესა:
ბოლოს ეამს როგორ დავვარდი!

154. ვ ე რ ი ტ ა ნ ა

ვერიტანს ცხენსა უქებენ,
კვიცია სამი წლისაო,
ზედ ვერიტანა შეჯდება
ლერწამი ზღვის პირისაო.
მუხლი უბია მგლისაო,
თვალეზი შავარდნისაო,
ჩოხა, მასრები უყრია,
დათლილი ჩერქეზისაო.

155. ა ი მ ა მ თ ა ს ა

აიმა მთასა, მამიდავ,
ვეფხ-ლომნი გაკიდებულნი,
ვეფხვი სცემს, ლომი უფარებს,
ჩადიან დამწარებულნი.

156. ხ მ ა ლ მ ა თ ქ ვ ა

ხმალმა თქვა: ჯანგმა შამქამა
ჯაბანმა რამამ ჩამაგა,
ნეტავინ პირშიშეელასა
წვერ უხვეველ ყმასთან შამაბა,
რო შაშიტანოს ომშია,
სისხლის მორევში ჩამაგდა!

157. ხ ე ვ ს უ რ ო . ხ მ ა ლ ი გ ა ლ ა ლ ე ბ ს .

ხევსურო, ხმალი გალალეზს,
ფშაველო—ენა გრძელიო,
მაეარი—გუდამაყრელო,
ტყვია გამუდის ცხელიო.

158. ღ ე პ ა ს ღ ე ქ ს ი

ერთმანეთს უზიარებდნენ
მაღალი მთების კრემლებსა,
ამბობენ დღეობა არის,
სოფლად ჰკაზმავენ ცხენებსა.

ლეგაიც ჰკაზმავს „წითლასა“,
გაოზე უსვამს ხელებსა.
ახლა უნაგირს დაადგამს,
ვერცხლის ღილებით კრელებსა.
ააყრის ძველსა ნალებსა,
ახლებს დააკრავს მთელებსა.
ცოლი დაუცხობს საგძალსა,
მისალოცავსა კვერებსა.
ბევრებს დაუცხობს ლეგასა,
ცოტას არ დააჯერებსა.
ჩაიცვამს ტანისამოსსა,
ვაჟი მხრებს დაიმშვენებსა.
— ჩქარა წავიდეთ, სწორებო,
ნუ ჩამოვრჩებით ჩვენებსა.

159

ვატკაცო გულადო, მარდო,
როსტომიანთა სახეო,
ისპაანს ნადირთ მომკვლელო,
ძელისა ტყავითურთ დამხვეო.

160

ხმლო, ფრანგისა ნაქედო,
ვაჟმა გაგლესა, დაგფერა,
ერეკლემ, ჩვენმა ბატონმა,
საომრად ჯვარი დაგწერა.

161

ფშავი ხარ, ბიქათ ვარგიხარ,
არვინ გიცქერის ტანზედა,
ფებს დაჰკრავ, გადაჰფრინდები
ბახტრიონ გალაგანზედა.

162

კარგ ყმასა ჰშურობს სოფელი,
იტყვიან: კარგი რად არი?

საქმე რომ გაუქირდება,
ყველა იბარებს: სად არი?

163

ნადირი, მენადირეო,
გან თუ სრუ გებედებისა:
ეხლა ვერ მახკალ, კვლავ მახკლავ,
აუგ არ დაგედებისა.

164

ვინც იცნობს ჩვენთა სოფლელთა,
ბთას ქორებურა ქრიანო,
მტერსა და მოჯაითესა
ტანზეთი ჯაქესა ჰყრიანო.

165

კა ყმა არ უნდა სოფელთა,
რა მოკვდის—მოღგონდებისა,
კაის ყმის ნასადგომარსა
მოდალე გადმოდგებისა.

166

შაუპატიეეთ კას ყმასა
ჯარზედა დიდის თასითა,
რახან გაქირდა, კაი ყმა,
საყიდას დიდის ფასითა.

167

ხუმარამა დათვი მოკლა;
მცარცვაფი ფშაველთ ცხვრისაო,
იკურთხოს იმის მარჯვენა,
ვინც სისხლი გვასვა მტრისაო.

168

ქარში ლეკმა დაიკვება,
სამგან გადვინაცვლე ბინა,
მე თქვენი თოფი არ მომკლავს,
თუ არ მომხვდა ყარაბინა.

169

ქსნელი ბიკისა კირიმე,
ირემს ჰგავს, კორბუდიანსა,

170

აზნაურობა რა არის?
— ერთი წითელი ბაწარი,
შემოიქირე წვივზედა,
ბაზარში შექენ წანწალი.

171

სამწყერაოთ კვარხეთი სჯობს,
საკურდღლაოთ კირბალ-ზერტი,
ბერშუეთი ყველასა სჯობს,
მაგრამ ბატონი ჰყავთ ცეტი.

172

ორშაბათობით დავთესე
ქინძი, ქონდარი, პრასაო,
მუხრან ბატონის ქონება,
სულ ტიალ-ოხრად დარჩაო.
გაჯავრებულმა ფრანცუცმა
ქეთევანი კი დასცაო.

173

ნეტავი ბევრი ძმისასა,
ცხარე მზე არ დაადგება,
ვერც არა მტერი ულაშქრებს,
ვერც ბატონი მიუხტება.

174

ბეჩაო, მამასახლისო,
კაცნი კაცადა გთვლიანო,
ზოგნი გიცხობენ ქადასა,
ზოგნი ხინკალსა ყრიანო.
მაშინ რას იზაე არ ვიცი,
მაგ ჯაქს რომ წამოგყრიანო.

აზნაურობა მიყვარდა,
 გვერდზე დახურვა ქუდისა,
 ბაზარში გავლა-გამოვლა,
 ყველგან ატეხა ჩხუბისა.
 აზნაურობა დავაგდე,
 ქორჩი წამოვკარ ახოსა,
 მალი-მალ გავიხედავდი:
 არავინ დამინახოსა.

რად მიტევე, მამასახლისო,
 გული რადა გაქვს დიდია?
 იმით თუ შებუზღუნები
 გულზე რომ ჯაქვი გკიდია,
 სახლი რკინებით სავსე გვაქვს.
 ძაღლები ჯაქვით გვიბია.

შემოუარე, გამოვა,
 ნალარა გამოვარდება,
 მამასახლისი შოკვდება,
 ნაცვალი ამოვარდება.

სახნის, საკვეთი, ჯამბარა
 მამასახლისმა დაგეპარა,
 იმას გაუწყდეს ცოლ-შვილი,
 უხნავ-უთესი დაგვეყარა.

მოჯამაგირის ულუფა
 — ერთი დამწვარი კუტია,
 იმასაც არ აღირსებენ,
 თუ არ ასტეხა ჩხუბია.

შაშვი, ნაწრეტი რათ გინდა,
 ნადარბაზევი ქვიანი?
 არ არის წყალი, წისქვილი,
 არცა მოყვარე მხრიანი.

სილარიბე, დაწყევლილი,
 ზემზე რადა დაჩვეული,
 საცა წაველ, გამამყვება,
 ჩოხის ძველში გახვეული.

მანამდის ღმერთმა გაცოცხლოს,
 სანამ გასძლებს მცხეთის ხიდი,
 მე კი ძმურად მოგეკიდე,
 შენ კი ეხლავ ამიხირდი.

სახლო, ღმერთმა აგაშენოს,
 ჯერ ქურქელი, მერე თარო,
 ოჯახში გაგაძლიეროს,
 ჯერ ვაჟკაცო, მერე ქალო.

ერწოს იყივლა მამალმა,
 იკვლიეში კოდალამაო,
 ქალო, რატო არ მიყურებ,
 დაგწყევლოს კოპალამაო.

გადაგიბტი, გაღმოგიბტი,
 ჩაგეგრიხე წწელივითა,
 ქალო, რისთვის გამირბიხარ,
 ტყეში დამფრთხალ შველივითა?!

186

ნეტავ, ქალო, შენმა ქმარმა
აილოს და ქვა დამცესო,
ის ციმბირში წაიყვანონ
შენი თავი მე დამრჩესო.

187

მზე წავიდა ბუდისაკენ,
ჩასასვლელად ეღირება,
გოგოვ, შენი ერთი კოცნა
მთელ ქვეყანად ეღირება!

188

გოგოვ, ისე ლამაზი ხარ,
ფერსაც ვერ გიცვლის ზამთარი,
მომცემ სიცოცხლეს, თუ მომკლავ?
შემომითვალე მართალი.

189

ქალმა რომ კოკა აავსო
ჩამოჯდა წყლის პირს ქვაზედა,
დანიშნულს დაპირებოდა:
იქ მოგიცადო წყალზედა.

190

გოგომ რომ ვაშლი მესროლა,
მეტკინა გულის ფიცარი,
თუნდ მომკლან, სახელს არ ვიტყვი,
ღმერთმა უშველოს ვინც არი.

191

ქალები დაგროვებულან
სიმინდის სათოხნელადო,
ლოყები დასწითლებიათ
ბიჭების საკოცნელათო.

192

კაცსა, ხეთისა გაჩენილსა,
თვალი უზის ეშმაკისა,
რაც უნდ კარგი ცილი ჰყვანდეს,
მაინც მოსწონს სხვადასხვისა.

193

ქალო, შენმა სიყვარულმა
გამიჩინა გენიאו,
რა ვქნა, როგორ არ გიყურო.
რო გიყურო, მრცხვენიאו!

194

მინდორთა მაშეენებელო,
ვარდო, გაშლილო ველადა,
სად მაიცალა იმ ღმერთმა
შენი თვალწარბის წერადა!
ვინ მისცა საწერ-კალამი,
დაგხატა ათას ფერადა!

195

ეს სოფელი მისთვის მინდა,
შენ გიქპირო, ჩემო მზეო!
ახლო ნახვა არ შეღირსა,
შორს გიგონო? რა ვქნა მეო?!

196

ქალ-ვაჟთა მდომიარეთა,
სოფელი ბრმაი ღგონია,
სოფელი ბრმაი არ არის:
კედელსაც თვალი ჯდომია.

197

საიდან მოხვალ შენ, ქალო.
მხარზედ რომ გიდგა კოკაო?
მომზადებულხარ სარძლოთა,
დაგწითლებია ლოყაო.

ქალო, შენსა სიყვარულსა,
 შემომითვალე, რა ვუყო?
 ზურგს ავიკიდო საბლითა?
 რომ ვერა ვზიდო, რა ვუყო?!

ქალო ავშავო, თვალშავო,
 წამწამ გიშერო, თმა შავო,
 მასწავლე შენი საწოლი,—
 ია და ვარდი გავშალო.

მინდორს კოშკი ავაშენე,
 ზედ მოვადგი ნარიყალა,
 ქალო, შენმა სიყვარულმა
 შორის გზიდან მომიყვანა.

გაზაფხულისა პირზედა,
 შაშვმა დაიწყო გალობა,
 მე კი დამწვი და დამდაგე,
 დაიწვეს შენი ქალობა.

იარე, ქალო, წავიდეთ,
 მინდვრის ყანები ვნახოთო,
 ყველი და პური წავილოთ,
 დავსხდეთ და ლხინი ვნახოთო.

ლამაზო ქალო, შენ იცი
 სიყვარულისა ფანდები,
 ზოგიელის ჩემი სურვილი,
 მსწრაფლ ჩემსკენ გამოჰქანდები.

204

შენი ქირიმე, დედაო,
ქალი ზის წყაროზედაო,
წავიდეთ, წამოვიყვანოთ
დავისვათ კერაზედაო.

205

ვერა ხილი ვერ სჯობიან
აყვავებულსა ატამსა,
შენ რომ თვალით დაგინახავ,
გული დამიწყებს კანკალსა.

206

ბიჭო, შენსა ბიჭობასა,
ჩემი სჯობდა ქალობანი,
ჩემი გავლა და გამოვლა,
ჩემი საქციელობანი.

207

სურვილისა ვაშლი მედგა
ფეხი შევდგი, შევხარეო,
შენ რომ თვალით დაგინახე
ლმერთსა ხელი შევყარეო.

208

ქალმა ჩიქილის ქნევითა
ბიქს თავი შააყვარაო,
შორით დაწვა და დადაგა,
ახლო არ მიიკარაო.

209

აგრე არ უნდა შენ, ბიჭო,
ქალსა თმიანსა ყვარება,
ხან კოცნა უნდა, ხან ჭევენა,
ხანდისხან მკლავზე გორება.

210

დილით ადგები მზიანსა,
ხევ-ხევ ჩაჰყვები ნიავსა,
შიგ გულში ჩაგეკონები
ჯერ გაუშლელსა იასა.

211

გემდური, ჩემო დედილო,
რად გამათხოვე პატარა.
პატარა ქმარი შემყარე,
სულ არი-არე მატარა.

212

რა ქნას რომ არა სტიროდეს
შავი და ბნელი ქალიო:
პირდაპირ ჩამოსჯდომია
სიკვდილის ფერი ქმარიო.

213

ყმა გავლილ-გამოვლილი სჯობს,
ქვეყნიერება ნახული.
ქალ მამის კერას ნაჯდომი,
საქმარედ თავშენახული.

214

მალალ მალალსა მთაზედა
ია კვენესოდა „ვამეო“:
ან მოვა თოვლი დამაძრობს,
ან მზე დამაქცნობს მალეო.
თუ გამაჩინე, უფალო,
რათ არ დღეც დიდი მამეო.

215

დაგლევე მალალ მთის წყაროვო,
ცივათ ნადენო კლდისაო,
წავალ და დავიკარგები
როგორც მარსკელავეი ცისაო.

ვაი რა ძნელი ყოფილა
გაწირვა სწორებისაო!

216

მოდო, ვილხინოთ ყველამა,
სანამ ერთმანეთს ვხედავდეთ,
გლოვა მაშინაც გვეყოფა,
შაეს მიწას ამოვხედავდეთ.

217

ერთი ვარ, ერთხელ მოვკვდები,
ერთხელ ვატირებ დედასა,
ერთხელ სჯობიან სიკვდილი,
მუდამ ეამ დალონებასა.

218

შაიყრებიან ყორნები,
არ გაირევენ ძერასა,
კაცი ვერსაით წაუფა,
თავის ბედისა წერასა.

219

ყველა ფრინველი ხეზე ზის,
მწყერი კი ძირს დაგოგდება,
ვინც იტყვის, რომ დღეგრძელი ვარ,
ის უფრო მალე მოკვდება.

220

მთვარევე, გამცილდი, ტიალო,
გამშორდი, გამეცალეო,
რას დამცქერ გახარებული?
სიკვდილი დამაცალეო.
შენც მალე გნახამ დაბურვილს
ნისლით, დღეს ანუ ხვალეო.

221

მშვიდობით, ჩემო სამშობლოვ,
სამუდამოთა გშორდები,

რაც აქით ვალი მიმყვება,
სულ იქით გაგისწორდები.

222

ობერო წუთისოფელო,
საქციელი გაქვს ცუდიო,
ჯერ კი წაიცდენ ვაჟკაცსა,
ბოლოს გამოჰქარ კუდიო.

223. გასათხროვარი ქალის სიკვდილი

ბაბალემ დაივაგლახა,
ნურც დავრჩენივარ დედასა,
თუ ღმერთი სიცოცხლისასა
მეტს არ მომცემდა ნებასა,
შავეთის კარი გამიღეს
ზარი დარეკეს ზეცასა.

224

გუდამაყრელი ჩიოდა:
გუდამ შაქამა ყველიო,
გუდა ყველს როგორ შესქამდა,
დაექცეს მამის ყელიო!

225

ჩემს მტერსაც დაუღამდება
ავქალასა და მცხეთასა,
შინ ხომ არავინ შაუშეგებს,
სიცივე მოჰკლავს ბეჩავსა.

226

შენ გატიალდი, ზამთარო,
ლამის ბუხარში შემთარო,
შენი კირიმე, ზაფხულო,
სადაც დავწვები, დამხურო!

227

დატრიალდი, მოგიხდება
ვით ხარატული ჯარაო,
მშობელი შენი ვაცხონე,
გამზრდელი შენი ლალაო.

228

წყალში მოდის ორაგული,
ბოლოს აქნევს, თავს არაო.
ეხლანდელი ახალგაზრდა
მზითევს ეძებს — ქალს არაო.

229

პატარძალო პატარაო,
წყალს მოიტან — სხვას არაო,
წამოჯდები კერასაო,
ატარტარებ ენასაო.

230

შენ, ბიჭო, ისე გგონია
ლექსები გამომელია?!
ლექსები იმდენი ვიცი,
დიღმის მინდორზე გრძელია,
აგაკრეფინებ ტომრებში,
მოგაწყვეტინო წელია.

231

ხშირად ლექსებს მოგახსენებ,
ტირიფონაზე გრძელია,
თუ გინდა შინაც გაგატან,
მოგაწყვეტინო წელია.

232

ბიჭო, შენც ხომ კარგად იცი,
მგელი ბატკნისა მტერია,
ხურჯინი ლექსით სავსე მაქვს,
გუდა პირმოუხსნელია.

233

ტატუნაშვილი ზაქარა
 რა ეშმაკებმა შაშალა?
 წმინდათ მოხვეტა ტაბლები,
 მკედრები მშვიერი დაყარა!

234

ეგ ოხერი ჩვენი მღვდელი
 ფინთათ აცანცარებს წვერსა,
 სადაც ტაბლას დაინახავს,
 იქით მიაქენებს ცხენსა,
 ხორავს ხურჯინში ჩააწყობს,
 ქოთანში ჩაასხავს წვენსა.

235

დავლიოთ ღვინო, დავლიოთ,
 თორემ მოიგდებს ბრკესაო,
 ვადღეგრძელებდეთ ცოცხლებსა,
 მოვიგონებდეთ მკედრებსაო.

236

ბერო, სიბერეს ნუ სჩივი,
 მოკლებას თვალებისასა,
 ეცადე კკუა-გონებას,
 რიგებას სოფლობისასა
 ჯერ ბოლოს გაიკეთებდე,
 მემრ გზასა სულეთისასა.
 აიჯუფდება სწორები,
 ნუ მოუწონებ ხეთის მადლსა,
 სწორადა გაუჯავრდოდი
 თავისასა და სხვისასა.

237

ტყეში დავუდე ურემი
 სოფელზე არ აუვლია,
 ეს ეხლანდელი ბიკები
 დუქნების ყარაულია,

დღე და ღამე იქა დგანან:
ვის აუვლივ, ჩაუვლია!

238

მჭედელო, განა რკინასა
სპილენძი არ გაერევა?
კაცს რომ კაცი ეჯავრება
ძიზეზი არ დაელევა.
თავისთვის რომ პურსა სჭამდეს,
ჭაპი-ჭუპათ ეჩვენება,
თავისთვის ლაპარაკობდეს,
რახი-რუხათ ეჩვენება.

239

მთიული ქალი რათ ვარგა,
ჩიქილა ჩამოფხატული,
ქალი სჯობიან ქართლელი,
თვალ-წარბში გამოხატული.

240

მძაგს ქათამი ნაკრუხალი,
ბოლო-კურტუმ დაგლეჯილი,
კაცი სხვაგან მხიარული,
თავის სახლში დაღრეჯილი.

241

— უსანეთობას წამოვალ,
მე გადმოვივლი თქვენსაო,
ძალიან გაგაპურადებ,
მოგახდევინებ ქვეერსაო,
ღვინოსაც დაგვალევენებ,
შინაც გაგვატან ბევრსაო.

242

— ჩემ ცოლის დამ დაგიწუნა,
მჭიდროსით ხარ ალაგისა.

— უცოლოდ არ დავბერდები,
ნუ ღონდები, არა გინდა,
თაებუმბულიანს მოვიყვან,
როცა მოვალ ქალაქითა.
გუდარახ რა აღვილია,
ხომი სჯობის ბარაქითა,
სულ დაეავსენ ჯამ-ქურქელნი
ერთის ფურის კარაქითა.

243

ამისი ავი კაცი ვარ,
ვილაპარაკებ ბევრსაო,
ზოგი მეძახის კქვიანსა,
ზოგი კი კქვაზე თხელსაო.

244

აღე, ირემო, რას გძინავს,
ყურქქვიტა ლაღებიანო,
მოდინ მონადირენი,
თავი არ დაიზიანო!

245

დოვლათიანი ირემი
დილით ღამიან ადგება,
სერებს გაივლის ქამითა,
წაეა, სიმაგრეს დაწვება.

246

ანანურს—ციხე მაღალო,
საყდარო გუმბათიანო,
ქალო და რძალო ღამაზო,
ვატკაცო ლაზათიანო.

247. აჭირდა ყვავი

ატირდა ყვავი, ყორანი,
ხოფისა და ბეჯან ტყისა,
ხოფასა და ხერხმელასა
სისხლის წყარო აღარ დისა.
ნადირს კაცი გაუგზავნეს—
ახლა ჩამოვიდეს ძირსა,
ნულარც ნადირს ეშინიან,
ნულარც წყალში თევზი თრთისა;
აღარ არის „კუსრას ბიჭი“,
აღარც მისა თოფი ტყვრისა,
ირემი ნაბოსტნარში სძოვს,
ლორი ნასახლარში სთხრისა.

248. ორშაბათ დილა გათენდა

ორშაბათ დილა გათენდა,
ვირსა გაულე კარიო,
წადი, ვირო, კალას ჩადი,
ჩაახრამუნე ნარიო.
წინ მგელი შამოეყარა,
ამოუკრინტა თვალის:
— ვინ არის შენი ბატონი,
ვირო, ვისი ხარ, ყმაიო?
— ჯერ თაეად ციციანთი ვარ,
მერე ერისთვის ყმაიო,
გუშინ ქალაქში ვიყავი,
მარილი მოვიტანეო,
ერთს ჩარექს გამოგიგზავნი,
რომ მაინელო მხალიო.
— მე მხალე-მხული არ ვიცი,
არა ვარ მოლოზანიო,
მაშაჩემის შეილს უყვარდა
სახრავად შუა ძვალისო.

სთქვა და იმ ვირს დააფრინდა,
დაახრა გავის ძვალთ,
— დიდი ა.წ დაიღრილო,
არ შემეყარო ჯარიო,
კუდიც არ გააცანცარო,
არ გამომთხარო თვალთ.

249. პირველი მოყვება

გაზაფხულ იყო მაშინა,
ახლათ ყვაოდენ იანი,
მწვანეს ეწვდებო ბალახსა
ხარი ირენი რქიანი.
გამოჩნდა მოყვება პირველში,
ჩამოვა შეილდ-ისრიანი.
შემოფრთხა ხარი ირემი,
რქებმა წაიღეს ბზრიალი.
გამოაყოლა მოყვება:
— შორს ველარ ივლი ტიალი!
— რათა მკლავ, ლალატიანო,
შენთვის რა მიქნავს ზიანი?
ჩემი მზის დამბნელებლო,
შენაც შეგკამენ კიანი!
შენ ჯოჯოხეთში დაიწვი,
ჩემთვის მზათ სამოთხე არი.

250. ზახთან შეხება

ჰაი, სესიაე, სესიაე,
შენ წამიყვანე ტყეშია,
შენ მალლა-მალლა იარე,
მე—დაბლა-დაბლა ხევშია.
წინ ტახი შამომეყარა,
კუდა იყო თუ მოეშია.
დავიჩოქე და ვესროლე,
ზოვარტყი ბეჭიფთეშია.

ერთი იმანაც მისართა
ამ სისქის ბარძაყებშია.
დავჯექ, ფეხი შევიხვიე,
თოფი ავიღე ხელშია.
ველარც თოფი წამოვიღე,
ველარც იმისი ლეშია,
აღმართი ამოვირბინე,
ერთი არ დამიხვნეშია,
მოველ და ბიქებს ვუამბე:
— ვაიბე, ძმებო, ფეხია.
— ეხლა ჩვენ რაღას გიშველით,
მონადირისა წესია.
შენისთანა ბიკ-ბუქები
ტახს ბევრი გაუსრესაა.

251. კ ო მ შ ი

კომშმა სთქვა: მეცა ხილი ვარ
ყოველი ხილის სადარი.
ღრდი ხე არ გავიზრდები,
ულელი ხარის სათარი,
შიგნით გული ასეთი მაქვს,
როგორც სიონის საყდარი.
არ შამქამს ქართველი კაცი,
ზედ დამაკედება თათარი.

252. ა ლ ა ზ ა ნ ი

შენ თუ ხარ ლეკთა მიჯნაზე
და გქვიან ალაზანია,
შხუილის მეტი ტიალის,
წყალო, არა გაქვს ჩქამია.
ნეტაეიცა გქნა არაგვი,
ფშავიდან მამდინარია,
ტკბილად მეკითხა ამბავი:
ფშავლები როგორ არია,

ქალები გუდარახისა,
გამოღმა ჩარგლის მხარია,
სხვა კი სულ ყველა მოვსთვალე,
ერთილა დამრჩა ქალია:
სიკვდილსამც დაავიწყდება
თამარი, ოსის ქალია.

253. ღ ე ხ უ რ ა

ამილახვრიანთ ლეხურა
ცეტი არი და სულელი,
ეამურიდან წამოვიდა,
ჩეჩქი წამოიღო ბევრი.
კასპის ვენახები სწყვიტა,
ბტკვარსა მოგვიწყვიტა წელი-
ლიახვსა შემოუთვალა:
შენ ძმობილი იყავ ჩემი,
საშამფურე წამოიღე,
მე სამწვადე მამაქვს ბევრი.
კასპში ღვინოებს აქებენ,
ღვინო არი ლალისფერი,
ისე დავხადე ქვევრებსა,
აღარა დასკირდა ბარი.

254. ქ ს ა ნ ი

დეკანოზის დალოცვა:

— ღმერთო, შენ გააძლიერე
არაგვი და ჩვენი ქსანი.

ქსანი:

— მე შენი ლოცვა არ მინდა,
მე ჩემ თავათ ავდიდდები,
პატარა წვიბა მოვიდეს,
წამოვალ და გავვიქედები.

სულ ერთიანად დაეგლიჯე
მიდელაანთ წისქვილები,
კორინთას რომ ჩამოველი,
დავსჯექ, დავწერე წიგნები,
გაუგზავნე რატიშვილსა:
— მანდ არს ჩემი მამულები.
— აქ ვინ მოგცა შენ მამული,
ან ვინ მოგიწერა ხელი?!
— სასახლის წინ ჩამოგივლი,
ჩამოინგრეს თავხეები,
ძირის ვაკიდან დაგიფრენ,
ხრიაკის წვერზე გაგყვები.

255. პრაგვი და მგჰჰარი

შექრელებულა თოვლები
არაგვის ყველა მხარესა.
ალარსად ზეაეები ჩანან,
თვალს ვაველებ არემარესა,
მხოლოდ მდინარის გადაღმა,
ხევებზე, ყოველ მხარესა
სძინავთ ძირს დამრჩალ ზეაეებსა,
ზედ ფოთოლ დანაფარებსა.
გაცოცხლებული მიდამო,
შეხარის მალლა მთვარესა,
ქალებთან მუსაიფი აქვს,
არა გავს მოლიმარესა.
მდინარე ქალას უამბობს
ამბავსა საცინარესა.
მე ვალდებული გამხადეს
მტკვრისად მიმეცა წყალია,
ვერ ჩავაბარე დროზედა,
მისი დამედო ვალია.
ვალა მქონდა მოცემული,
პირველი თებერვალია.
წყალი ველარსად ვიშოვნე,

ყინვამ წამართო ძალია.
მტკვარსა მივწერე წერილი,
ხვეწნით თავ შევაბრაღია:
ორი თვე ნახევარიცა
მადროვე, დამაცალია.
მომეცი წყალი, მკირდება
მთებს თხოვნით დაუბარია,
იმათ სიცილათ არ ეყო
ის ჩემი ნაუბარია.
ბოლოს კი ხერხსა მივმართე,
მეტი არ მქონდა ძალია.
მთას დავუბარე მუქარით:
ვცადოთ ვისი კრის ხმაღია,
განანებ თავხედობასა,
იცოდე—შენი ბრაღია.
მთამ რო გაიგო მუქარა
მეტათ იუკადრისაო,
და დამიშინა ზეავები,
ჩამონასხლეტი კლდისაო.
და სწორეთ მეც ეგ მინდოდა,
მოსამატებლად წყლისაო:
დადნა და წყალი შეიქნა
ზეავი, ნასროლი მთისაო.

256. ვინს საქმე გააკეთა, პერის იმანა ჭამოს

იყო და არა იყო რა, ღვთის უკეთესი რა იქნებოდა, იყო ერთი ბიჭი, ჰყავდა დედა და ერთი ხარი. ხვნის ან ლეწვის დროს ხართან უღელში ხან შვილი, ხან დედა შეებმებოდნენ ხოლმე. ერთხელ ხართან უღელში დედა იყო შებმული, შვილი კვერზე იდგა და ასე ლეწავდნენ ძნას. ამ დროს ხელმწიფემ გამოიარა.

— ბიჭო, რას შერები მაგას, რა გიქნია საცოდავ დედა-კაცისათვისა!?

— რა ვქნა, შენი ქირიმე, ერთი ხარის მეტი არა გეყავს და მეტი ღონე არა გვაქვს, ასე ვშველით ხარს უღლის გაწევაში!

— მაშ თუ ეგრეა, წამოდი ჩემთან და მე მოგცემ ერთ ხარს, — უთხრა ხელმწიფემ.

ბიქს გაუხარდა და გაჰყვა.

თურმე ხელმწიფეს ჰყავდა ერთი ისეთი გიფი ხარი, რომ ახლოს არავის იკარებდა. დაჰხვია ხელმწიფემ ამ ხარს თავისი ჯარი და რის ვაივაგლახით შეაგდეს ბაქში. ბიქმა უთხრა: რამდენიმე დღეს ნურაფერს ნუ აქმევთო. კარგა ხნის შემდეგ ბიჭი მიუახლოვდა ხარს და ცოტა თივა შეაქამა, ბიქმა დაიქირა ხარი, ილღიაში თივა ამოიღო და გამოუძღვა. ხარი უკან გაჰყვა, მიიყვანა შინ, შეაგდო ბოსელში და ოთხი დღე არაფერი აქამა. მეხუთე დღეს გამოიყვანა, შეაბა კვერში თავის ხართან, თავისი დედა კვერზე დაუსვა, თითონ თივა აიკიდა და გაუძღვა წინ. გაჰყვა მშვიერი ხარი უკან. ბოლოს ისე მოარჯულა ეს ხარი, რომ დაუფასებელი გახდა.

ერთხელ ეს ბიჭი თავის ხარებს კალოზე დააქროლებდა, თითონ კვერზე იდგა და ოროველას დასძახოდა. ამ დროს ხელმწიფემ გამოიარა და ბიქს ჰკითხა:

— ვისია ეგ ხარი?

— ჩემია, შენი ქირიმე, თქვენ რომ მაჩუქეთ ის ხარია,— მიუგო ბიჭმა. მეფეს გაუკვირდა და ბიჭს უთხრა:

— წამოდი ჩემთან, ერთი ქალი მყავს და შენ უნდა მოგათხოვო.

— რასა ბრძანებ, შენი ქირიმე, მე რა თქვენი ქალის ღირსი ვარ!

— მე შენ გიბრძანებ, უნდა წამოხვიდე და ჩემი ქალი შეერთო!— უთხრა ხელმწიფემ.

ბიჭი კიდევე შეეხვეწა თავი გაენებებინა, მაგრამ მეტი ღონე არა ჰქონდა, ადგა და გაჰყვა ხელმწიფეს.

თურმე ამ ხელმწიფეს ერთი ისეთი ზარმაცი ქალი ჰყოლია, რომ რაც დაბადებულა ლოგინიდან არ ამდგარა, ლოგინში ჩააცმევდენ, იქვე სქამდა და სვამდა. მივიდენ სასახლესი. ეს ბიჭი კიდევე შეემუდარა ხელმწიფეს:

— გამანთავისუფლე, შენი ქირიმე, რა ჩემი საქმეა თქვენი ქალიო!— ხელმწიფემ თავისი არ დაიშალა. ბიჭმა უთხრა ხელმწიფეს:

— კარგი, შენი ქირიმე, რაკი აღარ მეშვებით, მაშ ერთი ენგიანი ხმალი მომეცით, ერთი ქეციანი ძაღლი და ერთიც გადამკვდარი ცხენი.— ამაზე უარს ვინ ეტყოდა, მისცეს რაც ითხოვა. ჩამოიკიდა დაეანგული ხმალი, წამოიყვანა ხელმწიფის ქალი, ქეციანი ძაღლი და გაძვალტყავებული ცხენი. მოღის ბიჭი და ზარმაცად, ზღაზნით ყველანი მისდევენ უკან. მიუბრუნდა ბიჭი ძაღლს და ეუბნება:

— ძაღლო! ჩემს ნაფეხურზე დაადგი ფეხი, თორემ ამ ხმალს ხომ ჰხედავ? თავს მოგაგდებინებ!

რასაკვირველია, ძაღლი ვერ აუსრულებდა ბრძანებას. მიუბრუნდა ბიჭი ძაღლს, დაჰკრა ხმალი და თავი გააგდებინა. ახლა ცხენს უთხრა:

— ცხენო, ჩქარა იარე, ფეხი ჩემს ნაფეხურზე დაადგი, აქეთ-იქით ნუ გადაუხვევ, თორემ ამ ხმალს ხომ ჰხედავ, თავს წაგაგდებინებ!— ცხენს რა გაეგებოდა ბიჭის ლაპარაკი, როგორ აასრულებდა მის ბრძანებას! მიუბრუნდა ბიჭი, დაჰკრა ხმალი და თავი მოაგდებინა.

მერე ქალს უთხრა: — ქალო, ხომ ხედავ ამ ხმალს, ჩქარა იარე, ფეხი ჩემ ნაფეხურზე დაადგი, თორემ შენც ისე გააგდებინებ თავს, როგორც სხვებსა!

მიღის ბიჭი, მისდევს ქალი, ეშინიან არ ჩამორჩეს; რო-

გორც იყო და არ იყო მივიდნენ სახლში. გაუშალეს ლოგინი, ჩაწვა შიგ ეს ქალი და აღარც იქით იძვრის და აღარც აქეთ.

მეორე დღეს დედა და შვილი სამუშაოდ კალოზე წავიდნენ. მთელი დღე იმუშავეს, გალენეს, გაანიავეს და საღამოთი შინ დაბრუნდნენ. დედამა ჰკითხა შვილს:

— შვილო!

— რა გინდა, დედა?

— პური ვინა კამოს?

— მე და შენა!

— საქმე ვინ გააკეთა?

— მე და შენა,—მიუგო შვილმა.

კამეს დედა-შვილმა პური, ქალი კი შორიდან უყურებს მშიერ-მწყურვალს. დაწვენენ და დაიძინეს. მეორე დღეს ისევ სამუშაოდ წავიდნენ. ასე გაატარეს ოთხი დღე. ქალს მეხუთე დღეს ისე მოშივდა, რომ სულ კუჭი ეწვოდა სიმშილით. თუ არა გაეაკეთერა, ეს ხალხი მშიერს მომკლავენო, სთქვა ქალმა, მისწვდა ლოგინიდან ცოცხს და რასაც ლოგინიდან მისწვდებოდა, შემოიგავა გარშემო. დედა და შვილი საღამოთი მუშაობიდან დაბრუნდნენ.

— შვილო!

— რა გინდა, დედა?

— საქმე ვინ გააკეთა?

— მე და შენა!—უთხრა შვილმა.

— პური ვინა კამოს?

— მე და შენა.

დასხდნენ დედა-შვილი და კამეს პური.

დედამ შვილს უთხრა:—ცოტა პური ამასაც მოეუტეხოთ, თავის გარშემო შემოუგვია. მოუტეხეს ერთი ხელის გულის ოდენა პური. ცოტა პურმა ქალს უფრო მადა გაუღვიძა. მეორე დღით დედა და შვილი სამუშაოზე რომ წავიდნენ, შიმშილმა ისე შეაწუხა ეს ქალი, რომ ადგა, აიღო ცოცხი და ნახევარ კერა შემოგავა, მივიდა და ისევ ლოგინში ჩაწვა. მოვიდნენ დედა-შვილი, კამეს პური და ნახევარი პური ქალსაც მოუტეხეს კერის დაგვისათვის. დღით ისევ სამუშაოზე წავიდნენ. ქალი ადგა, მთელი სახლი დაგავა, ლოგინი დაიბერტყა, დაავო და ისევ შიგ ჩაწვა. კამეს პური და ქალსაც ერთი მთელი პური მიუტანეს. მეორე დღით ჩვეულებრივ დედა-შვილი სამუშაოზე წავიდნენ. ქალმა იფიქრა: ეს კარგი, ერთი

პური დღესა და ხეალ მეყოს, მერე? თუ არა გავაკეთერა ეს ხალხი შიმშილით მომკლავენ. ადგა, აილაგა ლოგინი, დაიბანა პირი, დაგავა, დაასუფთავა სახლი, ჯამ-ქურქელი დარეცხა, დააკრიალა, კერაში შემოდგა შექამანდი, მოირთო და ისე დახვდა დედამთილს და ქმარს. დედა-შვილს გაუხარდათ, გადაეხვიენენ და გადაჰკოცნეს. ამის შემდეგ ისე მორჯულდა და მოიქცა ეს ქალი, რომ ბადალი არა ჰყავდა.

ერთხელ ხელმწიფემა სთქვა: მოდი წავალ, გავიგებ რა დემართა ჩემს ქალს, ცოცხალია თუ მკვდარიო. დედამთილი და ქმარი სამუშაოდ იყვნენ წასული, თითონ კი დერეფანში იჯდა და ლობიოს არჩევდა. დაინახა თავისი მამა, გავქანა და გადაეხვია. მეფეს ძალიან გაუხარდა, რომ თავისი ქალი ასე ნახა. ქალმა უთხრა მამას: ჩემი ქმარი, ვინც საკმეს არ გააკეთებს, პურს არ აქმევსო, აბრძანდით ბანზე ვეზირებითა და ბანი დატყეპნეთო. ამ ქალის ქმარს ის-ის იყო ახალი ქვითკირის სახლი გაეკეთებინა და ბანზე ახალი მიწა იყო დაყრილი. გახარებული მეფე თავის ვეზირებით ავიდენ ბანზე და კარგად დაუტყეპნეს ბანი. ამ დროს დედა და შვილიც მოვიდა, გამართეს ლხინი და მეჯლისი. მეფემ დაასაჩუქრა თავისი სიძე და ქალი და დაიწყეს ტბილი ცხოვრება.

257. მ თ ხ მ ვ ა რ ა

იყო და არა იყო რა, ღვთის უკეთესი რაღა იქნებოდა, იყო ერთი ძალიან მდიდარი ხელმწიფე. ამ ხელმწიფეს თავისზე მდიდარი ქვეყანაზე აღარავინ ეგონა. გააკეთა თორმეტი სახლი, შემოავლო დიდი და მალალი გალავანი, რომელსაც თორმეტი კიშკარი გაუკეთა. თითო კიშკარს თითო მცველი დაუყენა, მისცა ყველა მათ ბევრი ფული და უბრძანა: თუ მთხოვარი მოვიდეს, მიეცით ფული და გაისტუმრეთ, თუ რომელიმე მათგანი გაქირვეულდეს და შემოიწიოს — შემოუშვითო. ყოველ სახლის კართანაც დაუყენა მცველები. იმათაც ფული მისცა და უთხრა: მთხოვარა თუ მოვიდეს, ფული მიეცით, თუ შემოიწიოს, არ შემოუშვათო.

მივიდა ერთხელ ერთი მთხოვარა და მოწყალეობა ითხოვა.

ერთმა მისცა, ახლა მგორესთან მივიდა—მიიღო ფული. მესამესთან და ასე ყველა მცველებთან მივიდა და ყველასაგან ფული მიიღო. მერე შიგნით შეიწია და შეუშვეს. იქაც ყველა სახლის კარის მცველებს ჩამოუარა და ყველასაგან მიიღო ფული. ახლა შინ შეიწია მეფის სანახავად, მცველებმა არ შეუშვეს, მთხოვარა გაქირვეულდა, თავისი არ დაიშალა და შევიდა ხელმწიფესთან.

ხელმწიფე გამოვიდა და ჰკითხა: რა გინდა, რად შემოხვედი, კაცო?!

— მოწყალებას ვთხოვლობ, — მიუგო მთხოვარამ.

— ამდენ კარის მცველებისაგან რომ ფული მიიღე, განა ის მოწყალება არ არის!? — უთხრა ხელმწიფემ. მთხოვარამ ყველა მცველებისაგან მიღებული ფული ესროლა ხელმწიფეს ფეხებში და უთხრა:

— არა ჰგვანებხარ მისრეთის ხელმწიფესა! — გამობრუნდა და საჩქაროთ წავიდა. ხელმწიფემ რომ ეს გაიგონა ეცა ელდა, ჩაწვა ლოგინში, აღარცა სკამდა და აღარცა სევამდა; სულ იმის ფიქრში და დარღში იყო, ვინ არის მისრეთის მეფე, რომელიც მე მჯობიან სიმდიდრითაო. უსათუოთ უნდა წავიდე, ვნახო ის ხელმწიფე, რათაც უნდა დამიჯდესო.

ადგა, ჩაიცვა მათხოვრულად (დავირშულად), თავისი სახელმწიფო ტანისამოსი შიგნით შემოირტყა, აიღო ჯოხი და გაუდგა გზას. იარა, იარა უგზო უკვლოთ და ერთ ქალაქს მიადგა. იმ ქალაქისა ყველაფერი — სახლები, ბაღის ღობეებიც კი სულ სპილენძისა იყო. მივიდა ერთ მებაღესთან და სთხოვა ღამე გაეთენებინათ. მებაღემ სიამოვნებით მიიღო. უხვად გაუმასპინძლდა. თორმეტი სულ სხვადასხვა საკმელი მიართვა სპილენძის კურკლითა. თორმეტი სპილენძის თევში, მათლაფა და სხვადასხვა კურკელი ხურჯინში ჩაულაგა და უთხრა: ესეც თან უნდა წაიღოვო. გაკვირვებულმა ხელმწიფემ მასპინძელს ჰკითხა: — რათაო? — ასე გვაქვს ჩვენი ხელმწიფისაგან ნაბრძანებო, — მიუგო მასპინძელმა.

— ვინ არის თქვენი ხელმწიფე?

— მისრეთის ხელმწიფე! — მიუგო მებაღემ.

— მაშ კარგი, რაკი ასეა, ეს ხურჯინი აქ იყოს, გამოვივლი და წავიღებო, — უთხრა ხელმწიფემ და გაუდგა გზას.

იარა, იარა უგზო-უკვლოდ და დაინახა, რომ შორს რა-
ღაც თეთრად ბრწყვიალებს. იარა, იარა იქითკენ და მივიდა
ვერცხლის ქალაქში. აქ ყველაფერი ვერცხლისა იყო. დადგა
ისევ ერთ მებაღესთან. ისენიც კარგად გაუმასპინძლდნენ, თორ-
მეტი თავი საკმელი სულ ვერცხლის ქურკლით მიუტანეს.
მეორე დღეს ეს ქურკელი დარეცხილ-დასუფთავებული ჩაუწ-
ვეს ხურჯინში და იმათაც უთხრეს ეს ქურკელი თან უნდა
წაიღო, ასე გვაქვს ჩვენი ხელმწიფისაგან ნაბრძანებით.

— ვინ არის თქვენი ხელმწიფე, — ჰკითხა მეფემ.

— ჩვენი ხელმწიფე მისრეთის ხელმწიფეა — გასათხოვარი
ქალია.

— რატომ არა თხოვდება თქვენი ხელმწიფე? — ჰკითხა მე-
ფემ.

— ერთი სიტყვა აქვს, ვინც იმ სიტყვას გაუგებს, იმას
მისთხოვდება, — უპასუხეს.

გადაუხადა მადლობა, გამოვიდა და წავიდა. იარა, იარა,
და ახლა ოქროს ქალაქში მივიდა. იქაც ისე მოეკცნენ და
ისე უთხრეს, როგორც წინა ქალაქებში. გავიდა ქალაქ გარეთ.
დაინახა ერთი სოფელი, მივიდა და იქ ერთ ბებერ დედაკაც-
თან დადგა. ხელმწიფემ იმ დედაკაცს ჰკითხა:

— დედა შეიღობას, ერთი მითხარი: რატომ თქვენი ხელ-
მწიფე არა თხოვდება?

— ჩვენ ხელმწიფეს ერთი სიტყვა აქვს, ვინც იმ სიტყვის
აზრს გაიგებს, ის უნდა შეირთოს კმრათაო, — უპასუხა დედა-
კაცმა.

— გეთაყვა თუ შეიძლება შეატყობინეთ თქვენს ხელმწი-
ფეს ესა და ეს ხელმწიფე მოვიდა და თქვენი ნახვა ჰსურს თქო.

დედაკაცი წავიდა და მისრეთის ხელმწიფეს — გასათხოვარი
ქალს შეატყობინა უცხო ხელმწიფის მოსვლა და მისი ნახვის
სურვილი. ქალმა უთხრა: მობრძანდესო. ხელმწიფემ გაიხადა
მთხოვრის ტანისამოსი, შეიმოსა მეფური ტანისამოსით და
მივიდა ქალის სასახლეში. ქალი მოეგება და ერთ დიდ დარ-
ბაზში შეიყვანა. დარბაზს ქერი, იატაკი, კედლები, სუყველა-
ფერი ოქროსი ჰქონდა.

ხელმწიფეებმა ერთმანეთი მოიკითხეს. შემდეგ ხელმწიფემ
ჰკითხა მეფე-ქალს: რა მიზეზია რომ კმარს არ ირთავო.

— რაკი ეგრე ძალიან გდომნია ამისი გაგება, გეტყვი: ამა და ამ ადგილას, ერთ ქალაქში, ყოველ პარასკეობით მოდის ერთი კაცი, ძროხაზე ზის, ხელში უსტარი (წერილი, სურათი) უჭირავს. მივა ერთსა და იმავე ადგილზე, უცქერის, უცქერის სურათს, ამოიღებს ხმალს, მოსკრის ძროხას თავს, იტირებს, იტირებს და წავა. ვინც ამ კაცის მოქმედების მიზეზს გამიგებს, იმას მივთხოვდები ცოლადო. გამოემშვიდობა ხელმწიფე ამ ქალს, მივიდა ბებერთან, გაიხადა სახელმწიფო ტანისამოსი, ისევე მთხოვრულად ჩაიცვა და გასწია დასახელებულ ქალაქისაკენ. შევიდა ქალაქში, პარასკევი იყო. მოედანზე მთელი მიღეთის ხალხი შეკრებილიყო. ხელმწიფე გაერია ხალხში და დაუწყო ლოდინი იმ საოცარი კაცის მოსვლას. ვნახოთ და გამოჩნდა ის კაციც. შემჯდარა ძროხაზე, ხელში უსტარი უჭირავს და მოდის. მოვიდა, გადმოვიდა ძროხიდან, დააქქერდა სურათს, უცქირა, უცქირა, დაახეთქა და დაამსხვრია, ამოიღო ხმალი, მოსკრა ძროხას თავი, იტირა, იტირა და წავიდა. გაჰყვა ხელმწიფეც უკან. მიდის ის კაცი და მისდევს უკან ხელმწიფე. აილო ამ კაცმა და გადმოუგდო ოქროთი სავსე ქისა. ხელმწიფემ ზედ გადაიარა ქისაზე და ისევე გაჰყვა კაცს. მოიხედა კაცმა უკან, რომ დაინახა რომ ისევე უკან მისდევდა, შემოიხსნა თავისი ძვირფასი ქამარი და გადაუგდო და გაჩქარებული გასწია. ხელმწიფემ ზედაც არ შეხედა ქამარს და ისევე უკან გაჰყვა. იარა, იარა ამ კაცმა და შევიდა ერთს სახლში, შეჰყვა ხელმწიფეც.

— რა გინდა, კაცო, ჩემგან, რატომ თავს არ დამანებებო, — უთხრა ამ კაცმა ხელმწიფეს.

— მე ამა და ამ ქვეყნის ხელმწიფე ვარ და მინდა გავიგო მიზეზი რათ, ამსხვრევ უსტარს და ან ძროხის ცოდოს რათ იღებო? — უთხრა ხელმწიფემ.

— რაკი ეგრე ძალიან გინდა იმის გაგება, გეტყვი: მე მქონდა სამი დავთარი: ერთი ზეცისა, ერთი ხმელეთისა და ერთიც ქაჯეთ სახელმწიფოსი. როცა რომელიმე დავთარს გავხსნიდი, რაც კი რამ იმ სახელმწიფოშია, ან რაც კი იქ ხდებოდა, სუყველა ჩემს წინ გამოცხადდებოდა. ერთხელ ცოლის შერთვა მოვინდომე. გადავშალე ზეცის დავთარი და იქ არც ერთი ქალი არ მომეწონა, გადავშალე ხმელეთისა და

არც იქ მომეწონა ვინმე, გადავშალე ქაჯეთ სახელმწიფოსი, მომეწონა ერთი ქალი და შევირთე ცოლად. იმ ქალს თან მოჰყვა ერთი დედაბერი. ერთხელ ეს დედაბერი გაჰქრა და თან წაიღო მოპარული ქაჯეთ სახელმწიფოს დაეთარი. იმ ქალს ჩემი ცოლის სულიც თან გაჰყვა. გადასწია ფარდას და უთხრა:—აი, ეს ქალია ჩემი ცოლი, რომელიც მას აქეთ უსულოდა წევს, სურათიც ამისია, რომელსაც ვამტვრევ ხოლმე. ძროხას რომ ვკლავ, იმ დედაბერის ჯავრს ვყრილობ. გამომეშვიდობა ხელმწიფე ამ კაცს, გამოვიდა და გაუდგა გზას. ავიდა ერთ მაღალ მთაზე, ნახა რომ ორ მთხოვარას სძინავს. მივიდა, ისიც დაწვა იმათთან და დაიძინა.

ერთ ხელმწიფის შვილს ვაეიშვილი გასჩენია და თურმე დიდს ნადიმს აპირებდა, სანადიროდ გამოსულიყო. ეს მთხოვრები რომ დაინახა, თავის მხლებლებს უბრძანა, მთხოვრებიც თან წაეყვანათ სასახლეში. წაიყვანეს და სასახლეში დააბინავეს მთხოვრებიც.

ყოველ ღამე სასახლეში ხელმწიფის ოჯახს რაღაც საშინელი ტირილი და წიოკობა აუტყდებოდა ხოლმე. ხელმწიფე-მთხოვარამ ერთხელ იკითხა—რა ამბავია, რომ ყოველ ღამე ასეთი უბედურობა ასტყდება ხოლმეო. მასპინძელმა ხელმწიფემ უთხრა: დიდხანია შვილი არ გვეყვდაო, როგორც იყო ვაეი გაგვიჩნდა. საღამოობით ჩავაწვენ თუ არა ბავშვს აკვანში, აკვნიანად გაჰქრება ხოლმე, დილაობით კი ისევ აქ გაჩნდებაო. მე ვუშველი თქვენს გაჭირვებასო. როცა დილით ბავშვი აკვნიანად ისევ სასახლეში გაჩნდა, ხელმწიფემ (მთხოვარამ) დასწერა ქალაღზე: ამა და ამ ხელმწიფეს ვაეი გასჩენია, ბავშვი აკვნიანათ ყოველ ღამე გაქრება და მხოლოდ დილით ისევ გამოჩნდება ხოლმე. მშობლები ამის გამო ძალიანა სწუხანო. მეორე ქალაღზე დასწერა: ამა და ამ ხელმწიფესთვის ქაჯეთ სახელმწიფოს დაეთარი მოუპარავს ვიღაც დედაბერს. ხელმწიფის ცოლი მას შემდეგ უსულოდ გამხდარა. ეს ქალაღები უჩუმრად აკვანში ბავშვის თავით შეაწყო. როდესაც აკვნით ბავშვი დილით ისევ სასახლეში გაჩნდა, ხელმწიფე-მთხოვარა მივიდა აკვანთან, ბავშვის თავიდან ამოიღო დაწერილი ქალაღები. ერთში ეწერა: „რა გაწუხებთ, ჩვენს ხელმწიფეს ქალი გაუჩნდა, თქვენი ვაეი სა-

სიძოდ გვინდა, ამისათვის ყოველლამე მოგვყავს და ჩვენს ქალთან ვათამაშებთო“.

მეორეში ეწერა: „ჩვენ ძალიან შეგვაწუხა და აგვალელვა დედაბერის მიერ ქაჯეთის სახელმწიფოს დავთრის მოპარვამ, ბებერი ჩავაქვავეთ, დაეთარს გიგზავნით“.

ეს წერილები აჩვენა ხელმწიფეს, რომელმაც ძალიან გაიხარა, გვთხოვე რაც გინდა და აგისრულებთო, — უთხრეს მთხოვარას. იმან ყველაფერი უამბო თავისი თავის გადასავალი და სთხოვა, რომ მეზობელ ხელმწიფესთან წაეყვანათ ის. დიდის დიდებით წამოიყვანეს მეზობელ ხელმწიფესთან. თან მთხოვარამ წამოიღო დაბრუნებული ქაჯეთ სახელმწიფოს წიგნი, შევიდა თუ არა ხელმწიფის სახლში, ხელმწიფის ქალი მაშინვე გაცოცხლდა. გაუხარდა ხელმწიფეს, უთხრა: მთხოვე რაც გინდა და აგისრულებო. იმასაც უამბო თავისი თავგადასავალი და სთხოვა მისრეთის ხელმწიფემდე მიმიყვანეთო. აქედანაც დიდებით წაიყვანეს მისრეთის ხელმწიფესთან. მეფე ქალს ყველაფერი უამბო. ქალს გაუხარდა. დაიწერეს ჯვარი, გამართეს დიდი ღვინი და ნადიმი.

ქირი იქა, ღვინი იქა, ნაცარი იქა, ფქვილი იქა.

ელასა, მელასა,
ქიქა მეკიდა ყელასა,
მთქმელსა და გამგონებელსა
ძილი გაამოთ ყველასა.

258. უჩინველი ხელმწიფე

იყო ერთი ხელმწიფე, ჰყავდა სამი ქალი. ერთხელ ამ ხელმწიფემ სთქვა: მოდი წავალ სხვა ქვეყნებს ვნახავ და ჩემს ქალებს საქმროებსაც ავუჩინო. შეუგზავნა თავის უფროს ქალს ვეზირი საკითხავად: რა გინდა რომ მოგიტანოვო? უფროსმა ქალმა შემოუთვალა: ისეთი კაბა მომიტანე ავღვე—ჩამეცვას, დავეჯდე—გამეხადოსო. შუათანა ქალმა შემოუთვალა—ისეთი სარკე მიშოვნე ძთელი ქვეყანა შიგა სჩანდესო. უმცროსმა შემოუთვალა—ალაყიზილბაშის ყვავილი უნდა მიშოვნოვო. ადგა ეს ხელმწიფე, რკინის ქალამნები ჩაიკვა, რკინის ყავარჯენი

დაიქირა და გაუდგა გზასა. ბევრი სიარულის შემდეგ მივიდა ერთს ქალაქში. იკითხა ყველაფერი რაც თავის ქალებმა დააბარეს. უფროს ქალს კაბა უშოვნა, შუათანას სარკე, მაგრამ როცა ალაყიზილბაშის ყვავილი მოიკითხა, ყველამ გაიკვირვა: მაგისტანა ჩვენ არაფერი არ გვინახავს და არც სახელი გაგვიგონიაო. დაბრუნდა შინ, მიუტანა თავის ქალებს საჩუქრები. უმცროსს უთხრა: არამცთუ შოვნით არ იშოვნება ალაყიზილბაშის ყვავილი, სახელიც კი არავის გაუგონიაო. დაიწყო უმცროსმა ქალმა ტირილი, ჩაიცვა შავი ტანისამოსი და დაიწყო გლოვა.

ადგა ხელმწიფე და ისევ გაუდგა გზასა. იარა, იარა და ერთ სოფლის ბოლოში ერთი კოკააკიდებული ქალი დაინახა. ამ ქალსა ჰკითხა ხელმწიფემ: ალაყიზილბაშის ყვავილი ხომ არ იცი სად იშოვებდით?

ქალმა უპასუხა: ე მაგ მესერს გაჰყევ. იქ ერთ კარებში შეხვალ, იქ ფრინველთ მეფე ზის და ის გეტყვისო. გაჰყვა მესერს, ნახა რომ მართლა იქ ფრინველთ მეფე ზის და გარშემო ფრინველები ახვევია. ჰკითხა იმათ: ალაყიზილბაშის ყვავილი სად არისო?

— აი იქ, ბუმბულის სასახლეს ხომ ჰხედავ? იქ არის ალაყიზილბაშის ყვავილი, თუ ერთ ბუმბულს გამოაძრობ და წაიღებ ისე, რომ არავინ გაგიგოს და არ დაგინახოს, ალაყიზილბაშის ყვავილი თან წამოგყვებაო, თუ არა და დაგეხვევიან ფრინველები და შეგკამენო. მიხობდა ჩუმად ხელმწიფე სასახლესთან, გამოაძრო ერთი ბუმბული და გამოსწია შინისკენ. მოვიდა თუ არა შინ, მოჰყვა კიდევ ერთი მშვენიერი ახალგაზრდა ყმაწვილკაცი. გაუხარდა ხელმწიფეს და იმის უმცროს ქალს. დაიწერა ჯვარი და დაიწყეს ბედნიერი ცხოვრება. ამათი ბედნიერება უფროს დებს შეშურდათ. ჩვენ ვეზირები ქმრებად გვყავს და მაგან კი მშვენიერი ახალგაზრდა კაცი ფრინველთ მეფე შეირთოვო. მოინდომეს იმათი გაუბედურება. ალაყიზილბაშის ყვავილი დღისით წავიდოდა და საღამოთი კი მოდიოდა ხოლმე. უფროსმა დებმა ჩუმად გატეხეს მამის საღარო, გამოიტანეს შუშის ქურქელი, დაამსხვრიეს და დაყარეს იმ ალაგას, სადაც ალაყიზილბაშის ყვავილი ჩამოხდებოდა ხოლმე ცხენიდან. ჩვეულებისამებრ, დაღამებისას, მო-

ვიდა ალაყიზილბაშის ყვავილი, ჩამოხტა ცხენიდან, დაჰკრა ფეხი შუშას, შეერქო ფეხში შუშა, ისევ შეჯდა ცხენზე, წავიდა და წავიდა. უმცროსი ქალი ელოდა, ელოდა, რომ აღარსად გაჩნდა მისი ქმარი, დაიწყო ტირილი და გლოვა. მერე ადგა, ჩაიცვა რკინის ქალამნები, დაიპირა რკინის ყავარჯენი, გასწია და წავიდა თავის ქმრის საძებნელად. მამამ შავი კარავი დაიდგა, შავი ტანისამოსი ჩაიცვა და დაიწყო გლოვა. ქალმა იარა, იარა და შეხვდა სწორეთ იმავე კოკიან ქალს. როგორც იმის მამას, ისე ამას ასწავლა გზა ალაყიზილბაშის ყვავილისა. ქალი მივიდა ფრინველთ ხელმწიფის სასახლესთან და ახლო დაჯდა. დარეკეს ზარი. მოვიდა და მოვიდა ფრინველები. ერთი ფრინველი არსადა სჩანდა. რეკეს ზარი და რეკეს, მაინც ფრინველი არსად გამოჩნდა. როდის იყო და როდის არა ბოლოს ეს ფრინველიც მოფრინდა. აქამდის სად იყავიო, ჰკითხეს.—ფრინველთ ხელმწიფეს შუშა შერქვია ფეხში, ისე შეწუხებულია, ისე ბლავის, როგორც ხაროო, იმას ვუყურებდი,—უპასუხა ფრინველმა.

ქალმა ჰკითხა ფრინველს:

— ის ხელმწიფე სადა სცხოვრობსო?

— აგერ აი, იქ რომ ბუმბულის სასახლეა, იქა სცხოვრობს,— მიუგო ფრინველმა. მივიდა ეს ქალი სასახლესთან. იქ ერთი წყარო იყო და დაჯდა იქ.

ამ დროს ერთი მოახლე მოვიდა იმ წყაროსთან წყლის ასავესებად.

— შენს მზესა, ერთი თასით წყალი დამალევიწინე,—სთხოვა ქალმა მოახლეს. მოახლე დადს უარზე დადგა. ქალი მაინც არ მოეშვა, გამოართვა თასი და წყლას დალევის დროს ჩუმათ, თასში, იმ ხელმწიფისაგან მიცემული ბეჭედი ჩააგდო.

მოახლემ მიართვა ხელმწიფეს თასით წყალი, დალევის დროს ხელმწიფემ ის ბეჭედი რომ დაინახა, ერთი ისეთი გადინხარხარა, რომ შუშა ფეხიდან გამოვარდა, ფანჯარა გაამტვრია და გარეთ გავარდა.

— ვინ დალია ამ თასით წყალი?—ჰკითხა ხელმწიფემ მოახლეს.

მოახლეს შეეშინდა და უარი სთქვა,—არავის დაუღევიარო.

— ნუ გეშინიან, მართალი მითხარი და დაგასაჩუქრებ.

— გარეთ ვილაც ერთი მთხოვარა ქალია და იმას დავა-
ლევინე,—უთხრა მოახლემ.

— წადი და ეხლავე აქ შემოიყვანეო,—უბრძანა ხელ-
მწიფემ.

როცა ეს ქალი შევიდა, ხელმწიფე წამოხტა, მოეხვია ამ
ქალს და ორივემ ტირილი დაიწყეს. რამდენიმე ხნის შემდეგ
ისევ თავის მამასთან წამოიყვანა თავისი ქმარი, ყველაფერი
უამბო თავის მამას, მამა ძალიან გარისხდა, თავისი ბოროტი
ქალები ცხენის კუდზე მოაბმევეინა და ისე დახოცა. დარჩა
სახელმწიფო უმცროს ქალს და ბედნიერად ცხოვრობდა.

259. ზარიელი და ნესტან-დარეჯანი

იყო ერთი ხელმწიფე, სახელად როსტომი ერქვა. ჰყავდა
საპი შვილი: ფრიდონი, ავთანდილი და ტარიელი. როსტომის
სიკედელის შემდეგ ფრიდონი გამეფდა. უმცროსმა, ტარიელმა,
დაიწყო მოგზაურობა სხვადასხვა სახელმწიფოებში, ერთ ხელ-
მწიფესთან სამსახურში ტარიელი ამ ხელმწიფის ვეზირად გახ-
და. იმ ხელმწიფეს ჰყავდა ერთი მშვენიერი და ლამაზი ქალი
ნესტან-დარეჯანი (ლესტან-დარეჯანი). ტარიელს და ნესტან-
დარეჯანს ერთმანეთი შეუყვარდათ.

ნესტან-დარეჯანის მამას ერთმა სხვა ხელმწიფემ ომი
აუტეხა, ტარიელი სარდლად დააყენა და ომში გაგზავნა. ამ
დროს ხოროსანის ხელმწიფის შვილისაგან ნესტან-დარეჯანის
მამას კაცი მოუვიდა: შენი ქალი უნდა ნომათხოვოვო. მეფე
დასთანხმდა. ეს რომ ნესტან-დარეჯანმა გაიგო, ძალიან და-
ლონდა, ადგა და ხოროსანის მეფის შეილს მისწერა:

ახა იხვი, ახა ბატი,
ახა ტურფა სავატელი,
არ მინდა და არ შეგირთავ,
თვალში მეფუქსავატები.

ხორასანის მეფის შვილმა მაინც თავისი არ დაიშალა და
თავის ჯარი-ჯამაათით წამოვიდა ნესტან-დარეჯანის შესარ-
თავათ. ნესტან-დარეჯანმა ეს რომ გაიგო, დასწერა წერილი,
შეაბა მტრედს ფრთაზე და ტარიელს გაუგზავნა:

ესე წიგნი დამიწერავს,
გამიპრელავს ქალაღბედა,
თუ ამ წამს ჩემთან არ მოხვალ,
მათხოვებენ მე სხვახედა.

ტარიელმა წაიკითხა თუ არა წერილი, მაშინვე შეჯდა თავის რაშზე და გამოსწია შინისკენ. გზაში ხოროსან მეფის შვილი შეხვდა, ტარიელი შეებრძოლა, ამოსწყვიტა თავის ჯარი-ჯამაათით, მივიდა შინ და თავის გასისხლიანებული რაში საჯინიბოში დააბა და თითონ პირდაპირ ნესტან-დარეჯანთან შევიდა. მეფეს შეატყობინეს, რომ შენი სასიძო ხოროსან მეფის შვილი, ვიღამაც გზაში მოკლა და ვეზირ-ნაზირიც გაუწყვიტაო, ისიც შეატყობინეს, რომ ტარიელი მოვიდა გასისხლიანებული, რაში საჯინიბოში დააბა და თითონ ნესტან-დარეჯანთან შევიდაო.

მეფე მიხვდა საქმე რაშიაც იყო, გასწია ნესტან-დარეჯანის ოთახისაკენ და ორივენი ერთად მწოლიარენი ნახა.

მეფე საშინლად განრისხდა და ტარიელს უთხრა:

ტარიელ! დაგვი ვეზირად,
სიტყვა შენი ვამჯობინე,
თუ ჩემი ქალი გინდოდა,
რატომ არ შემატყობინე?
ხოროსან მეფის შვილისა
ცოდო რად დამადებინე?
არცა შენ მოგცემ, არც იმას,
ორთავ ხელს აგალებინებ.
დაეუძახებ ხუროებსა,
კიდობანს შევაკრევენებ,
შიგ ჩავსევე ნესტან-დარეჯანს
და ზღვასა წავალებინებ.

ტარიელმა ხელმწიფის მუქარას ყურადღება არ მიაქცია, შეჯდა თავის რაშზე და ისევ საომრად გაეშურა. მეფემ თავისი სიტყვა სისრულეში მოიყვანა: გააკეთებინა კიდობანი, ჩასვა შიგ ნესტან-დარეჯანი და ზღვაში გაუშვა. ზღვამ კიდობანი ქაჯეთის სახელმწიფოში მიიტანა. ტარიელმა დაამარცხა მტერი და გამარჯვებული დაბრუნდა შინ. გაიგო თავისი უბედურობა, ბევრი იტირა, ბევრი იგლოვა, შეჯდა თავის რაშზე და წავიდა ნესტან-დარეჯანის საპოვნელად. მივიდა ზღვასთან, აუარ-ჩამოუარა და გაბრაზებულმა უთხრა:

ზღვაო, რა გიყო?
თოფი არ გესერის,
ხმლისა არ გესმის,
მუშტით არ გეომებინა!

ავთანდილმა გაიგო თავის ძმის ტარიელის უბედურობა და წამოვიდა მის საძებნელად. იპოვნა ტარიელი ზღვის პირას მტირალი. ტარიელმა თავისი მწუხარება უამბო ავთანდილს. ორივენი წავიდნენ თავის უფროს ძმა ფრიდონთან, უამბეს თავისი გასაქირი, იმის ჯოგში ამოარჩიეს საუკეთესო რაშები. ფრიდონმა გზა დაულოცა და გასწიეს ნესტან-დარეჯანის საძებნელად. იარეს, იარეს და ისევ ზღვას მიაღდგნენ. ავთანდილმა ტარიელი აქ დასტოვა, თითონ შეცურდა ზღვაში თავის რაშით, გავიდა მეორე ნაპირზე. იქ ერთი წისკვილი დაინახა. მივიდა წისკვილთან. წისკვილთან მეწისქვილის ცოლი იჯდა და წინდასა ჰქსოვდა, იმის ახლოს თამაშობდა იმისი პატარა ქალი, რომელსაც საუცხოვო ბაღდადი ჰქონდა მოხვეული. ავთანდილი მიესალმა მეწისქვილის ცოლს და ჰკითხა:

— დედა შეილობას, ერთი მითხარით ეს რა ქვეყანაა?

— ქაჯეთის ქვეყანაა, შეილო!—მიუგო დედაკაცმა.

— აქ კიდობანი ხომ არაფერი გამოუგდია ზღვას?—ჰკითხა ავთანდილმა.

— როგორ არა, შეილო, ერთი კიდობანი მოსდებოდა წისკვილის ღარს, ჩემმა ქმარმა ამოიღო, გახსნა და შიგ საუცხოვო ლამაზი ქალი ნახა, წაიყვანა და ქაჯეთ ხელმწიფეს მიაართვა. ეხლა ქაჯეთ ხელმწიფის შვილმა ცოლად უნდა შეირთოს ის ქალი და ქორწილის მზადებაში არიან, ერთი თვე ნადირს ხოცავენ, ორი კვირა უნდა კიდევ ინადირონ. აი ეს ბაღდადიც, ჩემს პატარა ქალს რომ ახვევია, იმ მზეთუნახავ ქალისაა. ავთანდილმა მეწისქვილის ცოლი რიღასთვისაც გაგზავნა, პატარა ქალს ბევრი ფული მისცა და ბაღდადი გამოართვა, შეჯდა რაშზე და თავის ძმა ტარიელისაკენ გამოსწია. ავთანდილმა ტარიელს ყველაფერი უამბო, ბაღდადიც აჩვენა. ტარიელმა ბევრი იტირა, გაუხარდა, რომ ნესტან-დარეჯანის კვალს მიაგნეს, ეხლა თითონ შეჯდა და წამოვიდა მიჯნურის დასახსნელად. გაცურდა იმავე ადგილას—წისკვილთან, ნახა მეწისქვილის ცოლი და მისგან გაიგო, რომ ნესტან-დარეჯანი ერთ მაღალ კოშკში ჰყავთ, სარკმელთან ზის; კოშკის კარებ-

თან ქაჯია ყარაულად, თუ ახლო ვინმე მივა ამ კოშკთან, ეს ქაჯი დაიკვივლებს და რაც ქაჯებია იქ შეიყრებიანო.

ტარიელი ამ კოშკთან მივიდა, გაიარ-გამოიარა, სარკმლისკენ დაიწყო ყურება და თან ბალდადი გაშალა. ნესტან-დარეჯანმა შენიშნა და იცნო თავის ტარიელი, დარაჯ ქაჯს სთხოვა: ერთი წადი შეატყობინე, რომ ფლავი მინდა, მომიმზადონ და მომიტანეო. როცა ქაჯი წავიდა, ნესტან-დარეჯანი გამოიპარა, მივიდა ტარიელთან, ტარიელმა საჩქაროთ შემოისო რაშხე და გამოიქცენ.

ქაჯი დაბრუნდა, ნესტან-დარეჯანი რომ ვეღარ ნახა, ერთი ისეთი დაიწვილა, რომ მთელი საქაჯეთი სწრაფათ შეიკრიბა. ვაიგეს რაშიაც იყო საქმე, გამოუდგნენ დასაქერად.

მიჰქრის ტარიელი და უეცრად ჩამობნელდა.

— ეს რა არის?—ჰკითხა ტარიელმა ნესტან-დარეჯანს.

— ეგ ქაჯთა ჯარის ფეხთა მტვერია,—მიუგო ნესტან-დარეჯანმა.

მერე უეცრად წამოწვიმა.

— ეს რაღა არისო?—იკითხა ტარიელმა.

— ეგ იმათი ცხენების ოფლია,—მიუგო ნესტან-დარეჯანმა. მიაქროლებს ტარიელი, ეგ-ეგ არის ქაჯები უნდა წამოვიდნენ, რომ ზღვას მიადგენ და შეეცურდენ შიგ. ქაჯები მიხვდნენ, რომ ვეღარაფერს გახდებოდნენ და ეშმაკობას მიმართეს:

— ეგ ხომ მიგყავს და მიგყავს ქალი, შენტვის დაგვილოცნია, დაიცა, მოდი ერთად პური მაინც ვსქამოთ და გზა დაგილოცოთო.

გაბრიყვდა ტარიელი, მივიდა მათთან, ქაჯებმა რალაც წამლით დააძინეს ტარიელი, მოიტაცეს ნესტან-დარეჯანი და ისევ კოშკში ჩასვეს. გამოეღვიძა ტარიელს. ბევრი იტირა, თავში იცა, გამოვიდა აეთანდილთან, უამბო ყველაფერი. ეხლა ორივენი წამოვიდნენ ნესტან-დარეჯანის მოსატაცებლად. ნესტან-დარეჯანმა დაინახა ისინი. დარაჯი ქაჯი კოშკში შეიტყუილა, თითონ გარეთ გამოვარდა, გადაურაზა კარები და გამოიქცნენ. მართალია ქაჯები ეხლაც გამოუდგნენ, მაგრამ ამათ ზღვაში შესვლა მოასწრეს და გაღმა მშვიდობიანად გავიდნენ. დიდის ამბით იქორწილეს ტარიელმა და ნესტან-დარეჯანმა და ბედნიერად სცხოვრობდნენ.

იყო და არა იყო რა, იყო ერთი კაცი და დედაკაცი, ჰყავდათ ერთი ვაჟიშვილი. ძალიან ღარიბათ სცხოვრობდნენ, ლუკმა პური ენატრებოდათ, შვილი ვერაფრით შველოდა მშობლებს და ძალიან სწუხდა. უთხრა თავის დედ-მამას, წამიყვანეთ და გამყიდეთ, ჩემი ნათესაურით ქამეთ და ტანთ ჩაიცვითო, ჯერჯერობით გეყოფათ და მერე იქნება ღმერთმა მიშველოს და თავი დაეიხსნა. ამის გაგონებაზე დედ-მამამ ტირილი დაიწყეს. შვილო, შენი ნათესაური ჩვენ როგორ უნდა მოვიხმაროთო და უარი უთხრეს. შვილმა მაინც თავისი არ დაიშალა. მამამ წაიყვანა ტირილით თავისა შვილი გასაყიდათ. გამოემშვიდობა დედას და მამა-შვილი გაუდგენ გზას. შვილმა უთხრა მამას:—რომ გკითხონ როგორა ჰყიდით, უთხარი—ხუთ თუმნათაო. თუ გკითხონ, რა იცის ხუთი თუმნისაო?—უთხარი: ჩემი შვილი თვალსა, კაცსა და ცხენსა სცნობს-თქო.

ბევრი სიარულის შემდეგ მივიდნენ ერთ სახელმწიფოში. ხელმწიფემ გაიგო, რომ ერთ კაცს შვილი მოუყვანია გასასყიდათო. უბრძანა, ის კაცი იმასთან მიეყვანათ. როცა მამა-შვილი მიიყვანეს ხელმწიფესთან, ჰკითხა: როგორა ჰყიდი შვილსაო?—ხუთ თუმნათაო, უპასუხა კაცმა. — ხუთი თუმნისა რა იცის შენმა შვილმა? ჰკითხა ხელმწიფემ. — ჩემი შვილი თვალსა, ცხენსა და კაცსა სცნობსო, უპასუხა მამამ. იყიდა ხელმწიფემ ეს ბიჭი, შვილმა გამოაცლია მამა და უთხრა: ეგ ფული უსათუოთ მოიხმარეთ, რაც გიჭირდეთ იყიდეთო.

მივიდა კაცი შინ, მისცა ცოლს ხუთი თუმანი, ბევრი იტირეს ცოლ-ქმარმა, დაკეცეს ეს ფული და შეინახეს—ეს ჩვენი შვილიაო.

ხელმწიფემ ნასყიდი ბიჭი მიაბარა თავის მეპურეს და უბრძანა დღეში ერთი პური მიეციაო.

იმ სახელმწიფოში ერთმა კაცმა ერთი უცნაური თვალი მოიტანა გასასყიდათ. კაცი ხელმწიფესთან მიიყვანეს. გასინჯა ხელმწიფემ თვალი, ძალიან მოეწონა და ჰკითხა: რას აფასებო?—თავის წონა ფულსა-ო, უპასუხა კაცმა. დასდევს სასწორზე, მეორეზე დაყარეს ფული, მაგრამ რამდენსაც უმა-

ტებდენ, თვალს ვერ შეუწონეს. ხელმწიფემ მთელი თავისი ქონება შეუწონა, მაგრამ თვალი მაინც მეტი მოდიოდა. გაუკვირდა ხელმწიფეს, დაიბარა თავისი ნასყიდი ბიჭი, რომელსაც ეხლა ყველა ნასყიდას ეძახდნენ და უბრძანა: აბა, გაიგე რის თვალთა? ნასყიდამ გასინჯა თვალი და მოახსენა: ეს თვალი ადამიანისაა: ადამიანის თვალი ხარბი და გაუშაძლარია, მიწის მეტი ვერაფერი გააძლობსო. დაასველა თვალი, გააგორა მიწაზე, თვალმა მიწა აიკრა, დადეს სასწორზე და ერთი კაპეიკიც ველარ აიწონა. ხელმწიფემ მეპურეს უბრძანა, ნასყიდას დღეში სამი პური აძლიეო.

გაიარა ხანმა. იმ სახელმწიფოში ერთმა კაცმა გასასყიდათ ისეთი ცხენი მოიყვანა, რომ სულ ვარსკვლავებს ეთამაშებოდა. ხელმწიფეს ძალიან მოეწონა და უნდა ეყიდნა. დაუძახა ნასყიდა ბიჭს და უთხრა: ეს ცხენი როგორიაო? — ცხენი კარგია, მთელ შენს სახელმწიფოში ასეთი ცხენი არ არის, მაგრამ კამეჩის რძით არის გაზრდილი, ამას დედა ძალიან პატარა მოჰყვდომია, კამეჩისათვის შეუჩვევიათ, ამას როცა დასცხება მაშინვე ტალახში ჩაეშვება.

ხელმწიფემ არ დაუჯერა, ცხენი ძალიან მოეწონა და იყიდა. ერთხელ შეკაზმა და სანადიროთ წავიდა. დაინახა ჯიხვი, გამოუდგა ცხენდაცხენ, ცხენი მერცხალივით მიფრინავდა, წამოეწია ჯიხვს, ის იყო უნდა მოეკლა ჯიხვი, ცხენს დასცხა, გუბე დაინახა, შიგ ჩაწვა და ხელმწიფესულ ამოისვარა ლაფში და ჯიხვიც გაექცა. ხელმწიფე ეხლა კი დარწმუნდა ნასყიდას ნათქვამის სიმართლეში, მაგრამ გციანლა იყო. ხელმწიფე შინ რომ მივიდა, მეპურეს უბრძანა: ნასყიდას ერთი პური მიუმატეო.

ხელმწიფე დარწმუნდა, რომ ნასყიდი ბიჭი მართლა ყველაფერს კარგადა სცნობს, გადასწყვიტა — ჩემს სამეფოს შევაგროვებ, უნდა გავიგო ვის უნდა ჩემთვის კარგო, ვინ არის ჩემი ერთგული და ვინ ორგულიო. დაიბარა ხალხი. შეიკრიბა ხალხი და მოახსენეს ხელმწიფეს, სუყველანი აქ გახლავართ და რას გვიბრძანებ, დიდებულო ხელმწიფეო. ხელმწიფემ დაიბარა ნასყიდა, უბრძანა: — შენ უნდა გამიგო, ვინ არის ამ ხალხში კარგი ჩემთვის და ვინ ჩემი ორგულიო. ნასყიდა მოახსენა: პირობა უნდა დაძინო და დამიწერო, რომ მე რა-

საც ვიტყვი, იმისთვის არ დამსაჯოთო. ხელმწიფემ მისცა პირობა, და ქალაღდიც დაუწერა. ხალხი შეშინდა: ყველას ეშინოდა, ორგულობა არ დაგეწამონო. მოჰქონდათ და მოჰქონდათ ნასყიდასთან საჩუქრები—ჩემზე კარგი სთქვიო. ნასყიდა ყველას პირობას აძლედა: ნუ გეშინიათ, არავის არათერი არ დაგიშავდებათო. გაყო ნასყიდამ ხალხი ორათ. თითონ შუაში ჩადგა. ხან ერთ მხარეს გახედა ხალხს, ხან მეორეს. მერე ხელმწიფეს პირობის ქალაღდი დაანახეა: დიდებულო ხელმწიფეე, პირობა ხომ გახსოვთო? მახსოვს, მახსოვს, ნიუგო ხელმწიფემ. კიდევ გადახედა ხალხს, მერე ხელმწიფეს შეჰხედა და მოახსენა: დიდებულო ხელმწიფეე, აქ ერთი კაციც არ არის ავი და ცუდი, ყველა თქვენი ერთგულია და კეთილის მსურველია, ავიც შენა ხარ და ხარაზის შეილიცაო. ეწყინა ხელმწიფეს, მაგრამ რას იზამდა. წავიდა დაღონებული შინ და თავის დედას ჰკითხა: დედაჩემო, მართალი მითხარ, ვინ იყო მამაჩემი?—ვინა და ხელმწიფე! მიუგო დედამ. ხელმწიფე არ ეშვებოდა: თუ სიმართლეს არ მეტყვი ვინ იყო მამაჩემი, შენს თვალ წინ თავს მოვიკლავო. მეტი რა გხა ჰქონდა, უთხრა: შეიღო, მამაშენი ხელმწიფე რომ მოკვდა, მე შეიღი არა მყავდა, შენი სახელმწიფო რო სხვას არ დარჩენოდა, ერთი ხარაზი გეყავდა და იმასთან დავიწყე ცხოვრება და იმისაგან მეყოღეო. ხელმწიფემ დაიბარა ნასყიდი ბიკი, აჰკიდა ცხენებს თვალ-მარგალიტი და უბრძანა: წადი აქედან, ჩემს სახელმწიფოში თვალი აღარ დაგკრაო. წამოიღო ბიკმა ეს ამოღენა სიმღიდღრე და მივიდა თავის დედ-მამასთან. მშობღები დარღით და სიღარიბით ძალიან დაბერებულიყენენ, ის ხუთი თუღანი ისევ ჰქონდათ შენახული—ჩენი შეიღის ნათასურს როგორ დაეხარჯავთო. გაიხარეს, ბევრი სიხარუღის ცრემღი დაღვარეს შეიღის მშვიღობით დაბრუნებით და ნახვით, სიხარუღით გაახალგაზრდაღდენენ, გაიკეთეს ლამაზი სახღები და დაიწყეს ბედნიერი ცხოვრება, ასე რომ დღესაც კი ბედნიერად ცხოვრობენ.

იყო ერთი ხელმწიფე. ჰყავდა ერთი ქალი. ხელმწიფემ ბრძანება გასცა: ვინც ისეთ ტყუილს მეტყვის, რომ ჩემს დღეში არ გამეგოს—ჩემს ქალს იმას მივსცემო. შეიკრიბა მთელი სახელმწიფო, მაგრამ ისეთი ტყვილი ვერაინა სთქვა, რომ ხელმწიფეს მოსწონებოდა. იმ სახელმწიფოში სცხოვრობდა ერთი ყველასაგან ყბად აღებული ბიჭი, რომელსაც მეტ სახელად ქაჩალას ეძახდენ. ხალხმა ქაჩალას უთხრა: მოდი, ქაჩალ, იქნება შენა სთქვა ისეთი ტყუილი, რომ ხელმწიფეს ჯერ არ გაეგონოსო.

მივიდა ქაჩალაც ხელმწიფესთან და უთხრა: აბა მე რა მეცოდინება, დიდებულო ხელმწიფე.

მამიჩემის ქორწილში,
ბატით წაველ ქორწილში,
გამოჰივარდა მგელი,
გამომიჭამა მკერდი.
გადაფრინდი ტყეში,
გამოვჭერ წნელი თხილში,
გამოვუხლართე გვერდი,
შევჯები და მივედი.

ხალხმა სიცილი დაიწყო ამ ტყუილზე და ძალიან გააკვირვა ასეთმა ტყუილმა, მაგრამ მაინც უთხრეს: ეგ ტყუილი კი არ არის—მართალიაო.

მეორედ ხალხი კიდევ შეიკრიბა. ვერც მაშინ ვერავინ ვერაფერი სთქვა ისეთი ტყუილი, რომ ხელმწიფე გაეკვირვებინათ. მოვიდა ქაჩალაც.

— მოდი, ქაჩალ, იქნება შენ რამე იცი ისეთი ტყუილი, ხელმწიფე გააკვირვოსო. ქაჩალამ ხელმწიფეს მოახსენა: ჩვენი საბძლის ბოლოზე დედაჩემმა გოგრა დათესა, იარა, იარა გოგრამ და შავ ზღვის გაღმა გავიდა. წავიღე ურემი, გოგრის ყუნწზე გავატარე, დავექერ გოგრა, დაუდე ურემზე, ისევ გოგრის ყუნწზე გამოვატარე, ეს არის იქიდან მოველიო. თუმცა ხალხს ძალიან მოეწონა ეს ტყუილი, მაინცა სთქვა: ეგ ტყუილი კი არ არის—მართალიაო.

მესამე დღეს კიდევ შეიკრიბა ხალხი. ვერავინ ვერაფერი

სტქვა ხელმწიფის მოსაწონი. ქაჩალს ურემზე ათ კოკიანი ქვევრი დაუდვია და მოდის. ხელმწიფემ, რომ დაინახა ქაჩალა, უბრძანა ხალხს: ქაჩალამ როგორი ტყუილიც არა სტქვას, თქვენ ისევ დაიძახეთ—ეგ ხომ მართალიაო. ხალხმა უთხრა ქაჩალას: ქაჩალ, მოდი და ერთი კარგი ტყუილი გეცოდინება და სტქვიო. ქაჩალამ ხელმწიფეს მოახსენა:—დიდებულო ხელმწიფე, მამაჩემი რომ კვდებოდა მითხრა: ჩვენს ხელმწიფეს ერთი ეს ქვევრი ოქრო ჰმართებს და გამოართვიო, გთხოვთ, ნუ ინებებთ ჩემს ცოდოს და ვალი დამიბრუნოვო. ხალხმა დაიძახა: მართალია, მართალიაო.—მაშ თუ ტყუილი არ არის და მართალია და ქვევრი ეხლავე ოქროთი უნდა ამივსოთო. რაღას იზავდა ხელმწიფე, ქვევრიც ოქროთი გაუვსო, ქალიც იმას მიათხოვა და ხელმწიფობაც დაულოცა. ქირი იქა, ლხინი აქა, ნაცარი იქა, ფქვილი აქა.

262. სიზმარი

იყო და არა იყო რა, იყო კაცი და დედაკაცი, ჰყავდათ ერთი ვაჟიშვილი. ერთხელ მამა-შვილნი წაყვიდნენ მინდორში სამუშაოთ. როცა დაისვენეს, ბიჭმა დაიძინა. გამოიღვიძა და მამას უამბო თავისი სიზმარი: მარჯვნივ მზე მეჯდა, მარცხნივ—მთვარე, შუქურ-ვარსკვლავი კალთაში მეჯდა და ღვინოს მასმევდაო. მამამ უთხრა: ეგ სიზმარი მე უნდა მაჩუქოვო.—რანაირად უნდა გაჩუქო, ეს ხომ სიზმარია, განა ჩიტის ბარტყია ხელში მეჭიროს. მამა მაინც არ ეშვებოდა, ეგ სიზმარი მე უნდა მაჩუქოვო.—აბა როგორ გაჩუქო: სიზმრის ჩუქება როგორ შეიძლება, სიზმარი იყო და გაიარა. გაბრაზდა მამა, გამოუდგა მოსაკლავად, შვილი გაიქცა, ხელმწიფის კარზე მივიდა, ეგონა ხელმწიფე დამითარავსო. ხელმწიფემ რომ გაიგო რაშიაქ იყო საქმე, ახლა ის ჩააცივდა, ეგ სიზმარი მე უნდა მაჩუქოვო. სიზმარი როგორ გაჩუქოვო, უპასუხა ბიჭმა. გაჯავრდა ხელმწიფე, დააპერინა და ერთ დიდ ხაროში ჩააგდებინა. იმ ხაროში ხელმწიფეს გველეშაპი ჰყავდა, ვინც რამეს დაუშავებდა, იმ ხაროში ჩააგდებდნენ და იმწაპსვე გველეშაპი შესჭამდა. როცა ბიჭი ჩააგდეს ხაროში, გველეშაპმა

დაიწვილა და ქვესკნელს გაექანა. ხელმწიფის ქალს ძალიან ენანებოდა ის ბიჭი, რომ უსამართლოდ ჩაადგეს ხაროში. რამდენიმე დღის შემდეგ ქალი ჩუმად წავიდა და ჩაიხედა ხაროში. ნახა ბიჭი ცოცხალი იყო და გველეშაპი კი იქარ იყო. ძალიან გაუკვირდა, ჰკითხა ბიქს, გველეშაპს როგორ გადურჩიო, რომ არ შეგკამაო. ბიქმა უამბო ყველაფერი, საქმე როგორც იყო. ქალი მამის ჩუმად ბიქს საქმელს უზიდავდა.

ერთხელ დასავლეთის ხელმწიფეს ამ აღმოსავლეთის ხელმწიფისათვის მარმარილოს ქვა გამოეგზავნა და შემოეთვალა:— ეს ქვა უნდა დამირთავო, თუ არ დამირთავ შენს ქალს მე წამოვიყვანო. დაღონდნენ ხელმწიფე და მისი ქალი, მარმარილოს ქვის დართვა როგორ შეიძლებაო! როცა ქალმა ბიქს სადილი მიუტანა, დაღონებულმა უამბო ყველაფერი,— თუ არ დავართით, დასავლეთ ხელმწიფე წამიყვანსო და შენ რაღა გეშველებაო? ბიქმა უთხრა: ის ქვა ისევ იმ ხელმწიფეს გაუგზავნეთ და შეუთვალეთ: ცოტა თქვენ დაართეთ და გვაჩვენეთ, როგორ გინდათ დართვა, მსხვილათ თუ წერილათაო... ის იმას ვერ დაართავს და თავს დაგანებებთო. მართლაც ისე მოიქცნენ ხელმწიფე და მისი ქალი და აჯობეს დასავლეთ ხელმწიფეს.

გავიდა ცოტა ხანი. დასავლეთ ხელმწიფემ ახლა სამი ცხენი გამოუგზავნა და შემოუთვალა: გამოიცანით ამ ცხენებში დედა რომელია, შვილი რომელია და შვილიშვილი რომელიაო, თუ არ გამოიცნობთ, შენს ქალს მე წავიყვანო. ხელმწიფემ თავისი სახელმწიფო ერთმანეთს შემოახალა, მაგრამ ვერავენ გამოიცნო. დაღონდნენ ხელმწიფე და იმისი ქალი. ქალმა ყველაფერი ბიქს უამბო, ის ხელმწიფე მე წამიყვანსო და შენ რაღა გეშველებაო? ვაჟმა, უთხრა: თქვენ ნუ გეშინიანთ, იმ ცხენებს ბევრი მარილი აქამეთ. სამი დღე დააწყვდიეთ, მერე გამოუშვით წყლის დასალევათ, პირველათ დედა გამოვა, მერე შვილი და ბოლოს შვილიშვილი. ნიშანი დაადეთ და შეუთვალეთ: ეს დედაა, ეს შვილი და ეს შვილიშვილი-თქო. ქალმა მამას ურჩია. მართლა ასე მოიქცნენ, ნიშნები დაადეს — ეს დედაა, ეს შვილია და ეს შვილიშვილიო და გაუგზავნეს.

დასავლეთ ხელმწიფეს არ ესიამოვნა ეს, გაჯავრებულმა შემოუთვალა: ისეთი კაცი უნდა მიშოვნოთ, რომ მანდღდან

ზარბაზანი გამოსროლოს და აქ ჩემი სახელმწიფოს ნახევარი სულ წააღებინოსო.

დაღონდნენ ხელმწიფე და მისი ქალი, მთელ სახელმწიფოში ვერავენ იპოვნეს ამის ამსრულებელი. როცა ქალმა სადილი მიუტანა ვაეს, ყველაფერი უამბო. ვაემა უთხრა: მალლა ვიყო, მე ვიცოდი, როგორც წავალე ბინებდიო, აბა აქედან რა ექნაო. მაშ შეგიძლიან ამის ასრულება? ჰკითხა ქალმა. მალლა ვიყო მე ვიცოდი, როგორც დავანგრევიო, კიდევ გაუმეორა ბიქმა.

დიდი ხანია ქალს უნდოდა ამ ბიქის როგორმე განთავისუფლება, ძალიან ენანებოდა, უსამართლოთ რომ იტანჯებოდა, მაგრამ მამას ვერ უბედავდა, ეხლა კი თამამად გაუბედა მამას და უთხრა:—მამავ, თქვენ რომ ხაროში ბიქი ჩაადებინეთ, იქნება იმან შესძლოს ეგ საქმეო. ხელმწიფემ გაბრაზებულმა უპასუხა: იმისი ძვლებიც აღარ იქნებაო, ჯერ გველეშაპს არ გადაურჩებოდა, მერე შიმშილით მოკვდებოდაო.—ენახოთ, მამავ, იქნება ცოცხალია და ვკითხვითო, არ ეშვებოდა ქალი. მამა და ქალი წავიდნენ და ნახეს. ხელმწიფეს საშინლად გაუკვირდა, ბიქი ცოცხალი რომ დაინახა.—ბიქო, გველეშაპს როგორ გადაურჩიო, ჰკითხა ხელმწიფემ. ბიქმა ყველაფერი უამბო როგორც იყო. ხელმწიფემ თავის გასაქირი უამბო, თან ჰკითხა: შენ შეგიძლიან მიშველო რამეო? დიდებულო ხელმწიფევ, აქედან აბა რა შემიძლიან და მალლა ვიყო, მე ვიცოდი რა დღესაც დავაყრიდიო! ხაროში ჯდომის დროს ბიქს ფრჩხილები ისეთი გაზრდოდა, რომ მიწაში ჩასულიყო ფესვებივით, იმოდენა თმა იგაზრდოდა, რომ ქვეშაც იფენდა და ზევიდანაც იხურავდა. ხელმწიფემ უბრძანა თავის მოსამსახურეებს—ამოიყვანეთო, მაგრამ ვერ მოახერხეს იმისი დაძვრა. ბიქმა უთხრა: ერთი დანა და მაკრატელი მომაწოდეთ, ფრჩხილებს დავიჭრი და თმას მოვიჭრიო.

ამოიყვანეს მალლა ბიქი. ქალმა თავის მამას ყველაფერი უამბო. მეფემ კარგად მიიღო. გაასუფთავეს, ჩააცვეს კარგად, ერთი კვირა დაასვენეს. ერთი კვირის შემდეგ დაუდგეს ზარბაზანი. გაისროლა ბიქმა და ნახევარი სახელმწიფო კი არა, თვით ხელმწიფის სასახლესაც თავზე ჩამოაშალა. გაბრაზდა დასავლეთის ხელმწიფე, კიდევ შემოუთვალა აღმოსავლეთ ხელმ-

წიფეს: ისეთი კაცები უნდა მიშოვნო, რომ თითომ ასი კოკა-
 ლდინო ერთად დალიოსო და ასი კოდი გამომცხვარი პური
 ერთად შექამოსო. დაღონდა აღმოსავლეთის ხელმწიფე. ვაჟმა-
 უთხრა: მე თითონ წავალო. ხელმწიფე და იმისი ქალი ეხვე-
 წებოდნენ—ნუ წახვალო. ვაჟმა მოახსენა: რა ღმერთმა აქამ-
 დის შამინახა, ეხლაც ის ღმერთი დამარჩენსო. ახსენა ღმერთი
 და მოემზადა წასასვლელათ. ხელმწიფემ დიდის ამბით გაა-
 ცილა. იარა ბიქმა და გზაზედ ერთი კაცი შემოეყარა. ფეხებ-
 ზე დოლაბები მიება და კურდღლებს დასდევდა, რამდენსაც
 დაიჭერდა, მაშინვე გადაჰყლაპავდა. ვაჟმა იფიქრა: ეხლა კი
 ღმერთმა მიშველაო. მივიდა, მიესალმა და უთხრა: მე და შენ
 ამხანაგები ვიყვეთო.—ძალიან კარგო, უპასუხა იმ კაცმა.
 იარეს, იარეს, დაინახეს: ერთ კაცს გუთანი უბია, ხნავს და თან
 ბელტებს ყლაპავს. ვაჟმა იმასაც ამხანაგობა სთხოვა. მიდის
 ვაჟი თავისი ორი ამხანაგით, იარეს და მივიდნენ ერთ ზღვის
 პირზე. ნაპირას ერთი კაცი დაეწაფა და ზღვა დააშრო. ესეც
 გაიამხანაგა და წავიდენ გზას. ნახეს ერთ ხეზე ორი მტრედი
 ზის, ერთი კაცი, ერთ მტრედს ბოლოში გამოაძრობს ბუმ-
 ბულს და მეორეს უკეთებდა, ახლა მეორეს გამოაქლიდა და
 პირველს უკეთებდა, მტრედები კი ვერა ჰგრძნობდნენ და
 ვერც იტყობდნენ. ესეც გაიამხანაგეს და გაუდგენ გზას.

ვაჟმა გზაში ამხანაგებს ყველაფერი უამბო. ამხანაგებმა
 დახმარება აღუთქვეს.

მივიდენ დასავლეთ ხელმწიფესთან. ვაჟმა მოახსენა:—ჩვენ
 აღმოსავლეთ ხელმწიფესაგანა ვართ გამოგზავნილიო. ხელმ-
 წიფემ მოამზადა რაც საჭირო იყო. ზღვის დამშრობი მიუჯდა
 ას კოკიან ლდინის ქვევრს, დაეწაფა და დააშრო. დოლაბები-
 ანმა და ბელტიყლაპიამ რაც პური და ხორცი მოიტანეს, გე-
 დაყლაპეს და ხელმწიფეს უთხრეს:—ცოტა რამე კიდევ მოგვი-
 ტანეთ—გვშიანო. ხელმწიფე შეშინდა და თავის ეზირებს
 უთხრა:—ამათ თუ რამე არ მოვუხერხეთ—გადაგვქამენო. მოუ-
 მზადეს ვახშამი, ხელმწიფემ სანდო პირებს უთხრა, მაგათ
 კერძი მოუწამლეთ და ისე მიუტანეთო. ვაჟმა შეიტყო ეს და
 მტრედების პატრონს ჩუმად უთხრა: შეუმჩნეველად კერძები
 შესცვალეო. ივახშმეს. ხელმწიფე და იმისი მეგობრები დაი-
 ხოცნენ, გადარჩა მარტო ხელმწიფის ქალი. წამოიყვანა ვაჟმა

ეს ქალი, მოვიდა აღმოსავლეთ ხელმწიფესთან და ყველაფერი უამბო. ხელმწიფეს ძალიან გაუხარდა და უთხრა: ვაეცი შენ ყოფილხარ და ხელმწიფობაც შენ გეკუთვნისო, შენთვის დამილოცნია და ჩემი ქალიც შენთვის მომიციაო. ვაჟმა ორივე ქალი შეირთო, დიდებული ქორწილი გადაიხადეს. ეყოლათ ოქროს ქოჩრიანი ვაეიშვილი. ვაჟმა მარჯვნივ აღმოსავლეთის ქალი დაისო, მარცხნივ — დასავლეთისა, ხელში ოქროს ქოჩრიანი ვაეიშვილი დაიჭირა და თავის სინანტს მოახსენა: აი ჩემი სიზმარი: ერთი მზე არის, მეორე მთვარე და ეს ჩემი ვაეიცი—შუქურ-ვარსკვლავი, აბა, აბას თქვენ როგორ გაჩუქებდითო. ხელმწიფემ დალოცა. ვაეი ბედნიერად ცხოვრობდა.

263. სოლომონ ბრძენი და სოვდაგარი

სოლომონ ბრძენის დროს ერთმა სოვდაგარმა თავისი მოსამსახურე ნოქრებით გაიარა ქალაქ იერუსალიმზე. სოვდაგარმა თავისი ერთი ნოქარი გაგზავნა თავისათვის კვერცხების სასყიდლათ. ნოქარმა ერთი დედაკაცისაგან იყიდა ათი კვერცხი, მოართვა, ისაუზმეს, აჰკიდეს თავისი საქონელი აქლემებს და წავიდენ სხვა ქალაქისაკენ სავაქროდ. სხვა ქალაქში რომ მოვიდნენ, ნოქარმა ნახა, რომ ჯიბეში ჩარჩენოდა ბებრისთვის კვერცხებში მისაცემი ფასიდან 10 კაპ. ეწყინა ძალიან, მოახსენა თავის ბატონს, სოვდაგარსაც ეწყინა, მაგრამ ორი შაურის ბებრისათვის ჩაბარება შეუძლებელი იყო: უკან დაბრუნება არ შეიძლებოდა, ვისიმე ხელით გადაცემაც ვერ მოხერხდებოდა, ბებრის არც სახელი იცოდნენ, არც გვარი, არც ქუჩა; სოვდაგარმა უთხრა ნოქარს: რა გაეწყობა, ცალკე შეინახე ორი შაური, ცალკე ვასარგებლოთ და რასაც მოიგებს, როცა დავბრუნდებით, ვიპოვნოთ ის დედაკაცი და ჩავაბაროთ თავისი ორი შაური სარგებლით.

სოვდაგარი სხვადასხვა დიდ ქალაქებში ვაქრობდა. დიდი მოგება ნახა და ამ ვაქრობით დიდი სიმდიდრე შეიძინა. ორმა შაურმაც ასე თუმანი მოიგო ცალკე ვაქრობიდან. დაბრუნ-

დენ შინ, გამოიარეს ისევე იერუსალიმში. ბევრი ძებნის შემდეგ იპოვნეს ის ბებერი დედაკაცი, რამაც ძალიან გაახარა ორივენი—სოვდაგარიც და მისი ნოქარიც. დედაკაცს არაფერი ახსოვდა, ვის მიჰყიდა კვერცხები ან როდის, მაგრამ რაკი ბედმა ასეთი დოვლათი არგუნა, გამოართვა ასი თუმანი და მადლობა გადაუხადა. გახარებულმა დედაკაცმა თავის მეზობლებს უანბო ყველაფერი თავისი ორი შაურისა და თან დაუმატა—ღმერთმა ადღეგრძელოს, ასე თუმანი მომიტანესო. მეზობლებმა დაცინვა დაუწყეს: განა იმ ორ შაურს ამოდენა ხანში ასე თუმნის მეტი არ ერგებოდაო?! აბა დაფიქრდი: ათი კვერცხი ას წიწილას გამოიყვანდაო. ის წიწილები გაიზრდებოდნენ, რამდენ კვერცხებს დასდებდენ, იმ კვერცხებიდან აუარებელი წიწილები გამოიჩეკებოდა და ამდენა ხანში ასე თუმანი კი არა, ბევრი ასი თუმანი გერგებოდაო. დედაკაცი სიხარბემ შეიპყრო, გააბრიყვეს, წავიდა, დაუწყო სოვდაგარს ძებნა, იპოვნა და წაედავა: მომატყუე, მე უფრო მეტი მერგებოდაო. გულნატკენმა სოვდაგარმა უთხრა: მეტის მოცემა არ შემიძლიანო. უჩივლა დედაკაცმა, მოსამართლემ იანგარიშა და მართლა აუარებელი ფული გადაუწყვიტა დედაკაცს. სოვდაგარმა უფრო დიდს სამართალში გაასაჩივრა თავისი საქმე. იქ უფრო მეტის გადახდა გადაუწყვიტეს. ვაქარმა ვეზირს მიმართა საჩივრით. ვეზირმა კიდევ დაუმატა და რაც ვაქარს ქონება ჰქონდა, გადასახადის ნახევარსაც არ ეყო. წაართვეს რაც რამე ჰქონდა და მისცეს დედაკაცს. დარჩა სოვდაგარი მთლად ლარიბ-ლატაკი. თავის ნოქრებმაც კი არ ასესხეს იმდენი, რომ ან ვაქრობა დაეწყო ან სული მოეთქვა, რომ ვასესხოთ საიდანღა გადაგვიხდისო—ფიქრობდენ ნოქრები. მეტი გზა არა ჰქონდა, შინშილით რომ არ მომკვდარიყო, თავის ნოქრებს დაუდგა მოჯამაგირეთ. მოგება და ზარალი ძმანი არიანო, ანუგეშებდა თავის თავს. თან სწამდა, რომ იქნება სიმართლემ როდესმე თავი იჩინოსო.

სოვდაგარს გაგონილი ჰქონდა სოლომონ მეფის სიბრძნე-სამართლიანობაზე. სთქვა—მოდე ერთი ვსცდი და სოლომონ მეფესთანაც ვიჩივლებო. მივიდა და თავისი დარდი შესჩივლა სოლომონ მეფეს. მეფემ უბრძანა: ხვალ მოდი და პასუხს გეტყვიო. მეფემ მთელი ღამე იანგარიშა, ბევრი იფიქრა და მე-

ორე დღეს სოვდაგარს უთხრა: მოსამართლეებს სწორედ უანგარიშიათ, თუ არა გჯერა, დაჯექ და შენ იანგარიშე დაუწყო თითონვე ანგარიში: ათი კვერცხი ათ ქათამს გამოსჩეკდა, ათი ქათამი ამდენსა და ამდენს კვერცხს დასდებდა, ამდენს წიწილას გამოსჩეკდა, ამდენი დაეხოცებოდა, ამდენი კვერცხი გალაცდებოდა და ასე დაწერილებით. აბა, ხომ შენ თითონაც კარგადა ჰხედავ, შვილო, რომ მოსამართლეებს სწორეთ უანგარიშებიათო. დაეთანხმა სოვდაგარი და გამწარებული გაძობრუნდა. სოლომონ ბრძენმა შეეცრად შეაყენა და ჰკითხა: იმ დედაკაცისაგან შენ უმი კვერცხები იყიდე თუ მოხარშულიო?—მოხარშულიო, უპასუხა სოვდაგარმა. მაშ წადი და ხეალ შოდიო, უბრძანა მეფემ.

მეორე დღისათვის სოლომონ მეფემ დაიბარა ყველა ის მოსამართლეები, რომელთაც სოვდაგარის საქმე გაარჩიეს. შეიკრიბა დიდძალი ხალხი, სასახლის არემარე გაივსო ხალხით. ყველას აკვირებდა მოსამართლეების დაბარება და რაღაც განსაკუთრებულ გამოცხადებას მოელოდნენ და მოუთმენლად ელოდენ კრების მოწვევის მიზეზის გაგებას. მობრძანდა დედაკაციც, მდიდრული ეტლით და მახლობლებით. დამპარებული სოვდაგარიც აქ იყო ატუზული. გამობრძანდა სოლომონი, თან გამოჰყვენ დიდებულნი და მოსამართლეები. მეფემ ხალხს მიმართა: თქვენ ამ ბოლოხანს ხშირად სჩივით მოუსაველობაზე, ეს თურმე იმის ბრალი ყოფილა, რომ თქვენ უმ, მოუხარშავ თესლს სთესავთ. ამის შემდეგ, ვინც გაბედავს და მოუხარშავ თესლს დასთესავს, სასტიკად დაიხჯება, როგორც სახელმწიფოს მოლაღატე. შეიქმნა ხალხში დრტვინვა და უკმაყოფილება. სთხოვეს ერთ დიდებულს, ხელმწიფესთან დაახლოვებულ მოსამართლეს, მოახსენე მეფეს, როგორ შეიძლება მოხარშული თესლიდან რაიმე ამოვიდეს, ეგ ხომ ჩვენი დალუპვა იქნებაო.

მეფემ დედაკაცს ჰკითხა: შენ ამ სოვდაგარს მოხარშული კვერცხები მიჰყიდე თუ უმებიო?—მოხარშული, დიდებულო ხელმწიფევე. თბილ-თბილი კვერცხები მივეცი, კვერცხები ისევ ცხელები იყო. მერე მეფემ უამბო ხალხს საქმის ვითარება: მოსამართლეებმა როგორ იანგარიშეს ათი კვერცხიდან ათი წიწილის გამოჩეკა და სხვა და იმდენი შეაყენეს, რომ მდიდარი

სოვდაგრის ქონება არ იყო იმის ანაზღაურებასაო. ხალხმა ერთხმად დაიძახა: „მოხარული კვერცხებიდან წიწილების გამოჩეკა ვის გაუგონიაო?“ ასე რომ ხალხმა თითონ გადასწყვიტა სამართალი. მოსამართლეებს შერცხვათ და თავები ჩალუნეს. მეფემ უბრძანა მათ, წაართვით ამ დედაკაცს რაც რამ სოვდაგრიდან მიიღო და ჩააბარეთ თავის პატრონს, დედაკაცს კი ორი შაური დაუბრუნეთ თავისი კანონიერი სარგებლით. სოვდაგარს სიმდიდრე დაუბრუნეს, დედაკაცს კი ის ასი თუმანიც წაართვეს და რვა აბაზი სარგებელი დაუბრუნეს.

264. გრძნეული ღვინო

იყო ჯა არა იყო რა, იყო შაში მგალობელი, ღმერთი თქვენი მწყალობელი, იყო ერთი ცოლ-ქმარი, ჰყავდათ ერთი ვაჟი-შვილი. გაიზარდა ვაჟი. ამ დროს ამ ქვეყანაში ატყდა ომიანობა. ბიჭი ონში წავიდა. ონი ოცდაათი წელიწადი გაგრძელდა და ეს ბიჭი სულ ონში იყო. გათავდა ომი და ვაჟიც დაბრუნდა სახლში, მზობლები უკვე დიდი ხანია დახოცოდნენ, ახლო ნათესავი და ნაცნობი აღარავინ დარჩენოდნენ, გული აღარ დაუდგა ამ ქვეყანაში და მოშორდა იქაურობას.

მიღის ეს ბიჭი მინდორში, გაიხედა და დაინახა—თივის ზეინს ცეცხლი ეკიდება, თივის ზეინის გულში ქალი ზის, საცოდავად იტანჯება და გამოსვლა სწადიან. სადაც არის იმასაც მოეკიდება ცეცხლი და დაიწვის. შევარდა ბიჭი თავისი ცხენით ცეცხლში, გამოიყვანა ქალი და გადაარჩინა საშინელ სიკვდილს. ქალი გველათ იქცა, ბიჭს მკლავზე დაეხვია და უთხრა:—როგორც მიდიხარ, მაგ გზით იარე პირდაპირ და არსაით არ გადაუხვიო. იარა ბიჭმა და მივიდა ერთ სახლთან, გველი ქალათ იქცა. იმ სახლში ამ ქალის ორი და სცხოვრობდა. ქალმა ყველაფერი უამბო, დებმა სიხარულით მიიღეს ბიჭი და სთხოვეს:—მოდი ჩვენთან და-ძმურად იცხოვრეო. ბიჭმა დაიწყო იმათთან ცხოვრება, მაგრამ ერთ ადგილს ყოფნა მოსწყინდა, დობილებს უთხრა: ცოტას გავიელი ცხენითაო. დებმა უთხრეს: ვიცით, შენ სულ წახვალ, ჩვენთან აღარ დაბრუნდები. მისცეს ერთი ხანჯალი, ერთი ისეთი პერანგი, რომ

არც ტყვია, არც ხმალი არ მიუდგებოდა და ერთიც ქისა, რომელშიაც არას დროს ოქრო არ გამოილეოდა. დებმა უთხრეს:—თუ უბედურობა შეგემთხვეს—მოგკლას ვინმემ, შეეხვეწე—აგკაფონ და ხურჯინით შცნს ცხენზე გადაგკიდონ. შაჯდა ბიჭი ცხენზე, გადაჰკრა მათრახი და გადაიკარგა.

იარა, იარა და მივიდა ერთ ბებერი ცოლ-ქმრის სახლში, ჰკითხა: ამ თქვენს სახელმწიფოში უცხო ამბავი ხომ არაფერია?

— არაფერი, შვილო!—უპასუხეს ბებრებმა.

— მაინც, იქნება არი რამე! — არ ეშვებოდა ბიჭი.

— უცხო ეს არის რომ, ჩვენს ხელმწიფეს ერთი ქალი ჰყავს, ვინც სამ ოთახს სამ თვეს ოქროთი ამივსებს, ჩემს ქალს იმას მივსცემო. ერთი ხელმწიფის შვილი სთხოვს, მაგრამ არ აძლევს.

— დედაშვილობას, წადი და მოახსენე ხელმწიფეს: მე შეევსრულე რასაც თხოულობს, ოთახებს ოქროთი ავუვსებო.

წავიდა დედაკაცი და მოახსენა ხელმწიფეს:

— ჩემთან ერთი ბიჭი მოვიდა და ის ამბობს—მე ავუვსებ სამს ოთახს ოქროთით. ხელმწიფემ გაიცინა და უთხრა:

— შენთან ისეთი ვინ უნდა მოვიდეს, რომ ეს შესძლოსო. დედაბერმა ბიქს ამბავი მოუტანა. ბიჭი კიდევ შეეხვეწა:

— წადი, უთხარი ხელმწიფეს, თუ ვერ შევსდლო, თავი მომქერ-სქო. დაიბარა ხელმწიფემ ბიჭი და უთხრა:

— ხელმწიფის შვილი მთხოვს ქალს, იმან ვერ შესძლო ჩემი პირობის ასრულება, შენ საით შასძლებო?!

— თუ არ ავავსო სამი ოთახი ოქროთი, თავი მომქერიო, — უპასუხა ბიქმა.

აშოილო ბიქმა თავისი ქისა, გახსნა და სამი ოთახი სამს კვირაზე ოქროთი აავსო. გაუკვირდა ხელმწიფეს, მაგრამ რაღას იზავდა, ადგა და მიათხოვა თავისი ქალი. ქალს ეს ბიჭი არ მოსწონდა—ხელმწიფის შვილი მოსწონდა. ქალმა ხელმწიფის შვილს შაუთვალა:—თუ ჩემი ცოლობა გინდა ამ ბიქს—ჩემს ქძარს გამოუცხადე ომი, მოკალი და შენ გამოგყვები ცოლადაო. ხელმწიფის შვილმა გამოიწვია ბიჭი საომრად.

ბიჭი რომ საომრად მიდიოდა, სიმამრმა უთხრა—ჯარი წაიყვანეო, მაგრამ ბიქმა არ ინდობა და მარტო გავიდა. შაუთვალა ხელმწიფის შვილს: ჯარს ნუ დამახოცინებ—მარტო

შენ გამოდი საომრადო, მაგრამ ხელმწიფის შეილმა ჯარი მიუსია. ბიქმა ამოწყვიტა ყველანი, დაიჭირა ხელმწიფის შეილი და უნდა მოეკლა, მერე შეებრაღა და გაანთავისუფღა. ბევრი ეშმაკობით ხელმწიფის ქალმა გაიგო, რაშიაჲ ჰქონღა ძალა იმის ქმარს, ხელოსნებს გააკეთებინა ისეთივე ხანჯალი, პერანგი და ქისა, ჩუმათ ქმარს თავით დაუწყო, იმისი კი ხელმწიფის შეილს გაუგზავნა და დაუბარა: კიღევ გამოიწვიე საომრადო. მართლაც გამოიწვია. როცა ბიქი გავიღა საომრათ, იმისმა ხანჯალმა აღარ გასქრა, ხელმწიფის შეილმა დაიჭირა და ჰკლავღა. ბიქი შეეხვეწა: როცა მომკლღ, ასო-ასო ამქერ, ხურჯინში ჩამაწყე და ჩემს ცხენს გადამკიღეო. ხელმწიფის შეილმა აასრულღა იმისი თხოვნა: აკაღღ, ჩააწყო ხურჯინში და გადაჰკიღღ მისივე ცხენს. ცხენი გაიქცღ და ბიქის ღობიღებთან მიიღანღ ხურჯინი. ღებმა გაღმოიღეს, ღარეცხეს ბიქის ნაქრები, ჩააწვინეს უკეღვეების წყალში. ბიქი გაცოცხლღღ და ღაიძახღ:—„უჰ, ეს რამღენი მძინებიაო!“ ღებმა ყვეღაღერი უამბეს. მაშინ მიხვღღ ვინც მოკლღ.

ღარჩა ბიქი ცოტღ ხანი ღებთან. ღები უვღიღენ, მოხარულს და მოხრაკულებს აქმევღენენ; მოკეთღღ, მოღონიერღღ და ისევ აიღრეხღ: ცხენზე უნღღ შეეჯღღ და გავიარ-გამოვიაროვო. ღებმა უთხრეს: ვიციღ, შენ აღარ ღაბრუნღებიაო და მისცეს ერთი ჯვარი, როცა გავიქირღეს, რასაც ინატრებ, ყვეღაღერს აგისრულებს ეს ჯვარიო. შეჯღღ ცხენზე და ისევ იმ სახელმწიფოში მივიღღ ღეღაბერთან. ჰკითხღ: ღეღაშვიღობას, ამ თქვენს სახელმწიფოში უცხო ამბავი ხომ არაღერიაო.—უცხო ამბავი ის არის, რომ შარშან ჩვენმა ხელმწიფემ ერთ ყმაწვიღს თავისი ქალი მიათხოვღღ, ქალს კი ერთი ხელმწიფის შეილი უყვარღღ. იმ ხელმწიფის შეილმა ამ ყმაწვიღს ოპი გამოუცხადღღ, მოკლღ ხელმწიფის სიძე. ქალი თითონ შეირთო ცოლად და ხელმწიფეთაც თითონ გახღღაო. ბიქმა უთხრღ: იმ ხელმწიფის სიძე მე ვარ, მე ცხენათ ვიქცევი, შენ წამიყვანე, იმ ხელმწიფესთან მიმიყვანე, ძალიან მოვეწონები და ჩემ წონა ოქროთ მიმეციო, ღაგამი პირში არ ღამიღღო, გამომაცალე და შინ წაიღეო. თუ გითხრან საღ იშოვნე ეგრეთი კარგი ცხენიო, უთხარი—ჰატარღ კვიცი შინ გავზარღღ-თქო. ბებერი ასეც მოიქცღ. ხელმწიფემ მისცღ ცხენის

წონა ოქრო და იყიდა. დედაბერს სიხარულით დაავიწყდა ლაგამი პირიდან გამოეცალა. გამდიდრდა დედაკაცი და კარგად დაიწყო ცხოვრება. იმ ხელმწიფეს ერთი გასათხოვარი ლამაზი დაცა ჰყავდა. თვით ხელმწიფეს, იმის ცოლს და ამ დას ძალიან უყვარდათ ეს ცხენი და კარგად უვლიდნენ და ეალერსებოდნენ. ერთხელ ხელმწიფის ცოლი დააცქერდა ცხენს თვალელებში და თავის წინანდელ ქმრის თვალეებს აფერა. მოიგონა ავადობა. მრავალი ექიმები მოჰგვარეს, მაგრამ ვერაფერი უშველეს. თავის ქმარს უოხრა: — თუ ამ ცხენს დაჰკლავ, გულღვიძლს მომიხარშავ, იმის წვეწვს დამალევიწებ, მოვრჩებიო. ძალიან დაღონდა ხელმწიფე, იმისმა დამ ტირილით უთხრა ცხენს: ჩემო ლამაზო ცხენო, დღეს თავს მოგქრიანო. ცხენმა ენა ამოიღგა და უთხრა ქალს: როცა თავის მოქრა დამიწყონ და პირველი სისხლი გამომივიდეს, ფრთხილათ აიღე, ერთი ორმო ამოთხარე მინდორში და იქ ჩაასხიო. ქალი მართლა ისე მოიქცა. ერთი კვირის შემდეგ იმ ადგილას ისეთი ვაშლის ხე ამოვიდა, რომ არემარეს დღესავით ანათებდა.

ხელმწიფის ცოლი მორჩა, მაგრამ საუცხოვო ვაშლის ხე რომ დაინახა, ისევ მოიავადმყოფა თავი. ექიმებმა ვერაფერი უშველეს. ქალმა თავის ქმარს უთხრა: ის ვაშლი მოსქერით, იმისი შუაგული მოხარშეთ და დამალევიწეთ, მარტო ის მომარჩენსო. დაღონდა ხელმწიფე. ხელმწიფის დამ ხეს შასტირა: ჩემო ვაშლო, დღეს მოგქრიანო. ვაშლმა კაცის ენით აიძრაბა: როცა კრა დამიწყონ, პირველი ნაფოტი რომ გადმოვარდეს, ის ნაფოტი წაიღე და იმ ტბაში ჩააგდე, სადაც შენი ძმა ბანაობს ხოლმეო. ქალი ისე მოიქცა. ნაფოტი შაშვათიქცა. როცა ხელმწიფემ ბანაობა დაიწყო, შაშვი იმის ტანისამოსს დააჯდა და კაცად იქცა. უთხრა ხელმწიფეს: აბა ეხლა აქ გამოდიო. მოკლა ხელმწიფე, იმისი ცოლიც, იმისი და ცოლათ შეირთო, დიდი და ლამაზი ქორწილი გააკეთა და ბედნიერათ დაიწყო ცხოვრება.

ქირი იქა, ლხინი აქა, ნაცარი იქა, ფქვილი აქა.

ერთ ქვეყანაში ერთი ხელმწიფე იყო, სასტიკი და ბოროტი. ვინც იმის სახელმწიფოში ცოლს შეირთავდა პირველად ამ ხელმწიფისათვის უნდა მიეყვანა. ერთმა ბეჭედელმა შეირთო ერთი მეტად ლამაზი ქალი. გააკეთა თორმეტი ზედიზედ გადაბმული ოთახი, ჩასვა თავისი ცოლი მეთორმეტე ოთახში, დაადო ოთახებს თორმეტი კლიტე და სთქვა: აბა ეხლა მომტაცოს ხელმწიფემ ცოლიო. საღამოობით, როცა საქმეს გაათავებდა ოქრომჭედელი, გააღებდა თორმეტ ოთახს, ცოლს ნახავდა. დანარჩენ დროს სულ თორმეტკლიტულში იჯდა საცოდავი ქალი.

ამ დროს ერთი ხელმწიფის შვილი დადიოდა სხვადასხვა ქვეყნებში და ათვალეირებდა სხვადასხვა ხალხის ყოფაცხოვრებას. მოვიდა ამ სახელმწიფოშიაც და ერთ ბებერ დედაკაცთან დადგა.

— რა ამბავია, დედი, თქვენს ქვეყანაში? — ჰკითხა ხელმწიფის შვილმა ამ დედაკაცს.

-- რაღა რა ამბავია, შვილო, ჩვენი ხელმწიფის შიშით ცოლი ვერავის შეურთავს. ბრძანება გასცა: ვინც ცოლს შეირთავს, პირველ ღამეს უსათუოთ ჩემთან უნდა მოიყვანოსო, არის ერთი უბედურება და თავში ცემა. აი ეხლაც ერთმა ოქრომჭედელმა შეირთო ერთი ლამაზი ქალი, რომლის ბადალი დედამიწის ზურგზე არ მოიპოვება, ჩაკეტა თორმეტკლიტულში და ჰყავს, საცოდავი, დამწყვდეული. დღე ერთია და ცდა ათასი. წვალობს ჩვენი ხელმწიფე, რომ როგორმე მოსტაცოს ის ქალი, მაგრამ ვერაფერი გაუწყვია.

— არ შეიძლება, დედი, როგორმე დავიახლოვო ის ოქრომჭედელი? — ჰკითხა ხელმწიფის შვილმა.

— ადვილია, შვილო, — უპასუხა ბებერმა, — ჯერ მიდი და ისე უბრალოდ გაეცანი იმ ოქრომჭედელს, მერე სხვა ოქრომჭედელს ერთი ისეთი ბეჭედი გააკეთებინე, რომ დედამიწის ზურგზე იმისი ბადალი არ იყოს, გაიკეთე ხელზე და იმ ოქრომჭედლის ახლოს გაიარე ისე, რომ ბეჭედი დაგინახოს. რომ დაგინახავს, ძალიან მოეწონება, აიღე და ბეჭედი იმას აჩუქე. ხელმწიფის შვილი ასეც მოიქცა. გააკეთებინა ისეთი

ბექედი, რომ კაცის თვალს ჯერ ასეთი არა ენახა რა. გაიკეთა და იმ ოქრომქედლის დასანახვებლად გაიარ-გამოიარა-

— უჰ, ეგ რა საუცხოვო ბექედია!—უთხრა ოქრომქედელმა.

— თუ ასე მოგწონს, ფეშქაშ!—უთხრა ხელმწიფის შვილმა, გამოიძრო და აჩუქა ბექედი ოქრომქედელს.

ხელმწიფის შვილმა ბებერს უთხრა:

— ბექედი ვაჩუქე, ეხლა რაღა ვქნაო?

— ეხლა წადი და ისეთი ხმალი გააკეთებინე, რომ ამ ქალაქში არავისა ჰქონდეს, გაიკეთე და ოქრომქედელს გაუარე, ხმალი მოეწონება, აიღე და აჩუქე, —უთხრა დედაკაცმა. ხელმწიფის შვილმა გააკეთებინა ხმალი, გაიკეთა და ოქრომქედელს გაუარა. ოქრომქედელი ალტაცებაში მოვიდა, აიღო მეფის შვილმა და ხმალიც აჩუქა ოქრომქედელს.

— ეხლა რაღა ვქნაო,—ჰკითხა ხელმწიფის შვილმა დედაკაცს.

— ეხლა ისეთი ქულაჯა შეაკერიე, რომ თვალი ზედ დარჩესო,—უპასუხა. შეაკერიდა ხელმწიფის შვილმა, ჩაიცვა და ოქრომქედელს გამოუარა. ოქრომქედელმა ჰკითხა:

— ვის შეაკერიე ეგეთი საუცხოვო ქულაჯაო. ხელმწიფის შვილმა ქულაჯაც აჩუქა ოქრომქედელს. ოქრომქედელმა წაიღო ყველა ეს ნივთები, თავის ცოლს მიუტანა და იმის ოთახში დაჰკიდა კედელზე. ოქრომქედელმა ისე შეიყვარა ეს ხელმწიფის შვილი, რომ აღარ იცოდა რა ექნა. მოინდომა მისი პატივისცემა—სადილათ დაპატიეება. ცოლს შეეკითხა:

— როგორ მოვიქცე, აქ შენს ოთახში მოუხერხებელია იმისი მოყვანა და ჩემს სახელოსნოში რომ მოვიყვანო რა უშავსო?

— შე უბედურო, იმისთანა საპატიო სტუმარი დუქანში როგორ უნდა დაჰპატიეო, ვინ რას იტყვის! განა შეგქამს აქ რომ შემოიყვანო!—მაცხერ ვერ გაბედა ოქრომქედელმა ცოლის ოთახში სადილის გამართვა და ისევ თავის სახელოსნოში გაუმართა სადილი. ხელმწიფის შვილმა დედაბერს რჩევა ჰკითხა:

— როგორ მოვიქცეო.

— სადილის დროს ჩუმათ ბანგი ჩაუყარეო, დაეძინება, ჯიბიდან გასაღებები ამოაცალე, გააღე კარები და ნახე ქალი. როცა ნახო ისევ დაკეტე და ჯიბეში ისევ ჩაუდე გასაღებებიო, დაარიგა დედაბერმა. მართლაც, სადილის დროს, ხელმწიფის შვილმა ბანგი ჩაურია ოქრომქედლის სასმელს, ოქრომქედელი

უგონოთ დაეცა და მკვდარივით დაეძინა. ხელმწიფის შვილმა ამოაცალა გასაღებები და დაუწყო ოთახებს გაღება. მეთორმეტე რომ გააღო, ქალმა დაინახა თუ არა ყმაწვილი, გაექანა და გადაეხვია, შეეხვეწა: ერთი ძხის შუქი დამანახვეო. ხელმწიფის შვილმა დააიმედა:—წაგიყვან, შენზე ჯვარს დაიწერო, მხოლოდ ცოტა უნდა მოითმინოვო. ისევ დაკეტა ოთახები, გასაღებები ჩაუღო ჯიბეში ოქრომკედელს და თითონაც იქვე მიწვა და თავი მოიმძინარა. გამოიღვიძა ოქრომკედელმა, ხელმწიფის შვილს ღვიძება დაუწყო.—უუჰ, რამდენი მძინებია! სთქვა სტუმარმა, მადლობა გადაუხადა და წამოვიდა.

ხელმწიფის შვილმა დედაბერს ყველაფერი უამბო.

— რატომ ქალი არ მოიტაცე, ხელის შემშლელი ვინა გყავდა!—ჰკითხა დედაქაცმა.

— მინდა ცოტა კიდევ გავასულელო ოქრომკედელი, — უპასუხა ხელმწიფის შვილმა.

ხელმწიფის შვილმა ბებრის რჩევით დაიჭირავა ქანქანები (მიწისმთხრელნი). ბებრის სახლიდან ოქრომკედლის ცოლის ტახტის ძირამდე გააკეთებინა საიდუმლო საეალი. ჩავიდოდა და ქალთან ატარებდა დროს, როცა ქმრის მოსვლის დრო მოვიდოდა, ისევ ბებრის სახლში ამოძვრებოდა. ერთხელ ხელმწიფის შვილმა ოქრომკედელს გამოუცხადა თითონ ვინც იყო, უთხრა—ცოლს ვირთავ და მეჯვარეთ უნდა გამომყვეო.— თუკი მიკადრებ, ჩემთვის მაგაზე დიდი ბედნიერება რაღა იქნებაო!—უთხრა გახარებულმა ოქრომკედელმა.

ხელმწიფის შვილმა ქალთან ყოფნის დროს ჩამოიღო კედლიდან ბეჭედი, რომელიც თითონ აჩუქა ოქრომკედელს, გაიკეთა ხელზე და ოქრომკედელს გაუარა. ოქრომკედელმა იცნო თავისი ბეჭედი, გულგახეთქილი გაექანა თავის ოთახში, სანამ თორმეტ კლიტეს გააღებდა, ხელმწიფის შვილმა მოასწრო, ჩავიდა ქალთან, ბეჭედი თავის ადგილას დაჰკიდა და ისევ ბებრის სახლში ამოძვრა. ოქრომკედელმა თავისი ბეჭედი თავის ადგილას დაინახა, დამშვიდდა და სთქვა:

— დასწყევლოს ღმერთმა, ხელმწიფის შვილს ხელზე სწორეთ ამისი მსგავსი ბეჭედი აქვს, მე ეს მეგონაო.

—თუ შენთვის იშოვნა, ხელმწიფის შვილი თავისთვის კი ვერ იშოვნიდა ამისთანა ბეჭედსა?!—უთხრა დაცინვით ცოლმა ოქრომკედელს. ახლა, მეორეს დღეს, თავის ნაჩუქარი ხპალი

ჩამოიკიდა და ისე ეჩვენა ოქრომპყედელს. გაოცებული ოქრომპყედელი გაიქცა ცოლის ოთახში, ხელმწიფის შვილმა მოასწრო ქალის ოთახში წიხლა, ჩამოაკიდა თავის ადგილას ხმალი და ისევე ამოძვრა ბებრის ოთახში. ოქრომპყედელმა დაინახა თავისი ხმალი და დამშვიდდა. ცოლმა უთხრა:

— ნეტა რა გიჩივით დარბიხარ, თუ შენთვის იშოვნა ასეთი ხმალი, თავისთვის კი ველარ იშოვნინდა?!—დაბრუნდა ოქრომპყედელი შერცხვენილი. მესამე ღღეს ხელმწიფის შვილი შევიდა ქალთან, ჩაიცვა ქულაჯა, შემოიკრა ხმალი, გაიკეთა ბეჭედი და ოქრომპყედლის წინ გაიარ-გამოიარა. გულგახეთქილი ოქრომპყედელი მივარდა თავის სახლში, ნახა ყველა თავთავის ადგილას იყო. ცოლმა დაცინვა და ჯავრობა დაუწყო. მეოთხე ღღეს ხელმწიფის შვილმა ქალი გამოიყვანა თორმეტი კლიტულიდან, მოიყვანა ბებრის სახლში, მოისვა გვერდზე და ოქრომპყედელთან კაცი გაგზავნა: მობრძანდი ჯვარისსაწერად მზადა ვართო. გახარებული ოქრომპყედელი შემოვიდა ბებრის სახლში, თავისი ცოლი რომ დაინახა ელდა ეცა,—ცოტახანს შინ ვიახლებით და ეხლავე დავბრუნდები,—მოიხადა ბოდიში ოქრომპყედელმა და გაექანა თავის სახლისკენ. სანამ ის თორმეტი კლიტეს გააღებდა, ხელმწიფის შვილმა ქალი ისევე ოქრომპყედლის ოთახში გაიყვანა. შევარდა ოქრომპყედელი, დაინახა თავისი ცოლი და წამოიძახა:

— ხელმწიფას შვილი ცოლს ირთავს და იმისი საცოლე სულ შენა გგავს!

— შე უბედურო, თუკი შენ იშოვნე ჩემისთანა, რატომ ხელმწიფის შვილი კი ვერ იშოვნინდა!?!—უთხრა ცოლმა. შერცხვენილი ოქრომპყედელი დაბრუნდა. ხელმწიფის შვილმა, სანამ კარებს დაკეტაუდა ოქრომპყედელი, ქალი ისევე ბებრის სახლში გამოიყვანა და გვერდზე მოისვა. მოვიდა ოქრომპყედელი, ჩასხდნენ ეტლში, ჩაისვეს ოქრომპყედელიც და წავიდნენ ყმაწვილის მამასთან. დიდის ზეიმით დაიწერეს ჯვარი, გადაიხადეს დიდებული ქორწილი. ქორწილის შემდეგ, ოქრომპყედელს ხელმწიფის შვილმა ისევე ჩააცვა თავის ნაჩუქარი ქულაჯა, შემოაკრა ხმალი, გაუკეთა ბეჭედი, შესვა კარგ ცხენზე, ერთი წერილი მისცა. და სთხოვა,—ეს წერილი თქვენს ხელმწიფეს მიართვიო. ოქრომპყედელმა სიხარულით გამოაქანა ცხენი. მივიდა ხელმწიფესთან და მიართვა წერილი. წერილში ეწერა:

„დიდებულო ხელმწიფე! ის ქალი, რომლის მოტაცებას შენ დიდიხანია სცდილობდი და ვერ მოახერხე, მე წამოვიყვანე, ცოლად შევიერთე და მისი ქმარი, ოქრომქედელი, მეჯვარეთ გამოვიყოლე“.

წაიკითხა ხელმწიფემ ეს წერილი და ერთი საშინელი გადაიხარხარა. გაოცებულმა ოქრომქედელმა მოკრძალებით ჰკითხა ხელმწიფეს სიცილის მიზეზი. ხელმწიფემ წაუკითხა წერილი. ოქრომქედელს ელდა ეცა, ბევრი იტირა, თავში იცა, მაგრამ რალას გააწყობდა.

მთას ურემი ავაგორე,
ბარს წავიდა გორებითა,
აქ სიცოცხლით გამძიმებით,
საიქიოს ცხონებითა.

266. ბეზარი დერაქასი

იყო და არა იყო რა, იყო ერთი უშვილო კაცი და დედა-კაცი. შეეხვეწნენ ღმერთს: ღმერთო, ერთი შვილი მოგვეცი და საღმრთოს ვიზამთო. შეუსმინა ღმერთმა ვედრება და მისცა შვილად ერთი ქალი. კარგი რამ იზრდებოდა ეს ქალი, მაგრამ იმის მამას საღმრთო აღარ აგონდებოდა. ერთხელ ეს პატარა ქალი მიდიოდა, დახვდა ანგელოზი და უთხრა:—მამაშენს უთხარი საღმრთო გააკეთოსო. ქალმა მამას უამბო ანგელოზის ნახვა და საღმრთოს გადახდის შესახებ დაბარება. მამამ სთქვა:—ეჰ, ვაჟი რომ მოეცა ღმერთსა, საღმრთოს მამამინ გადავიხდიდიო.

პატარა ხნის უკან ჩამოვიდნენ ორი ანგელოზი, ასწიეს ციმი-ციმად პატარა ქალი და წაიყვანეს ზეცაში. შეექმნათ იმის მშობლებს საშინელი ტირილი და ვაება. შეეცოდა ღმერთს ისინი და ანგელოზებს უბრძანა, ისევ ჩაუყვანეთ ქალი მშობლებსაო.

როცა ანგელოზებს ქალი მოჰყავდათ, ერთმა ანგელოზმა დალოცა: ხელმწიფის ცოლი გახდიო, მეორე ანგელოზმა დალოცა: გაიცინებ ია-ვარდი გადმოგცვივდეს, იტირებ—თვალთაგან მარგალიტო. ჩამოიყვანეს და მიუყვანეს მშობლებს. შეუდგათ ქალის მშობლებს სიხარული, ხვეენა და კოცნა. გა-

დაიხადეს საღმრთო. ქალი იზრდებოდა მშვენიერი და ლამაზი.

იმ ქვეყნის ხელმწიფემ გაიგო, რომ ამა და ამ კაცს ასეთი და ასეთი ქალი ჰყავსო. წამოვიდა ხელმწიფე ამ ქალის მამასთან თავის ვეზირებით და უთხრა:

— შენი ქალი უნდა მომათხოვოვო.

— რასა ბრძანებ, შენი ქირიმე, ჩემი ქალი რა თქვენი ცოლობის ღირსია!—უთხრა მამამ. ხელმწიფე აღარ მოეშვა. რას იზავდა, დასთანხმდა მამაც. მოამზადეს ქალი წასაყვანად. ამ ქალს ბებერი დეიდა ჰყავდა, რომელსაც ერთი ლამაზი გასათხოვარი ქალი ჰყავდა. ამ ბებერმა სთხოვა ხელმწიფეს: მე და ჩემი ქალიც თან წაგვიყვანე ამ ჩვენი ქალის მოახლეთაო. წამოიყვანა ხელმწიფემ ორივენი. იარეს, იარეს და ერთ წყაროს პირას ჩამოხტენ დასასვენებლად. ბებერმა უთხრა ხელმწიფეს:

— დაღალული ბრძანდებით, წამოწეკით და ცოტახანს მოისვენეთო, მე კი ამ ქალს გავასეირნებ, გაერთობაო. დედაკაცმა ქალი შორს ტყეში წაიყვანა. დედაკაცმა უთხრა ქალს:

— აბა, შვილო, ეგ შენი კაბა ამ ჩემს ქალს როგორ მოადგებაო.—გაიხადა ქალმა კაბა და მისცა დეიდაშვილს, თითონ იმისი კაბა ჩაიცვა.

— აბა ვნახოთ შენი საყურეები როგორ მოუხდება ამ ჩემს ქალსაო.—საყურებიც მისცა. ასე ყველაფერი გაჭხადა და თავის ქალს ჩააცვა. დასთხარა ქალს თვალეები, გამოიხვია ხელსახოცში და წამოიყვანა თავისი ქალი. ხელმწიფემ ვერაფერი გაიგო, წამოიყვანა ბებრის ქალი, გადიხადა დიდებული ქორწილი, ხელმწიფე ჰკვირობდა, რომ ქალს აღარც ია-ვარდი გადმოსდის და აღარც თვალ-მარგალიტი.

— დაღალულია, შვილო, და იმისთვის მოსდის ეგრეო,—დაამშვიდა ბებერმა.

ის ქალი კი იღვა და სტიროდა და თვალთაგან თვალმარგალიტი გადმოსდიოდა. ამ დროს მახლობლად ერთი საწყალი გლეხი ფიჩხსა სჭრიდა. იმისმა ლეკვმა ქალი რომ დაინახა, ყეფა დაიწყო, ქალი მიხვდა—ახლო ადამიანი იქნება ვინმეო. დაიწყო ყვირილი, ვინა ხართ, რა სულიერი ხართ, მიშველეთო. ამ ყვირილზე გლეხი მივიდა, დაინახა მტირალი ქალი და ვინაობა ჰკითხა.

— ჩემი ვინაობა რად გინდა, მიშველეო, შეეხვეწა ქალი.

— რალა შენი შემატება მინდა, ისეც შინ ათი ქალი მყავსო, — უთხრა გლეხმა.

— მიშველე, წამიყვანე, — შეეხვეწა ქალი, — თუ არას შეგმატებ, არას დაგაკლებ. მივიდა ეს გლეხი ქალის წამოსაყვანად და დაინახა ქალის წინ თვალ-მარგალიტი ყრია. აკრიფა, გამოუძღვა ქალს და წამოიყვანა შინ. ცოტა ხანში ეს საწყალი გლეხი გაკეთდა, გამდიდრდა, ჩაიცივს, დაიხურეს, გააკეთა მშვენიერი სახლი. ერთხელ ამ ქალმა თავის მამობილს უთხრა:

— ერთი ოქროს სინი გააკეთებინე, ზედ ია-ვარდი დაყარე და სასახლის წინ წაიღე გასაყიდად. ასეთი და ასეთი ბებერი დედაკაცი გამოვა, შეგვეაქრება, შენ უთხარი ფულად არ ვყიდი — თვალადა-თქო, მოგცემს თვალს და მომიტანეო. გლეხი ისე მოიქცა. გაიტანა ოქროს სინით ია-ვარდი და დაიწყო ყვირილი: — ია-ვარდი გასასყიდი, ია-ვარდი! ქალის დეიდა იჯდა დაღონებული აივანზე, გლეხის ხმა რომ გაიგონა, დაუძახა და უთხრა:

— ოღონდ ეგ ია-ვარდი მე მომყიდე და მაგ სინს ფულით გაგიყვებო.

— ფულად არ ვყიდი — თვალადაო, — უთხრა გლეხმა. ამოიღო ბებერმა ჯიბიდან თვალი და მისცა გლეხს. დედაბერმა ია-ვარდი შეიტანა, თავის ქალს მიუქარა, როცა ხელმწიფემ გამოიღვიძა, ქალმა სიცილი დაიწყო, ბებერმა უთხრა ხელმწიფეს:

— აკი მოგახსენეთ, დაღლილია-მეთქი, აი რომ დაისვენა, როგორ ია-ვარდი გადმოსდისო.

ხელმწიფეს ეს ამბავი ძალიან ესიამოვნა.

გლეხმა წამოიღო თვალი, მოუტანა ქალს, ქალმა მიიღო და ცალი თვალი ისევ გაუმთელდა.

ახლა თვალ-მარგალიტი გაიტანა გლეხმა სასახლის წინ გასასყიდად, დედაკაცს მიჰყიდა და მეორე თვალიც გამოართვა. დედაკაცმა შეიტანა თავის ქალის საწოლში და თვალ-მარგალიტი მიაბნია. დილით ხელმწიფემ რომ დაინახა გაფანტული თვალ-მარგალიტი, ძალიან გაუხარდა. გლეხმა ქალს მოუტანა მეორე თვალიც, ქალმა მიიღო და ისიც გაუმთელდა.

ქალმა უთხრა თავის მამობილს:—გააკეთე ერთი დიდებული სადილი და ხელმწიფე დაჰპატიეო. გააკეთა გლეხმა სადილი და დაჰპატიეა ხელმწიფე. ხელმწიფეს ძალიან გაუჟვირდა და სთქვა: ერთი წავალ, გავიგებ, რითი მპატიეობს ეს საწყალი გლეხიო. ბებერ დედაკაცს გულმა უგრძნო, აქ რაღაც კარგი არა ხდებაო და უშლიდა ხელმწიფეს წასელას. მაგრამ ხელმწიფემ თავისი არ დაიშალა, წავიდა და თან თავის ცოლიც წაიყვანა. მივიდა, ნახა რომ ამ გლეხს მართლა საუცხოვო სადილი გაუქეთებია. სადილს შემდეგ ხელმწიფე წამოწვა დასასვენებლად. გლეხმა მოახსენა: თუ გნებავთ ერთი კარგი მეზღაპრე ქალი მყავს და ზღაპარს მოგახსენებსო. ცოლმა დაუწყო ხელმწიფეს ხეწნა: წაეიდეთ შინაო, მაგრამ ხელმწიფემ ზღაპრის მოსმენა ისურვა, ქალი კი შინ წავიდა მარტო-კა. ხელმწიფე საღაც იწვა, ფარდა ჰქონდა გაბმული, ქალი ფარდის გარეთ იჯდა და უამბობდა თავის თავგადასავალს. იქამდის რომ მივიდა, როგორ იყიდა ია-ვარდი და თვალმარგალიტი ბებერმა მისმა დეიდამ და საწოლ ოთახში დაუბნია, ხელმწიფემ ფარდას გადახადა, იცნო თავის ნამდვილი ცოლი და გადაეხვივნენ ერთმანეთს.

ბებერი დედაკაცი და მისი ქალი მოაბეს ცხენის კულზე და ისე ათრევინეს. ხელმწიფემ გადაიხადა ახლად ქორწილი და დაიწყო ამ ქალთან ბედნიერი ცხოვრება.

სამი ვაშლი მქონდა: ერთი შენა, ერთი მთქმელსა და ერთიც გამგონელსა.

267. აპთანდრილი და ყარაპოლლი

იყო ერთი უშვილო ხელმწიფე. ძალიან სწუხდა, რომ შვილი არა ჰყავდა. ერთხელ, სასახლის წინ მიდიოდა ერთი ტერტერა. ტერტერა უეცრად ჩაჯდა და მიწაზე რალასაც ჩასცქეროდა. ხელმწიფემ დაინახა ეს და ძალიან გაუჟვირდა. გაგზავნა კაცი ამბის გასაგებად.

— ტერტერ! რას აკეთებ?—ჰკითხა გაგზავნილმა კაცმა.

— კიანკველებს ჩხუბი მოსვლიათ, ერთმანეთისთვის თავ-

პირი დაუმტვრევიათ, წამალს ვადებ რომ მოვარჩინო,—უპასუხა ტერტერამ. მოახსენეს ხელმწიფეს.

— წადით ეხლავე და ის ტერტერა აქ მომიყვანეთ! — ბრძანა ხელმწიფემ.

მოიყვანეს ტერტერა.

— ტერტერ, იქ მიწაში რას ჩასცქეროდი? — ჰკითხა ხელმწიფემ.

— კიანჭველებს ჩხუბი მოსელიათ, ერთმანეთისათვის თავპირი დაუმტვრევიათ, მე წამალს ვუკეთებდი, რომ მოვარჩინო,— უპასუხა ტერტერამ.

— მაშ შენ უშვილობის წაწალიც გეცოდინება? — ჰკითხა ხელმწიფემ.

— მაგაზე ადვილი რაღა არის!? — უპასუხა ტერტერამ.

— მაშ თუ ისეთ წამალს მომცემ, რომ ვაჟიშვილი გაგვიჩნდეს, ნახევარ სახელმწიფოს შენ მოგცეპ, — უთხრა ხელმწიფემ.

— თქვენს ბაღში ერთ ხეს ორი ვაშლი აბია, გაგზავნე, მოატაინე, ერთი შენ შეჭამე, ერთიც დედოფალმა, ერთი წლის შემდეგ ვაჟიშვილი გეყოლებათ, — სთქვა ტერტერამ, გაძოვიდა სასახლიდან და წავიდა.

ზამთარი იყო. ხელმწიფემ იფიქრა: ამ ზამთარში ხეზე ვაშლებს რა უნდაო. მაინც გაგზავნა კაცები საძებნელად. გაგზავნილებმა მართლაც ერთ ხეზე იპოვნეს ორი ვაშლი. ესროლეს, ჩამოაგდეს. ხე მდინარის პირს იღვა, ერთი ვაშლი წყალმა მოიტაცა და წაიღო, ერთი ხელმწიფეს მიართვეს და მოახსენეს: ერთის ნეტი არ ებაო. გასქრა ხელმწიფემ ვაშლი, ნახევარი თითონ შეჭამა, ნახევარი დედოფალს მისცა. მეორე ვაშლი, რომელიც წყალმა მოიტაცა, წისკვილის ბორბალში გაიქედა. მეწისკვილემ იპოვნა, გასქრა, ნახევარი თითონ შეჭამა, ნახევარი თავის ცოლს მისცა. მეწისკვილემ უშვილო იყო. გავიდა ერთი წელიწადი და ხელმწიფეს და მეწისკვილესაც გაუჩნდათ ვაჟი. ხელმწიფის შვილს დაარქვეს ავთანდილი, მეწისკვილისას ყარაბოლლი. ვინც წლით იზრდებოდნენ, ესენი საათობით იზრდებოდნენ. ბავშვებმა ჩქარა ერთმანეთი იპოვნეს, ისე შეეთვისნენ, რომ უერთმანეთოდ ველარა სძლებდნენ. ხელმწიფეს ძალიან ეთაკილებოდა, რომ იმისი შვილი

მეწისქვილის შვილთან იზრდებოდა, ბევრი ეცადა, მაგრამ ერთმანეთს ვერ დააშორა. ძალიან ღონიერი და ტანიანი იზრდებოდნენ. ბიჭებს რომ კოქებს მოუგებდნენ, ხელს მოუქერდნენ კოქებს და სულ მტვრად აქცევდნენ. ერთხელ კოქაობის დროს ერთმა ბებერმა, წყლით სავსე კოქა აკიდებულმა გამოიარა. ავთანდილმა, კოქი გაისროლა მოარტყა ბებრის კოქას, კოქა გაიხვრიტა და წყალი სულმთლად დაეღვარა. ბებერმა უთხრა:—აბა როგორ დაგწყევლო, დედის ერთა ხარ, შენამც ჩაგვარდნია ცხრა ძმა მდეგების დის სიყვარული. ავთანდილმა გადაყარა კოქები, წავიდა შინ, წაწვა პირქვე, აღარც დგებოდა, აღარც სქამდა და სვამდა. ამ ყოფაში გაატარა ავთანდილმა ორი კვირა. მშობლები შეშინდნენ, დაიწყეს წუხილი. მოიყვანეს ექიმები. მაგრამ ვერაფერი უშველეს. ხელმწიფემ მოაყვანიხა ყარაბოღლი და უთხრა:

— ჰკითხე, ჰკითხე რა სტკივა ავთანდილსაო. ყარაბოღლიმ უთხრა:

— ძმაო, რა გტკივა? ავთანდილმა უთხრა:

— ხომ გახსოვს ბებერმა რომ დამწყევლა, ცხრა ძმა მდეგების დის სიყვარული ჩაგივარდეს გულშიო, მას შემდეგ სულ ის მელანდება და თუ შაჟირთავ იმ ქალს, მოვრჩები, თუ არა, უსათუოდ მოგკედებო. მშობლები უფრო დაღონდნენ, შეექმნათ ჩოჩქოლი, მაგრამ რას გააწყობდნენ. შეამზადეს ავთანდილი, გააყოლეს ყარაბოღლი და დიდი ჯარი და გაისტუმრეს იმ მდეგების დის საქმენელად. ცოტა ხნის შემდეგ ჯარი უკანვე დააბრუნეს და თითონ მარტოკები წავიდნენ. ამ ყმაწვილების მშობლებმა დაიწყეს გლოვა, თითონაც შავები ჩაიცვეს და სახლებსაც კი შავები გადააკრეს.

ავთანდილმა და ყარაბოღლიმ იარეს, იარეს და ერთი ხის ძირას ჩამოხდნენ დასასვენებლად. ხეზე სამი ყვავი შემოჯდა. ერთმა ყვავმა მეორეს უთხრა:—ყვავო!

— რა, ყვავო?—უპასუხა მეორემ.

— ისა, ყვავო,—უპასუხა პირველმა,—რომ ეს ყმაწვილები ცხრა ძმა მდეგების დის შესართავად მიდიან, როცა მივლენ, მდეგები სანთლის ცულს მისცემენ და რკინის კუნძს დაუგდებენ და ეტყვიან: გასკერიო. თუ იერ გასკრა, ორივეს შესკამენო. თუ ცულის პირზე მდეგების დის თმის ბეწვს დაახ-

ვევენ, კუნძი თავის თავად გასკდებოა. მერე ერთ მაღალ ალვის ხის ქვეშ გაშლიან ქალაღდს, მისცენენ ერთი თასით რძეს, ისე უნდა აიტანოს და ჩამოიტანოს საესე თასი, რომ ერთი ცვარი რძე არ დაღვაროს, თუ დაიღვარა ცვარი ქალაღდზე დაეცენა და მღევები იმითი გაიგებენ და ორივეს შესქამენ. თუ იმ ქალის ბეკედს ჩააგღებენ თასში, რძე ისე გაიყინება, პირქვეც რომ დაიქირონ თასი, ერთი წვეთიც არ გაღმოვარდება. შემღეგ ერთ-ერთს დიდ ქებაში ცხრა ირემს ჩაჰყრიან, ეს ქებაი სამჯერ უნდა შეუღდას და გაღმოუღდას ზედაღვარზე. თუ ყველა ამას შეასრულებენ, შეირთავენ მღევების დასა, თუ არა—ორივეს იქ შესქამენო. მაგრამ ამით არ გათავღება ამათი განსაცღელი: შინ რომ დაბრუნღებთან მღევის დით, მეფეს ერთ ლურჯა ცხენს მიართმევენ, თუ იმ ცხენზე შეჯღება, ცხენი მიიქნეგ-მოიქნეგს და მოჰკლავსო. მერე გახარებული თავისიანები ერთ აბრეშუღის პერანგს მიუტანენ, თუ იმ პერანგს ჩაიცვამს მეფე, პერანგში წყეული (გველი) იქნება, უკბენს და მოჰკლავს. თუ ამ განსაცღელსაც გაღარჩა, დიდხანს იცოცხლებსო. ამ ყვაეების ლაჰარაკის დროს ავთანდიღს ეღინა, ყარაბოღღიმ კი ყვეღაფერი გაიგონა და გულში ჩაინერგა, გააღვიღა ავთანდიღი, ყვაეებისაგან გაგონიღი არაფერი არ უთხრა და გაუღვენ გზასა. იარეს, იარეს და შორღდან დაინახეს მღევების სასახღღე. სასახღღის წინ ვაშღის ორი დიდი ხე იღგა. ესროღა ყარაბოღღიმ თავისი ბოღალ-შვიღღი და ამოღენა ვაშღი სულ ძირს დასცა, გარედ გამოვიღა მღევების და, დაინახა ეს ყმაწვიღები და უთხრა:—მენანებით, ეგეთი კარგი ახაღგაზრღები რომ მოსულხართ, გირჩევთ თვაღით არ დაენახოთ ჩემს ძმებს—მღევებს, ორივეს შეგქამენო. — შენ დარღი ნუ გაქეს, ოღონდ შენი ბეკეღი მომეცი და შენი თმის ერთი ბეწვი, დანარჩენი მე ვიცი,—უთხრა ყარაბოღღიმ. ქაღმა ბეკეღი წაიღრო და მისცა, გამოიღრო თმიღან ერთი ბეწვი და მისცა. დასხღენ ავთანდიღი და ყარაბოღღი ვაშღის ძირას და დაუწყეს მღევებს ლოღინი, გამოჩნღენ მღევებიც, თითოს თითო ირემი გაუღვია მხარზე და მოღიან, მიესაღმნენ ყმაწვიღებს, თან ერთამანეთს ჩაულაჰარაკეს:—ეს კარგი ლუკებღი მოგვსეღიაო. მღევებმა ძმები მიიწვიეს. ყმაწვიღები მივიღნენ. მისცეს სანთ:

ლის ცული, დაუდეს რკინის კუნძი და უთხრეს: — გასკერი. თუ ვერ გასკერი ორივეს შეგქამთ. ცული ყარაბოლლიმ აილო, გადაახვია ცულზე ქალის თმის ბეწვი, დაჰკრა კუნძს და რკინის კუნძი შუაზე გადახეთქა. მღვეებმა ერთმანეთს შეხედეს და სთქვეს შეშინებულებმა — ეს რა ყოფილაო. გაუშალეს ალვის ხის ქვეშ ქალაღი, მისცეს რძით სავსე ერთი თასი და უთხრეს: ეს თასი ისე უნდა აიტანო და ჩამოიტანო ამ ალვის ხეზე, რომ ერთი წვეთი არ დაღვაროვო, თორემ იცოდეთ ორივეს შეგქამთო. ყარაბოლლის პირში ჰქონდა ქალის ბეჭედი, ჩუმაღ პირიდან თასში ჩააგდო ქალის ბეჭედი და დაიწყო ხეზე ასვლა. ავიდა, ავიდა ყარაბოლლი ხეზე და როდესაც სულ ზევით წვერზე ავიდა, გაიხედ-გამოიხედა, დაინახა თავისი და ავთანდილის მშობლების სახლები შავად შემოპაილი, ამოუჯდა გული, გადმოყარა ცრემლები, დაეცა ცრემლი ქალაღზე. მღვეებმა სიხარულით დაუყვირეს: ჩამოდი, ჩამოდი უნდა შეგქამთო. ყარაბოლლიმ ჩამოსძახა: ეგ ჩემი ცრემლები დაეცა ქალაღზე და არა რძის წვეთები, ჩემი დედ-მამის სახლი დავინახე და იმაზე ვიტყვიო. თუ არა გჯერათ, მეცრემლე მოიყვანეთ, გაშინჯოს, თუ მართლა ცრემლი გამოდგეს, ხომ კარგი, თუ რძე და შეჰქამეთო. მოიყვანეს მეცრემლე, გასინჯა ენით და სთქვა: — ცრემლიაო. რაღას იხავდნენ მღვეები.

აიღეს მღვეებმა, ცხრა ირემი ერთს დიდს ქებაში ჩაყარეს და უთხრეს ყარაბოლლის: აიღე და ზედაღვარზე შედგო, ყარაბოლლიმ აილო ქვაბი, სამჯერ შედგა და გადმოდგა ზედაღვარზე, მერე აილო ქვაბი, გაიქნია და ცხრა მთას იქით გადააგდო. რაღა ეთქმოდათ მღვეებს. ღირსი ყოუილხარ ჩვენი დისაო და მიათხოვეს ავთანდილს.

მღვეები და ყარაბოლლი სანადიროთ წავიდნენ, ავთანდილი ცოლით შინ დარჩა. ავთანდილმა უთხრა: მოდი ერთი მაჩვენე როგორ სცხოვრობთ, ან საღ რა სიმღიდრე გაქეთო. წამოიყვანა ცოლმა, გააღო ერთი ოთახი, სულ ვერცხლის ნივთებით იყო სავსე, გააღო მესამე... მერვე... ყველა ოთახები ვერცხლით და თვალ-მარგალიტით იყო სავსეები, მეცხრე ოთახი არ გაუღო: მაგისი გაღება არ შეიძლებაო. თუმცა ავთანდილი ბევრი ეხვეწა თავის ცოლს, — მეცხრე ოთახიც მაჩვენეო, მაგრამ ცოლმა არ გაუღო. წამოვიდნენ უკან. ქალმა ავთანდილის მუხლ-

ზე თავი დასდო და დაიძინა. ავთანდილმა ქალს ჩუმად გასაღებები ამოაცალა, წავიდა და გააღო ყველა ოთახები. გააღო მეცხრეც. აქ თურმე ცხრათავიანი მღვვი იყო დაბმული, რომელსაც ქალის მოტაცება უნდოდა. იმისი თვალების ბრინალი რომ დაინახა, ავთანდილს გული გაუსკდა, უკან დაიწია, ოთახი ისევ უნდოდა დაეკეტა, მღვვემა დაუძახა: მოდი, ნუ გეშინიან გეთაყვა, ერთი აის ლიტრა წყალი მომაწოდო. ავთანდილი მივიდა, მიუტანა ლიტრა, ლიტრაში თურმე ძმარი იდგა, დალია მღვვემა, მიიწ-მოიწია, დაგლიჯა ჯაჭვები, მოუგრიხა ავთანდილს კისერი, შედო იქვე ხეზე, მოიტაცა იმისი ცოლი და ცხრა მთას იქით გადაიკარგა. დაბრუნდნენ შინ მღვვები და ყარაბოლლი, დაინახეს ავთანდილი თავმოგრეხილი ხეზე. მაშინვე მიხვდნენ თავიანთ უბედურობას, დაუწყეს ჯავრობა ყარაბოლლის: — ეს სულ თქვენ დაგვლუპეთ, უნდა შეგქამოთ შენ და შენი ძმაო. ყარაბოლლიმ უთხრა:—ექვსი თვე ვადა მომეცით, თუ ამ ექვსი თვის განმავლობაში მოგიყვანოთ თქვენი და, ხომ კარგი, თუ არა, ჩემი ძმა ავთანდილი შექამეთო, მანამდე კი უნდა მელოდოთ. დაეთანხმნენ მღვვები. ყარაბოლლიმ ერთი პური წამოიკრა წელზე და გაუდგა გზასა. მიდის და დაინახა, ერთ კაცს წისკვილის დოლაბები გაუკეთებია ფეხებზე, დარბის და კურდღლებს იჭერს.

— კაცო, რას შვრები?—ჰკითხა ყარაბოლლიმ,—ეს რა საკვირველია.—საკვირველი ის არის, რომ ყარაბოლლიმ ცხრა ირმით სავსე ქვაბი ცხრა მთას იქით გადაისროლა,—უთხრა დოლაბებიანმა.—მეც—ყარაბოლლი! გემო, თუ გეყმო?—უთხრა ყარაბოლლიმ.—ყმოზა რად მინდა, მეძმეო! დაძმობილდნენ ყარაბოლლი და ის კაცი და წავიდნენ ერთად. მიდიან. დაინახეს, ერთ მღვდელს საყდარი აუკიდია და მოდის. სადაც უნდა დასდგავს საყდარს, ილოცავს, სწირავს, წამოიკიდებს და მიდის. გაკვირვებულმა ყარაბოლლიმ ჰკითხა:—მღვდელო, რას შვრები მაგას? მე ერთი პურიც მამძიმებს, შენ მაგოდენა საყდარი როგორ დაგაქვს?! მღვდელმაც ისე უპასუხა, როგორც დოლაბებიანმა. მღვდელიც ეძმო და სამივენი გაუდგენ გზას. მივიდნენ და დაინახეს, ერთ კაცს გუთანი უბია, რამდენიც ბელტი გადმოვა, ეს კაცი აიღებს და გადაჰყლაპავს.—კაცო, რას შვრები, მე ერთი პურიც ვერ შემეძამია,

შენ ამდენ ბელტებს როგორა ჰყლაპავო?—ჰკითხა ყარაბოღლიმ. ბელტიყლაპიამაც სხეებივით უქასუხა და ესეც ეძმო. გაუდგენ ოთხნი გზასა. ყარაბოღლიმ უთხრა ამათ:—მოდო ბოძალ-შვილდები გავისროლოთ, ვინ უფრო შორს გაისერისო. გაისროლეს იმათ და იქვე ახლოს დაეცა, გაისროლა ყარაბოღლიმ და ცხრა მთას იქით, სადაც ცხრათაგიანი მღვეს სორო ჰქონდა, იმ სოროსთან დაერქო. ამოძვრა ცხრათაგიანი მღვეი, ბევრი ეჯაჯგურა, მაგრამ ისარს მოძრაობაც ვერ უყო.

იარეს, იარეს და სოროს პირზე დაინახეს ყარაბოღლის ბოძალ-შვილდი. ყარაბოღლიმ ნეკი წამოჰკრა და ამოაგდო. დახოცეს ნადირი, შედგეს დიდი ქვაბი ხორცით საესე და ხარშვა დაუწყეს. სანამ სადილი მომზადდებოდა, სანადიროდ წავიდნენ, ქვაბთან კი მღვდელი დასტოვეს. სოროდან მღვემა ამოიძახა: ეგ ხორცი აქ ჩამოყარეო, თორემ ამოვალ და სულ ლუქმა-ლუქმად დაგვლეჯავო. შეშინდა მღვდელი, აიღო და წვნიანად სოროში ჩაუშვა. მოვიდენ ამხანაგები და ჰკითხეს: მღვდელო, ეს რა გიქნია, სადილი რა უყავ? მღვდელმა უთხრა: დამძინებოდა და სულ დამშრალიყოვო. მეორე და მესამე დღეს დოლაბებიანი და ბელტიყლაპია დაუდგენ ყარაულად და იმათაც ისე დაემართათ, როგორც მღვდელს. მერე ყარაბოღლი დაუდგა ყარაულად, სხეები კი სანადიროდ წავიდენ. სოროდან მღვემა ამოიძახა:—ვინა ხარ მანდა? ეგ ხორცი აქ ჩანომიყარე, თორემ ამოვალ და კისერს მოგიგრებ! ყარაბოღლიმ ჩასძახა:—ამოდი აქ და ვინცა ვარ მე გიჩვენებ! ეწყინა მღვეს, წამოვიდა ზევით გაბრაზებული, ამოვიდა ზევით, ჰკრა ყარაბოღლიმ თავისი ბოძალ-შვილდი და მღვეს სული გააბრთხობინა. აკუწა, აკუწა და იქვე დააგროვა. როცა ისინი დაბრუნდნენ, ყარაბოღლიმ უთხრა: აი თქვენ თურმე ვინ გაშინებდათო. ამას ბევრი ოქრო-ვერცხლი ექნებაო,—სთქვეს იმათ, მოდი ჩავიდეთ და ამოვიტანოთო. ყარეს წილი და მღვდელს ერგო: პირველად ის უნდა ჩასულიყო. მოაბეს თოკი და ჩაუშვეს ორმოში. დავიწვი, დავიწვი, შემეტრუსა წვერი და ულვაში,—ყვიროდა მღვდელი, ამოსწიეს და ამოიყვანეს. ჩაუშვეს დოლაბებიანი, ვერც იმან გასძლო, ჩაუშვეს ბელტიყლაპია, იმანაც ყვირილი მორთო—დავიწვიო და ისიც ამოიყვანეს.

ყარაბოლლიმ უთხრა: ეხლა მე ჩამიშვით, რამდენიც დავიყვი-
 რო—დავიწვი,—იმდენი უფრო ჩამიშვითო. ჩაუშვეს. დაიწყო
 ყარაბოლლიმ ყვირილი:—დავიწვი, დავიწვი. ამხანაგებმა ჩა-
 უშვეს და ჩაუშვეს. ჩავიდა სულ ძირს. დაინახა ქალმა—იცნო
 და გადაეხვია. რაც სიმდიდრე, ძვირფასეულობა იყო, სულ
 ამოაწოდა ახდელ ყუთებით. ქალმა უთხრა—ჯერ შენ ადი და
 მერე ამიყვანე, თორემ გიღალატებენო. ყარაბოლლიმ არ
 დაიშალა, ჩასვა ქალი ყუთში, მაგრა თავი დააკრა და ააწოდა.
 ახადეს ყუთს, ნახეს შიგ მშვენიერი ქალია, მიანებეს თავი
 ყარაბოლლის ორმოდში. იყარეს წილი: ქალი მღვდელს ერგო,
 ძვირფასეულობა დოლაბებიანს და ბელტიყლაპიას. ქალმა
 ჩასძახა:—აკი გითხარი, ჩემო მაზლო, გიღალატებენ-მეთქი,—
 ჩაუგდო ერთი გასაღები და უთხრა:—იქით ერთი ოთახია, ის
 გააღე, შიგ სამი თხაა, თუ შეაგზე შეგჯექი—ქვესკნელში ჩა-
 გაგდებს, თუ ლურჯზე—მოგკლავს, თუ თეთრზე—ზევით ამო-
 გიყვანს. გააღო თუ არა ყარაბოლლიმ ოთახი, დაეტაკა შავი
 თხა და ქვესკნელს ჩააგდო. დაეცა ყარაბოლლი ერთ ბებრის
 სახლში.-- წყალი, წყალი,—დაიძახა ყარაბოლლიმ,—გული მო-
 ვიბრუნოვო.—შვილო, წყალი ვინ მოგვცა—ჩვენი წყალი გვე-
 ლეშაპს უქირავს, ვინც თითო ქალს მიუყვანს შესაკმელად—
 მისცემს წყალს, თუ არა და—არა. ასე უწყლოდ იხოცება
 ხალხი. აი ეხლაც ხელმწიფის პატარა ქალი ჰყავს შესაკმე-
 ლადაო.—მომეცი კოკები!—უთხრა ყარაბოლლიმ. მოუტანეს
 კოკები, შემოჰკრა ერთმანეთს და დაამტვრია, მივიდა მარან-
 ში, ნახა დიდი ქვევრება, მისწი-მოსწია, ამოაძრო ქვევრები
 და ბებერს უთხრა: წყალს მე მოგიტანო და წავიდა. მივიდა
 წყაროსთან, ნახა წყაროს პირას ხელმწიფის ქალი ზის და
 ტირის. ქალმა უთხრა: წადი, წადი ჩქარა, ყმაწვილო, თორემ
 ჩქარა ჩემს შესაკმელად გველეშაპი ჩამოვა და შენც შეგქამს.
 ყარაბოლლი ქალის კალთაზე წამოწვა და უთხრა: როცა გვე-
 ლეშაპი მოდიოდეს, გამაღვიძეო,—და დაიძინა. გავიდა ცოტა
 ხანი. უცებ საშინელი შხუილით წამოვიდა ზევიდან საშინელი
 გველეშაპი. ქალმა ტირილი დაიწყო, ცრემლები ყარაბოლლის
 ლოყაზე დაეცა და გამოეღვიძა. ესროლა თავისი ბოძალ-შვილ-
 დი, მოკლა გველეშაპი და მისი სისხლი სულ ღეარად წავი-
 და. გახარებული ქალი წამოხტა, გაიქცა და ყველაფერი უამ-

ბო თავის მამას. ხელმწიფეს გაუხარდა, გამართა დიდი წვე-
ულება და ბრძანება გასცა, რომ ყველანი უსათუოდ უნდა
მოსულიყვნენ ამ წვეულებაზე. ყარაბოღლიმ ჩაიცვა ძველი
ტანისამოსი, ჩამოიფხატა ძველი ქუდი, დაიჭირა პატარა ბა-
ქია და ისე მივიდა წვეულებაზე. ხელმწიფემ უთხრა თავის
ქალს: აბა, შეილო აუარ-ჩამოუარე, იპოვნე გველეშაპის მომ-
კვლელი და კალთაში ჩაუჯექიო. ქალმა აუარ-ჩამოუარა, იცნო
ყარაბოღლი, მაგრამ ბაქიასი შეეშინდა და ახლოს ვერ მივი-
და, მერე დახუჭა თვალები და უეცრად ჩაუჯდა ყარაბოღლის
კალთაში. ხალხს გაუხარდა, ხელმწიფე გადაეხვია და გადაჭ-
კოცნა, უთხრა:—რა გინდა რომ მოგცეო?—ზევით ამიყვანეო,
უპასუხა ყარაბოღლიმ.

ხელმწიფემ დაიბარა თავისი ფასკუნჯი, აპკიდა ზედ ათი
დაკლული ძროხა, ათი კოკა ღვინო, შესვა ზედ ყარაბოღლი
და უთხრა: რამდენიც ფრთა მოიქნისო, იმდენი ნაჭერი ხორ-
ცი ჩაუდე და ღვინო ჩაასხიო. ფასკუნჯმა გააქანა ყარაბოღ-
ლი ზევითკენ. ერთი ფრთის მოქნევალა აკლდა და ხორციც
გათავდა. გამოიქრა ყარაბოღლიმ ბარძაყში ხორცი და ჩაუდო
პირში ფასკუნჯს, ავიდენ კიდევ ზევით. ფასკუნჯმა ჰკითხა—
ეგ რა ხორცი იყო, ბოლოს რომ პირში ჩამიდევო.—ჩემი ხორ-
ციო,—უთხრა ყარაბოღლიმ.—ვაი დედას, რომ პატარა ქვევით
ვერ გავიგე თუ ასეთი ტკბილი ხორცი გქონებია და იქვე არ
შეგქამე!—მისცა თავისი ფრთა და უთხრა:—მოისვი გამოქ-
რილ ბარძაყზე და მორჩები, ეგ ფრთა მკვდარსაც კი გააცოცხ-
ლებსო. მოირჩინა ბარძაყი, ჩაიღო უბეში ფრთა, გადაუხადა
მადლობა ფასკუნჯს და წამოვიდა. არ იცოდა სად და რა
ქვეყანაში იყო. შეხედნენ მეძროხეები და ჰკითხა:—ბიჭებო,
თქვენს ქვეყანაში რა ამბავია?—რალა რა ამბავია, ჩვენში
ერთი მღვდელი ერთ მზეთუნახავ ქალზე ჯვარს იწერსო, უთხ-
რეს ბიჭებმა. ამ მწყემსებისაგან იყიდა სალამური და პირდა-
პირ ქორწილში მივიდა. დაღვა გარეთ და დაიწყო სალამურის
დაკვრა. შეიყვანეს შინ. ყარაბოღლიმ თავისი ბოძალ-შვილდი
დაინახა, ჰკითხა:—რა არის ეს, არ შეიძლება ერთი მაჩვენო-
თო.—შენი თავის მზემ, გაჩვენოთ, მაგის პატრონივით არ მოი-
ხმაროვო. სტაცა ყარაბოღლიმ ხელი, მისწივ-მოსწია, ესროლა
მღვდელს, მოკლა და წამოიყვანა ქალი.

ის იყო მესამე თვეც გავიდა, უკანასკნელი დღე იყო და ვადაც თავდებოდა. მღვრეები აეთანდილის შესაქმელად ემზადებოდნენ და მივიდა კიდევ საღამოთი ყარაბოლლი ქალით: გაუხარდათ მღვრეებს. ყარაბოლლიმ ფასკუნჯის ფრთა გადაუსვა აეთანდილს და გააცოცხლა. დიდის აჰბით გამოისტუმრეს მღვრეებმა. მიახლოვდნენ თვითონ სახლს, გზაში ხელმწიფემ მოაგება თავისი ლურჯა ცხენი. ამოიღო ყარაბოლლიმ ხმალი და მოსქრა თავი ამ ცხენს. საშინლად ეწყინა აეთანდილს, მაგრამ არაფერი სთქვა. შინ როცა მივიდნენ აეთანდილის დამ აბრე-შუმის პერანგი მოუტანა, გამოსტაცა ყარაბოლლიმ ეს პერანგი, ჩააგდო თონეში, ისეთი დაიქექა, რომ იქაურობამ ზანზარი დაიწყო. ნაწყენმა აეთანდილმა უთხრა ძმობილს:—ეს კი ყველაფერი ჩამაშხამე, რაც სიკეთე მიყავიო. ყარაბოლლიმ უამბო ყვევებისაგან გაგონილი ლაპარაკი და გაბრთხილება. ნახეს თონეში და ვეებერთელა წყეული (გველი) კი იყო შიგ ჩამწვარი. აეთანდილმა ბოდიში მოიხადა ყარაბოლლისთან. აეთანდილის მამამ გაუკეთა ყარაბოლლის დედ-მამას მშვენიერი სახლი, მისცა მრავალი სარჩო და დაიწყეს ბედნიერი ცხოვრება.

ელასა მელასა,

კიქა მეკიდა ყელასა.

მთქმელსა და გამგონებელსა

ძილი გაამოთ ყველასა.

268 ორი ძმა

იყო ერთი დედაკაცი, ჰყავდა ერთი ვაჟიშვილი. შვილი წავიდოდა სანადიროთ, ნადირს მძიტანდა. დედაკაცი სახლს უვლიდა. ერთხელ ეს ბიჭი წავიდა სანადიროდ, ბევრი იარა და ვერაფერი იშოვნა რა. იარა, იარა, ერთ მაღალ მთაზე ავიდა, გაიხედ-გამოიხედა და დაინახა, რომ შორს სადღაც ბოლი ამოდიოდა. წავიდა იქითკენ. იარა, იარა და მივიდა და ნახა ერთი დიდი სახლი ღვას, შიგ მღვრეები სხედან და დროს ატარებენ. მღვრეებმა ბიჭი დაინახეს და ძალიან გაუხარდათ:—უჰ, ეს რა კარგი სამწვადე მოგვსვლია, წადი, ერთი შემოიტა, ცოცხალ-ცოცხალი შამფურზე ააგეო,—უთხრეს ერთ მღვრეს. გამოყო თუ არა ამ მღვრემა თავი, ბიჭმა დაარტყა თავისი

ხმალი და თავი გააგდებინა.—წადი, ნახე რატომ სამწვადე არ შემოაქვს,—გაგზავნეს მეორე. იმასაც კარებში თავი მოვარდა. გამოდიოდენ ასე თითო-თითო და ყველას თავი ეკვეთებოდათ. ბოლოს ცხრა თავიანი მღვევი გამოვიდა ეძგერა ეს ბიჭი და რვა თავი დააჭრა, მოსკრა მუხლები და ერთ ორმოში ჩააგდო, ზედ მიწა დააყარა და მაგრა დატყეპნა. შევიდა ბიჭი მღვევების სახლში და ნახა, რომ ოთახები სულ თვალ-მარგალიტებით სავსეა. მივიდა და უთხრა თავის დედას: წავიდეთ. იქ ვიცხოვროთ, იქ ყველაფერი ბევრიაო.

წაიყვანა დედა და დაიწყო მღვევების სახლში ცხოვრება. ბიჭი ისევ სანადიროდ დადიოდა, დილით სანადიროდ წავიდოდა, საღამოთი დაბრუნდებოდა, დედა კი სახლს უვლიდა. რამდენსაც ეს დედაკაცი ჭურჭელს ან სარეცხს გარეცხავდა, ნარეცხს მოიტანდა და ზედ იმ ორმოზე დაასხავდა, სადაც მღვევი იყო დაფლული. მღვემა ეს ნარეცხი ლოკა, ლოკა და მოსულიერდა. ერთხელ იქიდან ამოიძახა:—ვინა ხარ, რა სულიერი ხარ? ამომიყვანე აქედან, გაძლევ თავდებად მაღლა ცას და ძირს დედამიწას, რომ ხელს არ გახლებ და არათერს დაგიშავებო. ერთხელ როცა ბიჭი შინ არ იყო—სანადიროდ იყო წასული, დედაკაცმა ამოიყვანა მღვევი, გაბანა, გადაკრიქა და იქვე მღვევების მიერ დარჩენილ კიდობანში, სადაც ბოძალ-შვილდებს ინახავდენ, ჩასვა.

მოვა შვილი, სკამს ნანადირევს, დილით ადგება და წაეა. დედაკაცი ამოიყვანს ამ მღვეს, ეთამაშება, ეცუნცრუკება, საღამოთი წაიყვანს და ისევ კიდობანში ჩასვავს.

გავიდა დრო და დედაკაცი დაორსულდა, შვილს კი უხაროდა: დედაჩემი გასუქდაო. დედაკაცმა უთხრა მღვეს: რა ექნა, რომ დაეორსულდიო: მღვემა უთხრა:—თუ ქალი გეყოლოს მე ამომიყვანე და შევსკამო, თუ ვაჟი—წაიყვანე და სადაც შენს შვილს მოელოდე, იქით გადააგდეო. დედაკაცი დაწვა და ვაჟი ეყოლა, წაიღო და იქით დააგდო, საიდანაც შვილს მოელოდა. საღამოთი შვილი სანადიროდან მოდიოდა, ერთ მხარზე ირემი გაედო, მეორეზე—მშვილდი, დაინახა ბუჩქებში მჩერებში გახვეული ბავშვი, გამოხსნა, ნახა—მშვენიერი ყმაწვილია.—მადლობა შენ ღმერთო: ძმა არა მყავდა და ძმა მომეციო, და შინ წამოიყვანა. დედამ რომ დაინახა,

დაიწყოს საშინელი ჯავრობა:—წაიყვა, წაიყვა, თორემ თავ-
პირს დაგამტვრევ, მე მაგის გაზრდის თავი არა მაქვსო. შე-
ცხვეწა შვილი:—შენი კირიმე, დედი, ხმელ ძუძუს მოჰკიდე,
აგები გაიზარდოსო. დედა დასთანახმდა. ბავშვი ძალიან დიდი
გაიზარდა. ბავშვი ამჩნევდა თავის დედის საქციელს, რომ
რალაცას ეთამაშებოდა და ეკურკურებოდა. თხუთმეტი წლი-
სა რომ გახდა ერთხელ თავის უფროსს ძმას უთხრა:—კი-
დობნიდან დედა ჩემი რალაცას ამოიყვანს ფეხებდაქრილს
და რვათავ დაქრილს, ეთამაშება და სალამოთი ისევ კიდო-
ბანში ჩასვამსო. უფროსი ძმა გადაეხვია და დაჰკოცნა უძე-
როსი ძმა. დილით ისევ წავიდა სანადიროდ. არაფერი მოჰკ-
ლა. თავისი ბოძალ-შვილდი დაგლიჯა, მოვიდა შინ და დედას
უთხრა: ჩემი შვილდისარი დამიწყდა, ამისათვის ვერაფერი
ვინადირე, ერთი კიდობანში ნახე, იქნება იპოვნო ბოძალ-
შვილდი და მომიტანეო. —სულ ამოვაქოთე იქაურობა და იქ
არაფერი არ არისო,—უთხრა დედამ. —აბა ერთი მე ვნახავ,
იქნება იყოს რამეო. მივიდა ჰკრა წიხლი კიდობანს, დაღეწა
და მღევი კი გადმოვარდა იქიდან. დაეტაკა ეს მღევი ბიქს,
დაძალა და წააქცია.—დედი, ერთი ადგილი ხმალი ჩამოიღე
და მომწოდეო. დედამ ყურიც არ უგდო, იჯდა და ჯარას
ატრიალებდა. პატარა ძმამ მუთაქა მუთაქაზე დადო, ზედ შედ-
გა, ისე მისწვდა ხმალს და ჩაპოიღო, ქარქაში თითონ დაი-
ქირა და ისე მიაწოდა თავის უფროს ძმას. გასწია ძმამ, გა-
აძრო ხმალი, ამოუსო ქვევიდან ხმალი და მოჰკლა მღევი,
აკუწა და იქვე მიაგროვა. ახლა დედას დაადგა თავზე, დასც-
ქერის, ვერც მოუკლავს და თან დედაზე ბრაზიც მოსდის. პა-
ტარა ძმამ გამოსტაცა ძმას ხმალი, სტყიყა დედას და თავი
გააგდებინა, აკუწა და ისიც იქვე მიაგროვა. კიდევ გადაეხვია
უფროსი ძმა და გადაჰკოცნა. დაიწყეს ცხოვრება ამ ორმა
ძმამ. უფროსი ისევ სანადიროდ დადიოდა, უმცროსი სახლს უე-
ლიდა. გავიდა დრო. ერთხელ უფროსმა ძმამ უთხრა უმც-
როსს:—მოდი და ცოლს შეგერთავო.—არა, ჯერ შენ შეირ-
თე, მერე მე შემერთეო,—უთხრა უმცროსმა ძმამ.—კარგიო,
დასთანახმდა უფროსი. ორივემ ერთნაირი ტანისამოსი შეი-
კერეს, ერთნაირი ცხენები და იარაღი იპოვნეს. უფროსმა
უთხრა:—მე წავალ და ერთი ხელმწიფის ქალს შევირთავ,

მერე ერთი მზეთუნახავი ქალია, იმას კი შენთვის დავნიშნავო. ერთი ბოძალ-შვილდი ჩამოჰკიდა ბოძზე და უთხრა თავის ძმას:—თუ რძე გასდიოდეს ამ შვილდ-ისარს, იცოდე რომ არა მიჰკირსრა, თუ სისხლი—და მომეწველეო. გამოემშვიდობა და წავიდა. მივიდა ერთ ხელმწიფესთან, ქალი სთხოვა ცოლად, ხელმწიფე დასთანახნდა და ბიჭმა შეირთო ცოლად. რამდენიმე ხნის შემდეგ ბიჭმა ჰკითხა თავის ცოლს:—მზეთუნახავ ქალს რომ ამბობენ, სად არის, ან როგორ შეიძლება იმის ნახვაო? ცოლმა უთხრა:—აქა და აქ არის ერთი კოშკი, იმ კოშკში სცხოვრობს ის მზეთუნახავი ქალი. კოშკის ძირში წყარო გამოდის, ვინც იმ ქალის გადმოხედვას მოასწრობს, პირს დაიბანს და საუზმეს სკამს—იმას შეირთავსო, ვინც ვერ მოასწრობს,—პირდაუბანელი და უსაუზმო დახვდება—თავს მოსკრის და თავის კოშკის თავებით აგებულ გალავანს მიუმატებსო. ადგა შუალამისას ეს ბიჭი და გასწია იმ კოშკისკენ. ის იყო პირი უნდა დაებანა, რომ ზევიდან ქალმა დაუძახა:—მიჯობნიხარ, აქ ამობრძანდიო. ავიდა ზევით, ქალმა სასიკვდილეთ ვერ გაიმეტა, თავი მოუგრიხა და იქვე შედო. ამ ხანში უმცროსი ძმა შინ იყო და ბიჭებში, მეზობლის ახალგაზრდებში, თამაშობაში იყო გართული. ხშირად შევიდოდა, ბოძზე ჩამოკიდებულ ბოძალ-შვილდს სინჯავდა.

ერთხელ შევიდა შინ, გაშინჯა ბოძალ-შვილდი და შეამჩინა, რომ სისხლი გასდის. მაშინვე თავის ძმასავით ჩაიცვა, იმისთანავე იარაღით შეიკაზმა, შეჯდა ცხენზე და წავიდა თავის ძმის საქებნელად. უმცროსი ძმა ამ შეკაზმულობით და სახით ისე ჰგავდა თავის უფროს ძმას, რომ ძნელი იყო იმათი ერთმანეთში გარჩევა. იარა, იარა და ისიც იმ ხელმწიფესთან მივიდა, რომლის ქალიც იმისმა უფროსმა ძმამ ცოლად შეირთო. ხელმწიფეს თავისი სიძე ეგონა. დიდი სიხარული შეექმნათ იმის მისვლაზე, გამართა დიდი წვეულება და ნადიმი. ეს ბიჭი კი სულ ჩუმად იყო და ხმას არ იღებდა. დააწვინეს ერთად ესა და მისი ძმის ცოლი. ქალი ეალერსებოდა, ეს კი განზე იწვევდა. მერე ამოიღო ხმალი, თავისა და ქალის შუაში ჩადო, პირი თავისაკენ უყო, ყუა ქალისაკენ. გაკვირვებულმა ქალმა ჰკითხა:—რა დაგემართა, რატომ ხმას არ იღებო?—დღეს ასე მაქვს შეთქმულიო,—უპასუხა ბიჭმა

და ნეკა თითით ხმაღს იქით მისწივა ქალი.—მზეთუნახავ ქალისა რა ჰქენი, ნახე თუ არა?—ჰკითხა ქალმა:—რაო, რა მითხარი? მაშინ ბურანში ვიყავ და ვერ გავიგონე,—უთხრა ბიქმა. — მე ის გითხარი რომ ამა და ამ ადგილას ერთი კოშკია, იმ კოშკში ზის მზეთუნახავი ქალი, კოშკის ძირს წყაროა, ვინც ისე მოასწრობს, პირს დაიბანს და საუბმეს სქამს, სანამ მზეთუნახავი ქალი გაღმობიხედავს, იმას შეირთავს, ვინც არა და თავს მოჰკრის და თავის კოშკის გაღვეანზე დასდებს.

ადგა ბიქი ღამე და გასწია, მივიდა კოშკთან, წყაროსთან პირი დაიბანა, სუფრა გაშალა, გვერდით წითელი ღვინო მოიღვა და ისაუბმა. ამ დროს კოშკიდან მზეთუნახავმა გაღმობიხედა, დაინახა ეს ბიქი და გადმოსძახა:—გიჯობნია. გაღმოუყარა თავისი ნაწნავეები და უთხრა: ამოდით. ბიქმა დაუპირა ნაწნავეები და უთხრა:—სად არის ჩემი ძმა, მითხარი და ისე ამოვალო.—ამოდი, აქ არისო!—ჩასძახა ქალმა. ავიდა ბიქი, ქალმა გამოიძრო თმა, მიუს-მოუსვა და უფროსი ძმა გააცოცხლა. უმცროსმა ძმამ მზეთუნახავი შეირთო, გადაიხადეს ქორწილი და წამოიყვანეს, გამოიარეს უფროსი ძმის საცოლესთან და ისიც წამოიყვანეს და შინ წავიდნენ. გზაში დასასვენებლად ერთ ადგილას ჩამოსხდნენ. უფროსმა ძმამ უმცროსს უთხრა:—როგორ დავიჯერო, რომ ერთი ღამე ჩემს ცოლთან იწეკი და არ შეეხეო. უმცროსმა აისროლა მალა ბოძალ-შვილდი და სთქვა: რომელ ასოთიც შენს ცოლს შევხებივარ, იმ ასოზე დამეცეს ისარი და მომკლასო. ისარი ნეკზე დაეცა და მოკლა. შეუდგათ ტირილი და თავში ცემა. უფროსმა ძმამ ველარ აიტანა ძმის ასეთი სიკვდილი, ამოიღო ხანჯალი, ტარი ძმას დაადო, თითონ მუცლით დააწვა და ზედ დააკვდა. მოუსხდნენ ეს ქალები და ისე სტიროდნენ, რომ იმათი ვაება ზეცას ადიოდა. ღმერთმა ორი ყვავი გაგზავნა:—წადით, გაიგეთ რა ღრიანცელი მოდისო. წავიდნენ ყვავები, ნახეს მკვდრები, დაძლნენ ლეშითა, ავიდნენ და ღმერთს მოახსენეს:—ცხვარსა სწველავენ, ბატკანი შიგ ერევათ და იმათი ბლავილიაო. ახლა მტრედები გაგზავნა—აბა ახლა თქვენ წადით, იქნება თქვენ მაინც გაიგოთ რა ამბავია. ჩამოვიდნენ მტრედები, სისხლში ფეხები დაისველეს, ავიდნენ ღმერთთან და მოახსენეს ღმერთს რაც ნახეს. ღმერთმა

თმა გამოიძრო, მისცა მტრედებს და უთხრა: ეს მიუსვ-
ვი და გაცოცხლებიანო. მერე ყვავებს დაუძახა, ხელი და-
არტყა და უთხრა:—თქვენამც ვა, ვა გიძახიათო.

ჩამოვიდნენ მტრედები, გადაუსვეს მკედარ ძნებს თმა და
გააცოცხლეს. წამოვიდნენ ძმები თავიანთ ცოლებით დიდის
ამბით და სიხარულით. დაიწყეს მშვიდობიანი და ბედნიერი
ცხოვრება.

ჭირი იქა, ლხინი აქა,
ნაცარი იქა, ფქვილი აქა.

269. მენახირის შვილი

იყო და არა იყო რა, იყო ერთი მენახირე, ჰყავდა ცოლი
და ერთი ვაჟიშვილი. ეს ვაჟი იყო დედ-მამის სიხარული და
იმედი. მენახირე ხშირად ეტყოდა ხოლმე ცოლს:—ეხლა ნუ-
ღარაფრისა გეშინიან, შვილი გაგვეზრდება და გაგვახარებსო,
მაინც ჟამთა ვითარებაა, იქნება მოვკვდე და ეგ ბიჭი ეგრე
არ გაუშვია, რომ ჩემსავით კომბალი ეჭიროს ხელში და ნა-
ხირს ერეკებოდესო, იმდენი ეცადე, რომ ხელობა ისწავლოს
და თავის მურაზს მიეწიესო. მართლაც, მენახირეს უმტყუვნა
ბედმა, გახდა ავად და გარდაიცვალა. დამარხეს როგორც
შეფუთვებულა, ყოველივე წესრიგი მიაღვენეს. ბიჭი თორმე-
ტი წლისა გახდა და ეტყობოდა მკლავ-ჯანიანი იყო, ვერც
ერთი თავის ტოლი ბიჭი ვერ ერეოდა, ამასთან დიდი მოჩ-
ხუბარი იყო და ხშირად სტყუებდა ტოლ ბიჭებს. ნაცემების
მშობლები საჩივრად დედასთან მოდიოდნენ და დედას თავი
ჰქონდა მობეზრებული. დედას მეტი ჯანი არა ჰქონდა, უნდა
თავის შვილი მოეშორებინა თავის ქერიდან და ვისთვისმე ხე-
ლობაზე მიეზარებინა შაგირდათ. ბევრი ფიქრის შემდეგ წაი-
ყვანა ეს ბიჭი ერთ კარგ ოქრომკედელთან და სთხოვა:— თუ
შეიძლება ჩემი შვილი შაგირდათ აიყვანე და შენი ხელობა
ასწავლეო. ოქრომკედელმა უთხრა:—მაგის მამა ისეთი პა-
ტიოსანი კაცი იყოვო, რომ იმის ხატრით ავიყვან შენ შვილს
და ჩემს ხელობას ვასწავლიო. დედაკაცმა მადლობა გადაუ-
ხადა, დასტოვა შვილი ოქრომკედელთან და თითონ სახლში
წამოვიდა.

მაგრამ, მე არ მოვიკვდეთ, ეს ბიჭი ხელობას ვერ მიხვდა. ბევრი ეცადა ოსტატი, ბევრი, მაგრამ ვერაფრით ვერა ჩააგონარა მენახირის შვილსა. ბოლოს რომ ველარა გააწყურა, დაითხოვა თავისი შაგირდი და უთხრა:—წადი, შვილო, შენ სახლშიო, რაც ხელობა მამაშენს ჰქონდა, შენც იმ ხელობის ღირსი ხარ, შენ სხვა ხელობას ვერ ისწავლიო. მივიდა ბიჭი თავის სახლში. დედამ რომ დაინახა, ელდა ეცა.—იქნება შენ შენი ანცობა იქაც არ დაიშალე და ოსტატმა დაგიტოვაო. შვილმა ჰკითხა:—დედილო, მამაჩემი რა ხელობისა იყო, მეც იმის ხელობა მინდა ვისწავლოვო. — შვილო, მამაშენი განთქმული ოქრომკედელი იყო,—უპასუხა დედამ. ბიჭმა არ დაიჯერა და ჩააცვიდა,—სწორეთ უნდა მითხარაო. დედამ ბევრი ხელობა უთხრა, შვილი კი სულ იმას ეუბნებოდა:—არა, შენი ქირიმე, დედილო, სწორეთ მითხარაო. როცა აღარ მოეშვა შვილი, უთხრა დედამ:—მამაშენი სოფლის მენახირე იყოვო. —ჰოო, ესლა კი მჯერა, რომ სწორეთ მითხარი; მაშ მამაჩემს სანახირო კომბალი ექნებოდა, აბა ერთი მონახე და მომიტანეო. ბევრი იტირა დედამ, რომ თავისი ქმრის ანდერძი ვერ შეასრულა, რომ მისი შვილი რამე ოსტატი გამოსულიყო, მაგრამ რაღა გაეწყობოდა, გამოუტანა მამისეული კომბალი და გადასცა შვილს. აილო ბიჭმა კომბალი, გაიდო მხარზე, გავიდა გარეთ და გამვლელ-გამომვლელს ეუბნებოდა თავის ვინაობას, ხვალ ამა და ამ ადგილას შევაგროვებ ნახირს, კარგად მოუვლი და ვისაც უნდა მომაბაროსო, ჩემთან მორეკოსო. მართლაც მეორე დღეს კარგა ბლომა ნახირი შეაგროვა და საძოვარზე გარეკა. ერთ კვირაზე საქონელი ისე გახადა, რომ ძროხები რომელიც წინად ჩარეკს იწველიდა, ესლა თუნგის წველა დაიწყო. ხალხი ძალიან მადლობელი ჰყავდა და სულ ამის ქებაში იყვნენ. ერთხელ ამ მენახირემ შორს გარეკა თავისი ნახირი და ისეთ საბალახოში შერეკა, რომ საქონელი აღარ სჩანდა ბალახში, თითონ ბეჭობზე ავიდა და იქიდან ათვალეიერებდა და ტკბილად ღლინებდა.

მე რად მინდა სხვა ხელობა,
 ოქრომკედლის ჩაქუჩი,
 ჩემი ნატვრა ის არის,
 ვიყო სოფლის ნახირში.

ამ ტკბილ ფიქრებში და ღიღინში რომ არის გართული, დაინახა, რომ შორიდან მოდის ქარავეანი. ბიკს ძალიან გაუკვირდა: ვინ არიან, რომ ამ ულაგო ალაგას ასე უშიშრად მოდიანო. როცა მოუახლოვდნენ, ბიკი ფეხზე იდგა და სოვდაგრებს სალამი მისცა. იმათაც სალამი მისცეს. მენახირემ ჰკითხა.—საიდან მოგზაურობთ? სოვდაგრებმა უპასუხეს:—ჩვენ ინდოეთში ვიყავით, იქ საქონელი გავყიდეთ, კარგი მოგება ვნახეთ და აი ეს ამოდენა ტვირთი სულ აბრეშუმში და თვალ-მარგალიტი არისო. მენახირემ უთხრა:—ხალხნო, არ გეშინიანთ, რომ მარტოკები ამოდენა სიმდიდრით უშიშრად მოდიხართ ამ უდაბურ ადგილსაო.—მარტოკანი რად ვიქნებით, აი შენისთანა ვაეკაცი გვერღებ გვეყებარ და რისა უნდა გეეშინოდეს?! გაიცინეს სოვდაგრებმა და გზას გაუდგნენ. გავიდა ცოტა ხანი და მენახირეს საშინელი ხმაურობა შემოესმა. გაიქცა იქით, საიდანაც ხმაურობა მოდიოდა და რა ნახა: სოვდაგრებს დასცემიან თულები, გაუცარცვავთ, რაც ჰქონიათ წაურთმევიათ და კარგადაც უყეფიათ სოვდაგრები. ბიკმა რომ ამ ყოფაში ნახა სოვდაგრები, შეეცოდა, წამოეწია ყაჩაღებს, გადგა განზე და ის შენ მტერსა, რაც თავის კომბლით იმ ყაჩაღებს დღე დააყენა, სულ თავ-პირი დაამტვრიევა. ყაჩაღებმა თავს უშველეს და გაიქცენ, და რაც რამ ჰქონდათ სულ იქ დაყარეს.. წამოულო და ყველაფერი ჩააბარა ისევ სოვდაგრებს. სოვდაგრებს გაუხარდათ და გაუკვირდათ, რომ ნახეს ასეთი პატარა ბიკის ასეთი უნარი. უთხრეს:—იცი, შვილო, რა გითხრათ: ამ ქონების ღირსი შენა ყოფილხარ და ღმერთმა მშვიდობაში მოგახმაროს, ჩვენ ისიც გვეყოფა, რომ სიკვდილს გადაგვარჩინე, გვითხარი შენი სახლი სად არის და სულყველაფერს იქ მოგიტანთო. ბიკმა მადლობა გადაუხადა და უთხრა:—შე ერთი ფლურის დანაფასებიც არ მინდაო. სოვდაგრები მაინც არ მოეშვენენ, სირცხვილში ნუ ჩაგვაგდებ, ცოტა რამე მაინც მიიღე ჩვენს სახსოვრადო. მენახირემ კიდევ მადლობა გადაუხადა, ყველაფერზე უარი სთქვა, გზა მშვიდობისა უთხრა და თითონ თავის ნახირს მიხედა. ნახირი დააბინავა, პატრონებს ჩააბარა, თავისი გულა ზურგზე მოიგდო, კომბალი მხარზე გაიდო და ყაჩაღებს კვალში ჩაუდგა. დაინახა ერთ მდინარის პირს ყაჩაღები დასისხლია-

ნებულ პირს იბანენ და სისხლით მოთხუპნილ ტანისამოსს ირეცხავენ. ბიჭი დაიმალა. ყაჩაღებმა დაიბანეს პირი და გაუდგენ გზას. მენახირე ჩუმათ აედევნა უკან. ყაჩაღები სულ თორმეტნი იყვნენ, მივიდნენ ბინაზე, შეაღეს კარი, ბიჭი კარის უკან დაიმალა და იქ მეცამეტე კაციც დახვდათ, თურმე ის ამ ყაჩაღების თავი ყოფილა. უფროსმა რომ დაინახა თავპირდამტვრეული ამხანაგები, გაშტერებული შეჰყურებდა და გაკვირვებულმა ჰკითხა:—სად ყოფილხართ, ვის დაუხვდით ისეთ ძლიერსა, რომ თქვენთვის სულ თავ-პირი დაუმტვრევიაო. ერთი ყაჩაღი წარსდგა წინ, მოწიწებით თავი დაუკრა ბელადს და უამბო:—ჩვენ ჩრდილოეთის ხევში ველოდით ინდოეთიდან სოვდაგრების დაბრუნებას, შარშან გაიარეს და დრო ჰქონდათ დაბრუნებისა. მართლაც, დიდი სიმდიდრით დაბრუნებულნიყვენ სოვდაგრები და მოდიოდნენ. დავეცი, ყველანი კარგად დაეამტვრიეთ და წავართვით რაც რამ ებადათ, ის იყო ნადავლით უნდა გამოვებრუნებულნიყავით, რომ უეცრად ვილაც, ასე თორმეტი წლის ბიჭი კომბლით გადაგვიდგა წინ და გვითხრა დაგვებრუნებინა პატრონებისათვის წართმეული სიმდიდრე. შენ ვინა ხარ, რომ ასე მბრძანებელის კილოთი გვიბრძანებო, —უთხარით დაცინვით.—აი ვინა ვარო! გასდგა განზე და თავის კომბლით ისეთი დღე დაგვაყენა, რომ სულ კუდით ქვა გეასროლინა. რომ არ გამოვქცეულიყავით უსათუოდ ყველას დაგვხოცავდაო. უფროსმა გაკვირვებულმა წამოიძახა:—ახ, ნეტა ერთი მაჩვენა, რა სულიერი იყო, რომ ეგეთი პატარა მაგ შნოს პატრონი ყოფილაო. ეს თქმა იყო და ბიჭი წინ წასდგა.—მე ვარ ის ბიჭი, რა გწადიანო? ყაჩაღები შიშისაგან ციებ-ცხელებამ აიტანა, ერთმანეთს შეხედეს და სთქვეს,—ეს რა კარი გადაგვეკიდაო, თუ ამას არაფერი უხერხეთ, ამას ჩვენ ვერ გადაუურჩებითო. ბებერი ფიქრის შემდეგ ერთმა სთქვა:—ბიჭობა ეგ კი არ არის, რომ ჩვენ თორმეტს თავ-პირი დაგვაღეწე, ბიჭობა ის არის, რომ ამა და ამ ქალაქსა, რომელსაც კახ-ქალაქი ჰქვიან, ერთი ბებერი დედაკაცი დაჰპატრონებია, სულყველანი გადაუქამია და მთელი ქალაქის ქონება იმას დარჩენია. აბა ბიჭი შენ იქნები, თუ გაბედავ, წახვალ, იმ ბებერს დაიქერ და მთელი ქალაქის ქონებაც შენ დაგრჩება.—თქვენ გზა მასწავლეთ და

მე წავალ იქაო. ყაჩაღებს გაუხარდათ, რომ თავიდან იშორებდნენ ამ ბიქსს, გაუმართეს მეჯლიში და მეორე დღეს გზა ასწავლეს და გაისტუმრეს. იარა ბიქვა, იარა და შევიდა კახ-ქალაქში და დიდი საკვირველება იხილა: ქალაქში არამცთუ აღამიანის, ოთხფეხის ქაქანებაც არსად იყო. დაიწყო იმ ბებრის ძებნა. ვერსად ვერავის შეხვდა, დაღონდა, ესე ხელცარიელი რომ დავბრუნდე ხომ შევრცხვიო. ამავე დროს არც ბებერს ეძინა და დაძრწოდა, შესაქმელს ეძებდა, სუნით გაეგო კარგი საუზმის (ზაკუსკის) მისვლა, სიხარულით ოქრომქედელთან გაიქცა, რომელიც ცოცხალი ისღა დაერჩინა, და უთხრა:—აბა კბილები დამილესეო. ოქრომქედელმა დაუღესა და ბებერი გამოვარდა და პირდაპირ ბიქისაკენ გაიქცა, დაინხა ბიქი, მივიდა და უთხრა:—უი, შენ კი გენაცვალე, საიდან მომიხველი, წამოდი ჩემთან, გემშიება, პატარა შექამე რამეო. ბიქი გაჰყვა. შევიდნენ ერთ ბანიან სახლში. სახლში ბიქვა შესვლისთანავე შეამჩნია კერის მალლა ერთი გულა ეკიდა და მოეჩვენა, რომ მითომ შიგ პატარა ყმაწვილი იყოს და სტიროდეს.—შენ გენაცვალე ერთი მიზურგულე ის ყმაწვილი ჩამოვიყვანოვო. თურმე ეს დედაკაცი ყველას ასე ატყუილებს, ჩაჰკრავს წიხლს, გასქულეტავს და შე'სკამს. ბიქი დასთანახმდა, უზურგულა. დედაკაცი შეახტა ზურგზე და ერთი მაგარი წიხლი ჩააზილა. ბიქს არ ექაშნიკა—ეტყინა. არც ბებერს ეამა, რომ იმის წიხლს ბიქვა გაუძლო. ჩაჰკრა მეორე, მესამე, მაშინ კი ველარ მოითმინა ბიქვა.—შე ქოფაკო, ეხლა კი აღარ ხუმრობო. გადმოაგდო, ცალი ხელი ძუძუზე წაავლო, მეორე ხელით თავისი კომბლით ისე ურტყა, რომ ბებერმა ძლივს უშველა თავს და გაექცა. მხოლოდ ბიქს რალაც თილისმა შერჩა ხელში. ბიქვა გულდაში ჩადო თილისმა, მოიკიდა, აიღო თავის კომბალი და ისევ იმ ცამეტ ყაჩაღებთან წამოვიდა. იმოდენა დოვლათს თავი დაანება, მოვიდა და უამბო ყველაფერი ცამეტ ყაჩაღს. იმათ გულები დაუსკდათ. თან ნიშანი—თილისმა უჩვენა. რომ დაატყეს ყაჩაღებმა, რომ ეს ბიქი ამათ აღარ ეშვება, უთხრეს:—იცი რა გითხრა: ეს თილისმა ისეთი ძვირფასი რამ არის, რომ ამას ჩვენ ფასს ვერ დავდებთ. გაიტანე ბაზარში და ვინც რა უნდა შემოგაძლიოს შენ მხოლოდ

ის უთხარი: შენ უფრო მოგეხსენება ამის ფასი თქო. მეორე დღეს მართლაც გაიტანა ბაზარში, შეხვდა ერთი სოფდაგარი, მოეწონა ძალიან თილისმა და ჰკითხა:—ბიჭო, როგორ აფასებ მაგასო?—შენ უფრო მოგეხსენება მაგისი ფასიო.—ასი თუმანი მოგცე?—შენ უფრო მოგეხსენება მაგისი ფასი!—ორასი? სამასი? ოთხასი? აძლია სოფდაგარმა, მაგრამ ბიჭი ისე ამბობდა, როგორც ყაჩაღებმა დაარიგეს. რომ ზაჰლა წაერთო სოფდაგარს, თავი მიანება და უთხრა: — წადი, შეილო, შენთან მორიგება შეუძლებელი არისო. შეხვდა მეორე, მესამე, მეოთხე. ყველას ერთსა და იმავე პასუხს აძლევდა. ბოლოს შეხვდა ერთი ურია. ურიამ რომ დახედა ძვირფას განძს, მივიარდა ბიქს და მოინდომა როგორმე წაერთმია! ეს განძი ჩემი ძმისააო, სავაქროდ იყო წასული და, ალბათ, შენ მოკალი და გასცარცვეო. წამოდი ეხლავე ხელმწიფესთანაო. გაჰყვა. ურიამ უთხრა ხელმწიფეს: ამ ბიქს ჩემი ძმა მოუკლავს და აი ეს ძვირფასი განძი ჩემი ძმისაა, ამას გუჟყარცვავესო. ხელმწიფემ შეხვდა ურიას და ჰკითხა:—თქვენ კიდევ გაქვთ ასეთი განძიო?—ეგეთ ძვირფას განძს ვინ ჰომცემს კიდევ სხვას, მაგის ბადალი მგონი დედამიწაზედაც აღარ მოიპოვებო. ბიქმა კი მოახსენა ხელმწიფეს: — მაგისთანა მე ბევრი მაქვსო და თუ გნებავთ, დიდებულო ხელმწიფე, ათას ამისთანას კიდევ მოგართმევთო, ოღონდ ვადა ერთი წელიწადი მომეციო. მოგცემ, მხოლოდ თავდები ვინმე უნდა გყავდესო.—თუ გნებავთ ცამეტ კაცს წარმოგიდგენთ თავდებადაო, მხოლოდ გთხოვთ, სანამ მე დავბრუნდები, ეს ურიაც დამწყვდეული გყავდეთო. ურია მაშინვე დაასწყვიდეს. ბიჭი ყაჩაღებთან წავიდა, ყაჩაღებმა რომ დაინახეს, გულები დაუსკდათ—ე რა კირს გადავეკიდეთო. ბიქმა ყველაფერი უამბო ყაჩაღებს და დაუმატა: აბა, ძმებო, ეხლა მიკარს თქვენი თაკი, თავდებად უნდა დამიდგეთო. ყაჩაღები უარესად დალონდნენ: არ გაყვეთ—თავის კომბლით აქვე დაგვხოცავს, გაყვეთ—ხელმწიფე გაიგებს, რომ ყაჩაღები ვართ და სუყველას ჩამოგვახრჩობსო, ჩავცივდით ორ ცეცხლ შუაო.

აიღეს, დაიღეს და გადასწყვიტეს წაჰყოლოდნენ ხელმწიფესთან თავდებად. ხელმწიფემ ცამეტი კაცი დაამწყვდია და ბიჭი კი გაანთავისუფლა. გამოვიდა ბიჭი თავის გუდით და

კომბლით, უგზო-უკვლოდ ბევრი იარა, ერთ მინდორში დაუ-
ლამდა და დაჯდა და აქეთ-იქით დაიწყო ყურება. დაინახა
შორს სანთლის შუქი, ადგა და წავიდა შუქისაკენ; იარა, იარა
და როცა ახლო მივიდა შუქთან, დაინახა ერთი კარავი, კა-
რავში ცხედარი ესვენა, თავი და ფეხთ შანდლები ედგა და
ზედ სანთლები ენთო. შევიდა კარავში, ილოცა, გამოვიდა
იქიდან და იფიქრა, ამ ცხედარს უსათუოდ პატრონი ეყო-
ლება, აქ უნდა დავიცადო სანამ პატრონი გამოჩნდებაო. წა-
მოწვა იქვე ახლოს და დაიწყო ლოდინი. გავიდა ცოტა ხანი,
მოვიდა მშვენიერი ქალი. ბიჭმა დაინახა და გაინაბა, ვნახოთ
ბოლოს რა გამოვაო. მივიდა ქალი ცხედართან, ერთი წკეპ-
ლა ექირა ხელში, გადაარტყა ცხედარს, მიცვალელებული ფეხზე
წამოჰარდა, დაარტყა მეორე და იქცა რაშად. შეხტა ქალი
რაშზე და გააქენა. ბიჭი სახტად დარჩა, შევიდა კარავში,
იფიქრა—უსათუოდ უკან დაბრუნდებაო, და დაიშალა.

გათენებამ რომ შოატანა, ვნახოთ დაღალულ-დაწყვეტილ
რაშით მოვიდა და გადმოფრინდა ქალი, გადაჰკრა წკეპლა და
რაში მშვენიერ ვაჟკაცად იქცა, როდესაც მეორედ შეუმალლა
წკეპლა დასარტყმელად, მისწვდა ბიჭი წკეპლასა და მაგრა
დაიქირა, მერე მისდგა თავისი კომბლით და დაუწყო ქალს
ცემა. ბევრი იბრძოლეს, ქალმა იგრძნო, რომ ბიჭი მოერეოდა,
გაუხსლტა ხელიდან და გაიქცა, წკეპლა კი ბიქს შერჩა ხელ-
ში. გადაარჩინა ვაჟკაცი ამდენი წვალეებისაგან. როცა დამ-
შვიდდენ, კარგათაც გათენდა, ვაჟკაცმა ჰკითხა ბიქს:—რა სუ-
ლიერი ხარ, ვინა ხარ, რომ ჩემს მხსნელად გამოსჩნდიო,
მე არ ვიცი როგორ გადაგიხადო შენი სიკეთეო. მე დიდი
ხელმწიფის შვილი ვარ, ჩვენ ეხლა წავიდეთ მამაჩემთან და
ის გადაგიხდის შენს დაუფიწყარ სიკეთესო. წავიდნენ სასახ-
ლისაკენ. ხელმწიფეს გაეგო, რომ მისი შვილი ცოცხალი გა-
დარჩენილა და შინ ბრუნდებაო, გამოეგება დიდის ამალით.
მერე ყველა მხრიდან მოდიოდა აუარებელი ხალხი და ულო-
ცავდნენ შვილის მშვიდობიანად გადარჩენას. გამართა ხელ-
მწიფემ დიდი ლხინი. ყველა მისი ქვეშევრდომი იყო მოწვე-
ულნი მეჯლისზე. როცა გაათავეს ლხინი, მამამ ჰკითხა შვილს,
ვინ იყო ისეთი ღვთისნიერი და მადლიანი ადამიანი, რო-
მელმაც შენ ტანჯვისგან დაგიხსნაო. შეილმა უჩვენა კომბ-

ლიან და გუდიან მენახირებზე,—ამან დამიხსნაო. გადაეხვია ხელმწიფე ამ ბიქს და უთხრა:—იცი, შვილო, რა გითხრა, მე ერთი ვაჟის მიტი არა მყავს, ეხლა კი ორი მეყოლებითო, ჩემი სახელმწიფო დიდია, გაიყავით და ორივეს გეყოფათო. ბიქმა უთხრა:—მე არათფერი არ მინდა, ცამეტი კაცის ცოდო მადევს კისერზე, ჩემი თხოვნა ის არის: გემში ჩამსვით და ზღვის გაღმა გამიყვანეთო. ხელმწიფე ძალიან დალონდა:— ზღვის გაღმა გასვლა ძალიან ძნელია და არ გაგიშვებო. ბიქი მაინც ისევ იმას სთხოვდა, უსათუოდ გაღმა უნდა გამიყვანოთო. რაკი აღარ დაიშალა, ხელმწიფეც დასთანხმდა. ხელმწიფემ და მისმა შვილმა დიდისამბით მიაცილეს გემამდე, ჩააბარეს მეგემეს და უთხრეს:—თუ ამას რამე დაშავებია, ცოცხალს არ გაგიშვებთო. ჩაიბარა მეგემემ ეს ბიქი. დიდის ტირილით გამოეთხოვნენ ხელმწიფე და მისი შვილი. დაიძრა გემი და შეცურდნენ ზღვაში. შუა ზღვაში გემი უეცრად დადგა, დაიწყო ზანზარი და რყევა, მგზავრებმა საშინელი ჩოჩქოლი ასტეხეს. ბიქმა ნერათფერი ვერ გაიგო, ჰკითხა მეგემეს,—ეს რა ამბავიაო. მეგემემ უოხრა—ცოტა ხანიც მოითმინე, საკითხი თითონ გადასწყდება და გზასაც გაუდგებიაო ჩქარაო. ბიქი არ მოეშო მეგემეს,—ყველაფერი უნდა მითხრაო. მეგემემ დაწვრილებით უამბო: ხელმწიფე სწორედ იმიტომ არ გიშვებდაო, რომ საშიში იყო. ზღვაში რაღაც იქერს გემს, თუ ერთი კაცი არ ჩავეუშვით და არ მივაწოდეთ, გეჰს გადააბრუნებს და სუყველანი დავიღუპებითო. ბიქი მაშინვე წამოხტა და დაიძახა: —ხალხნო! დამშვიდდით, მე ჩავეშვები ზღვაში და იმედი მაქვს მშვიდობით გადავრჩები და თქვენც გადაგარჩენთ. მეგემემ კინალამ თავი მოიკლა: ხელმწიფემ შენი თავი მე ჩამაბარა და ნებას არ მოგცემ, რომ შენ ჩაგიშვანო. ბიქი გაკირვეულდა, არ იქნა და არ მოიშალა, შეწოიკრა თოფი, აიღო თავისი კომბალი და გუდა და ჩაეშვა ზღვაში. მეგემე კინალამ დარდით გაგიტდა. ბიქი ჩავიდა, ჩავიდა ზღვაში და დაინახა ერთი დედაკაცი. ხელზე ერთი საოცარი ძვირფასი ბეჭედი ჰქონდა და იმ ბეჭდით ჰქონდა გემი შეყენებული. ბიქი მაშინვე ბეჭედში ეცა, ხელი მაგრა დაუქირა, მისდგა და თავის კომბლით დაუწყო ცემა. ზღვაში ისეთი საშინელი თქაფათქუფი ასტყდა, რომ კინალამ გემი გადაბრუნდა.

ბევრი იბრძოლეს, ბიკმა დაძალა დედაკაცი, დედაკაცი ხელი-
დან გაუსხლტა და გაიქცა, ბექელი კი ბიკს შერჩა ხელში.
ზღვა დაშოშმინდა. ამოსწიეს და მშვიდობიანად ამოიყვანეს
გემზე ბიკი. მგზავრებს ღიდი სიხარული შეექმნათ, შემოეხვივნენ
ამ ბიკს, ეხვეოდნენ, ჰკოცნიდნენ, საჩუქრები მოჰქონდათ,—შენ
სიკეთე დასთესეო, ისეთი სიკეთე დასთესეო, რომ საუკუნოდ და-
უვიწყარი გახდიო. ბიკმა საჩუქრებზე უარა სთქვა; მეგემმ ხომ
სიხარულით არ იცოდა რა ექნა. დაიძრა გემი, მეორე ნაპირს
გავიდა მშვიდობით, მგზავრები წავიდ-წამოვიდნენ, მარტო ბი-
კილა დარჩა ზღვის პირას და არ იცოდა საათ წასულიყო,
რომელ გზას დასდგომოდა. გაჰყვა ერთ ბილიკს და სთქვა:—
სადაც მიმიყვანს ეს ბილიკი, მიმიყვანსო. იარა, იარა, ბევრი
იარა, დაღამდა. დაღალული ბიკი მიწვა და დაიძინა. სიზმარ-
ში ერთი მოხუცებული კაცი გამოეცხადა და უთხრა:—ადექ,
რასა გძინავს, დაადექ ამ ბილიკს და სადაც ეს ბილიკი გა-
თავდება—იქ იქნება რასაც შენ ეძებო. წამოდგა ბიკი, ილოცა
და დაადგა იმ ბილიკს. ბევრი იარა და ბოლოს შევიდა ერთ
კლდიან ალაგას და გაუთენდა კიდეც. მოექცა ამ კლდეებს შუა
და გზა აღარსაით არა სჩანდა. მიიხედ-მოიხედა, მალლა აი-
ხედა და დაინახა, რომ პატარა საფეხურები იყო. შესდგა ფეხი,
მეორე, მესამე და ასე სულ მალლა-მალლა მიდიოდა; ავიდა,
ავიდა და ბოლოს ნახა სწორე ალაგი. ჩამოჯდა და ფიქრობს—
ეს სადა ვარ, სად ამოველი, ჩასვლაც ძნელიაო. დაისვენა, ადგა
და წავიდა. რამდენიზე ნაბიჯი რომ წარსდგა, ერთ უძირო
ორმოს მიადგა. ორმოს საფეხურები ჰქონდა. ჩადგა ფეხი,
მერე მეორე, მესამე და ასე სულ ძირამდე ჩავიდა. იქ ერთი
კარები დაინახა, იქიდან ლაპარაკი გზოდრიოდა. ბიკი შეს-
დგა და ყური დაუგდო. კარებში პატარა ქუქრუტანა იპოვნა
და შეიხედა ოთახში და რა დაინახა? მშვენიერი ტახტი, ტახტ-
ზე გაშლილი სუფრა, რა გინდა სულო და გულო, რომ იმ
სუფრაზე არ ეწყო! ფიქრობს ბიკი რად უნდათ, ან ვინ უნდა
ჰამოს ამოდენა სასნელ-საქმელიო!? დაუგდებ ყურს, ბოლოს
რა გამოვაო. ერთიც ვნახოთ, გაიღო სენაკის კარები და გა-
მოვიდა ერთი მზეთუნახავი ქალი. გაიღო მეორე სენაკის კარი
და განოვიდა პირველ ქალზე უფრო უკეთესი ქალი, გაიღო
მესამე კარი და ყველაზე უკეთესი ქალი გამოვიდა. თურმე

სამნიეენი დები ყოფილან, გადაჰკოცნეს ერთმანეთს და შემოუსხდნენ სუფრას გარშემო და დროსტარება დაიწყეს. ცოტა ხნის შემდეგ უფროსმა დამ სთქვა: ეხლა კი დროა ყველამ ეთქვათ ჩვენ ჩვენი თავგადასავალი. სხვებიც დასთანხმდნენ, ნხოლოდ შენ როგორც უფროსიო, პირველად შენ დაიწყეო. უფროსმა დამ დაიწყო: როცა ერთმანეთს დაეშორდით, წავედი კახ-ქალაქში, მცხოვრებლები, კატა და ძაღლიც კი ყველა შეგვკამე. დამრჩა ერთი ოქრომკედელი, რომელიც კბილებს მილესავდა, ის-ის იყო ის უნდა შემეკამე, რომ გამოჩნდა ერთი კარგი ლუკმა, ასე თორმეტ-ცამეტი წლის ბიჭი და ამ დამ ყველაფერი დაწერილებით უამბო რაც გადახდა. მეორე დამ უაზბო, ხელმწიფის შვილი მყავდა დამოხებული, წკეპლით რაზად ვაქციედი და მთელ ცის ძირ მოვივლიდიო, სულყველაფერი უაზბო, რაც გადახდა და 12—13 წლის ბიჭმა კომბლით როგორ სცემა და წკეპლა წაართვა.

მესამე დამაც ასე დაწერილებით უამბო, როგორ აგეთმავე ბიჭმა კომბლით სცემა ზღვაში მას და ბეჰედიც წაართვა, საპივე დამ რომ გაათავეს თათავიანთი ამბავი, კიქით ღვინო აიღეს და სთქვეს:—ეს ის ბიჭი ვადღეგრძელოთო და ნეტავი კიდევ შეგვახვედრაო. თქმა აზისა და გადმოფრინდა ბიჭი და დაიძახა:—აი, მეც აქა ვარო. ქალებმა დაუწყეს ხვეენა და ყველა ეხვეწებოდა:—არა მე შემირთე; არა ზეო... ბიჭმა უთხრა უფროსს დას:—ზე ათი ისეთი თილისმა მინდა, შენ რომ წაგართვიო. ქალმა უთხრა:—თუნდ ასი ინებეო.—მერე ის, რომ ჩემი ვადა ჩქარა გათავდება, ცამეტი სულის ცოდო მადეეს, თუ დროზე არ მიველ, ჩამოჰკიდებენ იმათ ყველასაო. უფროსმა დამ უთხრა:—მე სამ კვირას მიგიყვანო, შუათანამ მე ორ კვირასაო, უმცროსმა—მე ერთ კვირასაო. ბიჭმა უმცროსს გადაჰხვია ხელი და უთხრა:—შენ იქნები ჩემი ცოლი და შენ უნდა წამიყვანოვო. გულდა გაუესეს თილისმით, შეისო მხარზე უ ცროსმა დამ და გააფრინა, ოთხ დღეზე ბიჭის სახლში მივიდენ, დედას უთხრა:—აი შენი რძალიო, სანამ მოვიდოდე კარგად მოუარეო. თითონ თილისმები წამოიღო და პირდაპირ ხელმწიფესთან მივიდა და თილისმები მიართვა. ხელმწიფეს ძალიან გაუკვირდა ანდენი თილისმები, დანიშნა წინახდელი თილისმა, სხვა თილისმებში აურია და ურიას

დაუძახა:—აბა შენი ძმის თილისმა რომელიაო. ურიამ ამდენი თილისმები რომ დაინახა, თვალები აუქრელდა, სხვა თილისმას წაავლო ხელი. ხელმწიფემ ურია დასაჯა—მოაკვლევინა, ცამეტი ყაჩალი გამოაშვებინა, დაასაჩუქრა და გაუშვა, ბიჭმაც აჩუქა იმათ თილისმები და უთხრა, ყაჩაღობისათვის თავი დაენებებინათ. ხელმწიფესაც უთავაზა რამდენიმე თილისმა და სთხოვა:—ჩქარა ქორწილი მექნება და მეწვიეო. ხელმწიფემ სიხარულით მიიღო დაპატიებება, მეჯვარეც თითონ იყო ამ ბიჭისა. მენახიერემ დაიწყო ბედნიერი ცხოვრება.

ქირი იქა, ლხინი აქა.

. 270. გობია შვილი

იყო და არა იყო რა, იყო ერთი გლეხი ცოლ-ქმარი. გლეხურ კვალობაზე კარგად ცხოვრობდნენ, შრომობდნენ, ჯაფას ეწეოდნენ და თავიანთი ცხოვრებით კმაყოფილი იყვნენ. მხოლოდ ცოლ-ქმარს გული იმაზე სტკიოდათ, რომ შვილი არა ჰყავდათ, რომელიც მშობლებისათვის სიბერეში იმედი იქნებოდა. რაც დრო გადიოდა, იმდენი ამისათვის უფრო მწუხარებას ეძლეოდნენ, ყველას შესჩიოდნენ, ბედს უჩიოდნენ. ერთხელაც გლეხის ცოლმა ერთ დედაკაცს შესჩიოლა: ასე უნუგეშოთ ვბერდები, უნაყოფოდ მიდის ჩემი ცხოვრება და მოხუცებულობაში იმედად ერთი ძე არ მოგვცა ღმერთმაო. დედაკაცმა უთხრა: ადამიანო, მაგისათვის ნეტა რამ დაგალონა, შვილიანობაზე ადვილი რაღაა: თუკი ითავებთ, აღძოსაველეთში ერთი ისეთი ქვეყანაა, სადაც მურასა ლავაშის პურს ჰყიდიან, გაგზავნე შენი ქმარი, იშოვნოს ის პური, მოგიტანოს, შესქამ თუ არა, მაშინვე დაორსულდები და შვილი გეყოლებო. გლეხის ცოლმა მადლობა გადაუხადა, წამოვიდა შინ, აღარც ოჯახს მიჰხედა, იჯდა და სულ ტირიოდა. გლეხი დაბრუნდა სახლში, დაინახა, ყველაფერი ეზო-ყურეში უწესოთ იყო მიყრილ-მოყრილი, ყველაფერი მოუვლელად და უპატრონოთ იყო, დაიწყო ყვირილი და ძახილი: დედაკაცო, რა ამჟავია, რა დაგმართვია, რატომ ყველაფერი უყურადღებოდ არის მიყრილიო. მაგრამ ხმა არავეინ გასცა. ცოლი არსადა

სჩანდა. გაკვირვებული ქმარი შევიდა სახლში და დაინახა მტირალი კოლი.— დედაკაცო, რა დაგმართვია, რას დაღონებულხარ და სტირიო, ჰკითხა ქმარმა...— რად მინდა ოჯახი ან ქონება თუ ასე უძეო და უპატრონოდ დაებერდებითო, აღმოსავლეთში ერთ ქვეყანაში იშოვნება თურმე მურასა ლავაშის პურიო, ვინც იმას შესკამს დაორსულდებაო, თუ არ წახვალ და არ მომიტან და შეილი არ მიეყოლება, აღარც ოჯახი მინდა, აღარც შენა, ყველა ჰირს წაუღიხართო, არც თავს ვიცოცხლებო. ქმარმა უთხრა: ოღონდ შენ კარგადა მყვანდე, სადაც უნდა იყოს გიშოვნი და მოგიტანო. ადგა ეს გლეხი და წავიდა. იარა, იარა და მიაგნო იმ ქვეყანას, სადაც მურასა ლავაშის პური იშოვებოდა. იყიდა ხუთი პური და დაბრუნდა შინ. გზაში დიდი ხანი მოუღდა სიარულს, საქმელი ვერსად იშოვნა, შიმშილმა ისე დაატანა ძალა, რომ ის ხუთი პური გზაში შეკამა და შინ ხელცარიელი მივიდა. კოლი ძალიან გაანჩხლდა, ქმარი ეფიცებოდა, რომ ვერ ვიშოვნეო. ბოლოს დამშვიდნენ და ისევ დაიწყეს ჩვეულებრივ ცხოვრება... რამდენიც ხანი გადიოდა იმდენი გლეხი ატყობდა, რომ მუცელი ებერებოდა, გლეხი ფიქრობდა: ღმერთი ხომ არ გამიწყრა და იმ პურისაგან არ დაგორსულდიო?! ვერც არავის ეუბნებოდა, იყო ისე გაჩუმებული. მუცელი კი სულ ებერებოდა და ებერებოდა. დაატყო რომ საქმე ცუდათ იყო, კოლს უთხრა რამდენიმე დღით სხვაგან უნდა წავიდეო. აიღო გუდა-ნაბადი და წავიდა ერთ ადგილას, გოგრა გააჩინა. მადლობა, რომ ამით გადავრჩი და მართლა ბავშვი არ გავაჩინეო. ადგა და წამოვიდა შინ, გოგრას თავი მიანება, კარგა რომ გამოიარა, უჯანიდან ხმა მოესმა: დაბრუნდი, თან წამიყვანე, თორემ ინანებო. გლეხმა ყურიც არ ათხოვა და წავიდა თავისთვის. ვნახოთ გოგრა მოგორავს და მოსძახის: წამიყვანე, თორემ ინანებო. მეტი რა ჯანი იყო, ამოიჩარა იღლიაში გოგრა, მოიტანა შინ და თაროზე დადო. გავიდა ხანი. ერთხელ გლეხი დაბრუნდა შინ დაღლილი, წამოწვა ტახტზე დასასვენებლად, უეცრად გოგრამ დაუძახა: მამაჩემო, რასა სწუხარ, ანუ, წადი ხელმწიფესთან, უთხარი: შენი ქალი ჩემს შვილს უნდა მიათხოვო თქო, აბა რა პასუხს მოგცემს, მოდი და უსათუოდ მითხარიო. მამამ უარი უთხრა, შენ ხომ არ გინდა ხელმწიფეს ჩე-

მი თავი მოაკვლევინო. გოგრა არ მოეშვა და გაგზავნა მამა ხელმწიფესთან ქალის სათხოვნელად. მივიდა გლეხი სასახლესთან, კარის კაცებთან. ხვეწნის შემდეგ აჩვენეს ხელმწიფე. ხელმწიფემ ჰკითხა: რა გინდაო?—ჩემს შვილს შენი ქალი უნდა მიათხოვო, უპასუხა გლეხმა. ხელმწიფეს გაეცინა და უთხრა: განა შენი შვილი რა შნოს პატრონია, რომ ბედავს და ქალსა მთხოვსო. გლეხმა უთხრა: რასაც შეუკვეთავ ყველაფერს აგისრულებსო.—მაშ კარგი, უთხრა ხელმწიფემ, რაკი აგრეა, შენმა შვილმა უნდა გააკეთოს ჩემი სახლიდან თქვენ სახლამდე ისეთი ბაღი, რომ ქვეყნიერებაზე იმისი ბაღალი არ იყოს. შიგ ხილი ზოგი უნდა ყვავოდეს, რიგი მწიფდებოდეს, შიგ გამართული უნდა იყოს შადრევნები და ყოველნაირი ფრინველები უნდა გალობდნენო, ამასთანავე თქვენი სახლის ალაგას, ჩემი სასახლესთანა სასახლე უნდა აშენდესო. ერთ წელიწადს ვადას ვაძლევ, თუ ამ ვადაში ვერ შეასრულა, შენც მოგკლავ, შენ შვილსაც, რომ მეორედ აღარ გაბედოთ ასეთი უწყესო თხოვნით მოხვიდე ჩემთანაო. შეშინებული და დაღონებული გლეხი დაბრუნდა სახლში და ტახტზე მიეგდო, გოგრას ყურიც არ ათხოვა.

პატარა ხნის უკან გოგრამ ჰკითხა:

— მამი, რა ქენი? რა პასუხი მოგცა ხელმწიფემ? რატომ არ მეტყვიო.

— ისეთი დავალება დავადო, რომ იმის შესრულება ყოველად შეუძლებელიაო, და მამამ უამბო ყველაფერი.

— შენ მაგისათვის ნუ დაღონდები, — უთხრა შვილმა, — შენ ადექ, ემ საათში წადი იმ ადგილას, სადაც მე მშობე და დაიძახე: „ჭეირან, თეირან! სულეიმანმა შემოგითვალა: ამალამ გამოგზავნეთ საუკეთესო ოსტატები, ააშენონ საცა ჩვენი სახლია მარმარილოს სასახლე ხელმწიფის ღირსების შესაფერი, გაგზავნეთ საუკეთესო მებაღეები, ჩემი სახლიდან ხელმწიფის სასახლემდე ააშენონ საუცხოვო ბაღი, შეამკონ აუზებით, მაგალობელი ფრინველებით“. ასე სთქვი და შენ გამობრუნდი და წამოდი. მამა ეგრე მოიქცა: წავიდა, როგორც გოგრამ დაარჩია ისე დაიძახა და გამობრუნდა. მეორე დღეს რომ გაიღვიძა, გლეხი ხედავს, რომ თავის სახლის მაგიერ თითონ სასახლეშია, სასახლის წინ ისეთი ბაღია, რომ სამოთხე ამას-

თან არაფერია. გლებმა აღარ იცის რა სთქვას—ისე გაკვირდა. დაუძახა გოგრამ: წადი ხელმწიფეს უთხარი, რაც დამავალეთ, ყველაფერი მზად არის-თქო, რასაც გეტყვის მოდი და მითხარიო. გაგულისებულნი გლები წავიდა პირდაპირ ხელმწიფის სასახლეში, კარისკაცმა დაუბრკოლებლივ წაიყვანა ხელმწიფესთან, თან ეუბნებოდა: კაცო, რა თვალთმაქცობა გასწია შენმა შვილმა, ხელმწიფე გაკვირვებული არისო. გლები წარსდგა და მოახსენა: დიდებულო ხელმწიფე, რაც დამავალეთ ჩემს შვილს, ყველაფერი შეასრულა, ეხლა რას გეიბრძანებთო. ხელმწიფემ უთხრა:—ერთსაც დაგვავალბე შენს შვილს: ჩემი სასახლის უკან დიდი მთაა, ეს მთა მომამშოროს შენმა შვილმა, რომ მზე პირდაპირ ანათებდეს ჩემს სასახლეს. გამოვიდა გლები, შეხედა უზარმაზარი მთა აყუდებული, იფიქრა—ამის აღება შეუძლებელიაო. მამამ ყველაფერი გადასცა შვილს, რაც ხელმწიფემ დააჟალბ. გოგრამ უთხრა: წადი ისევ იმ ადგილას, საცა მშობე, დაიძახე: „ჭეირან, თეირან! სულიმანმა შემოგითვალა: საუკეთესო მუშები გამომიგზავნე, ხელმწიფის სასახლის უკან რომ დიდი მთაა, მიწასთან გაასწორონ-თქო“, შენ გამობრუნდი და წამოდი. მამა ასეც მოიქცა. მეორე დღეს გოგრამ გაგზავნა თავისი მამა ხელმწიფესთან: თქვენი დავალება შევასრულე, ეხლა რაღას ბრძანებ-თქო. გლები წავიდა, ხელმწიფე გამოსულიყო, იმის სასახლეს კაშკაშა მზე მისდგომოდა და ხელმწიფე გაშტერებული უყურებდა. ხელმწიფემ უთხრა გლებს:—ეხლა კი ყაბული ვარ ჩემი ქალი შენს შვილს მივათხოვო, მოვიდეს ამა და ამ დროს, ორასი კაცი მაყარით და დამკვრელებით და ქორწილს გადაუხდით. წამოვიდა გლები და ფიქრობს:—ამოდენა ცხენოსანი მაყარი საიდან უნდა შეყაროსო! გოგრამ უთხრა: მაგისათვის ნუ დალონდები, წადი ისევ იმ ალაგას და ჩვეულებისამებრ დაუძახე, რომ ორასი ცხენოსანი, საუკეთესო ტანისამოსით გამოწყობილნი, დამკვრელები და ერთი კარგი ცხენი და სახელმწიფო ტანისამოსით ჩემთვის დილაზე ჩემთან გამოცხადდეს-თქო. გლები ასე მოიქცა. მეორე დღეს გლების კარზე ორასი კარგად გამოწყობილი ცხენოსანი ზურნით დაირაზმნენ. გოგრამ თაროდან ისკუპა და თავის ცხენზე დასკუპდა. ტანისამოსი კი შინ შეატანინა და შეანახვინა. წავიდნენ ქალის მოსაყვანად. ხელ-

მწიფე გაკვირდა, ამოდენა თავადურად გამოწყობილი ხალხი რომ დაინახა, ქალს უთხრა:—შვილო, ნახე როგორი კარგი საქმრო გიშოვნევო. მხოლოდ ნეტა რომელია იმათში შენი საქმროვო. იკითხა:—რომელია ჩემი სასიძოვო. გოგრაზე მიუთითეს და უთხრეს: აი თქვენი სასიძოვო. ხელმწიფემ და იმისა ქალმაც გაოცებით სთქვეს:—ჩვენ გოგრა რათ გვინდაო, გოგრას მე ქალს არ მიეცემო,—სთქვა ხელმწიფემ. გოგრამ უთხრა:—მაშ შენ სიტყვას ტეხამ და უარს მეუბნებიო, მაშ კარგიო და შეუბერა ამოდენა ხალხს და სუყველანი კიანქველებად აქცია, მოკრიბა ყველანი ხელით და ჩოხის მასრაში ჩაყარა. შენც ასე გიზავ თუ შენ სიტყვას არ აასრულებ და ქალს არ მომცემო. ხელმწიფემ ასეთი სურათი რომ ნახა, ძალიან შეწუხდა, ქალს უთხრა:—მეტი რა ჯანია, უნდა მისთხოვდე, თორემ ცუდ დღეს დაგვაყრისო. ქალიც დაყაბულდა. გოგრამ იმოდენა მაყრები ისევ დააცოცხლა. ხელმწიფემ გადაიხადა დიდი ქორწილი და წამოიყვანა გოგრამ ქალი. მაყრები თავთავის გზაზე წავიდნენ, დარჩნენ გოგრა თავის ცოლით და დედ-მამით. ცოლ-ქმარი შევიდნენ თავიანთ ოთახში, ქალმა რა იხილა ოთახის საოცარი მოწყობილობა, გაკვირვებული დარჩა. ჩაკეტა კარები და გოგრამ უთხრა თავის ცოლს:—ჩემს საიდუმლოს მხოლოდ შენ გეტყვი და არ უნდა მიღალატო, თორემ იცოდე, ისეთ საქმეს დაგმართებ, რომ რკინის ჯოხს დაგაქვრინებ, რკინის ქალამნებს ჩაგაცმევ და ისე გაძებნინებ ჩემს თავსაო. ეს რომ სთქვა, ამ დროს იქეჭა, გოგრას ქურქი გასძვრა, ისეთი ვაჟკაცი გამოვიდა, რომ მზეს ეუბნებოდა—შენ ჩადი და მე გავანათებო. ცოლს ისიც უთხრა: იცოდე ეს გოგრის ქერკები კარგად უნდა შეინახო და არ დამიწვაო. ქალი ბედნიერი იყო, რომ ღმერთმა ასეთი ბედნიერება არგუნა. მეორე დღეს გოგრამ ისევ ქერკები შეისხა, ასკუჰდა თაროზე და ასე ატარებდა თავის დროს. ქალს მობეზრდა ასეთი ყოფა და სთქვა, მე თუ ეს ქერქი არ მოვაშორე, როდემდის უნდა ვიყო ამ მდგომარეობაშიო. აიღო და გოგრის ქერქი თონეში ჩაყარა. ამ დროს ვაჟს ტკბილად ეძინა. ვაჟმა რომ გამოიღვიძა, მოიკითხა თავისი ქერკები. ქალმა გაიცინა და უთხრა—დავწვიო. ვაჟი ადგა, გავიდა გარეთ და აღარ დაბრუნდა. ქალი მაშინ მიხვდა გოგრას ნათ-

ქვამს: ჩაიციო რკინის ქალამნები, დაიჭირა რკინის ჯოხი და წავიდა ქმრის საძებნელად.

იარა, იარა, მთელი ქვეყანა შემოიარა და თავისი ქმრისა ვერაფერი შეიტყო. მივიდა ერთ ქალაქში. ქალამნებიც გაუსცვდა, თითონაც არაქათი გამოელთა, დაიღალა და სიარულის თავი აღარა ჰქონდა. შეწუხდა ძალიან. უცბად ქუჩაში დაინახა ერთი დედაკაცი, ვერცხლის სურით ხელში, მირბოდა. ვერცხლის სურა იცნო. ხელმწიფის ქალმა იფიქრა—ნეტა ეს ჩვენი სურა აქ საიდან გაჩნდაო. აედევნა დედაკაცს. დედაკაცმა წყაროსთან მიიბრძინა, აავსო სურა წყლით და საჩქაროდ გამობრუნდა. წინ ხელმწიფის ქალი შეეფეთა. ხელმწიფის ქალმა სთხოვა: მგზავრი ვარ და თუ შეიძლება მაგ სურათი წყალი დამალევიანო. დედაკაცმა უარი უთხრა: მეჩქარება, ჩემმა ბატონმა გაიღვიძა, ჩქარა უნდა მიეურბეინო, რომ ცივი წყლით პირი დაიბანოსო. დედაშვილობას შემებრალე, ძალიან მწყურებიან და წყალს ნუ დამიჭერო. დედაკაცს შეებრალა, მისცა სურა წყლის დასალევიად. ქალმა ჩუმად თავისი ბეჭედი ჩააგდო სურაში, დედაკაცმა გამოართვა და საჩქაროდ გაიქცა ბატონისკენ. ხელმწიფის ქალიც უკან მიჰყვა. შორიახლო დადგა და ელოდა რა იქნებოდა. ცოტა ხნის უკან გამოვარდა ის დედაკაცი და გაფაციცებით დარბოდა და დაეძებდა ხელმწიფის ქალს. რომ დაინახა ხელმწიფის ქალი, დედაკაცი სიხარულით გადაეხვია და უთხრა:—შენ რომ არ მეპოვნე, დიდი უბედურობა მომელოდა და უამბო, როცა ჩემმა ბატონმა სურიდან წყალი დაისხა ხელებზე, ბეჭედი გადმოვარდაო, იმის დანახვაზე გული წაუვიდა და ძლივს გონებაზე მოვიყვანე, მკითხა შენ წყალი ამ სურიდან ვის დაალევიანო. მე ჯერ უარი უნდა მეთქვა, მაგრამ ვერ მოვახერხე და ყველაფერი ვუამბე. მიბრძანა, ის ქალი უნდა მიპოვნო და აქ მომიყვანო, თორემ ცოცხალს არ გაგიშვებო. წამოდი, შენ გენაცვალე, თორემ სიკვდილი მომელისო. ხელმწიფის ქალი გაჰყვა. დედაკაცმა მიიყვანა ქალი თავის ბატონთან. ბატონმა რომ დაინახა, იცნო თავისი ცოლი, გადაეხვია, ჩაიკრა გულში და უთხრა: ეს გაჭირვება შენთვის დიდი ჯილდოა, შემდეგ აღარ გასტეხავ ჩემ სიტყვასაო. მეც დაჯილდოვებულნი და ბედნიერი ვარ, რომ შენც არ მიღალატე და ჩემთვის ამო-

დენა ტანჯვა გადაიტანეო, შეეკმნათ დიდი სიხარული, გა-
დაიხადეს მეორეთ ქორწილი და დაიწყეს ბედნიერი ცხოვ-
რება.

მსმენელო, შენც აგისრულეს რაც გინდა და მიეწიე შენს
მუკაზს.

271. ღ ი ა კ ვ ა ნ ი

იყო ერთი დიაკვანი, დიდი ღვთისმოყვარული და მუდამ-
ვამ მლოცველი. თავის სამსახურს მუყაითად ასრულებდა, არ
სჯერდებოდა ეკლესიაში ღვთისმსახურების დროს ლოცვა-
ვედრებას, მოვიდოდა თუ არა თავის საწყალ ქოხში, იქაც,
ლოცვა-ვედრებას განაგრძობდა. იმის გართობას და სიამოვნებას
მხოლოდ სამღვთო წიგნების კითხვა შეადგენდა. ერთ-
ხელ დიაკვანმა სამღვთო წერილში ამოიკითხა: თუ ღვთისა
და ლოცვის მოყვარული ადამიანი ღმერთს გულწრფელად
რასმეს შესთხოვს, უსათუოდ უფალი შეუსრულებსო. ამის
შემდეგ დიაკვანი საფიქრებელში ჩავარდა, რა ვსთხოვო უფალს
შეუძლებელი რამ, რომ ამისრულოს და ამით ვირწმუნო უხი-
ლავი უფალიო. გადასწყვიტა—უნდა ვსთხოვო ღმერთს, რომ
ჩვენმა ხელმწიფემ თავისი ქალი მომათხოვოს; ეს ხომ შეუძ-
ლებელია, რომ მე მეფის სიძე გავხდეო. იმ დღიდან დაიწყო
მხურვალე ლოცვა: ღმერთო, მე შენი უღირსი და ცოდვილი
შვილი გამხადე ღირსი, რომ მეფის სიძე გავხდეო. ასე ვედრე-
ბაში გაატარა ერთი წელიწადი. ერთ საღამოსაც ასე ილო-
ცა, შესთხოვა ღმერთს, რომ ხელმწიფის ქალის ღირსი გამ-
ხადეო, დაწვა და დაიძინა. ძილში ანგელოზი გამოეცხადა
და უთხრა: დიაკვანო, შენი ვედრება უფალმა შეისმინა, შენი
სურვილი აგისრულდებაო, დილაზე ადექ, წადი ხელმწიფეს-
თან და სთხოვე ცოლად ქალიო. გამოეღვიძა, გადიწერა პირ-
ჯვარი და სთქვა: დაილოცოს, ღმერთო, შენი სამართალიო,
ადამიანი რაზედაც ფიქრობს, ის ელანდებაო. ის დღეც ლოც-
ვა-ვედრებაში გაატარა და საღმრთო წერილის კითხვაში, და-
წოლის წინ კიდევ შესთხოვა ღმერთს—გამხადე ხელმწიფის
ქალის ღირსიო და დაიძინა. ძილში ისევ ის ანგელოზა გამო-

ეცხადა და უთხრა: ღმერთმა შენი ვედრება ისმინა, შენი სურვილი აგისრულდება. ხვალ წადი, ხელმწიფეს ქალი სთხოვე და მოგცემსო. ის ღღეც ჩვეულებრივ ლოცვაში და საღმრთო წერილის კითხვაში გაატარა, საღამოზე დაწოლის წინ კიდევ შესთხოვა ღმერთს: გამზადე ხელმწიფის ქალის ღირსიო, დაწვა და დაიძინა. მესამეთაჲ გამოეცხადა ის ანგელოზი და უთხრა: რაღას აგვიანებ, წადი ხელმწიფესთან, სთხოვე ქალი და მოგცემსო. ადგა დიაკვანი, ილოცა და წავიდა ხელმწიფესთან ქალის სათხოვნელად. მივიდა სასახლესთან და კარისკაცს სთხოვა ხელმწიფესთან მიეყვანა. კარისკაცმა ვინაობა ჰკითხა და რა საქმე გაქვს ხელმწიფესთანაო. მე ამ ქვეყნის დიაკვანი ვარ და მოველი ხელმწიფეს ქალი უნდა ცოლად ვსთხოვო,—უპასუხა დიაკვანმა. კარისკაცმა გაიცინა, მერე დაფიქრდა: რა ეუყო ამ მასხარას, შევიყვანო ხელმწიფესთან, ვაი თუ გამიწყურეს, მასხარად მივდებსო, არ შევიყვანო, ვაითუ მაშინაც გამირისხდეს, რატომ არ შემოიყვანეო. გადასწყვიტა მოეხსენებინა ხელმწიფისათვის—ასეთი და ასეთი გთხოვთ მიიღოთო. ხელმწიფემ უთხრა—მოვიდესო. შევიდა დიაკვანი, წარსდგა ხელმწიფის წინაშე და მოახსენა: მე თქვენთან ერთი სათხოვარი მაქვს და იმედი მაქვს ღვთისაგან, რომ ამისრულდებო. ხელმწიფემ უთხრა: განა რა უნდა იყოს ისეთი, რომ მე ვერ შევძლო შეგისრულოვო, მითხარი, რა გინდაო.—ჩემი თხოვნა ის არის, მოახსენა დიაკვანმა, რომ თქვენი ქალი ცოლად უნდა მომათხოვოთო. ხელმწიფეს ეწყინა და გაჯავრდა, უნდა ასეთი თავხედობისათვის დაესაჯა დიაკვანი, მაგრამ მერე იფიქრა და სთქვა, მოდი ისეთ რაშეს შეუკვეთ, რომ თან გადაჰყვეს. ხელმწიფემ უთხრა: კარგი, სიამოვნებით მოგათხოვებ ჩემს ქალს, მხოლოდ ჯერ ერთი რამ უნდა შეგიკვეთო და ამისრულო. ამ ორმოცი წლის წინად სამიჩემის დედა ზღვაში გემით მოდენილა, უეცრად თავის ნიშნის ბეჭედი თითიდან წასძრობია, ჩაეარდნია ზღვაში და დაკარგვია. თუ იპოვნი იმ ბეჭედს და მომიტან, მოგათხოვებ ჩემს ქალს, თუ არა და შენთვის სახარჩობელა მზად იქნებაო. ერთი წელიწადის ვადას გაძლეო.

— ღვთისაგან იმედი მაქვს აგისრულოთო, მხოლოდ თქვენც პირობაზე მტკიცედ იყავითო. გამოვიდა და წავიდა.

გამოვიდა დიაკვანი და დაიწყო უგზო-უკვლოდ ხეტიალი. ხან ტყეს ეცა, ხან კლდეს, ხან მინდორს. იარა რამდენიმე თვე და ბექედისა ვერაფერი შეიტყო. მაინც იმედს არ ჰკარგავდა. ერთხელ ერთ მინდორში დაუღამდა. მინდორს არც სიგრძე უჩანდა, არც სიგანე. ძალიან დაიღალა. ილოცა ჩვეულმდრე და დაწვა დასასვენებლად. უცებ, თვალი მოჰკრა, შორს სადღაც დაინახა შუქი. ადგა და გასწია ამ სინათლისაკენ. მივიდა ერთ ალაგას, ნახა ერთი ლამაზი კარავი სდგას. კარავში კუბო იდგა, შიგ მიცვალებული ასვენია, თავით და ფეხით კანდელი ენთო. შევიდა კარავში, ილოცა და გამოიბრუნდა, უნდა დაესვენა სადმე. კარავში თვალი მოჰკრა ერთ ქიქას. ქიქაში სანთლის ჯვარი იდო. მივიდა, ამოიღო ჯვარი და უმაღლე ქიქიდან ამოვარდა ეშმაკი, გადაეხვია ამ დიაკვანს და დაუწყო კოცნა,—საიდან გაჩნდი, კაცო, ჩემს ბედზე, რომ ამოდენა ხნის ტანჯვისაგან დამიხსენ. გამოვიდნენ გარეთ. დაინახა დიაკვანმა, რომ მთელი მინდორი ეშმაკებით საესეა, საკრავებით და სიმღერით. ისე იყო იქაურობა განათებული, როგორც დღე. ისეთი მოძრაობა იყო, როგორც დიდ ქალაქშია. დიაკვანი გაშტერებული უყურებდა ყველა ამას, ის ეშმაკიც, რომელიც ქიქიდან ამოძვრა, ხელგადადებული მოსდევდა და მადლობას უხდოდა. ეშმაკმა უთხრა: მე ამ ეშმაკების ხელმწიფე ვარ, არ ვიცი, რითი გადაგიხადო შენი სიკეთე. შეაყვანა დიაკვანი თავის ხაზინაში და უთხრა:—რამდენი გეყოფა, რომ გაგატანოვო. დიაკვანმა უთხრა:—მე ერთი კაპიკის დანაფასებიც არ მინდა, მხოლოდ იმასა გთხოვთ, რომ ჩემი აღთქმა არ გამოცრუდეს: ორმოცი წლის წინად ამა და ამ ხელმწიფის დედას ზღვაზე გემით გამოუვლია, თითიდან ბექედი ზღვაში ჩაუვარდნია და დაჰკარგვია, ის ბექედი მიპოვე და მეტი არაფერი არ მინდაო,—უპასუხა დიაკვანმა. მაგაზე ადვილი რაღა არისო, უთხრა ეშმაკების ხელმწიფემ. ეშმაკების ხელმწიფემ მაშინვე გასცა განკარგულება, რომ სუყველა ეშმაკები აქ შეკრებილიყვნენ. გამოცხადდნენ აუარებელი ეშმაკები. ხელმწიფემ გამოუცხადა: ამა და ამ წელში ხელმწიფის ცოლს ბექედი ჩაუვარდა ზღვაში, ვინც იპოვა ეხლავე აქ წარმოადგინოსო. მოიკითხეს ყველგან, მაინც არავის აღმოაჩნდა ბექედი. ხელმწიფემ ბრძანა: მაშ ყველა ეშმაკი

არ გამოცხადებულა აქაო, ეხლავე აქ გამოცხადდეს ყველა-
ერთი მოხუცებული ეშმაკი მოიყვანეს. ხელმწიფემ ჰკითხა ბექ-
ლის შესახებ. ამოიღო ამ ეშმაკმა ჯიბიდან დიდი ძვირფა-
სი ბეჭედი, მიართვა ხელმწიფეს და უთხრა:—აი ეს ბეჭედი,
მე ჩავაგდებინე ზღვაში ხელმწიფის ცოლსაო. ხელმწიფემ ბე-
ჭედი დიაკვანს გადასცა და ჰკითხა:—იქნება კიდევ სხვა რამე.
გსურდეს, მითხარიო. დიაკვანმა უთხრა:—მე აღარაფერი არ
შინდა, მხოლოდ ეს მაკვირვებს, იმ პატარა ქიქაში როგორ
ჩაეტიეო. ეშმაკმა უთხრა, წავიდეთ იმ კარავში და გიჩვენებო.
მივიდნენ კარავში, ეშმაკი გახდა კაკლის ოდენა, ისკუპა და
ჩახტა ქიქაში. დიაკვანმა სანთლის ჯვარი ისევ დაადო ქიქას
და იმ წამს გაჰკრენ ეშმაკები. იმ დღიდან ეშმაკების ჯიში
ოისპო, მხოლოდ ადამიანი თითონ გადაიქცა ეშმაკად.

მოვიდა დიაკვანი სასახლეში, წარსდგა ხელმწიფესთან და
ბოახსენა: თქვენი თხოვნა აეასრულეო და გადასცა ბეჭედი.
ხელმწიფემ უთხრა:—შენ მართლა ღირსი ყოფილხარ ჩემი სი-
ძეობისაო. მოამზადეს საქორწილოდ ეს დიაკვანი, ჩააცვეს სა-
ხელმწიფო ტანისამოსი, მოიყვანეს ეკლესიაში, წინ კათალი-
კოსი მიეგება, კათალიკოსმა სიტყვა უთხრა, რომ დღეის შემ-
დეგ თქვენი გამყრელი მარტო ბარი და ნიჩაბი იქნებაო, თქვენ
საუკუნოდ შეერთდითო. როცა ჯვარი დაიწერა, დიაკვანი
წარადგა საკურთხევის ახლო და დაიწყო ლოცვა: გმად-
ლობთ, ღმერთო, რომ თხოვნა შემისრულე და ღირსი გამხა-
დე ხელმწიფის ქალისაო. მხოლოდ ეხლა იმას გთხოვ, უცოდ-
ველი მიიღო ჩემი სულიო, მაშინვე დიაკვანი უსულო დაეცა-
დამარხეს დიაკვანი დიდის ამბით.

კირი იქა, ლხინი აქა.

272. ხალხნიჟე, გჯეხი და გველი

იყო ხელმწიფე მდიდარი და ძლიერი. ჰყავდა ძლიერო
ჯარი. მრავალი სახელმწიფოები ემორჩილებოდნენ. თუ ვინმე
წინააღმდეგობას გამოიჩენდა, ყველას თავის ძლიერებას აჩვენ-
ებდა, ამისათვის ყველას ეშინოდა ამისი. ერთხელ პატარ-
პატარა სახელმწიფოებმა შეთქმულება მოახდინეს, გადასწყვი-

ტეს საერთო ძალით გაენადგურებინათ ძლიერი ხელმწიფე და სამუდამოთ განთავისუფლებულიყვნენ მისგან. ხელმწიფე არსაიდან არ მოელოდა საშიშროებას და დამპყიდებელი იყო.

ერთ ღამეს საოცარი და საშინელი სიზმარი ნახა, თავზარდაცემულს გამოეღვიძა, დაღონდა და ჩაეარდა საგონებელში. შეკრიბა თავისი ვეზირები, აუხსნა თავისი დარდი და უბრძანა, შეეკრიბნათ ყველა მხრიდან მეცნიერნი, რომლებიც შესძლებდნენ ამის სიზმრის ახსნას. შეიკრიბნენ ყველა ბრძენი და მეცნიერნი. ხელმწიფემ უბრძანა, გამიგეთ, რა ვნახე და რა ხიჯათი მომეღლისო. ზოგმა რა უთხრა, ზოგმა რა, მაგრამ ხელმწიფე უურო ბრაზდებოდა და რისხდებოდა.

იმ დროს იმ ქალაქის ახლო სოფელში სცხოვრობდა ერთი საწყალი გლეხი თავის ცოლით. ყოველ დღე დადიოდა ტყეში, თითო გუდურას მოსჭრიდა, ჩაიტანდა ქალაქში და ჰყიდდა. ასე ნაშოვნით ფულით ცხოვრობდა თავისათვის კმაყოფილი. ერთ დღეს, ჩვეულებისამებრ, აიღო წალდი და გაემგზავრა ტყეში შეშის მოსაგროვებლად. დაინახა ერთი გამხმარი კუნელი, დააპირა ამისი მოქრა და მოიმარჯვა თავისი წალდი, ამ დროს კუნლის ძირიდან გამოძვრა ვეებერთელა გველი და სთხოვა: ნუ მოსჭრი ამ კუნელს და ბედსა გწევო. გლეხმა წალდი ჩამოუშვა და აღარ მოსჭრა კუნელი. გველმა უთხრა: ამ კუნლის ძირში ჩემი სოროა და შერგ ჩემი შვილები არიან, შენ რომ ეს კუნელი ამოაგდო, შვილები დამეღუპებიან. მე ერთ რამეს გასწავლი და რაც ჩემი დარიგებით აიღო, ნახევარი მე მომიტანო. გლეხი დაჟაბულდა. გველმა უთხრა: რაკი ასეთი სიკეთე მიყავ, მეც სიკეთით გადაგიხდი, შეშის შეკრებას თავი დაანებე და აქედან პირდაპირ წადი ქალაქში ხელმწიფესთან. იმან ერთი საოცარი სიზმარი ნახა და ვერავინ აუხსნაო. შენ მიდი ხელმწიფესთან და უთხარი: მაგ სიზმარს მე ამოგიხსნი-თქო. შენ გინახავს სიზმარში, რომ შენი თავის პირდაპირ ზევიდან გალესილი ხმალი ეკიდა. ეს იმას ნიშნავს, რომ შენი შეზობელი ხელმწიფეები შეთქმულან და შენზე აპირობენ უეცრად გამოლაშქრებას და თავზე დაცემას. შენ, დიდებულო ხელმწიფევე, ნუ შეგეშინდება, შენც გაილაშქრე იმათზე და გამარჯვება შენ დაგორჩება-თქო. გლეხი წავიდა და მივიდა სასახლეში. ხალხი შეგროვილიყო. ათასი მეცნიერნი

სკდილობდნენ რითიმე ეშველათ თავიანთ ხელმწიფისათვის. გლებმა უთხრა: ხალხო, რას დალონებულხართ, თქვენ ხელმწიფეს სიზმარს მე აეუხსნისო. მოახსენეს ხელმწიფეს: — ერთი გლები მოვიდა და ამბობს, მე აეუხსნი ხელმწიფეს სიზმარსაო. უბრძანა — შემოიყვანეთო. შეიყვანეს ხელმწიფესთან ეს დაგლეჯილი ტანისამოსით გლები. — დიდებულო ხელმწიფევე, თქვენ ნახეთ სიზმარში, რომ თქვენს თავზე ჩამოკიდებული იყო გალესილი ხმალიო. ხელმწიფეს გაუკვირდა და უთხრა: მართალიაო. — იმასაც აგიხსნი რას ნიშნავს ეს თქვენი სიზმარიო: მეზობელი ხელმწიფეები შეთქმულან შენზე და თავზე დაცემას გიპირებენო, მაგრამ ნუ შეშინდები, გაილაშქრე, გამარჯვება შენ დაგრჩება და დაიმორჩილებ იმათო. ხელმწიფეს გაუხარდა, დაუძახა თავის მოსამსახურეებს და უბრძანა, ორი ხელი კარგი ტანისამოსი მიეცით ამასაო, ერთი თითონ და ერთი ამის ცოლისთვისაო. ერთი ხურჯინი ოქროთი აუესეთ და გაისტუმრეთო. მისცეს ყველაფერი რაც უბრძანა ხელმწიფემ. გახარებულმა გლებმა გამოსწია შინისკენ. გლების ცოლმა რომ ამდენი სიმდიდრე ნახა, სიხარულით ცას დაეწია და ჰკითხა: ვინ შოგცა ეს ამოდენა სიმდიდრეო. გლებმა ყველაფერი უამბო და უთხრა, რომ ნახევარი ამ სიმდიდრისა გველს უნდა წაეულოვო. გლების ცოლმა სულ ცეცხლი მოუკიდა თავის ქმარს, ერთ ცალსაც არ გაგატან გველთანაო. ბევრი იძალა გლებმა, მაინც ცოლმა აჯობა.

ხელმწიფეს მართლა დაეცნენ მეზობელი ხელმწიფეები და აუტეხეს ომი. ხელმწიფე მომზადებული დახვდა, გაიმარჯვა და ისევ დაიმორჩილა ისინი. ხელმწიფე ძალიან გახარებული იყო, მაგრამ დიდხანს არ გაგრძელდა მისი სიხარული. ერთხელ კიდე საშინელი სიზმარი ნახა და ისევ დალონდა. დაიბარა ისევ ის გლები. გლებს თავზარი დაეცა, ეხლა რაღა მესველეება, რა პირით უნდა მივიდე გველთან და ესთხოვო, რომ მასწავლოს რაზეო, არ წავიდე და ხელმწიფეს როგორ აეუხსნა სიზმარიო. რა გაეწყობოდა, ჩაიცვა ისევ თავისი ძველი დაგლეჯილი ტანისამოსი, დაიჭირა თავისი წალდი ხელში და გასწია იმ ხმელ კუნელთან, სადაც გველი ბუდობდა. დაიჩოქა და ასწია წალდი კუნლის მოსაქრელად. უეცრად გამოძვრა ისევ ის გველი და დაუწყო ამ გლებს ლანძღვა და ყვედრება,

რომ პირობა არ აასრულა და ნახევარი ხურჯინი ოქრო არ მოუტანა. გლეხმა დიდი ბოდინში მოიხადა, ჩემი ცოლის ბრალიაო და პატივება სთხოვა.—კარგო, უთხრა გველმა, მიპატიებია, ეხლა ვიცი რისთვისაც მოხველი ჩემთან, წადი და უთხარი იმ ხელმწიფეს, რომ იმან სიზმარში ნახა დიდი გველშეშაპი იმის თავზე დაკიდებული. ეს იმას ნიშნავს-თქო, რომ სახელმწიფო აუჯანყდება, დიდი უბედურება გადაჭდება ხელმწიფეს, მაგრამ ბოლოს გამარჯვება მას დარჩება, დაიმორჩილებს და დაამშვიდებს თავის სახელმწიფოს. მხოლოდ, რასაც გაჩქებებს, იმის ნახევარი თუ არ მომიტანე, შენც დაგლუპავ და შენ ცოლსაცა.

მივიდა გლეხი თავის სახლში, უამბო ცოლს ყველაფერი, ისიც უთხრა, რომ თუსაჩუქრის ნახევარს ეხლაც არ მიუტანთ, გველი უსათუოდ დაგვლუპავსო. მეორე დღეს ადგა და მივიდა სასახლეში. ყველანი დიდის სიხარულით დახვდნენ, მაშინვე შეიყვანეს ხელმწიფესთან. მოახსენა ხელმწიფეს:—თქვენ გსიზმრებიათ უზარმაზარი გველშეშაპი თქვენ თავზე დაკიდებული. გაოცდა ხელმწიფე ამის გაგონებაზე. გლეხმა განაგრძო:—ეს იმას ნიშნავს, რომ სახელმწიფო ავიჯანყდება, დიდი უბედურება გადაგხდება თავზე, მაგრამ ნუ შეშინდები, ბოლოს შენ გაიმარჯვებ, დაიმორჩილებ და დაამშვიდებ სახელმწიფოსო. გაუხარდა ხელმწიფეს. უბრძანა მოსამსახურეებს: ხურჯინი თვალ-მარგალიტით გაუვსეთ და გაისტუმრეთო. აუვსეს ერთი ხურჯინი თვალ-მარგალიტით, ისე რომ ძლიესლა სძრავდა და გაისტუმრეს. გლეხმა თავის სახლში მიიტანა ეს სიმდიდრე და თავის ცოლს უთხრა, ამ სიმდიდრის ნახევარი გველს უნდა მიუტანოო. გლეხის ცოლი უფრო გადირია ამოდენა თვალ-მარგალიტის დანახვით და დაუწყო თავის ქმარს ჩხუბი, გველს რად უნდა სიმდიდრე, მე აქედან ერთ მარცვალსაც არ გაგატანო. ძალს გლეხი და ძალს იმის ცოლი. ცოლმა სძლია და არაფერი არ მიაცემინა გველისათვის. დარჩათ ამათ უთვალავი დოვლათი.

მართლაც, როგორც გლეხმა უთხრა ხელმწიფეს, ისე მოხდა. ხალხი უკმაყოფილო იყო ხელმწიფესი. ფიქრობდნენ მის ჩამოგდებას. ზოგი ხელმწიფეს მიემხრო, დაიწყო ხალხის მღელვარება. ხალხი ერთმანეთს ჰგლეჯდა. დასუსტდა, დაი-

192

ღალა ხალხი და ისევ თავისთავადვე დაწყნარდნენ და დაემორჩილნენ ხელმწიფეს.

გავიდა ხანი და ხელმწიფეს შესამედ კიდევ ესიზმრა საოცარი სიზმარი. მაშინვე გლეხი დაიბარა. ბევრი იღარდა, ბევრი იწუხა, ბევრი თავში იცა გლეხმა, ბევრი ეჩხუბა თავის ცოლს: ეხლა რაღა მეშველება, ორჯელ მოვატყუილე გველი და რაღა პირით უნდა შევხედო, უსათუოდ შემკამსო. მაინც რაღა იქნებოდა, ადგა, ჩაიცვა ძველი ტანისამოსი, აიღო წალდი და გასწია გველისაკენ. შევიდა ტყეში, იპოვნა გამბმარი კუნელი და ასწია წალდი მოსაქრელად. ამ დროს გამოცურდა გველი და დაუწყო გლეხს მუქარა და ლანძღვა. გლეხმა დიდი ბოდიში მოიხადა და დაჰპირდა, რომ თუ ეხლაც დაარიგებს და ასწავლის ხელმწიფეს რა უთხრას, რასაც საჩუქარს მიიღებს, პირდაპირ აქ მოიტანს და სულ იმას მისცემს. კარგო, უთხრა გველმა, თუ ეხლაც მომატყუე, ცუდ დღეს დაგაყრიო. ხელმწიფეს უთხარი: შენს თავზე ლამაზი ბატკანი გინახავს ჩამოკიდებული, ეს იმას ნიშნავს—დამშვიდება შენი სახელმწიფო, ხიფათი აღარსაიდან არ მოგელის და სანამ ცოცხალი იქნები, ბედნიერად და წყნარად იცხოვრებთქო. წავიდა გლეხი ხელმწიფესთან. სასახლეში სიხარულით დახვდნენ. შეიყვანეს ხელმწიფესთან და უთხრა ყველაფერი, რაც გველმა ასწავლა. გადაეხვია ხელმწიფე, გადაჰკოცხა და უთხრა: ამის შემდეგ შენ ჩემი პირველი მეგობარი იქნები. უბრძანა მხლებლებს: რაც ძვირფასი თვლები მაქვს ჩემს ხაზინაში, ხურჯინი აუფსეთო. გლეხმა ეს ამოდენა ძვირფასი თვალის პირდაპირ გველთან წაიღო. მაგრამ არც ცოლი იყო დამშვიდებული, ეწინოდა საჩუქარი გველს არ წაუღოსო და გზაში დახვდა. მოუვიდათ ჩხუბი და ძიძგილაობა ცოლსა და ქმარსა, ცოლი შინისკენ იზიდავდა ხურჯინს, გლეხი—გველისკენ. ბევრი ეხვეწა ქმარი და რომ ვერაფერს გახდა, მისდგა თავის იფნის სახრით და იმდენი სცემა ცოლს, სანამ თითონვე ხვეწნა არ დაუწყო: ოღონდ ნუ მომკლავ ცემით და ვისაც გინდა წაუღეო. მიუტანა გველს საჩუქარი. გველმა მადლობა გადაუხადა და უთხრა: მე ეგ საჩუქარი არ მინდა, წაიღე და ჩემს მაგივრად შენ გასახრულ ცოლს მიართვი და ბედნიერად იცხოვრეთო. წამოიღო ეს ძვირფასი საჩუქარი, მოიტანა შინ და დაიწყეს მშვიდობიანი და ბედნიერი ცხოვრება.

ერთ ქვეყანაში იყო ერთი ხელმწიფე. იმის სახელმწიფო-ში ვინც ცოლს შეირთავდა, პირველ ღამეს ამ ხელმწიფისათვის უნდა უსათუოდ მიეყვანათ. ერთი ახალგაზრდა, თამამი და თავმომწონე ყმაწვილი ცოლს ირთავდა. სთქვა, რაღად მინდა ჩემი სიცოცხლე თუ ზემი საცოლე ხელმწიფეს დაუწვი-ნეო. მივიდა სასახლეში, წარდგა მეფის წინაშე და მოახსენა: დიდებულო ხელმწიფე! ერთს კაცს ერთი ბატკანი ჰყავდა, მეორეს კი ათასი ცხვარი. ათასის ბატრონს მოუვიდა სტუმარი, საწყალს წაართვა ის ერთი ბატკანი, დაკლა და იმითი გაუმასპინძლდა სტუმარს. ეხლა გთხოვთ მიბრძანოთ: როგორ უნდა დაისაჯოს ასეთი კაცი?

— უნდა გასკდეს დედამიწა და შიგ ჩაიტანოს ასეთი კაცი,— ბრძანა მეფემ. ამისი თქმა იყო და მართლა გასკდა დედამიწა და მეფე შიგ ჩაიტანა. იქიდან ამოიძახა: საწერ-კალამი და ქალღმერთი მომწოდეთო. მიაწოდეს საწერ-კალამი და ქალღმერთი. იქ დაიწყო სინანულის ფსალმუნების წერა. რამდენ კანონსაც დასწერდა, იმდენი ზევით-ზევით ამოდი-ოდა. როდესაც დაასრულა კანონების წერა, სულ დედამიწის პირზე ამოვიდა და მიწამაც პირი შეჰკრა.

შენიშვნები

ამ მასალის შემკრებს, გიორგი ნათაძეს, როგორც წინასიტყვაობაშია აღნიშნული, ხალხური სიტყვიერების ნიმუშების შეკრება უწარმოებია იმ დროს, როცა იგი საქართველოს სხვადასხვა კუთხეებში მსახურობდა ამ ორმოცი-ორმოცდაათი წლის წინ. დიდი ნაწილი ამ მასალისა თვით მას მოუსმენია და ჩაუწერია, ნაწილისთვისაც კორესპონდენტები ჰყოლია. ჩაწერილ-შეკრებილი მასალა ზოგან ტერიტორიალური ნიშნით არის გაერთიებული (ხევსურული, გუდამაყრული, ქსნის ხეობისა). შემკრებ-ჩამწერი, სამწუხაროდ, ყველგან არ ასახელებს არც მოსმენა-ჩაწერის ადგილს, არც მთქმელისა და არც მასალის ფიქსირების დროს.

შენიშვნებში თავი მოეუყარეთ ყოველგვარ ცნობას, რომელიც შეიძლება იყოს ამოკრებილი მასალათა რვეულებიდან. ეს ცნობები ეხება ტექსტების სადაურობასა და მთქმელ-გამომგონებელს.

ნიკო სიჯინაშვილის (წიკლაური) მიერ ჩაწერილია გუდამაყარში: 1, 3, 77, 79, 158 და 224.

მარო ლომიას-ას. წიკლაური-ქენქაძის მიერ ფშავში, სოფ. მალაროსკარში ჩაწერილია: 8, 9, 13, 46—52, 81, 86, 149, 150, 161, 167, 214, 215, 221, 222 და 249.

კაკეკეში (ახლა ძაუჯიკაუ) მცხოვრები ფშავ კრელო მოლოდინაშვილისგან ჩაწერილია: 25—27, 31, 85, 87, 128 და 148. კრელო მოლოდინაშვილი საკუთარ ლექსთა გამომთქმელიც ყოფილა. მაგ. № 148-ს უწერია: გამომთქმელი კრელო მოლოდინაშვილის მიერო. იგი ვაჟა-ფშაველას ტოლი და ანხანაგი ყოფილა, დაბადებული სოფ. ჩარგალში. გიორგი ნათაძეს მისგან ჩაუწერია მოგონებები ვაჟას შესახებ, რაც კრელოსგან მოწოდებული ლექსებისთვის შენიშვნებში სახით დაურთავს.

შემკრების მიერ ფშავში გაგონილი და ჩაწერილია: 11, 12, 30, 35, 69, 82, 88, 89, 102, 116, 117, 242 და 252. ამთგან № 82 ჩაწერილია დარო ნაკვეთაურისგან.

თუშეთში გაგონილი და ჩაწერილია: 6, 7, 34, 36, 38, 40, 45, 83, 106, 152 და 155—157.

ქსნის ხეობაზე გაგონილი და ჩაწერილია: 14, 55, 84, 118, 119, 169, 171, 180, 181, 184, 185, 195, 198, 200—209, 235, 241, 247, 248, 253 და 254. ამ მასალასთან ერთად გ. ნათაძეს ჩაუწერია სხვადასხვა ხასიათის ეთნოგრაფიული ცნობებიც, აღწერილი აქვს ლომისობა, სამებობა (ოქროსკარიანისა) და სხვა. აქვეა ჩაწერილი მრავალი ანდაზა-გამოცანა, შელოცვები, თქმულებანი და სხვ.

ხევსურეთში გაგონილი და ჩაწერილია: 17—19, 33, 71, 163—165, 196 და 236.

არაგვის ხეობაზე ჩაწერილია: 20, 32, 105 და 255.

გუდამაყარში ჩაწერილია: 29.

კახეთში ჩაწერილია: 68.

ქართლში, უმთავრესად მუხრანის მიდამოებში, ჩაწერილია: 90, 92—98, 127, 129, 132, 134—136 და 251. ქართლური მასალა ძლიერ ბევრია გ. ნათაძის რეეულეებში, მაგრამ, რადგან დიდი ნაწილი სხვადასხვა დროს არის გამოქვეყნებული სხვადასხვა კრებულებში, ამიტომ ამ კრებულში აღარ შევიდა. ქართლურ მასალებშიც ბევრია ანდაზა-გამოცანები, შელოცვები, თამაშობანი, ძველ სადღესასწაულო ჩვეულებათა აღწერანი და სხვა.

მოხევეთაგან გაგონილია: 103, 104, 108 და 220.

ოღლა იოსების-ას. ინაშვილისაგან ჩაწერილია სოფ. ქაისხევში: 260—263 და 265.

ჩაწერილი დუშეთში ნიკო არაქელოვისაგან: 269—272.

დანარჩენი ნომრები ჩაწერილია შემკრების მიერ მთქმელისა და ადგილის აღუნიშნავად: 2, 4, 5, 10, 15, 16, 21—24, 28, 37, 39, 41—44, 53, 54, 56—67, 70, 72—76, 78, 80, 91, 99—101, 107, 109—115, 120—126, 130, 131, 133, 137—147, 151, 153, 154, 159, 160, 162, 168, 170, 172—179, 182, 183, 186—194, 197, 199, 210—213, 216—219, 223, 225—234, 237—240, 243—246, 250, 256—259, 266—268 და 273.

ს. ს.

ს ა რ ჩ ე ვ ი

| | |
|--------------------------------|-------|
| შემკრებისაგან | . III |
| წინასიტყვაობა—(ს. ხუციშვილისა) | . V |

საგმირო-საეაქაციონი

| | |
|----------------------------------|----|
| 1. ამირანი | 1 |
| 2. მიაზბე, ციხის ნაშალო | 1 |
| 3. მეცხვარის ლექსი | 5 |
| 4. ითიურიძე | 6 |
| 5. შატილს მოვიდა ზოზობა . | 7 |
| 6. მალლიათ მოვლენ ღრუბელნი | 9 |
| 7. გმირები | 9 |
| 8. ფშავლებისა და ქისტების ბრძოლა | 10 |
| 9. ფშავლის და ვეფხვის ბრძოლა | 12 |
| 10. ვაქაკი | 13 |
| 11. დევები და იახსარი | 14 |
| 12. ხვედია გუდამაყრელი | 14 |
| 13. მიხას სიკვდილი . . . | 15 |
| 14. გორგიშვილის გმირობა | 17 |

ი ს ტ ო რ ი უ ლ ი

| | |
|---------------------------|----|
| 15. ერეკლე | 18 |
| 16. ალექსანდრე | 18 |
| 17. ომალხანი | 19 |
| 18. კაცი მოლალა ბატონმა | 19 |
| 19. ხვალი კრის | 20 |
| 20. შანშე ერისთავი | 21 |
| 21. სოლომანის ლექსი . . . | 21 |

ბატონყმობაზე და ხელისუფლების წარმომადგენლებზე

| | |
|------------------------------|----|
| 22. მე პატარა დავიბადე . . . | 23 |
| 23. მოხელე იმისთვის გვინდა | 23 |
| 24. ცოდვის მქნელნი | 24 |
| 25. ველ-კეთილ ამოვიარე | 25 |
| 26. ბლაკიაური ბაბოს ლექსი | 26 |
| 27. მოხუცის დარდი | 26 |
| 28. გუბეცკის ციხე | 27 |
| 29. როსტია ჩობოლაური | 28 |

საღდათობაზე და ომზე

| | |
|---------------------------------|----|
| 30. ჯარში მიმავალი | 29 |
| 31. საღდათის ლექსი . | 30 |
| 32. საღდათის ნათქვამი | 31 |
| 33. ხეესური ომში | 31 |
| 34. ათას ცხრაას თოთხმეტ წელში . | 34 |
| 35. რუსებისა და თურქების ომი | 35 |

ს ა ტ რ ფ ი ა ლ ო ნ ი

| | |
|---------------------------------|----|
| 36. აბესალომ და ეთერი | 36 |
| 37. ძლიერი სიყვარული | 40 |
| 38. ჩამოიხოშნეს ვარსკვლავნი | 41 |
| 39. მიყვარხარ | 41 |
| 40. შენ, ჩემო დიდო იმედო | 41 |
| 41. ყოჩალი გოგო | 42 |
| 42. ანბანზე | 42 |
| 43. ქალო, მითხარ | 43 |
| 44. სიცილი ელვას მიგიგავს | 43 |
| 45. თვალჭრელო | 43 |
| 46. გაეხედე | 44 |
| 47. უკვდავებისა წყარო ხარ | 45 |
| 48. ფშაური წაწლობა | 45 |
| 49. ჩონქარა . | 46 |
| 50. ძალიან კარგი ყოფილა | 47 |
| 51. ნეტავი შენა, მთვარეო | 47 |
| 52. ა ი მთასა | 48 |
| 53. შემოგხედავ ლერწამს ჰვევხარ | 48 |
| 54. ავადულე მარგალიტი . | 48 |
| 55. პირად მზე და პირად მთვარე | 49 |
| 56. შენ რომ წიგნი მოგეწერნა | 49 |
| 57. ცალგნით ცანი და ქვეყანა | 49 |
| 58. ანა ხარ ბროლი | 49 |
| 59. შემოგხედავ, ნხეს გამგზავსებ | 50 |
| 60. კიტრი დაეთესე ოქროსი | 50 |
| 61. ნატერა | 50 |
| 62. მალლა მთის მონადირე ხარ | 50 |
| 63. ქალო, ამ ქალაქ ლამესა | 51 |
| 64. აქ მოდი და აქა მნახე | 51 |
| 65. ობოლი | 51 |
| 66. გოგოვ, შენი სიყვარული . . . | 51 |
| 67. თუ მკითხავ, ამბოვს გიამბობ | 52 |
| 68. საყვარელო | 52 |

| | |
|----------------------------|----|
| 69. შეგხედე ჩამოხვიდოდი . | 53 |
| 70. მოგწყინდა, თამარ ქალაო | 53 |
| 71. კებოსას ჩამოვიარე . | 53 |
| 72. მამუკას ქალი | 54 |

გლეხობისა და ოჯახურ ყოფაზე

| | |
|-----------------------------------|----|
| 73. გლეხის ჩივილი | 55 |
| 74. მოკვდა კამეჩი | 55 |
| 75. გორის სანახავად წაველ | 56 |
| 76. გადმოვიდა რუსის ჯარი | 56 |
| 77. გაგას ლექსი . | 56 |
| 78. რატომ არა სკამ | 57 |
| 79. სეტყვა . | 57 |
| 80. ბეჩავი | 58 |
| 81. საწყალ გლეხ-კაცის შვილი | 58 |
| 82. მოშორდა შავი ღრუბელი | 58 |
| 83. ოხერო წუთისოფელო | 59 |
| 84. თვეებზე . . | 60 |
| 85. ფშაველების კამათი | 62 |
| 86. ხინჯალაის ცოლი | 63 |
| 87. ბოლიოური ბუმბუტას ლექსი | 64 |
| 88. ფშაველის ქალის ტირილი | 64 |
| 89. ვაჰ, დედაშენს, ჩემო თაო . . . | 64 |
| 90. რძალ-დედამთილი . | 65 |
| 91. დედის ამაგი | 65 |
| 92. კარგი რძალი | 66 |
| 93. ძმა რომ ძმას არ გაეყრება | 66 |
| 94. იქით მთასა და აქეთ მთას | 66 |
| 95. ავი პატარძალი | 66 |
| 96. აბეზარი კაცი | 67 |
| 97. საწყალო, შენმა სიდედრმა . | 67 |
| 98. როგორი პატარძალი უნდა | 67 |
| 99. ქალო, რისთვის გიხარიან . | 68 |
| 100. ერთი ენია ვითხოვე | 68 |
| 101. ცოლი თუ წაწალი | 69 |

სიკვდილზე და ნუთისოფელზე

| | |
|--------------------------|----|
| 102. დობილის სიკვდილი | 70 |
| 103. სიკვდილის პირას . | 70 |
| 104. აცა, მოიცა, მიწაო | 71 |
| 105. ფასანაურის შვილი | 71 |
| 106. ტბათანას ჩამონგრევა | 71 |

| | |
|------------------------------|----|
| 107. ყორნების ზნე | 72 |
| 108. შინში მაჩვენეს თვალითა | 72 |
| 109. წუთისოფელი | 73 |
| 110. წუთისოფელმა დღე ჩემი | 73 |
| 111. დავეხსნათ ჭორის კრებასა | 73 |
| 112. რად გინდა . . | 74 |
| 113. ადამიანის ქონება | 74 |
| 114. სიკვდილის ზნე | 74 |
| 115. სოფელს რა მხარეც უნახე | 74 |

ხურობა გალ ექსებანი

| | |
|--------------------------------------|----|
| 116. ფშელის ჯორი | 75 |
| 117. თაგვების ხელმწიფე | 76 |
| 118. ქსნის ხევის სოფლები | 77 |
| 119. ანდრია ზუმბალაშვილი | 78 |
| 120. ქართლში შესანიშნავი სად რა იცის | 79 |
| 121. მივიარე მოვიარე . | 81 |
| 122. ნათლიდემ დამპატივა | 81 |
| 123. ბებერი | 81 |
| 124. ღრუბლები მიდი-მოდიან | 82 |
| 125. ქემხიანთ ქორწილი | 82 |
| 126. მატნელი ბიკი | 82 |

ხ ე ა დ ა ს ხ ე ა ნ ი

| | |
|----------------------------------|----|
| 127. ელია | 83 |
| 128. სოლომონ ბრძენი და კუნძულელი | 84 |
| 129. მე რომ დედაჩემს გაუჩნდი | 87 |
| 130. ტერტერას დახვედრა | 88 |
| 131. მღვდელი და დიაკვანი | 88 |
| 132. მესტვირული | 89 |
| 133. დალოცვა ქორწილის დროს | 89 |
| 134. სადღეგრძელო | 90 |
| 135. დალოცვა | 90 |
| 136. დალოცვა | 91 |
| 137. უფალმა ღმერთმა | 91 |
| 138. სუფრავ გაშლილო | 92 |
| 139. მასპინძელი | 92 |
| 140. დალოცვა | 92 |
| 141. გაცოცხლოს და გადღეგრძელოს | 92 |
| 142. ოჯახის დალოცვა | 93 |
| 143. სანახავად ლამაზია | 93 |
| 144. ზომიერი სმა | 93 |
| 145. სურვილისა კოშკი მედგა | 93 |

| | |
|-----------------------------------|-----|
| 146. მახარობელი | 94 |
| 147. ძმის დალოცვა | 94 |
| 148. ახალთაობას | 94 |
| 149. ბებერი მონადირე | 94 |
| 150. თოვლი თოვს | 95 |
| 151. ამ სოფელსა სამი ვთხოვე | 95 |
| 152. ლეინო კი მათრობელა სჯობს | 95 |
| 153. ვაგი ვიყავ | 95 |
| 154. ვერიცანა | 96 |
| 155. აიმა მთასა | 96 |
| 156. ხმალმა თქვა | 96 |
| 157. ხვესურო, ხმალი გალაღებს | 96 |
| 158. ლეგას ლექსი | 96 |
| 159. (ვაჟაკო გულადო, მარდო) | 97 |
| 160. (ხმალო, ფრანგისა ნაჭედო) | 97 |
| 161. (ფშავი ხარ, ბიჭათ ვარგინარ) | 97 |
| 162. (კარგ ყმასა ჰმურობს სოფელი) | 97 |
| 163. (ნადირი, მენადირეო) | 98 |
| 164. (ვინც იცნობს ჩვენთა სოფელთა) | 98 |
| 165. (კა ყმა არ უნდა სოფელთა) | 98 |
| 166. (შაუპატიეფთ კას ყმასა) | 98 |
| 167. (ხუმარამა დათვი მოკლა) | 98 |
| 168. (ტარში ლეკმა დაიკეფხა) | 98 |
| 169. (ქსნელი ბიჭისა კირიმე) | 99 |
| 170. (აზნაურობა რა არის?) | 99 |
| 171. (საამწყერაოთ კვარხეთი სჯობს) | 99 |
| 172. (ორშაბათობით დაფთესე) | 99 |
| 173. (ნეტავი ბებერი ძმისასა) | 99 |
| 174. (ბეჩაეო, მამასახლისო) | 99 |
| 175. (აზნაურობა მიყვარდა) | 100 |
| 176. (რად შიტევე, მამასახლისო) | 100 |
| 177. (შემოუარე, გამოვა) | 100 |
| 178. (სახნის, საკვეთი, ჯამბარა) | 100 |
| 179. (მოჯამაგირის უღლუფა) | 100 |
| 180. (შაშვი, ნაწრეტი რათ გინდა) | 101 |
| 181. (სილარიბე, დაწყველილი) | 101 |
| 182. (მანამდის ღმერთმა გაცოცხლოს) | 101 |
| 183. (სახლო, ღმერთმა აგაშენოს) | 101 |
| 184. (ერწოს იყიელა მამალმა) | 101 |
| 185. (გადაგიბტი, გადმოგიბტი) | 101 |
| 186. (ნეტავ. ქალო, შენმა კმარმა) | 102 |
| 187. (მზე წავიდა ბუღისაკენ) | 102 |
| 188. (გოგოვ, ისე ლამაზი ხარ) | 102 |
| 189. (ქალმა რომ კოკა აავსო) | 102 |

| | |
|------------------------------------|-------|
| 190. (გოგომ რომ ვაშლი შესროლა) | . 102 |
| 191. (ქალები დაგროვებულან) . | . 102 |
| 192. (კაცსა ლეთისა გაჩენილსა) | . 103 |
| 193. (ქალო, შენმა სიყვარულმა) | . 103 |
| 194. (მინდორთა მაშვენებელო) | . 103 |
| 195. (ეს სოფელი მისთვის მინდა) | . 103 |
| 196. (ქალ-ვაჟთა მღოშიარეთა) | . 103 |
| 197. (საიდან მოხეალ შენ, ქალო) | . 103 |
| 198. (ქალო, შენსა სიყვარულსა) | . 104 |
| 199. (ქალო ავშავო, თვალშავო) | . 104 |
| 200. (მინდორს კოშკი ავაშენე) | . 104 |
| 201. (გაზაფხულისა პირზედა) | . 104 |
| 202. (იარე, ქალო, წავიდეთ) | . 104 |
| 203. (ლამაზო ქალო, შენ იცი) | . 104 |
| 204. (შენი კირიმე, დედაო) | . 105 |
| 205. (ვერა ხილი ვერ სჯობიან) | . 105 |
| 206. (ბიჭო, შენსა ბიჭობასა) | . 105 |
| 207. (სურვილისა ვაშლი მედგა) | . 105 |
| 208. (ქალმა ჩიქილის ქნევითა) | . 105 |
| 209. (აგრე არ უნდა შენ, ბიჭო) | . 105 |
| 210. (დილით ადგები მზიანსა) | . 106 |
| 211. (გემდური, ჩემო დედილო) | . 106 |
| 212. (რა ქნას რომ არა სტიროდეს) | . 106 |
| 213. (ყმა გავლილ-გამოვლილი სჯობს) | . 106 |
| 214. (მალალ მალალსა მთახედა) | . 106 |
| 215. (დაგლეე მალალ მთის წყაროვო) | . 106 |
| 216. (მოდო, ვილხინოთ ყველამა) | . 107 |
| 217. (ერთი ვარ, ერთხელ მოვკდები) | . 107 |
| 218. (შაიყრებიან ყორნები) | . 107 |
| 219. (ყველა ფრინველი ხეზე ზის) | . 107 |
| 220. (მთვარეე, გამცილდი, ტიალო) | . 107 |
| 221. (მშვიდობით, ჩენო სამშობლოე) | . 107 |
| 222. (ონერო წუთისოფელო) | . 108 |
| 223. (გასათხოვარი ქალის სიკვიდილი) | . 108 |
| 224. (გულდამაყრელი ჩიოდა) | . 108 |
| 225. (ჩემს მტერსაც დაულამდება) | . 108 |
| 226. (შენ გატიალდი, ხამთარო) | . 108 |
| 227. (დატრიალდი მოგიხდება) | . 109 |
| 228. (წყალში მოდის ორაგული) | . 109 |
| 229. (პატარძალო პატარაო) | . 109 |
| 230. (შენ, ბიჭო, ისე გგონია) | . 109 |
| 231. (ხშირად ლექსებს მოგახსენებ) | . 109 |
| 232. (ბიჭო, შენც ხომ კარგად იცი) | . 109 |
| 233. (ტატუნაშვილი ზაქარა) | . 110 |

| | |
|---------------------------------|-------|
| 234. (ეგ ოხერი ჩვენი მღვდელი) | . 110 |
| 235. (დავლით ღვინო, დავლით) | . 110 |
| 236. (ბერო, სიბერეს ნუ სჩივი) | 110 |
| 237. (ტყეში დაუდე ურემი) . | . 110 |
| 238. (მკედელი, განა რკინისა) . | 111 |
| 239. (მთიული ქალი რათ ვარგა) | . 111 |
| 240. (მძაგს ქათამი ნაკრუხალი) | 111 |
| 241. (—უსანეთობას წამოვალ) . | . 111 |
| 242. (—ჩემ ცოლის დამ დაგიწუნა,) | . 111 |
| 243. (ამისი ავი კაცი ვარ) . . . | . 112 |
| 244. (ადე, ირემო, რას გძინავს) | . 112 |
| 245. (დოვლათიანი ირემი) . | . 112 |
| 246. (ანანურს—ციხე მაღალი) | . 112 |
| 247. ატირდა ყვავი . . . | . 113 |
| 248. ორშაბათ დილა გათენდა | . 113 |
| 249. პირქუში მოყმე | . 114 |
| 250. ტახთან შებმა . | 114 |
| 251. კომში . | . 115 |
| 252. ალახანი | . 115 |
| 253. ლეხურა | . 116 |
| 254. ქსანი | . 116 |
| 255. არაგვი და მტკვარი | . 117 |

ზ ლ ა კ რ ე ბ ი

| | |
|--------------------------------------------|-------|
| 256. ვინც საქვე გააკეთა, პურიც იმანა კამოს | . 119 |
| 257. მთხოვარა | . 122 |
| 258. ფრინველთ ხელმწიფე | . 127 |
| 259. ტარიელი და ნესტან-დარეჯანი | . 130 |
| 260. ნასყიდა | 134 |
| 261. ქაჩალა . . | . 137 |
| 262. სიხმარა | . 138 |
| 263. სოლომონ ბრძენი და სოვდაგარი | 142 |
| 264. გრძნეული დები | . 145 |
| 265. ხელმწიფის შვილი და ოქრომკედელი | . 149 |
| 266. ბებერი დედაკაცი | . 153 |
| 267. აეთანდილი და ყარაბოლლი | . 156 |
| 268. ორი ძმა | . 165 |
| 269. მენახირის შვილი | . 170 |
| 270. გოგრა შვილი . | 180 |
| 271. დიაკვანი | . 186 |
| 272. ხელმწიფე, გლეხი და გველი | . 189 |
| 273. დავით მეფეზე | . 194 |
| შენიშვნები | . 195 |

Народные песни и сказки

Собранные Г. Патадзе

(На грузинском языке)

Изд-во „Свобода и правда“

10 Тбилиси 50

* *

რედაქტორი ს. ხუციშვილი

* *

ხელმოწერილია დასაბეჭდათ 10.3 1950 წ.,

საგამომცემლო სააღრიცხვო ფ. 11,25

წიგნის ღირება 5,5X9¼ ტირაჟი 7000.

შეკვეთის № 1021

უფ 01774

* *

გამ-ბა „საბჭოთა მწერალი“-ს სტამბა,

თბილისი, პლენხანოვის, 181.